


**VITA
VENERABILIS
PATRIS NICOLAI
LANCICIJ È
SOCIETATE...**

Kazimierz Wijuk Kojalowicz,
Bohuslav Alois Balbin





1706

M

X 1 C 118 f. m

VITA
VENERABILIS
PATRIS
NICOLAI
LANCICII

è SOCIETATE JESU,

Compendiosius scripta, primum

A
R. P. Casimiro Wijuk Kojalowicz

Soc: JESU, SS. Theol: Doctore;

Nunc verò

Curis secundis re-visa, denuò conscripta,


& claritatis gratiâ, certis Capitibus divisa,

ac plùs quàm dimidiâ parte aucta,

à R. P. BOHUSLAO BALBINO

Soc. JESU Sacerdote.

Cum Gratia & Privilegio Sac. Caf. Majest.



PRAGÆ, Typis Universitatis Caroli Ferd. in Collegio


Soc. JESU ad S. Clementem,

per Joannem Casparum Muxel, Anno M. DC. XC.





VEN: P. NICOLAUS LANCICIUS
Sanctissimi Sacramenti Cultor Eximius



De Vita, Rebúsque gestis

VENERABILIS PATRIS

NICOLAI LANCICII

SOCIETATIS JESU.

LIBER PRIMUS.

CAPUT I.

*Genus, ortus, & prima edu-
catio.*



NICOLAUM LANCICIUM

ex Nobili apud Polonos familia
oriundum, *Litwania* nascentem
vidit: natus est An. Salutis 1574.
die 10. Decembris, Feriâ 6. quæ
patientis Christi memoriæ in Ec-

clesia consecratur; alieno natus est non in paterno
solo, ante Vilnam in loco ignobili; cujus rei hæc
causa fuit. Pauculis antè annis *Polona* Nobilitas

tum peregrinationibus *Germanicis, Gallicis, Anglicis*, tum Scholis Hæreticorum *Lipsiæ, Heidelbergæ, Wittenbergæ*, tum etiam *Genevæ* alloquijs virulentissimis *Bezæ* corrupta, novitatem Religionis amare cæperat, & partem libertatis putabat, posse, quod vellet, credere; & posse perire; hinc advocati complures hæreseos Magistri, qui, cum aliunde pellerentur, apud Polonos pro libertate Gentis, fidam stationem inveniebant, ut narrat *Florimundus Remondus in LL. de Orig. & Progres. Hæres.* Ex *Litvanis* Proceribus Nobilissimus Vir *Radziivilus*, antiquâ Majorum Religione, velut anili explosâ, calvam & sinè ritibus Calvinii fidem toto animo sectabatur; neque contentus suo unius errore, hæresim corroborare, etiam quâ posset ope augere decreverat. Circa eum multâ *Ministellorum* turba, multæ Hæreticorum Clientelæ, qui se Principis similes præstare conabantur, adeò ut Academiam quandam ex ijs conficeret. Typum præcipuè comparandum sibi duxit, unde libelli in reliquam *Litvaniam & Poloniam* novis erroribus scatentes disseminarentur. Circumspiciens, cui seminarium novum, quod excitârat, cum Autoritate regendum committeret, ex *Polonia* Doninum *Lenczycki*, nostri *NICOLAI Patrem*, ejusdem superstitionis Societate conciliatum, promissis magnificis evocavit, qui his spebus illectus *Poloniam* deseruit, & cum omnibus suis in *Litvaniam* se

P R Æ F A T I O AD LECTOREM.

Optabile fuerat , ut de Vita
P. NICOLAI LANCICII
scribendâ citiùs cogitâssent ij. ad quos Vir
ille præcipuè pertinebat. Verùm cùm ab
ipsis cura hæc alijs relicta sit, nè suum vir-
tuti præconium desit , ego sinè penna &
sinè ullo manuum auxilio (quippe apople-
xiâ prostratus) rem aggredior ; ac fortè
vel ob hanc causam gratia mihi vitæ fa-
cta est , quòd in extremo vitæ periculo
vitam hanc me scripturum ad DEI glo-
riam promisi. Quod tam candidè &
veraciter præstiturum me polliceor , ut in
singula testes oculatos , & omni exceptio-
ne majores dare possim. Si his aliquan-
do caruero , famam faciam Authorem ;
in plerisque conscientiam animi mei inter-

ponam, ut qui cum Venerabili Patre familiariter pluribus sim versatus annis; ut ferè nihil illustre eo tempore in Provincia Bohemiæ Senex optimus gesserit, quod mihi occultum esse voluisset. Porro totam hanc tractationem meam in tres dividam Libros: Primus Liber cursum vitæ præcipua negotia, officia, denique res gestas historicè & ordine temporum continebit: Alter virtutes in excelso gradu acquisitas exemplis luculentissimis ostendet; Tertius beneficia & gratias, quibus animam ejus exornavit Divinitas, quædam etiam miraculis simillima prosequetur. Omnia ad DEI gloriam, & posterorum imitationem; quo in opere sanctè testor: decreto SS. D. N. URBANI me parère velle, & nihil nisi fidem humanam exposcere, quæ nimirum Historico non indiligenti debetur.

De

LIBER I. CAPUT II.

& gemmas habendas, quæ ex mensa magni *Patris-familias* cadant, & ex infinito in genus humanum amore proficisci; proinde gratos nos esse oportere vel agnoscendo; quam agnitionem sæpe DEUS pro gratiarum actione suscipiat, cùm beneficium reddere, nostra illi non possit tenuitas.

CAPUT II.

Educatio Nicolai apud Hæreticos, & hæreseos tuendæ studium.

AT longè majora sinè dubio animæ, quàm corporis pericula haberi debent. *NICOLAUS* à Nutrice, Matriona *Catholica*, manu missus, continuò à Patre Sectæ *Calvinianæ* Ministris erudiendus committitur; ij uno propè labore *Grammaticam*, & suæ fidei impura dogmata tam altè Adolescentis animo impresserunt, & inusserunt, ut propè doctior *Calvinianus* quàm *Grammaticus*, haberetur. Quotidianum tum erat certamen *Collegio Societatis JESU Vilnensi* cum Ministris de Religione, in scholis, in templis, in foris, & compitis disputabatur; præcipui avitæ Religionis defensores è Patribus *Petrus Skarga*, *Joannes Lencrevitius*, & Pater *Valentinus Fabricius* habebantur. Aderat semper puer Nicolaus, & pro Magistris suis affectu & favore, cùm aliter ad-

adhuc nesciret, pugnabat. Instituta fortè fuit celebris cum Hæreticis disputatio, præsentè *Georgio Radziivilio Cardinale*, & *Episcopo Vilnensi*, cujus æternum de re *Christiana* meritum prædicatur, quòd ejus ope *Litvania*, hæresi corrupta non sit, sed in veteri Religione conservata. Disputatione illâ fracti utcunque Hæreticorum animi, mitiores, & modestiores evaserunt; at *Nicolaus* noster, qui intererat, totam hanc victoriam literis Græcis, & Hebraicis, tribuebat, quòd nimirum sacrarum literarum textus sæpiùs hisce lingvis adducerentur; credebat Patres nostros ob illarum lingvarum peritiam vicissè: Itaque postquàm domum redijt, nihil habuit antiquius, quàm *Grammaticam* Hebræam perdiscere; quo pertinaci studio tantum profecit, ut brevissimo tempore jam legere, scribere, quædam etiam intelligere posset. Ubi progressu temporis Hebræam commodè percepisset, ad Græcam animum appulit, & lectione continuâ librorum Hebraicorum & Græcorum tantum profecit, ut inter æquales suos doctissimus haberetur; idque potissimùm faciebat, ut nostrorum Patrum disputationes, & vim argumentorum, & sententiarum elidere posset; hoc unicum telum esse existimans, quò *Secta Calviniana* peteretur à nostris. Mirabantur Patres nostri generosam Adolescentis indolem, & omni conatu in retia *Christi* compellere *NICOLAUM* studebant; cùmque id tardè ob

se transtulit. Neque fefellit hominem sua spes, nam & Seminario & libris typo mandandis *Vilna* præfectus est, & non ità procul *Nesvisio* bonis quibusdam locupletatus. Hæc, ut modò dixi, Parentibus causa proficiscendi fuit. *Natus NICOLAUS* noster ante *Vilnam*, ut dixi, ibique cum Matre subsistere coactus, singulari DEI beneficio, cum inveniri Popa hæreticus non posset, à Catholico Sacerdote, Catholico ritu sacris ablutus est aquis. Accessit beneficio cœlesti nutrix *Catholica*, quæ cum lacte pietatem, & virtutem instillaret. Rem ipso *Patre NICOLAO* narrante miram didici: cum optima Nutrix quinquennem *NICOLAUM* in *Vilnensem Divi Joannis Baptistæ Basilicam* (quæ eadem Academia Societatis Jesu communis est) deduxisset, & ante aram summam statuisset, Sacerdote Sacra faciente, & SS. Eucharistiam ad populi adorationem elevante subito puerulum maniculis compositis, & digitis pariatis, obortâ quadam cœlesti luce, primùm de genu, deinde toto corpore prorum, fronte etiam humo impactâ, ultrò, & scientem quid ageret, Divinam Majestatem cernuum adorâsse. Id *P. NICOLAUS* DEO gratias agendo, gratè nobis audientibus prædicabat, & primam actionem esse dicebat, quam cum ratione egisset; nihil certè antiquius, neque boni, neque mali abs se cogitatum, gestumque meminerat, ut si virorum sapientum sententia probe-

concioniones audire, dubia conferre, atque etiam in Academia nostra *Poëseos* scholam frequentare voluit, ut ex proximo perlustraret omnia. Neq; diu cœleste *Fidei* lumen in cor Adolescentis immittere tardavit DEUS, sed aliquando per otium de *Fide* cogitanti tantâ claritate *Religionis Catholicae* veritatem, & sanctitatem objecit, ut omnes priores de *Religione* controversiæ momentò evanescerent, & nihil dubij resideret, quo animus detineri posset. Ergo firmissimo proposito, nullo, neque *Magistro*, neque svasore impellente, solo, quod dicebam, cœlestis luminis ductu, statuit hæresim ejurare; quod primo quoque tempore perfecit, professione fidei in cœtu Nostrorum nuncupatâ. Invenio in Arcanis *P. NICOLAI* libellis A. 1590. generalem de omni vita sua confessionem instituisse, & primùm eodem anno die *S. Nicolai Episcopi* ad *SS. Eucharistiam* sumendam accessisse. Neque hîc divinus amor in *NICOLAUM*, qui ut mollissima cera digitum Spiritûs Sancti scribentis sequebatur, constitit, sed propè eâdem operâ, ad maximè ardua in vita hominum vota, Adolescentem incitavit, quorum altero omnem corporis voluptatem proscripsit; altero dulce libertatis bonum in pèrpetuam in Religione, sed gloriosam servitutem commutavit. Certo die ad votum prius præstandum præstituto, *Sacellum Divæ Virginis Vilnense* peractâ peccatorum confessione, & SS.

SS. Eucharistiâ præceptâ adiit, ubi ante aram genibus positus, postquam conscientiam, & testem voti sui *Divam Matrem* fecisset, conceptis verbis DEO castitatem perpetuam (quam abs se nunquam laxam esse meminerat) promisit. Id votum cælo gratum fuisse, cœlestia ejus virtutis conservandæ in omni reliqua vita auxilia ostenderunt, certè hoc votum majora inter beneficia gratissimus senex in libello beneficiorum agnoscit: *Gratias*, inquit, *tibi ago, ô DEUS, quòd me voto castitatis perpetua in Sacello Vilnensi B. Virginis adstrinxerim tibi.* Alterum votum, utpote difficilius longiore etiam tempore conceptum, & natum est. Ad *Societatis* Institutum amplectendum ferebatur ardentissimè, ut jam nihil cogitaret, quàm JESUM sequi, ætâsque illi deesse videretur, dum id, cujus desiderio flagrabat, perficeret. Et commodum *Vilnam R. P. Ludovicus Marsellus Provincialis* advenerat, quem ut sibi demereretur *NICOLAUS*, *Poëmation* quoddam, quo eum salutabat, & adventum gratulabatur, non vile ingenij sui specimen obtulit; simul propositum voluntatis suæ aperiens, DEO servire, totumque se ejus obsequio consecrare, testatus. Difficile ex insperato responsum retulit à Patre: non priùs ad Societatem accessum speraret, quàm Patrem propè Sexagenarium, à *Calvino* abductum, ad veram Ecclesiam adduceret. Ardua res visa est; at DEO fidens *NICO-*

volaticum Adolescentis ingenium procederet, id saltèm perficere nitebantur, ut Nostrorum colloquia non defugeret, & ad *Collegium* itaret, ubi humanissimè exceptus, ad *Catholicam* Fidem percipiendam bene comparatus evaderet. At interim obfirmaverat Adolescentis animum assidua librorum hæreticorum lectio, cum *Ministellis* quotidiana dubiorum, & dogmatum collatio, & inanis quædam gloriolæ cupiditas, cujus dulcedinem aliquam ex laudationibus aliorum percipiebat, ut sæpiùs coram Condiscipulis & Magistris juraret, *Calvini* placita vel sanguine profuso propugnaturum. Unde cùm rumore populari accepisset *Eminentissimum Cardinalem Radzivilum* facultatem à *Rege* obtinuisse, vi, ac tormentis in *Hæreticos* agendi, *NICOLAUS* ut se his minis nihil moveri palàm ostenderet, veste à collo reducta nudatus, multis horis publicè incessit, voluitque primus esse, in quem *Cardinalis* animadverteret. Mirum tamen multis visum est *Adolentem NICOLAUM*, qui tanto ardore *Calvini* placita tueretur, & pro ijs velut pro aris & focis pugnaret, nunquam nihilominus apud eos *Calvinisticam* cœnam sumpsisse, nec invitatum sæpius accedere voluisse, imò à Parentibus, & amicis præstituto die adigi ad eam non potuisse. Id maximi beneficii instar à DEO in se collati habuit *P. NICOLAUS*, quòd se ijs profanis sacris non contaminasset, & quotidie DEO

gra-

COLAUS conditionem accepit; qua ex re satis patuit, quantum *Provincialis* Adolescentis prudentiæ, pietati, & ingenio tribueret, qui ei Apostolicum munus, ante legitimam ætatem demandaret. Sed juvenis, cùm rei difficultatem anxius secum revolvit, ex ipsa forsitan sollicitudine in gravem incidit morbum, qui ad Patris animum molliendum viam aperuit, & consilia omnia feliciter expedit. Erat dies memoriæ Divi *Nicolai Antistitis* consecrata, quâ, ut mos in his Regionibus obtinuit, natalem diem gratulari solemus, eamque lætitiâ munere aliquo contestamur. Ergo Pater Filij lectulum accedens: *Si te*, inquit, *Nicolai filii, sanum haberem, ostendissem profectò, ut facile agnosceres, quantum te diligam, & quam gratus natalis mihi tuus advenerit; nunc, quia per tuam valetudinem, nihil eorum tibi exhiberi potest, in luctu, & squalore versor, dum te nobis DEUS bene valentem, & firmum restituat.* Hic filius: *Est in tua potestate Pater optime, gratum omnino & jucundissimum munus, quo nihil in vita latius habebò; ac fortasse te, meis votis annuente, valetudinem & vitam, & me tibi restituas.* Promptissimè Patre, quidquid optaret, facturum se spondente: *Hoc*, ait Nicolaus, *per salutem tuam, & meam efflictim, & unice rogo, ut qui me tibi sanum corpore reddi cupis, animo ipse consanescas, & cùm me Christo donaverim, te quoque Christo dones, & Calvinii erroribus (quos Majorum*

nostrorum atas horrait) *abjectis* , *Catholicam* , & *antiquam Religionem amplectâre*. Obortis deinde lacrymis, quas hinc desiderium, inde petitionis novitas exprimebat, nè aliquo mœrore illam diem obnubilaret Pater, & Filio ægrè faceret, triduum ad deliberandum poposcit; quo exacto, cum crederet, petitionem nuperam excidisse Filio, in primo Patris accessu repetit preces & lacrymas, quibus repetendis cum nullum faceret finem, perperuis lacrymis denique eò flexit Patrem, ut manus daret, brevique à Patribus nostris informatus, *Calvino*, ejuratâ hæresi, valediceret. Quo accepto nuncio *NICOLAI*S, lætitiâ omnes venas percurrente, surrexit è lectulo, valetudine per hanc sine dubio causam integrè restitutâ; neque oblitus est, conditione expletâ, res suas agere, sed quàm primum se confirmatum viribus, & vegetum sensit, *Patrem Provincialem* adit, preces iterat, promissa modestè exigit, utque salutem suam, & virginitatem, quam DEO consecrârat, in tuta, & permunita Sanctæ Religionis Arce reponeret, & se hac nunquam intermoriturâ gratiâ dignaretur. Contrâ quàm sperârat evenit; nam *Pater Provincialis*, non omnia simul agenda ratus, seu quòd id Adolescenti difficile non fore jam uno experimento didicisset, sive tentandæ in proposito constantiæ causâ, nihil ad summam votorum factum adhuc esse sublato supercilio respondit: nisi enim Parens ad-

admissionis conscius fieret, & consilium filij volens favensque probaret, in Societatem recipi non posse. Hæsit rei difficultate attonitus Adoleſcens, nullum esse domi fratrem, unum se à Patre (jam enim nuper defuncta Mater erat) in spem familiæ destinari, obsequia *Aularum*, favores *Procerum*, opes, honores, titulos, ac cætera hominum bona, ut sit, designari sibi, idque commemorari à Patre sæpe audiebat; tamen spe in DEO fixâ conditionem accepit. Nihil jam longius illi videbatur, quàm veniam Societatis ineundæ obtinere à Patre, sed prudentiâ (qua pro ætate pollebat) cunctationem iniecit, ut molliſſimum & aptiſſimum ad expugnandum Patris animum tempus expectaret; quod semel nactus, oratione blandiſſimè compositâ, quam distinguebant lacrymæ, rem aggreditur. Pater causatus primò orbitatem, & senectutem suam, domûs solitudinem, familiæ, quæ in ipso desitura esset, interitum; tamen toties repetitis *NICOLAI* lacrymis, & tot cœlestibus argumentis, quibus oppugnabatur, ad extremum victus consensit, DEO se donaturum filium promisit. Nec mora: Patrem, ad Provinciale adducit *NICOLAUS*, qui paterno amore, & iterum divino, in corde senis pugnantibus, vix pauca hæc præ lacrymis, efflevit potiùs quàm elocutus est: *En ô Pater! quo animo Isaacum Abrahamus, meum ego per te DEO omnipotenti & Redemptori meo im-*

molo Nicolaum ! Consolatus est Senem Provincia-
lis, & opportunis argumentis dilaudavit consiliū :
explicuit subinde Paternam *Societatis JESU* in
suos curam, Sociorum charitatem, plures Patres
& Fratres numeraturum; proinde non cessaret il-
le Pater esse, sed in *Societatem* nominis hujus, &
affectūs plures, ac se Provincialem quoque recipere
dignaretur, orabat; tum fausta omnia precatus,
ruentem in amplexus *NICOLAUM* pro suo se sus-
cipere, & habere dixit, atque ita bonā gratiā
utrumque dimisit.

CAPUT IV.

*Tirocinium Societatis, & Cracovi-
ense, & Romanum sanctè trans-
actum.*

ET jam Annus 1591. appetebat, tempusque
illud optatissimum, quo *Religiosa Militia Ti-
rones* initiari solent: *Cracoviam* igitur, ubi
domicilium pro *Tironibus* in virtute exercendis,
Societas habebat, ablegatur. Nulli dubium erat,
quin Parenti seni ultimum vale dicturus, & qua-
dam ab eo itineris auxilia, & lenimenta postulatu-
rus esset; at *NICOLAUS* barbarā quadam, & quam
mundus æstimare non novit, dūritie insalutato
Patre, DEO & Majoribus suis curam omnem de se
relin-

relinquens, simul de itinere admonitus, simul relictis omnibus è vestigio, *Apostolorum* imitatione, rectà è *Collegio* per forum medium ad portas Urbis descendit. Concurritur primùm à Condiscipulis, & notis, interrogationibus detinent & morantur, ac fortè aliquis cursu indicium Parenti facit; grandævus Senex properantem filium cursu assequi frustrà conatus, deficientibus viribus, voce & lacrymis ut sisteret, & inhiberet cursum, orabat. Rarum eo tempore spectaculum *Vilna* vidit: ad portam Urbis, quam *Acutam* vocant, consistente filio, Pater anhelans supervenit; multitudine circumfusâ, certamen pietatis divinæ cum humana edebatur: Pater violata jura naturæ, valedictione filij immeritum se privari clamabat; filius contrà jam se à Patre traditum DEO, nihil in jura paterna, quæ desijissent, peccare dicebat, DEI vocem omni celeritate sequendam, proinde moram itineri non injiceret. Adstantes in diversas sententias abiēre: alij, qui Spiritûs divini vim & motiones non nôssent, Adolescentem impietatis arguere, ut videbatur, alij divini amoris æstu factum imputare conabantur. *NICOLAUS* noster interea è medio cœtu evadens iter suum alacriter prosequabatur. *Cracoviae* Tironibus adscriptus, virtutis palmam præripere Socijs gaudebat: imitabatur optimos, & ubi exempla deerant, faciebat. De eo *Cracovienses Annus*, etsi tacito nomine ad Ann. 1591.

loquuntur, cùm Adolescentem peracris ingenij vocant, qui beneficijs divinis, quæ in illum effusæ spargebantur, egregiè respondeat. Hoc argumento *Majores* impulsî, *Cmcoviâ Nicolaum* ad *Romanum Tirocinium* transtulerunt, cùm sperarent non degenerem fore, & velut plantam, quæ in benignius cælum transfertur, in illa Societatis luce, primævum nostri *Ordinis* spiritum, & vitalem succum attracturum. Hîc prima lineamenta duxit, primisque coloribus virtutum imbuî cœpit; ac primum in ætate teneriore *Beatum Aloysium*, cujus recens in illo Tirocinio memoria vigeat, (utî postea in virili ætate *Xaverium* & *Ignatium*,) imitandum sibi proposuit. Silentij Religiosi legem nunquam illo biennio se transgressum esse, sæpius confirmavit, neque unquam in regulam quantumvis minimam, scienter peccâsse. Ex his minimis, maximarum rerum argumenta petuntur, solétq; Divina Majestas, cujus natura benefacere est, talibus obsequijs provocata, admirandis gratijs fidelitatem hanc in minimis, præmiare. Ingentem ergo quandam æstimationem rerum Societatis, animo inustam gerebat, & avidam curiositatem primordia Societatis penitùs pernoscenti, quæ aviditas, ut postea dicam, in summum excrevit, ut nemo peritior rerum Societatis à multis putaretur. Quacunque incederet *Sanctissimum Sacramentum* altaris in templo habebat præ oculis, in cubiculo

le-

lectulum, sedem, pluteum, & reliqua sic disponebat, ut nunquam tergum Sanctissimæ *Eucharistie* obverteret; atque idem, quantum fieri poterat, in ambulacris per *Collegium* præstabat, quam consuetudinem pietatis per annos continuos quadraginta, eoque amplius tenuit. Inutilia hæc esse forsitan inexperti rerum divinarum, & propè superstitiosa clamabunt, at *NICOLALLS* magno sibi adjumento ad DEI memoriam fuisse, sibi que eo pacto continuam DEI præsentiam comparasse fatebatur. Unum hoc biennio acerbissimum erat, quo lancinabatur optimi Juvenis conscientia, quòd cum ad sacrum *Pœnitentiæ Tribunal* accederet, ordinariè non occurreret, quod sciens in divinas, aut Ordinis sui leges admisisset (similes angores innocentie *Beatum Aloysium* aliòsque vitâ similes habuisse, in eorum gestis legimus, & audivimus) nam etsi ex priorè vitâ aliquid, quod subiceret Sacramento, repeteret, tamen in præsentì tempore, & vitâ Religiosa, de quo se accusaret, sæpe voluntarium nihil inveniebat. Timebat igitur, sese, & cæcitatem suam damnabat, & anxie deplorabat; donec tandem à *Novitiorum Magistro* edoctus, communem hunc esse bonarum mentium timorem, securus impostèrum, ac innocentiam suam tutus, animi tranquillitatem recuperaret. DEUM sibi præsentem, & se intuentem ipse vicissim varijs affectibus salutabat, adorabat, sinè ullo lo-

corum discrimine interiùs alloquebatur dulcissimè; forum, plateæ, schola, refectorium, & loca cætera, erant pro templo, cùm non minore pietate quàm in templo, ut phrasi Sanctorum utar, *ab intus operaretur*. Curam minimorum (si quid in obsequio DEI minimum esse potest) omisit nunquam; jam tum initium fecerat minima, quæ vitaret, alia minima, quæ faceret (id est defectus fugiendos, & actiones virtutum, quæ in speciem minimæ viderentur, quas non negligeret) annotandi, quì labor tum cæptus, postea seni Nicolao opusculum, quod vocavit: *De cura minimorum*, peperit, cùm frequenter in ore sententiam illam haberet: Nihil parvum putandum, quod summa æstimaret Majestas; nihil leve, quod summa reprobareret Sanctitas. His initiatus virtutibus, in *Religiosorum* numerum, biennio expleto, *Rome* feliciter admissus est.

CAPUT V.

Studia Romana Philosophiæ, & Theologiæ; Scrupulorum, ut vocant, cruciatus divinitus depulsi.

IAm Philosophiæ, & Theologiæ curriculum nunquam intermissâ virtutum, & pietatis curâ, ut confecerit, ipsiusmet verbis ex *Libello Bene-*

ne-

nesciorum memorabimus: Benedic anima mea Do-
mino, quòd ab Anno 1594. dum audirem Logicam,
quæ dicebatur incautis adferre naufragium spiritûs,
& devotionis, cæperit ex magna misericordia sua
dare mihi donum extrinordinarium orationis, etsi à
me nulla præmissa fuerit extraordinaria preparatio,
& collectio animi, senserimque magnas illustrationes
intellectûs, & ardentissimos, purissimósque voluntatis
affectus, & redundantem in corpus, sensibilem de-
votionem, plenam amoris supernaturalis, & contri-
tionis, actibus ejus diu durantibus, conjunctis cum
omnium vitiorum, & defectuum etiam levium in-
tensò odio, ac omnis virtutis perfectionisque statui
meo convenientis vehementissimo desiderio. Atque
his divinis illapsibus practicè, & experimentaliter di-
dici sanctitatem instituti dilectissimæ tuæ Societatis
DELLS, in qua non obstantibus literarum studijs, &
eo tempore, quod solet incautis distractionum scho-
lasticarum mole nocere, dedisti mihi donum contem-
plationis, in gradu tam alto, in quàm alto, in maxi-
ma solitudine, & separatione ab hominum convictu,
solent illud percipere dilecti servi tui, uti ex antiquis
Ecclesiasticis Historijs cognovi. Hæc ille earum re-
rum, quæ intra se gerebantur, optimè conscius.
Circa hoc tempus contigisse reor, quod cubiculi
in Collegio Romano socius, Casar à Bosco narra-
bat: in vigilia S. Catharinæ M. Nicolaum orantem
in ecstasi positum deprehendisse, quem nullo mo-

tu excitare, & sibi reddere potuerit, qua de re alia qua licet tenuis mentio in Arcano *P. Nicolai* Libello reperitur. Etsi verò divinis solatijs recreabatur subinde: tamen, quia virtus adversis crescit, ut in omni reliqua vita, *DEUS*, qui *Sanctorum vitam jam letis, jam adversis*, ut ait *Divus Chrysostomus*, *distinguit, & mirâ varietate contextit*, aliam continenter patiendi materiam suppeditavit, ut nunquam deesset, quod doleret. Memini audivisse narrantem Senem, Deoque magno affectu gratias agentem, quòd tum in *Collegio Romano Ministri* nomine, disciplinæ domesticæ præesset Pater quidam, quem nominabat, qui etsi mitis ingenij, & suavissimis moribus, tamen *Nicolaum*, seu exercendæ, & probandæ virtutis, seu quacunque alia de causa, sic vilibus, & laboriosis munijs assiduè fatigabat, ut mirum esset: dum alij ad vineam, aut jucundam aliquam ambulationem mitterentur, *Nicolaus* noster residere domi, aliorumque vices supplere cogebatur; ad ægros, ad carceres, foris, domi, ad culinam & alia mediastinorum officia adhibebatur; lucernas *Collegij* aptare, domum verrere, munditiem omnibus in locis procurare jubebatur quotidie. Observabat vigili oculo Minister, an stato tempore surgeret, an ad quietem se componeret, an tardius ad mensam se conferret, & alia hujusmodi minora, in quibus si quid titubasset, objurgabat acriter, transeuntem etiam siste-

sistebat quærendo : utrùm hæc & illa , à se imperata peregisset ? denique unus ille pro scopo erat ad Condiscipulorum omnium admirationem, *Nicolaus* nostro omnes illas molestias placidissimo silentio exsorbente, atque in animo amoris , & venerationis erga virum affectus , quoad potuit , ardentissimos eliciente. Hæc cùm mihi narraret totus in divinas laudes effusus , uni illi *Ministro* omnem propè *Religiosæ vitæ* profectum debere se ultro fatebatur, plùs illum in se beneficiorum contulisse, plùs profuisse , quàm decem alios *vita Religiosæ Ministros , & Patres*. Sed graviores brevè dolores, quò interiores, & vitales magis , immisit DEUS. Immissus igitur est , aut naturæ timidioris vitio injectus juveni molestissimus timor, nè quid esset in se , quod oculos *Divinæ Majestatis* offenderet ; non cessabat cruciatus animi, repetebantur peccatorum confessiones, sed frustra ; recurrebat ad Spirituales Patres, petebat consilia, DEI lumen implorabat assiduè cum lacrymis, gravis erat inimicus , qui latebat in pectore , quem , quidquid ageret, expedire non poterat, cùm DEO grata non esse opera sua suspicaretur, aut timeret. Unica in tot malis cogitatio , cui acquiesceret aliquando succurrebat : quòd nihil se omisisse eorum , quæ DEO placerent, & omnia quæ grata essent DEO , sedulò peregisse sciret : sed ista ipsa cogitatio novis subinde angoribus, & tristi aliqua conscientia-

ima-

imagine oblatâ, confundebatur, aut prorsus dele-
 batur. Misertus tandem amantissimus *Redemptor*
 in causa sua laborantis, & excrucianti doloribus
 servi sui, quadam die, postquam sanctissimam *Eu-*
charistiam, qua potuit pietate sumpsisset, Anno
 1595. in templo nominis JESU, supra sacellum,
 quod vocant Angelorum, nullâ hujusmodi imagi-
 natione, aut meditatione præmissa, oranti repen-
 tē, quasi scenâ diductâ, obtulit sese videndum au-
 gustâ specie aspectabilis CHRISTUS JESUS, cru-
 cem justæ magnitudinis ostentans, eidēque al-
 terâ manu innixus hisce verbis *Italicis* vultu reni-
 denti & placido *Nicolaum* allocutus: *questi sono la*
tua croce; quasi diceret, scrupuli isti tibi pro tua
 cruce inmittuntur. Quod gratissimum spectacu-
 lum, & dulcissima verba, momento, omnes illas
 perturbationes, & cogitationum tumultus dele-
 verunt ex animo, neque ampliùs rediērunt. At
Nicolaus multis deinde diebus vigilans, ac sæpe
 etiam dormiens illam *Christi Salvatoris* imaginem
 assiduè in animo gerebat, ut præsentem spectare
Christum, & dulcissima verba audire sibi videretur.
 Ajebat deinde *Nicolaus*, imaginem *Christi*, quæ
Romæ apud *Moniales S. Sylvestri*, ex *Archetypo A-*
bagari expressa monstratur, magnam similitudi-
 nem ad vultum Servatoris, qui apparuisset, habe-
 re, excepto quòd placidior, & serenior *Christi* vul-
 tus sibi visus fuisset. Neque satis divinæ liberali-
 tati

tati visum angores, & timores depulisse; ut nup-
eram suam præsentiam confirmaret, & dubium o-
mne eximeret, longè altiori, & diviniore modo
usus est. Orantem enim *Nicolaum* in vinea *Sanctæ*
Balbinæ internâ & clarâ allocutione, ut à se prodi-
re internam vocem nihil dubitaret, admonuit:
placere sibi, & *DEO Patri*, ut dolorem de peccatis,
& amorem DEI ardentissimum dari sibi cælitùs pe-
teret; id signum fore, quo intelligeret animam su-
am DEO gratam esse ac fuisse, licèt tot nuper dolo-
ribus excruciatam, & quodam modo cruentatam.
Paruit *Nicolaus* divino instinctui, atq; , ut erat cau-
tissimus, & quid in animo suo gereretur sollicitè ob-
servans, nè humani generis inimicus, qui frequen-
ter etiam bonis desiderijs piorum, venenum suum
gaudet affundere, rei conscius esset, orationem ad
DEUM non verbis, sed solâ mentis voce usus sup-
pliciter peregit per merita *Crucifixi Domini* postu-
lans, quod sperabat. Ecce autem sub vespertinum
tempus, cùm jam motio illa animi evanisset, &
præteritæ suæ petitionis memoriam non haberet,
subitò commoveri se intimè ad lacrymas, occur-
rente memoriâ peccatorum sentit; concutiebatur
singultibus, lacrymis ora rigabantur, aderant com-
plures è Nostreis, intérque eos *P. Cassar Alperius*
quid factum esset nescientes; quorum ille oculos
non ferens proripuit sese è medio, & solitudinem
nactus, ex dolore primùm, deinde ex amore uber-
tim

tim flebat, neque, nisi longo pòst tempore, gemitibus & suspirijs modum imponere potuit, suam ingratitude, & DEI vicissim in se amorem revolvens; ut si lacrymas, vinum *Angelorum*, rectè vocaverit *Divus Bernardus*, *serm. 30. in Cant: lætam vindemiam illo die Sanctos Angelos collegisse*, atque in cœlum attulisse dici possit. Annotavit hanc divini in se amoris certitudinem, sed brevibus ut solet verbis: *16. Julij: certum à DEO signum, quòd esset in eius gratia, pòst fusas hanc ob rem ad eum preces habuit.*

CAPUT VI.

Virtutes quædam Nicolai, dum Studijs daret operam, quibus se potissimum ad Sacerdotium ritè suscipiendum comparavit.

INcredibiliter virtutis studium in *Nicolao* crescebat ex vicinitate temporis, quo sacros ordines suscepturus erat, qui Anno *Theologie* quarto ex more Societatis conferuntur. Itaque seipso humilior, in oratione frequentior, ardentissimis desiderijs rapiebatur in DEUM. Duo præcipuè incitabant hominem, jam antè ad summam perfectionem cursu contendentem; alterum *Divina Majestas*, quam ut *Auctorem* omnis boni, *Creator*
rem

rem & Redemptorem, pro merito devenerari se posse gaudebat, & æquale aliquid infinitæ ejus *Majestati*, & beneficentiæ offerre; neque istud modò, sed amantissimi *Patris* cor, *Filij* sui oblatione, quasi suavissimo odore, recreare cupiebat. Quamvis enim, aiebat, certum sit DEO optimo, maximo, ob divinæ naturæ infinitam excellentiam, quâ beatus est, nihil molestiæ, nihil anxietatis, aut doloris ab hominum nefarijs cogitatis, & actis inferri posse; neque contrà à cultu bonorum voluptatis, & beatitudinis intrinsecus accedere: tamen si verè servi DEI esse volumus, nostrâ interest, ea DEO obsequia præstare, cùmque honorem exhibere, eo amore in ipsum ferri, ut si natura ejus beata aliunde, quàm à seipsa perficeretur (quod fieri omnino non potest) gaudium aliquod, & consolationem reciperet, præcipuè tot læsa injurijs peccantium, tanto contemptu & odio sceleratorum hominum offensa, & irritata; quam DEI iram in peccantes sapientissimè explicuit *Divus Ambrosius Lib. de Noë & Arca, c. 4.* Et hoc est, quod toties occinebat postea senex, ac toties in ejus precationibus, quas scripto comprehendit, repetitur: *Ad gustum DEI, ad cordis ejus amantissimi gaudium, & solatium, ad cor DEI recreandum, &c.* Qui modus loquendi familiarissimus seni fuit, & millies in ejus asceticis operibus invenitur. Alterum, quo se incitari magnopere ad

Sa-

Sacerdotium ritè suscipiendum sentiebat, fuit gratia, quæ in Sacramento illo Divinissimo confertur; quæ licèt ex infinitis *Christi* meritis proficiſcatur, & exhauriri non poſſit, tamen menſurâ finitâ coërcetur, & aptitudini noſtræ, ut ità loquar, proportionatur (quam ſententiam ſæpius à *Patre Arrubale Magiſtro* ſuo in *Theologia* inculcari audierat) non enim divitias omnes gloriæ & gratiæ ſuæ in quodlibet vas transfundit DEUS, ſed uberioribus capacioribus, minores, & ut ità dicam, tenuiores ijs, qui minore deſiderio, & meritis coarctantur. Atque illud peculiare ſæpe à ſene audiebam: qui ad Ordines ſacros præclare comparatus accederet, eum feliciùs ſacra illa munia obiturum, utpote Sacramentalibus gratijs inſtructum à DEO; efficaciora mōnita daturum, conſcientias ſalutariter directurum, denique omnia, quæ Sacramentorum ſunt, ei ſub manu quodam modo feliciter proceſſura. Id ex vita *Nicolai* evidenter patuit, ad quem ultro etiam non vocari, maximi peccatores affluebant, noxas confeſcebantur, conſilia & auxilia petebant admirantibus cæteris, quòd illum unum, ignotum aliàs, omnibus cæteris anteferrent & præeligerent; at ille alacer operam illis dabat, ſuaviſſimè animos tractabat, & in omni ſacerdotali functione cum dignitate, facilitate, & ingenti animarum utilitate verſabatur; quem ille accurſum, primæ illi ſuæ ad Sacerdotium præparationi, quam

quam diligentissimè, & studiosissimè præmiserat, solebat tribuere. Hoc tempore ante Sacerdotium, omnem rerum creatarum amorem exuere conabatur, humana solatia contemnebat, in DEO spes & res suas reponebat; corporis commoditates procul averfabatur, eos sibi tantum comites & socios deligere solitus, qui de rebus divinis colloquia miscere gauderent; eratque quoddam inter eos fœdus virtutis, ut à mensa ad certum recreationis locum, quasi temere, & casu convenirent, & divina, & quæ ad virtutem facerent, secum loquerentur. Accidit hoc tempore, quod *Philosophos & Theologos* omnes perterrui, & à nimio literarum amore & studio ad virtutis & sanctimonix curam convertit. Erat *P. Nicolao* Condiscipulus nomine *Joannes Maria* Campori, qui postea in *India Orientali*, magnâ sanctitatis famâ relicta, est mortuus; is ergo disputaturus in schola, die disputationis decretorio, non quidem præscriptam à regula meditationis horam omisit peragere (erat enim pietati, & obedientiæ mirum in modum deditus) sed preculas quasdam certas, quas sponte & libere sibi ipse injunxerat, quò plus haberet temporis ad disputationem illius diei comparandi sese, neglexit. Dum id maximè ageret, Thesesque suas relegeret, repentè voce cœlesti admonetur: *Putasne te posse, sinè meo auxilio, bene disputare? annon faciliùs orando meum potest ob-*

ineri auxilium, quàm studendo? Qua divina voce increpitus, nunquam postea studiorum gratiâ quidquam, quod ad DEUM pertineret, omisit. Hæc cœlestis monitio per *Collegium Romanum*, sparsa, omnes *Scholasticos* nostros perterrefecit, ut accuratiùs divina tractarent, neque existimarent orationibus solitis studia literarum impediri. Alterum, quod *Scholasticos* nostros in virtutis cursu mirificè confirmavit, néve in literarum studijs intepescere *Religiose* perfectionis amorem, sinerent, gravi exemplo admonuit (Anno 1597. accidit) quod *P. Nicolaus* in *Opusc. 6. c. 10.* hisce verbis refert: *An. 1597. mortui sunt, me presente, in Collegio Romano duo fratres Scholastici, mei Condiscipuli, Marcus Antonius Ridolphinus, & Celsus Finettus Senensis, ambo valde exemplares, modesti, devoti, obediētes, uno verbo, nullum unquam in ullo eorum peccatum, nullam imperfectionem notavi, vivendo cum illis aliquot annis: tamen ut scriptum est in annuis literis Societatis Collegij Romani impressis (& ante mortem eorum, res erat inter nos vulgata) Beatissima Virgo Maria apparens Celso Finetto dixit, eum saluum fore, sed quatuor annis in Purgatorio futurum, Ridolphinum verò tantum a nobis, & post mortem ejus hunc quoque (uti contigit post quindecim circiter dies) moriturum.* Subtexit deinde *P. Nicolaus* narrationem eandem ex *Annulis Collegij Romani*, quam *P. Sebastianus Beretarius*

con-

conscriptis, ubi dicitur primum ad XI. Calendas Octobris, alterum quarto Idus Octobris in Domino quievissse. Id exemplum multum valuit ad excutiendam è sociorum pectore socordiam, cum duas tanto candore animas, quæ tanta sinceritate suæ primitias ætatis DEO dedicassent, iter ad cœleste gaudium tanto pœnarum intervallo obseptum habuisse audiverunt. At *Nicolaum* nostrum *Philosophia & Theologia* tantum abest, ut à præsentia DEI, & amore avocarent, ut etiam DEO intimè jungerent, cum omnia referret ad DEUM, ut studia *Theologica* non multum à sacra aliqua contemplatione discreparent. Ea de causa illos libentiùsolvebat *Authores*, qui scientias ità tractarent, ut principia virtutum, & sanctimonix, eadem operâ in animis legentium insererent. Divi *Thoma Aquinatis* præcipuè lectione tenebatur, cujus doctrina pasceret intellectum, & voluntatem inflammaret, dicebátque meliùs percipi ejus sapientiam ab ijs, qui veluti experiendo quodam dulci pietatis affectu ejus lectioni operam darent, quàm qui sinè omni affectu eum volutarent, & sinè ullo affectûs impresso vestigio transcurrerent. Plerumque fiebat, ut in difficillimis quæstionibus, interno ad DEUM recurso, momento circumfusam quandam lucem aspiceret, quâ irradiatus, quod proponebatur, & feliciter penetraret, & faciliùs explicaret; idque notavit sibi accidisse frequen-

tius, cum *Physica & Metaphysica* repetitioni *Nostrorum* præesset; *Theologiam* verò, quam postea & Speculativam, & Positivam docuit, magna cum laude diligentia insignis & profectus absolvit. *Divum Thomam*, ut antè innueram, ejusque articulos omnes habebat in numerato, cujus rei libelli ab eo editi præbent indicium. Sententias *Philosophicas*, quæ receptis *Teologorum* principiis adversarentur, atque etiam *Theologicas*, quæ suspectæ viderentur, & vel *Pontificum* decretis, vel Societatis nostræ judicio vetarentur, vel aliquam audaciam & novitatem saperent, collegerat, & unum in locum congefferat, ut quid sibi vitandum esset, facilius cognosceret, ac velut scopulos declinaret; maximè verò si quid magnificum & ingens de divinae naturæ præstantia ejusque admirandis perfectionibus reperisset, id omne ad ideam illam, quam de DEO conceperat, adjungebat, ut, quod maximè svadebat *Pater Ludovicus de Ponte* (*init. Duc. spirit:*) excellentissimam quandam imaginem divinitatis, & perfectionum divinarum in animo circumferret, & vel nominato DEO species illa menti repræsentaretur. Unde magnopere jam in ætate senili nobis Author esse solebat, ut *D. Thome Aquinatis opusc. 53.* iterum atque iterum, neque id perfunctoriè, legeremus, quod est *de Perfectionibus DEI*. Quò enim præstantiorem *Ideam Divinitatis* depictam, & quasi inustam vir Religiosus habeat,

edò reverentiorẽ tantæ *Majestatis* futurum , & amaturum magis suum *Creatorem*, & quod confectarium est, majora merita sibi comparaturum in cœlis, & tanto DEO promptiùs serviturum. Denique in *Theologia* absolutam descriptionem & lineamenta duxit Religiosæ vitæ , & quæ sibi faciendâ in posterum essent, jam tum præcepit animo: *Modum sacrum audiendi, modum confitendi, modum communicandi, ad meditandum* divina documenta , & his similia conscripsit , quæ postea Sanctorum sententijs, & exemplis illustrata , multa illi opuscula pepererunt ; tum etiam *Deiparentem, MARIAM* assumpsit in Matrem , eique totum se dedit ; cui etiam demerendæ *votum edidit Immaculatæ ejus Conceptionis* , vel sanguine & morte propugnandæ , novâsque ipse rationes , & argumenta inveniebat, quibus piam sententiam tueretur, quæ ipsa *Theologiam* docentibus communicare solebat. His igitur virtutibus , & quàm plurimis , ut vocamus , mortificationibus corporis , & animi præcipuè , quas Sacerdotio appropinquante quotidie augebat ; tum etiam vilium in speciem officiorum , culinæ , & similium quotidianâ frequentatione (quorum illi copiam liberalissimè *Ministri* faciebant) optimè comparatus ad offerendum *Divinæ Majestati* primum Sacrificium accessit , ingenti soliditate, ut hoc extremum adjiciam, robustæ cujusdam in omni bono voluntatis.

Abjecerat enim & quodam modo conculcârat omnes humanos metus & respectus, quos velut inanes aranearum telas in DEI conspectu intuebatur, & pro nihilo ducebat. Hæc dum viderent quidam sinistri alienæ vitæ Censores, qui ex sese alios metiuntur (nam in vitium credula turba sumus; ut ait *Poëta*) carpebant nimirum, & illam *Nicolai*, suâ se virtute involventis abstractionem pro hypocrisi, & duritie morum habebant; agebant etiam affectatam illam esse virtutem, & ad tempus assumptam, tempore etiam expiraturam; pedetentim in virtute gradiendum, non inchoandum à summis; nisi lapsus periculo exponi velimus: esse quandam etiam sanctitatis juventutem, quæ, velut in vitibus & fecundissima ficu videmus, gemmas protrudat pulcherrimas, quæ nunquam, quia præcoces, ad maturitatem perveniant. Proferebant exempla notissima multis, eorum, qui velut Aquilæ recto volatu cœlum petijissent, & irretortis oculis Solem intuebantur, paulò post; victis à Sole oculis, cæcurentes ipsâ itineris longinquitate & altitudine fatigatos in vitam communem descendisse; & jam nihil nisi virtutis nudam memoriam circumferre. At *Nicolaum* nostrum nihil hæc terri culamenta movebant, qui gratiæ divinæ præsidij circumvallatus convalescebat quotidie, & corroborabat, augebátque virtutem, illud *Paulinum* repetens: *Omnia possum in eo, qui me confortat,*

tat, annotavitque in libello, ubi eo tempore lumina quædam cœlestia, nè exciderent, scribebat: *Eam sibi indignissimo ex misericordia DEI inditam voluntatem, & in bono soliditatem, ut, si solus inter infideles viveret, aut in quocunque loco, in quo summa vivendi licentia regnaret, eam esset regularum, & disciplina observantiam retenturus, quam in oculis omnium superiorum, habitâ ratione necessitatis observaret.* Ad eandem virtutis soliditatem multum contulisse puto, viros eximie & miræ sanctitatis, quibus cum *Romæ* vixit, ac præcipuè *Bellarminum*, quem *Rectorem* habuit, & *P. Antonium Spinellum*, quem suum in spiritu *Magistrum*, *Confessarium*, deinde & *Rectorem*, & in *Provincia Romana Provinciale*, in opusculis suis sæpissimè commendat.

CAPUT VII.

Nicolaus suscepto Sacerdotio vehementius ad Sanctitatem inflammatur; Romanorum de ejus Sanctitate opinio; visio quædam cœlestis de ejus virtutibus, & quàm pretiosa anima illius fuerit in conspectu DEI.

Sacerdos *Romæ* An. 1601. 14. April. Sabbatho ante Dominicam Passionis consecratus, propius sibi videbatur ad Thronum Divini-

tatis accessisse *Nicolaus* : itaque accuratiorẽ curam indies rerum etiam minimarum in itinere Sanctitatis habebat , augebat orationes , ac non modò à culpæ reatu liberum præstabat animum , sed etiam ut oculis Divinæ Majestatis gratior & jucundior appareret , cruciatibus corporis ultrò susceptis , pœnas peccatorum extinguere , & abolere cupiebat. Non enim sat̃s decorum credebat , si in conspectu DEI quotidie adstans reus multarum pœnarum inveniretur , ideòque sæviebat in corpus crudeliter , ut nihil DEO offenso , quantum fieri posset , deberet , & velut *Amicus Sponsi* , neque maculam , neque rugam , id est , neque reatum culpæ , neque pœnæ , in anima ejus oculus cœlestis aspiceret ; frequentabantur verberationes , & , ut dicimus , disciplinæ quotidianæ , cilicia admovebantur corpori , subtrahebatur cibus , quidquid gratum palato se offerebat , respuebatur , quidquid sensui odiosum , & acerbum accidere potuit , quærebatur , & inventum adhibebatur. Affirmabat coram me , senex optimus , se tum solido triennio , aut quinquennio super duro assere somnum cepisse , ut simul & durè cubaret , & casum , si fortiter indormiisset , timeret. Nec omittebat *P. Nicolaus* animi cultum , & continenter Divinis affectibus occupabatur : parcior inde cum socijs conversatio , cautus sermo , oculi , & multò magis mens super custodiam sui stans assidue , vultus tamen sem-

semper amœnus, & inter Sacra præcipuè inflammatus, & igneum quiddam spirans, in admirationem & venerationem plurimos, etiam *Principes* viros, trahebat. Fuerunt jam tum ex socijs alij, qui amore sanctimonix ejus, & illustribus exemplis illecti, ejus dicta, factaque omnia curiosè observarent, & in acta referrent; in quæ cum *Nicolaus* incidisset fortuitò, erubuit scilicet (ut solebat) omniâque illa folia conscidit, omnium se infimum reputans, & dignum qui non laudaretur, sed potius omnibus tormentis laceraretur. Ac nihilominus ad altiora decora aspirabat quotidie, aptissimùmque illi visum est, *Christum* Dominum, sub panis speciebus latentem, Hostiam æterno *Patri* gratissimam, quàm proximè imitari, & exprimere. Placuisse *Divinæ Majestati* illum imitandi Filij sui conatum mirabili viso ostensum est: *Theodora Celsa* in parthenone sacro, *Romana* urbis celeberrimo, *Turrim speculorum* appellant, DEO devota Virgo visis cœlestibus identidem honorabatur, quæ multi sapientissimi Viri, atque inter eos *P. Nicolaus de Almazan S. I. Hispaniæ Assistens*, & *P. Virgilius Ceparius* in discretionem spirituum exercitatissimi, examinârunt, & probârunt. Ea cum aliquando *P. Nicolai* Sacrificio interesset, eo peracto, discedentem sic affatur: *O Pater gratias ago, quia me in hoc Missæ Sacrificio magnâ consolatione implevisti! ostendit enim mihi DEUS hoc tempore,*

CS

quan-

quantopere illi placeat *anima Reverentia vestra*, & quòd in illa tanquam in suo dilectissimo tabernaculo cum gustu resideat! Nec plura coram P. Nicolao, ac coram alijs diu post hæc Anno 1646. explicans (vixit enim longissimè & hoc ei visum initio hujus sæculi oblatum est) asseruit: *P. Lancicium, dum sacrificaret, visum à se varijs vestibus, & torquibus aureis ornatum, & animam ejus, quasi in glorioso statu conspectam; simul vocem divinam sibi auditam, illum hortum deliciarum suarum compellantem; porro torquibus aureis, & pretiosis vestibus varias ejus virtutes designatas, ac potissimum puritatem ac integritatem recta, & DEO uni placere quarentis operationis.*

CAPUT VIII.

*Imponitur Patri Nicolao officium
Archiva Romana S. I. excutiendi, & ma-
teriam pro Historia nostri Ordinis prepa-
randi. Floret amicitijs Sanctorum
Virorum.*

Regebat tum sapientissimè & ex DEI nutu, ut multis exemplis patuit, *Societatem universam Adm. R. P. Claudius Aquaviva*, atque inter cætera, quæ conservando primævo spiritui *Societatis nostræ*, & ad imitationem *Majorum* ma-


maximè profutura invenerat, constituit; ut Historia Ordinis nostri ab ipsa origine, & incunabulis quàm diligentissimè scriberetur. Circumspicienti *Claudio*, quos nam potissimum ex omnibus socijs deligeret, maximè idonei ad id visi sunt, duo *Nicolai, Orlandinus & Lancicius*, quorum posterior materiam studiosè colligeret, prior, quia elegantia & gravitate styli valebat plurimum, materiam adhuc rudem & informem in Ordinem, adhibito styli cultu, redigeret; describit hunc suum, & socij laborem ipse P. *Nicolaus* opusculo 17. l. 1. c. 1. Patuerunt mox *Lancicio* *Archiva Romana Societatis* omnia, quæ ille accuratè pervolutavit, & totum sexennium eo in glorioso labore consumpsit ab anno videlicet 1600. ad annum usque 1606; ac præcipuè primordia *Ordinis*, & prima Societatis fundamenta, usque ad beatissimum *Sancti Fundatoris Ignatij* è vita excessum feliciter eruderavit, ut Historia ipsa loquitur; neque id modò, sed omnia ad eam rem præsidia, & adjuvamenta sibi studiosè comparavit: etiam in *Castro S. Angeli* scripta authentica, quibus Societatis nostræ tempore gesta potiora notabantur, per favorem *Cardinalis Casij*, de expressa *Clementis VIII.* licentia inspexit. Cettè *Concilij Tridentini* acta, & arcana in manibus habuisse meritò gloriatur, quæ postea *Cardinali Palavicino*, *Concilium* illud describenti, uberem & benignam materiam præbuerunt;

runt ; neque prætermisit *Bibliothecam Vaticanam* inspicere ; ad quam ei aditus sæpenumero patuit , tum maximè cùm An. 1616. *Romam* accessisset. Jam senes omnes, qui *S. Patrem nostrum Ignatium* familiariter novissent, ubiubi locorum degerent , *Carthusianos* , *Benedictinos* , & aliorum *Ordinum* Viros , *Prelatos* , *Nobiles* conciliandos sibi , & demerendos sumpsit , præsentés familiariter appellans, absentes literis consalutans , eaque ratione , quidquid de *S. Ignatij* rebus scirent , sagaciter explorans, ut ex ejus libris , & maximè opusculo 17. *de Præstantia Instituti Societatis* , satís intelligitur. Audivi sæpius, cùm in Domino gloriaretur , 32. *S. Ignatij familiares* ex nostris, amicitiam complexum esse , qui multa de *S. Ignatij* virtutibus commemorassent rogati ; duos insuper primorum decem Patrum, videlicet *Alphonsum Salmeronem*, & *Nicolaum Bobadillam* , à se visos gaudebat : *Petrum* verò *Ribadenejam* , Scriptorem *Vitæ S. Ignatij* , & oculatum gestorum Testem, intimâ sibi amicitiam conjunxerat, quam uterque literis ultro citroque missis (quarum nonnullas ipse , à Sene in memoriam Viri asservatas , meminisse me legisse) alebant ; satís constat , tertiam *S. Ignatij* vitam , quæ *Authorem Ribadenejam* præfert , & imaginibus *Augustanis* plurimis distingvitur , *P. Lancicio* adjuvante, & ex *Archivo Romano* argumentum suggerente editam esse, quam postea *P. Gregorius Mayr*
gra-

gracè reddidit, & vulgavit. Eandem operam præstitit *P. Julio Nigronio*, cum eruditissimo volumine *Societatis Jesu* regulas commentaretur. Modestè etiam gloriatur, & pro DEI in se beneficio agnoscit novissè probè, & familiariter versatum esse, cum *P. Oliverio Manarao* (de quo multa laudatissima in *Historia Societatis* referuntur), *P. Reolino*, *P. Masello*, utroque *Cicotto*, *P. Carolo Regio*, *P. Bernardo de Ponte*, *P. Fogliano* celebri illo *SS. Trinitatis* cultore, *P. Fabio de Fabijs*, *P. Francisco Costero*, *Benedicto Palmio*, *Benedicto Pererio*, *Joanne Ignatio* (olim *S. Ignatii* cubiculario) *Prospero Malavolta*, *Mario Beringutio*, *Laurentio Magio*, *P. Joanne Baptista Viola*, qui fuit unus ex primis sexaginta Professis nostræ Societatis. Quos hîc enumeravi, *S. Ignatio* charos, & acceptissimos fuisse constat. Et quis omnes recenseat? Inter familiares quoque numerabat *P. Jacobum Crucium*, primum Seminarij, à *S. Carolo Borromeo* fundati, Rectorem. Mirum illud, quòd non modò intra, sed etiam extra Societatem omnes propè magnos vitæ sanctimoniâ viros, suæ ætatis sibi faventissimos in *Italia* experiretur; quare etiam, cum ab *Italia* abesset, frequentibus magnorum; sanctorumque Virorum Epistolis salutabatur, quoties verò in *Italiam* revertebatur, tanquam magnus DEI servus à plerisque habebatur. Referam in exemplum paucula, plura in progressu vitæ patebunt:

Ju-

Clementi VIII. charum, & *Visitatorem Apostolicum*, virum integerrimum, intimum habebat. *Andreas Sorbellongus*, *Episcopus Eugubinus*, *Visitator Romanarum Ecclesiarum Clementis VIII.* jussu constitutus, vir eximiæ prudentiæ, nec minoris sapientiæ *P. Nicolaum* ad suas confessiones adhibebat, & ab eo, etsi non ita pridem Sacerdotio initiatus esset, exercitijs spiritualibus excolebatur. *Camillus de Lellis*, *Fundator Ordinis Clericorum ministrantium infirmis*, vir notæ in Italia Sanctitatis, & *Jacobus Candidus*, *Episcopus*, qui in processu informativo pro ejus canonizatione factò, præter alia valde admiranda, tres mortuos suscitasse scribitur, quod juramentis Testium oculatorum probatum est, arctissimâ sanctæ amicitiae necessitudine *Nicola* jungebantur, ut ipsemet commemorat opusculo 17. c. 4. Infinitus essem si nomina Illustrium sanctimoniam Virorum, omnia recitare vellem. *Romæ* universim *Aulam Pontificiam*, & *sacri Palatii Apostolici Magistros* obsequijs primum, deinde etiam æstimatione virtutum planè suos fecit, sibi que addictissimos.



CA-

CAPUT IX.

*Urbis Romæ grandis de P. Nicolao
æstimatio, & amor. Novo invento Bea-
torum & celebrium virtute hominum honores
iteratò promovet. Præfectus spiritûs Primarius
Collegij Romani ab Adm. R. Patre
Claudio constituitur.*

PLena eo tempore erat *Italia & Roma*, ut mo-
dò innueram, Illustribus doctrinâ & sancti-
moniâ Viris, tum *Italîs*, tum alibi gentium
natis, qui aut negotiorum causâ, aut disputatio-
num habendarum (quæ tum de *gratia*, deque alijs
controversis articulis celebrabantur) aut per cau-
sam Anni sæcularis, aut postea *Romam* confluxe-
rant, quos inter *Franciscus Soarius*, *Gregorius de
Valentia*, aliique ex *Nostri*; ex *Religionibus* alijs
Theologi quàm plurimi. Qui *Romam* stabiles in-
colebant, *Toletus*, *Baronius*, *Bozius*, aliique innu-
meri, à quibus *Roma* mirum in modum illustraba-
tur. Sed *Bellarminum* suspiciebat maximè *P. Ni-
colaus*, quem *Rectorem* in *Collegio Romano* A. 1596.
habuisse se gloriabatur, cujus plurimas, spiritu di-
vino plenas, exhortationes, & earum argumenta
narrabat nobis; eam potissimùm, quâ refellebat,
quòd falsò de se spargi audierat, quasi dixisset:

D

Opta-

runt; neque prætermisit *Bibliothecam Vaticanam* inspicere; ad quam ei aditus sæpenumero patuit, tum maximè cùm An. 1616. *Romam* accessisset. Jam senes omnes, qui *S. Patrem nostrum Ignatium* familiariter novissent, ubiubi locorum degerent, *Carthusianos*, *Benedictinos*, & aliorum *Ordinum Viros*, *Prelatos*, *Nobiles* conciliandos sibi, & de-merendos sumpsit, præsentēs familiariter appellans, absentes literis consalutans, eaque ratione, quidquid de *S. Ignatij* rebus scirent, sagaciter explorans, ut ex ejus libris, & maximè opusculo 17. *de Præstantia Instituti Societatis*, satīs intelligitur. Audivi sæpius, cùm in Domino gloriaretur, 32. *S. Ignatij familiares* ex nostris, amicitia complexum esse, qui multa de *S. Ignatij* virtutibus commemorassent rogati; duos insuper primorum decem Patrum, videlicet *Alphonsum Salmeronem*, & *Nicolaum Bobadillam*, à se visos gaudebat: *Petrum* verò *Ribadenejam*, Scriptorem *Vitæ S. Ignatij*, & oculatum gestorum Testem, intimâ sibi amicitia conjunxerat, quam uterque literis ultro citroque missis (quarum nonnullas ipse, à Sene in memoriam Viri asservatas, meminī me legisse) alebant; satīs constat, tertiam *S. Ignatij* vitam, quæ *Authorem Ribadenejam* præfert, & imaginibus *Augustanis* plurimis distinguitur, *P. Lancicio* adjuvante, & ex *Archivo Romano* argumentum suggerente editam esse, quam postea *P. Gregorius Mayr*
græ-


gracè reddidit, & vulgavit. Eandem operam præstitit *P. Julio Nigronio*, cum eruditissimo volumine *Societatis Jesu* regulas commentaretur. Modestè etiam gloriatur, & pro DEI in se beneficio agnoscit novissè probè, & familiariter versatum esse, cum *P. Oliverio Manarao* (de quo multa laudatissima in *Historia Societatis* referuntur), *P. Realino*, *P. Masello*, utroque *Cicotto*, *P. Carolo Regio*, *P. Bernardo de Ponte*, *P. Fogliano* celebri illo *SS. Trinitatis* cultore, *P. Fabio de Fabijs*, *P. Francisco Costero*, *Benedicto Palmio*, *Benedicto Pererio*, *Joanne Ignatio* (olim *S. Ignatii* cubiculario) *Prospero Malavolta*, *Mario Beringutio*, *Laurentio Magio*, *P. Joanne Baptista Viola*, qui fuit unus ex primis sexaginta Professis nostræ Societatis. Quos hîc enumeravi, *S. Ignatio* charos, & acceptissimos fuisse constat. Et quis omnes recenseat? Inter familiares quoque numerabat *P. Jacobum Crucium*, primum Seminarij, à *S. Carolo Borromeo* fundati, Rectorem. Mirum illud, quòd non modò intrà, sed etiam extra Societatem omnes propè magnos vitæ sanctimoniâ viros, suæ ætatis sibi faventissimos in *Italia* experiretur; quare etiam, cum ab *Italia* abesset, frequentibus magnorum, sanctorumque Virorum Epistolis salutabatur, quoties verò in *Italiam* revertebatur, tanquam magnus DEI servus à plerisque habebatur. Referam in exemplum paucula, plura in progressu vitæ patebunt:

Julium Mancinellum Virum opinione multorum *sanctum*, eousque devinxerat sibi, ut suos spirituales libellos, in quibus cœlestia visa, modos Sacrum celebrandi, orandi, gratias DEO post Sacrum agendi, aliâque mira, quæ secum operari dignatus est DEUS, illustrationes, item plurimas visiones, raptus, revelationes, prædictiones, rerum occultarum cognitiones divinitus infusas, sui corporis à terra miraculosas elevationes, infirmorum curationes &c. quas suâ manu conscripserat, *P. Nicolao* donaverit; quos ego, à Sene acceptos, ipse legi, præcipuè memorabilem illam *Mancinelli* visionem, in qua DEI Mater *Patronam se Regni Poloniae* esse, & suis precibus apud *Filium*, nè Regnum illud pro merito castigaretur, perfecisse, significabat. *P. Bernardo Colnago* usus est per familiariter, cui ille, velut Amico intimo, omnem vivendi & DEO serviendi rationem, totam denique vitam, ultrò aperuit, neq; tacuit visiones sibi cœlitus oblatas, miracula, gratias, & beneficia in se DEI, tum omnes illas artes, quibus virtutes obtegebat suas, & alia hujusmodi, quæ postea à *P. Nicolao* consignata, materiam sufficientem subministrârunt. Scriptori vitæ *P. Colnagi*, quæ nuper admodum lucem aspexit. Denique nemo ferè Majorum *Patrum* & *Superiorum Nostrorum* in *Italia* inveniebatur, qui *P. Nicolai* labores, & conatus non probaret. *Admo. R. P. Claudius*, addictissimus *P. Nico-*

lao

lao semper fuit, ejusque spiritum conformem Societatis Instituto asseruit; *Adm. R. P.* noster *Mutius Vitellefcus*, *Nicolaum* prorsus complectebatur, & faciebat maximi, eundemque *Romam* ad *Congregationem* venientem, (in qua ipse *Mutius* electus est, & Societati universæ *Præpositus* :) *Romæ* apud se retinuit. *Adm. R. P. Vincentius Caraffa* deamabat *P. Nicolaum*, in accusationibus defendebat, cujus etiam Imperio adactus est *Nicolaus*, ut præcipua in se DEI beneficia consignaret literis, quod senex cum tremula manu præstare non posset, *R. P. Casimiri Kojalovvicz*, qui hanc vitam primus inchoavit, operam adhibuit. Denique quidquid erat *Romæ* illustrium sanctimoniâ Viro- rum, sibi conjunxerat *P. Nicolaus*, præcipuè doctissimæ illius, & piissimæ *Omtoria Congregationis Patres* usque ad intimam familiaritatem noscebat; quam amicè *Antonio Gallonio* usus sit, amici, quo eum in opusculis suis indigitat, titulus ostendit; ad id permovebatur maximè *S. Philippi Nerij*, Fundatoris eorum, veneratione, quem viventem viderat, & in eo funere, quod ei universa *Roma* adornavit, Anno 1595. cum *P. Joanne Baptista Perusco* (qui *S. Philippo* aliquot annis intimus fuit) pompæ interfuit; hunc præ cæteris mirabatur, amabat, & quantum per leges Societatis licebat, imitabatur. *Marcum Antonium Massam S. Philippi Nerij* familiarem, & filium spiritualem, valde
Cle.

Clementi VIII. charum, & *Visitatorem Apostolicum*, virum integerrimum, intimum habebat. *Andreas Sorbellongus*, *Episcopus Eugubinus*, *Visitator Romanarum Ecclesiarum Clementis VIII.* jussu constitutus, vir eximiæ prudentiæ, nec minoris sapientiæ *P. Nicolaum* ad suas confessiones adhibebat, & ab eo, etsi non ita pridem Sacerdotio initiatus esset, exercitijs spiritualibus excolebatur. *Camilus de Lellis*, *Fundator Ordinis Clericorum ministrantium infirmis*, vir notæ in Italia Sanctitatis, & *Jacobus Candidus*, *Episcopus*, qui in processu informativo pro ejus canonizatione facto, præter alia valde admiranda, tres mortuos suscitasse scribitur, quod juramentis Testium oculatorum probatum est, arctissimâ sanctæ amicitiae necessitudine *Nicolaus* jungebantur, ut ipsemet commemorat opusculo 17. c. 4. Infinitus essem si nomina Illustrium sanctimonijâ Virorum, omnia recitare vellem. *Romæ* universim *Aulam Pontificiam*, & *sacri Palatii Apostolici Magistros* obsequijs primùm, deinde etiam æstimatione virtutum planè suos fecit, sibi que addictissimos.



CA-

CAPUT IX.

*Urbis Romæ grandis de P. Nicolao
æstimatio, & amor. Novo invento Bea-
torum & celebrium virtute hominum honores
iteratò promovet. Præfectus spiritûs Primarius
Collegij Romani ab Adm. R. Patre
Claudio constituitur.*

Plena eo tempore erat Italia & Roma, ut mo-
dò innueram, Illustribus doctrinâ & sancti-
moniâ Viris, tum *Italîs*, tum alibi gentium
natis, qui aut negotiorum causâ, aut disputatio-
num habendarum (quæ tum de *gratia*, deque alijs
controversis articulis celebrabantur) aut per cau-
sam Anni sæcularis, aut postea *Romam* confluxe-
rant, quos inter *Franciscus Soarius*, *Gregorius de
Valentia*, aliique ex *Nostris*; ex *Religionibus* alijs
Theologi quàm plurimi. Qui *Romam* stabiles in-
colebant, *Toletus*, *Baronius*, *Bozius*, aliique innu-
meri, à quibus *Roma* mirum in modum illustraba-
tur. Sed *Bellarminum* suspiciebat maximè *P. Ni-
colaus*, quem *Rectorem* in *Collegio Romano* A. 1596.
habuisse se gloriabatur, cujus plurimas, spiritu di-
vino plenas, exhortationes, & earum argumenta
narrabat nobis; eam potissimùm, quâ refellebat,
quòd falsò de se spargi audierat, quasi dixisset:

D

Opta-

Optare se in Purgatorio igne usque ad diem Judicij torqueri, si modò cæli & vitæ æternæ securitatem haberet; ostendit enim se alterius sensûs esse, & non satis prudenter & congruenter desiderio perfectionis ferri eos, qui sic sentirent. Redeamus in viam. Sex Pontifices Maximos cùm vidisset P. Nicolaus; Clementem VIII. ob fidei zelum, & ob Religiosorum familias ad primævum vigorem, & legum Ordinis sui observantiam, revocatas, ob magnificentiam, authoritatem, & cæteras magnorum Pontificum virtutes admirabatur, quo Pontifice ad Ecclesiæ clavum sedente, felicissima sive sanctimoniam, sive doctrinam, sive ipsius Pontificis sapientiam spectares, Romanis affulxisse tempora existimabat, neque antè, neque diu post tantum Doctorem, & Sanctorum Virorum numerum in unum quasi temporis articulum, coactum fuisse sentiebat. Jam & domestica nostrorum eo tempore vita, accessu tantorum à Gallia & Hispania &c. Virorum, summam adferebat P. Nicolao voluptatem. Concordia prorsus fraterna vigeat, Religiosa omnium virtutum observantia (verbis illius utar) cælestem vitam Beatorum adumbrare videbatur, cujus solâ recordatione, jam senior, ingenti gaudio perfusus, in amore Societatis, tot naturæ, & gratiæ donis à DEO ornata, mirificè confirmabatur; narrabátque nobis, se tum Romæ exclamasse sæpius: O quàm bene nobis erit in Regno cælesti,

Do

Domine DEUS noster, si tam bene erat in habitatione Sanctorum terrestri ! inuitatus in hoc fortassè S. Fulgentium Episcopum Ruspensem, qui Romam adveniens, cum Senatum Romanum quasi ex totidem Regibus compositum, & in medio eorum Theodoricum Regem, triumphantis habitu sedentem aspiceret, Romam terrestre cælum, Cælum ipsum Romam cælestem appellavit. Memini (verba P. Nicolai recito ex opusc. 13.) me toto tempore studiorum meorum, dum in Collegio Romano manerem, Rhetoricæq; & Philosophiæ, ac Theologiæ openm darem, quotidie solitum non minorem devotionis affectum, & spiritûs fervorem tempore recreationis quotidiana, præsertim hebdomadaria in Vineâ S. Balbinæ sentire, quàm sentirem in devota communione, & tempore ferventis Meditationis, ita pia de rebus pijs colloquia, cum mihi equalibus Fratribus instituta, accendebant cor meum. hæc P. Nicolaus. Hoc primo suæ commorationis Romanæ tempore P. Nicolaus, qui ad Sanctorum Virorum, & qui cum virtute vixissent, imitationem plurimos accendere cupiebat, felici inventione est usus : nam cum familiarissimè eum, qui à secretis Congregationi Rituum, ut vocant, novisset, implorata etiam nonnullorum Cardinalium ope perfecit, ut quidam processus, pro Canonizatione facti, communicarentur, quos ille in compendium sigillatim referens, summam quandam vitæ singulorum conscribebat,

atque eo modo absolutis, quæ concessa erant scriptis, & cum gratijs restitutis, nova alia concedi sibi exorabat, & suo labore, & amicorum operâ in formam relationis alicujus contrahebat; quem laborem utilissimum legentibus, & ipsis, quorum acta referebantur, gloriosum, his primis annis cœptum, in suo post Annum 1616. *Romam* iterato adventu, continuavit, & additis novis Virorum sanctimoniâ Jllustrium nominibus, qui ad usque Annum 1640, vixerant, & ex diversis *Provincijs* petitis vehementer auxit, & locupletavit. Vidi ego apud optimum Senem vitas ejusmodi quàm plurimas, & nisi fallit memoria, tricenis non pauciores; quarum lectione mirum in modum *Religiosi* omnis ætatis, ad imitationem tantarum virtutum, quæ ibi legebantur, incitabantur. Vidi summarium Vitæ *Mancinelli, Realini, Ludovici de Ponte, Marinae de Escobar*, in qua etiam reperiebantur Exhortationes Sanctorum *Fundatorum*, ad eam habitæ cœlesti eloquentiâ, & luminibus divinis refertissimæ, *Colnagi, Didaci Martinez, Martini de Roa, Caroli à Lotharingia, Petri Cottoni, Philippi Nerij*, qui nondum Cœlitibus publicâ auctoritate adscriptus erat; denique aliorum omnium, pro quorum Canonismo processus sunt instituti, & *compulsoriales*, ut vocant, literæ, aliâque documenta, & instrumenta *Romam* apportata. Iisdem temporibus, narrat primus vitæ *P. Nicolai* Scrip-
ptor,

ptor, miros ad eum accessus pœnitentiæ, & absolutionis gratiâ fuisse, miras animorum ad vitam meliorem conversiones secutas, quasdam etiam species Prophetiæ & miraculorum referri; sed hæc cùm generatim referantur, silentio necessario prætereo. Omnia superat sapientissimi viri, nostræ *Societatis Præpositi Generalis, Claudij Aquavivæ* judicium, non verbis, sed rebus ipsis contestatum, qui cùm videret *P. Nicolaum* ipsis primis Sacerdotij sui annis, tantos fructus in *Vinea Domini* colligere, & *Episcopos, Prælatos, Abbates, & ex Nobilitate Romana* primos certatim spiritualis consilij petendi causâ, ad Patrem accurrere, & sive in domo *Professorum*, sive in *Collegio Romano*, vel *Anglicano*, vel *Germanico* degeret, magnis precibus postulare, ut ab eo Spiritualibus *S. P. nostri Ignatij* exercitijs excolerentur, cùm hæc, inquam, *Patri Claudio* satîs constarent, *P. Nicolaum*, quinto Sacerdotij anno, petente & impetrante *P. Mutio Vitellesco* id temporis *Provinciali Romano*, ad *Collegium Romanum*, quod tum viris ex omni natione præstantissimis refertissimum erat, ut in eo *Præfecti spiritûs, & domesticorum Confessarij* munus ageret, misit: cùm prudentiam cœlestem, integritatem, & dexteritatem viri perspectam haberet, præterea *Adm. R. P. Claudius*, ut ipse ad summum *Magistratum Societatis* sat citò ascendisset, ita etiam in promovendis ad officia Societatis, non an-

nos expectare soleret, sed aptitudinem præsentem intueretur.

CAPUT X.

Qua viâ potissimum ad perfectionem Religiosam contenderit P. Nicolaus, & quod fundamentum spiritualis & sanctæ vitæ jecerit. Visio ejus mirabilis & optatissima de æterna & felici prædestinatione.

IAm inde, à primo Cracoviensi & Romano Societatis tirocinio, ardentissimum perfectionis, & virtutum omnium desiderium in se sentiebat Nicolaus, quæ fames & sitis justitiæ indies crescebat, circumspiciebátq; modos, & viam, qua votis suis potiretur, & DEO quàm maximè placeret, & gratosus evaderet. Cùm in eo esset DEUS, cui fames & sitis justitiæ placet maximè, eosque, qui sic affecti sunt, justitiâ saturandos & beatos fore promisit, & per se interno quodam afflatu, & per *Magistros spirituales* (nam etiam Sanctitas docetur, & multò magis quàm aliæ scientiæ Informatoribus eget) Nicolao insinuavit: obtenturum quod peteret, si, ut est in sacris literis, coram se in corde perfectò continenter ambularet. Eam viam tenendam sibi statuit Nicolaus, ac primùm quidem memoriam DEI circumferre, & in conspectu
ejus

ejus assiduò stare conabatur. At, quia id sinè fatione capitis ægrè fieri poterat, cùm is conatus internas animi facultates sæpiùs oblædat, longè altiore viam inivit, ut voluntatis actibus potiùs quàm sterili tantùm memoriâ in DEUM ferretur. Constat enim omnibus expertis, voluntatis affectus longè faciliùs, & svaviùs elici, & dulciùs iisdem animos occupari, præcipuè cùm voluntas nostra cæca omninò non sit, sed præsupponat eum, quem amamus, existere, & coram esse. Clariùs id explicuit ipse *P. Nicolaus* in opusculo 11. suo, de *Præsentia DEI*. Primò igitur omnium majores, & primæ notæ actiones suas, externas & internas ad *Divinam Gloriam* referebat; ubi id processerat, paulatim sibi consuetudinem fecit, etiam minores actiones offerendi; quod paucis hebdomadis affectus est; tandem etiam Divinâ gratiâ, quæ prævenire conatus nostros, comitari, & subsequi solet, cooperante, omnes *Divinæ Majestati* offerebat, eoque semper altiùs ascendendo progressus est, ut ferè toto die DEUM haberet præ oculis, opera, verba, & cogitationes, & quidquid agebat, offerendo, ut vix punctum temporis toto die nominari posset, quo DEI non meminisset. Scio me novi aliquid, & miri dicere, quod inexperti vix credant, sed gratia DEI cum humano conatu miraturatur, & quod impossibile apud homines creditur, possibile est apud DEUM. Quis, nisi in-

Sanctorum vitis bene versatus, credat *Gregorium Lopez*, Virum Sanctum, cum DEI auxilio singulari (ut in ejus vita duplici legitur) per integrum triennium, cum vigilaret, ad singulas respiraciones hæc verba iterasse: *Fiat voluntas tua, sicut in cælo, & in terra. Amen, JESUS*; quæ etiam evigilans noctu proferebat, & dum comederet, & biberet, & loqueretur mente repetebat. De *P. Nicolao* nostro, magnus vitæ Spiritualis Magister, & *P. Nicolaus* familiarissimus (cujus verbis potius quam meis in re tanta, & tam insolita uti volo) *Daniel Pavlovsky* (in die prima exercitiorum spirit.) testatur his ipsis verbis: *Urget nos Regula Summarij 7. in qua jubemur, omnes rectam intentionem habere, circa res omnes particulares. Excelluit in hoc P. Nicolaus Lancicius, famâ Sanctitatis clarus, qui dono DEI eò devenerat, ut singulos passus incedens, & singulas literas scribens, actuali intentione offerret DEO, dicens mente: propter te; idemque alijs faciendum suaderet. Hucusque R. P. Daniel; quod addit: Authorem alijs fuisse faciendi, id ego, meique in Humanioribus Condiscipuli sanctè confirmare possumus; nos, qui P. Lancicij operâ in sacris Confessionibus utebamur, Adolescentes adhuc in Syntaxi & Poësi edoctos à P. Nicolao, etiam in cursu puerili, cum soli luderemus, & per amœna pratorum decurreremus, exclamare solitos propter te. At P. Nicolaus postquam eam sibi consuetudinem*
fe-

fecisset, ut ad singulas & particulares actiones *propter te*, ingeminaret, eundem affectum excolere, & perfectiorem reddere, & quasi perpolire studiosissimè procuravit. Inprimis non contentus *propter te* ad singulas actiones tacitè repetere, non nunquam addebat: *propter te summè dilectum*; interdum repetebat: *ad amantissimum cor DEI recreandum*; aliàs, dum tempus suppeteret, alijs supernaturalibus motivis utebatur, v. g. *Domine volo hoc facere purè propter te super omnia quàm perfectissimè dilectum*, & *propter omnia alia supernaturalia motiva omnium virtutum*, propter quæ hoc opus tibi offerri potest; alias quoque actiones diversis & diversis quasi coloribus initiabat, non modò divini gustûs augendi desiderio (quod motivum usitatissimum fuit) sed etiam intentione imitandi *Christi Domini* actiones, in *Passionis* ejus memoriam, & alia, quæ in prædicto opusculo expressit, varietatis gratiâ adhibebat. Sæpe etiam in longioribus actionibus ipsas rei circumstantias exprimebat, & DEO offerebat, exempli gratiâ, dum lectulo consurgeret, & DEO offerret, simul offerebat voluntatem honestè decentèque egrediendi; dum cibo vires ad DEI gloriam reficeret, offerebat unà voluntatem sobriè, mundè, & temperanter vescendi, idémque de alijs sit judicium. Imò eò etiam processit, ut omissiones non modò rerum, quæ DEO non placent, sed etiam earum,

D 5

quæ

quæ minùs perfectæ videntur, DEO offerret, & ejusmodi rerum licitarum, quas semper vitaturum se statuerat, indiculum confecit, quas in occasione omitteret, & omissionem illam offerret. Postquam *P. Nicolai* mens ipsâ consuetudine, & habitu à DEI memoria separari non poterat, facilitas erat viro quosvis actus supernaturales continenter eliciendi, eosdémque Divinæ Majestati præsentandi. Hoc exercitio assecutus est, *primò*: ut in omni necessitate, dum illa occurreret, statim Divinæ Majestatis auxilium imploraret. *Secundò*: ut in rebus dubijs & incertis consilium ex cœlo peteret. *Tertiò*: ut, quàm sciret perfectissimè, opera sua perageret, utpote in Divinitatis conspectu consistere se scienter advertens. *Quartò*: ut peccatum omne faciliùs declinaret; fieri enim vix potest, ut dum amore ardentissimò in DEUM ferimur, mox altero quasi temporis mómto eundem offendere velimus, ideóque cadit illa admiratio de voto, quod in *Sanctorum* vita sæpe legimus: *neque venialiter deliberatè peccandi*, quo etiam voto obstrinxerat se *P. Nicolaus*, ut postea legemus. *Quintò*: hac agendi ratione consequebatur, ut semper paratissimum ad divinas gratias recipiendas cor haberet, & in negotijs occurrentibus lumen quoddam cœlèste, quo illustratus adjuncta rerum & circumstantias videret, uno propè momento sibi oblatas. Ut enim si conclave aliquod

quod tenebris horridum, in quo parùm vel nihil videre licet, subitò vel per rimulam radius Solis penetret, tenebræ omnes evanescunt, & quæ per malignam quandam lucem horrida & terribilia videbantur, vertuntur in risum, omnésque loci partes patère, & se ultrò offerre incipiunt; ità perinde anima, divinâ luce illustrata, quæ alijs, sibi que antè aut formidanda, aut incerta videbantur, contemnit, ultróque, quòd nihil timenda sint, videt, cóque magis, quòd vel particula divinæ lucis uno illapsu propè innumera dissolvat, doceat, & clarissima ex obscuris & incertis reddat. Hoc fundamentum virtutum omnium *Venerabilis Pater Nicolaus* prælocavit, & ex consortio DEI humilitatem, tam erga DEUM, quem ut *Authorem* omnis boni adorabat, & se velut infima creatura, coram suo *Creatore* humiliabat; quàm erga proximum, ex *Christi Domini* monito (*cùm omnia feceritis, dicite, quia servi inutiles sumus*) discebat; hinc etiam charitate in proximos exæstuabat quodammodo, ut sæpe notavimus. Fieri enim non potest, ut mens divino amore occupata, DEI filios, & ejus amicos, quos Christus sanguine redemit, oderit, aut amore suo dignos non putet. *Sextò*: ut per hanc continuam DEI præsentiam, non modò quod esset perfectius, & ad DEI gloriam majorem promovendam aptius, eligeret, sed cùm persuasum haberet nutus omnes Majorum, nutus

nutus esse DEI, primus omnium ad vocem illorū, & ad campanæ signum accurreret, & ad eorum jussa exhaurienda semper paratus inveniretur; sed hæc latius in virtutibus, quæ mihi in libro secundo utramque paginam facient. Alter *Cardo* spiritua-
lis & cœlestis vitæ, quem maximè *Vener. P. Nico-*
laus actionibus suis velut *Lydium* lapidem adhibe-
bat, aut *Cynosuram* quandam, ad quam cursum di-
rigeret, fuit, quod tum maximè commendabant
spiritûs Magistri, & terrestris *Angelus B. Aloysius*,
ut in ejus vita legere est, frequenter habebat in ore,
rationes æternas spectare, & ad eas omnes vitæ suæ
rationes referre nos oportere. Primum illud scili-
cet DEI præsentia, cui semper inhærebat, ejus a-
ctiones pretiosas, & DEO gratas reddebat; hoc
alterum in rebus, ut ità dicam, agibilibus, quid
potissimum ageret, quid contrà omitteret, doce-
bat, efficiebátque, ut nihil unquam humanum di-
vinis rationibus anteferreret, nullo humano respe-
ctu, si æterna obstarent; moveretur; nullo metu,
nullo amore, nullâ spe, cupiditate nulla quidpiam
aggrederetur. Sed ego malo ex ipsius sensu &
verbis rationes æternas explicare, & quomodo eas
ad vitæ suæ actiones, velut regulam applicuerit,
ostendere. *Rationes æternas, juxta quas in*
omnibus actionibus procedere debes, tuis quoque in-
culca, commenda, & sic explica: I. Ut omnia & sin-
gula opera faciant propter ipsum DEUM, ut summum
&

Et absolutum bonum in se, sine ullo respectu etiam secundario, quamvis alioquin bono, Et licito, Et meritario, minus tamen perfecto, utilitatis Et premij supernaturalis: quia amor benevolentiae est DEO magis acceptus, quam amor concupiscentiae supernaturalis. II. In illis rebus occuperis (ceteris paribus) quae naturam suam sunt magis DEO gratæ, Et magis conformes rationibus aternis, hoc est, quae magis accedunt ad res spirituales, Et divinas, magisque recedunt ab humanis consolationibus etiam licitis.

III. Omnia, quae partem inferiorem in hac vita affligunt, potius opta, Et elige, Et retine, propter rationes aternas, id est, propter DEI gustum, Et complacentiam, ejusque honorem Et amorem: quam eas, quae placent parti inferiori; uti sunt favores humani, laudes, promotiones ad res speciosas, commoditates in victu, vestitu, habitatione, recreationes titulo sanitatis, Et humanitatis, Et vitae conservandae palliatae, conversationes cum Magnatibus, Et his similia, quae terrenas rationes oblectant Et comitantur. IV. Ita interius sis dispositus, nè te rebus hujus vitae, Et bonis immergas, Et nè mens sit avulsa à frequenti memoria Et gustu rationum aeternarum.

Tantum ergo commodes te rebus hujus vitae Et bonis, non dedices, Et dones: sed DEO immediatè, Et rationum aeternarum cogitationi, reminiscentiæ, amori, Et cuidam terrenæ functioni te tradas propter DEUM; eo modo prorsus, quo solent homines in alie-

na domo officij causâ manentes, vel peregrè euntes, bene quidem & diligenter attendere occupationibus suis: mentem tamen, seu memoriam, affectum, desideria, habere domi suæ, & in Patria suâ; quandoquidem, ut ait Apostolus, dum sumus in corpore, peregrinamur à Domino, & conversatio nostrâ in Cælis esse debet, & uti debemus hoc mundo, quasi non uteremur, ut idem monet. Atque ex hoc quarto modo sectandi rationes æternas proveniet, inter aliâ bona, vita verè spiritualis, à peccatis abhorrens, omnia faciens accuratè, mortem nec detrectans, nec metuens, conscientiam habens pacatissimam, accensa erga DEUM, & res divinas desideria, & alios affectus pios fovens, fervens in Domini obsequio, mundana omnia contemnens & fastidians, DEO unita arctissimè, & quodammodo in DEUM transfusa per cogitationum, & affectuum unionem, & per vitæ ac actionum omnium ejus voluntati ac perfectionum, conformium similitudinem, & quandam earum per participatam DEI & Christi imitationem, Deificationem. Unde sequitur, ut quilibet ita ex DEI beneficio vivens, possit cum Apostolo, humillimè DEI in se gratiam agnoscendo, dicere: vivo ego, jam non ego, vivit verò in me Christus. V. Sectaberis rationes æternas, conformando te exactè divine voluntati, circa ea bona, quæ quidem optas, sed DEUS aliter disponendo ostendit, ea se non velle eo modo, quo tu optabas. Ideo in negotijs pro DEI gloria susceptis,

eo successu sis contentus, non quem velles, sed quem DEUS dabit, post tuam omnem diligentiam. Similiter eâ vitæ longitudine contentus sis, quam DEUS dabit, etiamsi daret non tam longam, uti velles, sed ad plura mala toleranda, & ad majora merita & bona propter majorem DEI gloriam & amorem cumulanda. VI. Rationes æternas servabis conformando te voluntati tuorum Superiorum omnium, quandoquidem ex præscripto S. Fundatoris nostri, Superiores habere debemus, tanquam interpretes divinæ voluntatis 7.p. Const. c. 2. A. in Declar. per quos regimur à Divina Providentia 6.p. c. 1. N. 1. C. qui Christi Domini nostri vices gerunt. 5.p. c. 4. N. 5. & loco Divinæ Majestatis nobis præsent 7.p. c. 1. A. Ideoque in eis JESUM Christum considerare, ac revereri debemus. 6.p. 5. 2. eisque obedientiam Christi locò præstare. 4.p. c. 4. 5. 3. & considerare, & perpendere vocem à Superiore egressam, acsi à Christo Domino nostro egrederetur ex C. 4. S. 23. Atque ita quidquid facies, ex directione, & præscripto Superiorum facies, judiciâque eorum & voluntatem, ac ordinationes sequeris. VII. Rationes æternas sectaberis, ita faciendo omnia bona, ac tolerando mala, ut contentus sis, nullum prorsus pro illis unquam premium referre, dummodo per ea glorificetur DEUS, & gustum suum habeat; quia talis gustus & complacentia DEI de bonis factis per nos, & malis toleratis propter illum, fuit in DEO ab æterno; actua-

actuale autem premium, quod DEUS dat post mortem, non fuit ab aeterno in actu exercito, ut in possessione nostra, sed tunc inchoabitur, cum cœperimus videre DEUM facie ad faciem, per lumen gloria intellectui infundendum à Domino. Hucusque Ven. P. Lancicij verba ex secreto ejus libello excerpta. Dum sic præsentia DEI, & amore, continenter occupatur, & negotia vitæ omnia ad æternas rationes dirigit Nicolaus, DEUS, qui consolatur humiles, promulsi dem quandam, & prægustum æternæ felicitatis, & voluptatis præbere servo suo visus est, & quod paucissimis præstiterat, promisit, permisitque nomen suum in libro vitæ inscriptum, ut legeret, seque Beatis illis cœli Civibus adscribendum certissimè sciret. ut libro 3. narrabitur.

CAPUT XI.

Venerabilis P. Nicolaus Româ in Provinciam remittitur. Diversa SS. Martyrum corpora Româ abiens impetrat, eaque per templa Collegiorum in varijs Provincijs, ad cultum, & venerationem distribuit. Plurimas persecutiones mirabiliter oblatas fortissimè tolerat; adducuntur quedam earum cause.

JAm quatuordecim annis continenter Romæ exactis, ab anno scilicet 1592. usque ad 1606. & la-

& labore Historiæ Societatis colligendæ finito, ipsoque *P. Nicolao Orlandino*, quem in eo labore adjuverat, defuncto, visum est Majoribus, *P. Lancicium* Patriæ reddere, in qua propè ignotus jam erat, utpote admodum Juvenis egressus è Patria, præcipuè quòd eum *Adm. R. P. Claudius* sibi à virtute, prudentia, & sanctimonia vitæ cognitum, & probatum, majoribus munijs & regendis Collegiis aptissimum tacitè designaret. Pater, ubi voluntas *Majorum* innotuit, ut erat in cultu Divorum promovendo ardentissimus, rem novam, & quam nemo desperatione victus tentare ausus esset, aggressus est: DEI imprimis auxilio invocato, amicorum, quos in Urbe plurimos habebat, ope, communicato cum Superioribus consilio, à *Summo Pontifice* ex *S. Callisti* cæmeterio nonnulla *SS. Martyrum* corpora, qui *Romæ* finè particulari cultu ob multitudinem suam in Catacumbis jacerent, qui in *Provincijs* Septemtrionalibus, ob talium rerum penuriam, honores, & venerationem maximam invenirent, exoravit. Laudavit consilium *Patriæ Nicolai* universalis *Ecclesiæ* Pater, & non duo, tria, sed non parùm multa Sanctorum corpora eruenda, & evehenda concessit, amplissimisque literis, Patrem permunivit, ut & accessus locorum sacrorum pateret, nemine contraire auso; & cum is labor subterraneus ex sententia processisset, *Apollolicis* literis veritatem corporum *SS.* confirma-

E

vit.

vit. Qua ex re satis patuit, quantum Viro *Roma* tribueret, cùm homini extero, ætatis mediæ, quæ authoritati comparandæ parùm habilis est, tam pretiosum thesaurum ad primas preces concesserit, sinè dubio notæ jam virtuti tribuens, quod deesse videbatur ætati. Distributa hæc sacra corpora prævio *Episcoporum* de veritate reliquiarum examine, & per diversas *Regni Polonia*, & magni *Ducatus Litvania*, postmodum etiam per *Regni Bohemia Provincias*, publicis *Populorum* supplicationibus honoratæ, & ingenti pompâ imaginibus & nominibus Sanctorum ferè singulorum magno numero expressis super aras templorum pretiosis thecis, argento & gemmis lucentibus arculis, statuis plerumque ex argento superstantibus conditæ, hodièque summo Populi ad eas affluxu; cùm anniversaria alicujus dies recurrit, coluntur, multisque miraculis, & beneficijs in cælo se vivere, manifestant, ut ex *Annuis Collegiorum* satis intelligitur. Sed de his plura sparsim adferentur. Alio quoque viatico obarmavit se *P. Nicolaus* ad sanctitatem, & virtutum exempla, quibus socios ad imitationem inflammaret. Vitas scilicet, ut jam antè dixi, Sanctorum, vel etiam piorum hominum sigillatim descriptas, tum etiam ex *Archivo Societatis*, quidquid ad imitationem valeret, colligens, & describens, ex quibus deinde in opusculis suis conscribendis multum se adjutum sensit, & multam

tam *Societatis* nostræ notitiā, & æstimationem in *Provincijs* comparavit. Antequam verò *Romæ* valediceret, divinâ sinè dubio inspiratione, quâ plerumque DEI fideles servi ad aliquid à DEO petendum ultrò incitantur, juxta illud *D. Augustini*: (*doce quid petamus, & da quod petimus*) vehementius impelli se sensit, ut imitatione *Sanctorum Martyrum*, quorum corpora tanto numero postea Româ extulit, & pro eorum honore satagebat, Divina Majestas eum *Martyribus* similem, adversis plurimis perferendis, efficeret, utque sibi dura patiendi nunquam deesset materia, cresceretque perpetuò in corde suo amor crucis. Et impetrâsse visus est bonus Pater interventu *SS. Martyrum*, quod petebat tantopere, nam ex eo tempore tantis jactatus est adversis (ut in virtutibus L. 2. ostendetur clariùs) ut semper in reliqua vita usque ad decrepitam ætatem, quâ, etiam inimici fatigati desinunt, haberet liberalissimam patiendi, & sufficientem materiam. Vix *Româ Cracoviam* intulerat pedem, visitatis amicis, quos sibi *Romæ* notos invenerat, & munuscula quædam *Sacra Romana* pro more obtulerat, jam interpretati quidam eum externorum favorem & gratiam aucupari, & in *Aula* mansionem his munusculis captare, subito pro potestate, conducto clam aurigâ, prohibito etiam, nè *P. Nicolao* de faciendo itinere quidquam indicaret, uno temporis articulo præter o-

minem spem currum conscendere jubent. Tulit inopinatum imperium æquissimo & læto animo conscia sui virtus, tantúmque ab affectatione Aulæ, & familiaritate Aularum & Magnatum remota, quantum alij gratiam hominum venari, aut aucupari solent. Vix semel ad visitandos amicos *Cracoviæ* prodierat; imò sæpius invitatus à Serenissimo *Principe*, & *Episcopo Cracoviensi Alberto*, nescio quæ alia causatus, salutationis officium differbat; tamen ab ijs, qui in deteriorem partem aliena facta detorquere, & cogitationes etiam aliorum interpretari nihil pensi habent, pro affectatore Aularum, & cupido humanæ gratiæ habebatur; qui tamen humanâ omnia præ divina gratia velut lutum ducebat. Et verò vix *Warsaviam*, quò mittebatur, attigerat, cùm ecce alterum imperium! *Vice-Provincialis Litvaniæ R. P. Boxa*, *Vilnam* abire jubet, & *Præfectum spiritûs* agere. Non diu gessisse hoc munus *P. Nicolaum*, ostendunt tractatus Scholastici, quos *Vilnæ* An. 1607. & iterum An. 1608. elucubravit, & publicè dictavit Discipulis, qui etiamnum in *Bohemia* in cujusdam *Collegij Soc. JESU Archivo* servantur. Certè An. 1609. in *Academia Vilnensi* Institutiones *Hebrææ* lingvæ explicandas suscepisse *Præfatio* ad Academicos 4. Maij habita, quæ inter manus meas est, ostendit. Non sat divisam temporibus horum annorum *Historiam* nactus sum, neque eam ordinare

nare mihi licuit, quòd à *Litvania* procul abfim, quæ à Cursoribus publicis ferè non aditur, ut consulere Patres nostros, qui istiusmodi officiorũ Catalogos pro *Societatis nostræ* more descriptos habere in Tabularijs *Collegiorum* solent, nequiverim; adeò nec scire unquam potui quandònam *SS. Martyrum* corpora, an omnia simul post primã, an post secundam suam *Romæ* commorationem quædam, & à quo Pontifice, & an à pluribus *P. Nicolaus* impetrarit? *Urbanum VIII.* alij, alij *Paulum V.*, alij utrumque, quod probabilius est, nominant, qui hoc verè Regio dono Sanctorum gloriam in tam remotis à *Roma* Provincijs propagare voluerint. Sed de laboribus & munijs *P. Nicolai*, quod cæperam dicere; certissimum est aliquot Annos in Scholarum erudito pulvere contrivisse: *Joannes Chondzynsky* in præfatione sua ad XVII. opusculum de præstantia *Instituti Soc. Jesu*, *R. P. Nicolaum Lancicium* in *Alma Academia Vihnensi* sacrarum literarum, & Theologiæ, ac sanctæ linguæ Professorem, demum post variorum Collegiorum gubernationem *Provincia Litvaniæ* Præpositum *Provincialem*, Virum omnibus Regni Ordinibus in *Polona Republica* charissimum appellat, idèmq; disertè tradit *R. P. Nathanaël Sorvvellus* in Catalogo scriptorum *Societatis*, verbo: *Nicolaus Lancicius*. Invenio hoc tempore *Ven. P. Nicolaum* cum Hæreticorum *Ministellis* negotium habuisse, eosque ad

disputandum provocâsse An. 1615., fueruntque inter manus meas *Conclusiones Theologicæ* Ministris Minoris *Poloniæ* ad oppugnandum propositæ, quas gloriosè in *Collegio Lublinensi Soc. Jesu* in maximo hominum Cœtu *P. Nicolaus* defendit, & omnium Sapientum Judicio victos 9. & 10. Augusti coëgit discedere; Theses ipsæ typis expressæ sunt *Leopoli*. Jam ad cruces & afflictiones, quas per SS. Martyrum intercessionem impetrâsse sibi nuper diximus, veniamus (eas alibi enumerabimus) Quæ tanto numero, quasi tempestate, in virum optimum irruebant, ut in multis admiratio excitaretur. Ejus rei causas, qui *P. Nicolaus* lateri multis annis adstiti, & S. Virum utcunque novi, perno-scere omni diligentia & studio conatus sum. Quas postea in libro 2. capite de crucis amore diligentius persequar; sed potissima causa in DEI amorem erga Virum referenda videtur, qui servum suum sibi approbare, eique meritorum magnorum materiam subministrare volebat, præcipuè cum Pater crucibus satiari non posset, & quò plura pateretur. inexhaustâ siti (ut ex libellis ejus precatorijs satis intelligitur) plura & plura adversa sibi immiti desideraret quotidie, ardentissimo affectu efflagitans. Quæ quidem adversa licet animæ superior pars libentissimè, & cum gaudio susci-peret, inferior tamen, & animalis excruciabatur, maximè si cum divina offensa conjungerentur. Deinde
ani-

animadverti sapiùs *Ven. Patrem* divina pati solitum, & toto vultu inflammato, maximè cum futura prædiceret (quod factum sapiissime) extra se quodam modo rapi, ut propè ipsemet, quid dixisset, nescierit; quod cum accideret, ignari cœlestis vitæ, & qui Sanctorum mores minimè callebant, jactantiam interpretabantur, & in sinistram sensum verba detorquebant; at bonus Pater, DEO plenus, quò divini spiritûs impetus impellebat, dicere cogebatur. Ipse quoque *Ven. Pater* sinistra aliorum de se judicia & contemptum studiosè quærebat, idque assecutus tacito in sinu gaudebat: noverat *S. Philippum Nerium* de facie, quem Heroem magnum inter Sanctos nominabat; audiêrat sapiùs illum vel in foro Romano, vel in templo quædam ad sui contemptum agentem; legerat, imò etiam conscripserat *Romæ*, hujus Sancti vitam, & admiranda illius gesta, artésque pias, quibus ille virtutes obtegebat suas, & imitandi ejus studio accensus constituit, quidquid abs se laudabiliter, & cum virtute gestum esset aliqua ratione ab imperitis illaudabile, & quod minùs alijs probaretur, reddere; hoc sui obtegeudi studium maximarum adversitatum *P. Nicolao* causam præbuit. Vidi ego, quoties Pater præclarum aliquid ad DEI gloriam fecisset, aut dixisset, mox aut risu, aut gestu, aut verbo aliquo, quod ad rem non videretur, corrumpentem, ut etiam familiarissimos

homines falleret , & in suspensionem adduceret quæsitæ alicujus gloriolæ, aut vanitatis. Eandem ob causam, ut appetentior cibi & potûs videretur, vina quædam coram alijs laudabat; cibos meliores eligere, & præferre vilioribus audiebatur, cùm interea in occulta cogitatione nihil minus quæreret, & jejunijs suis mensas consecraret. Audivi, cùm non contentus suo demenso cucumeres (vilissimum apud nos cibi genus) ab alijs sibi mitti peteret ex mensa vicinorum, & fictâ aviditate ingentem eorum numerum absumeret, mirè exhilaratus, quòd in posterum Ministri Mensarum cucumeres ad eum ultrò deferrent, eum hoc cibi genere vehementer delectari existimantes; cùm tamen ex hoc cibo vilissimo & inutili senilis *P. Nicolai* stomachus, nîl nisi dolores, & ructus, & pro quiete insomnia reportaret. Accidit aliquando, ut *P. Nicolaus* (cùm jam in *Provinciam Bohemiam* immigrâisset) cuidam Patri ex Nostreis gravissimo, à Sanctimonia vitæ omnibus probato, pauci cibi, & multæ abstinentiæ assideret; ferebantur tum *P. Nicolao* à Ministris Mensarum multiplices cibi, quibus ille lætè & avidè vesceretur, ac plures etiam videbatur postulare, totus simulatione virtutis in epulas effusus; admonuit submissâ voce *P. Nicolaum*, qui assidebat, ut dixi, parceret valetudini, neque se tot infaciret cibis, addens : in *Religiosa domo omnia hæc observari. P. Nicolaus* lætus, quòd

quòd ipsum etiam virum tam gravem in sinistram de se opinionem adduxisset, risu modesto respondit : an ignoraret *Pater* pluribus portis , & vijs *Romam* adiri posse ? quandam etiam *Stratam del populo*, seu popularem appellari. Innuere scilicet volebat, non unam esse ad Perfectionem & sanctitatem viam, sed alium hanc, alium illac à divino spiritu deduci , & varia esse cœlestium charismatum dona. Quod responsum postea, multas, inter spirituales viros, quæstiones excitavit, ob Authoritatem duorum magnorum virorum alijs non probantibus, alijs laudantibus. Innumera hujusmodi exempla, ab eo in contemptum sui, & ad tollendam de se vulgi æstimationem edita possent proferri. Illud etiam non levè sinistræ aut potiùs dubiæ, de ejus virtute opinionis argumentum præbebat, quòd ut plurimum eos sibi devinciret, & ad se familiariter attraheret, quicumque Religiosæ vitæ parùm observantes, in suæ vocationis proposito titubare viderentur ; hos ille blandiùs alloquens, ac sæpe etiam defendens, adjungebat sibi, atque omnium tentationum semina , quæ ultrò manifestabant Patri, elidebat, ut quàm plurimos in Religiosa vita ab eo confirmatos, & servitio divino stabiles redditos meminerimus. Id cùm maximè fieret, & Pater in ijs alloquendis, & solandis assiduè versaretur, cùmque illi plerumque à Majoribus voluntate dissiderent, & quasi injuriam

passi (*disgustatos* Barbari vocant) viverent, fiebat, ut ignari *P. Nicolaum* murmuratoribus, & dissolutionibus socijs favere, & Superiorum Authoritatem parvi pendere & elevare existimarent; quod nonnulli etiam Superiores credebant: & passim jactabatur, omnem etiam malam causam subditorum suscipere *P. Nicolaum*, iisque, qui Superioribus reluctarentur, patrocinari. At eventus contrarium ostendebat, cum ij, quos antè ut immorigeros, legum Religiosarum violatores, & mali exempli viderant, postea monitis *P. Nicolai*, sibi, & cœlesti vitæ redditos, dicto Superiorum audientes viderent. Hæc igitur *P. Nicolaum* suspectum etiam Majoribus faciebant, timebantque passim, nè quid per eum disciplina domestica detrimenti pateretur; at subdiri Religiosi unicum in *P. Nicolao* *refugium* habebant, si quid gravius ferendum fuisset, ad eum recurrebant ut Patrem, consilia & auxilia cum eo communicabant, quos ille pacatos reddebat, dicebatúrque universalis *Collegij Consolator*. Denique ut summam quandam capitis hujus conficiam, mihi in vitam *P. Nicolai* intuenti, & quid unquam adversi, & qua de causa pertulerit cogitanti, nihil mirum videtur; cum & DEUS, ut ejus merita coronaret, ex amore cruces immitteret, & malus dæmon ex odio quidquid in *Virum* sanctum posset injuriarum, & calumniarum ingereret, & ipse *Pater* ultrò cruces sibi accerseret, & ho-

homines etiam optimi, ejus mores, quibus imperfectorum vitam aliquando assimilabat, non intelligerent, sed carperent, quidam etiam æmulatione (quòd eum à maximis in utraque Republica viris magni fieri, accursu omnium hominum in consilijs & conscientijs regendis felicissimè medicinam facere viderent) tangerentur, ejusque conatus sanctos impedirent, nimirum necesse erat eum plurimà pati; ac mihi ità videtur *Bernardi Colnagi* Viri sanctimonià inclyti, vitam prorsus & ad ungve[m] exprimere voluisse; legantur ejus gesta nuper typis edita, omnia sibi congruunt, & gemina sunt, & ad idem exemplum, habebuntque *Lectores Religiosi* arma, quibus *Ven. P. Lancicij* actiones, & inde consecutas persecutiones excusent, & defendant.

CAPUT XII.

Præfectus rerum spiritualium constituitur; mira gratia in dirigendis ad vitam sanctam animabus, & suavis conversationis.

Cùm singulari DEI beneficio donum quoddam cœleste in regendis animabus accepisset, *Vilna*, alibique, postea etiam in *Bohemia* munus ei *Præfecti spiritus* impositum est, nullum.

nullumque diutius officium in Societate gessisse puto. Meminere hujus dexteritatis, & suavissimæ gubernationis senes, si qui adhuc supersunt: ad quandam suavitatem, & facilitatem, non tamen remissam, sed fortem dirigebat omnia, sinè ullo ad homines & humana respectu; disciplinæ Religiosæ, ut erat severus Exactor, ita vicissim humanæ imbecillitati condescendebat, maximè si quem valetudo tenuis, & affecta excusaret; fomenta impetrabat, solabatur benignissimè, ut non tam Patrem, quàm Matrem agnoscerent, ideoque nullum facilè erat reperire, qui ei Conscientiam suam pandere vereretur, cùm sciret, nihil magis *P. Nicolaum* cupere, quàm ut suorum errata contingeret, conscientias quietas, & securas redderet, atque ut hilariter DEO famularentur, efficeret. Certè non ij tantum, qui ei ut *Patri spirituali* suo subiciebantur, aut qui eum *Tertiæ Probationis Præfectum* habebant, sed etiam alij, qui in diversis *Collegijs* morabantur, eidem conscientias suas aperire quærebant, & generalem de omni vita apud eum noxarum confessionem instituere pro lucro ducebant. Novi ipse gravissimos in *Provincia Bohemæ* Patres, qui summam conscientiæ quietem & malaciam consecutos se gloriabantur, quòd apud eum confessionem peregissent, & ejus in spiritu consilij, & directione uterentur. Eos verò, quos in vita spirituali dirigendos Majorum imperio

rio susceperat, maximè *Tertiæ Probationis Patres*, ità suâ humanitate, & prudenti & forti svavitate capiebat, ut omnes, quorum desperata salus & perfectio non esset, Patri optimo totos se darent, & velut ad Matrem recurrerent lubentes. Ipse omnia, quæ aliàs difficilia habentur, quæsitis licitis modis condiebat, & facilia, & svavia reddebat: in exercitijs spiritualibus, quæ uno solido mense in contemplatione rerum divinarum, in solitudine, & cæteris asperitatibus peragunt, & consumunt, curabat ut aliquo die relaxaretur animus, & corpus ipsum recrearetur; quotidie à mensa *Collationes spirituales* instituebat, argumento aliquo jucundo, & quod placeret, adducto, maximè quòd Senex ingentem rerum notitiam, & peritiam adferret, & dulci utile miscere tam peritè novisset, ut etiam risu Religioso narrationes ejus, qui audiebant, prosequerentur. Memini cùm exercitia spiritualia socijs traderet, hoste in Patriam ingressò, & grassante, *P. Nicolaum* (qui aliàs rumusculos, & rerum novarum dubias narrationes minimè captabat, iisque tribuebat nihil) sollicitè eo tempore conquisivisse, ut ea à prandio exercitantibus suis commemoraret, nè illi curiositate ducti apud alios, cùm detrimento spiritûs, ea conquirent, atque ut pacatiùs, & sinè hostium timore, DEO & divinis rebus vacarent. Exterorum quoque, & quos vocant sæcularium saluti & perfectioni

Etioni, quantum per occupationes domesticas licebat, impendebat sese *P. Nicolaus*, & præcipuè Adolescentes ad frequentem Confessionem, & Communionem hortabatur, & si ij ad Statum *Religiosum* aspirarent, sollicitè adjuvabat Consilijs, (rariùs tamen eorum causam apud Superiores Ordinum agendam suscipiebat, hoc petentibus ipsis relinquens) sùntque plurimi, qui ex ejus institutione vitam suam DEO in Religione consecrârunt. *Olomucij* Adolescentes non paucos Christo lucratus est, quos inter me quoque nominare possum, quem quotidie aut horam, aut horæ dimidium cœlestibus colloquijs detinebat, cùmque eo adhuc tempore de *Societate* ineunda nihil cogitarem, & me Societatem non ingressurum saepe dicerem, ridebat Senex, affirmans: brevè me aliud cantaturum, cùm DEI vocantis vocem auditurus essem, & secuturus; addebat: *liternum studijs te totum trade, & immerge, certò eris Jesuita!* Postquam verò animum ad Societatem ineundam DEI monitu, ut ego interpretari possum, appuli, tum ille: *Jam tu mihi*, inquit, *pro hano eris*; & Adolescentes nominabat ex ordine, quos ego feliciter, Sene plaudente, ad amorem divinum, ad peccatorum fugam, ad divinos instinctus sequendos invitabam, ac denique sic à me primis elementis bonæ & sanctæ vitæ quasi initiatos ad communem Patrem adducebam; qui deinde omnes Societatem

no-

nostram, aliósq̃ue Religionum ordines amplexi, laudatissimè vixère, & obièrè. Data tunc nobis monita & documenta, in primo Tomo operum *Ven. P. Nicolai* leguntur. Idem institutum in *Collegijs* reliquis *Bòhemiæ* tenuit, multisq̃ue viam ad salutem ostendit, tantâ semper svavitate, quamvis Juvenibus aspera & difficilia svaderentur, ut pro omni voluptate, & recreatione duceremus, ejus colloquijs tam dulcibus interesse. Denique ut finem faciam, omne ejus colloquium, & conversatio svavitatem & dulcedinem quandam cœlestem sapiebat; compatiebatur ex animo, si quid nobis adversi accidisset; gratulabatur, si quid læti haberemus; consilia etiam in rebus puerilibus dare non recusabat, ut tantâ familiaritate invitati omnia panderemus, quæ si mala essent castigabat verbis, & quid faciendum esset, ut corrigerentur, instruebat. Monebat sæpe Patres nostros in *Collegio*, ut in regendis conscientijs nullâ acerbitate, sed svavitate uterentur, plùs hac viâ profici, quæ *formula Apostolica* appellatur; subditos *Religionum*, qui sese totos DEO donâssent, tractandos ut filios; rigore & severitate averti animos subditorum, & invitos parère; at si se amari intelligant, vicissim Majores, & eorum imperia amare, & æstimare. Hac viâ unum aliquem ex socijs, cujus emendationem desperaverant Superiores, ità sibi conciliavit, in primo *Rectoratu* suo, ità delinivit implorato

rato cœlesti auxilio, ut is agnitâ prioris vitæ dissolutione, seipsum DEO redderet, & petitis ultrò exercitijs spiritualibus, novum hominem indueret, ex legibus Societatis imposterus victurus, cum admiratione *Collegij* totius, in quo sanctæ vitæ proposito perstitit usque ad beatam mortem. Ajebat præterea multos ignorare, quanta vis colloquijs divinis inesset; útque Societate malorum multorum animi corrumpuntur, ità spiritualium Virorum conversatione & familiaritate, multos ad vitam perfectam accendi, hancque esse messem Patrum spiritualium longè optatissimam, cum animæ capitali hosti eripiuntur, & DEO amatori animarum restituuntur, incredibili totius *Cœlestis Curia*, atque imprimis *SS. Angelorum* gaudio, & solatio. Non diffitetur hanc suam in regendis animabus felicitatem dicam, an facilitatem? præfatione Opusculi XVI. quod An. 1637. Giczinij in Bohemia longè ante mortem suam conscripsit: *Per hos, ait, 37. annos mei Sacerdotij, perpetuò voluntate Superiorum meorum, in varijs Provincijs, & Regnis fui Director in spiritu bonarum animarum, tam Saculirium, quàm Religiosarum, ex varijs Ordinibus, ad me partim sponte, partim suorum Superiorum jussu, consilij & auxilij causâ accedentium. In hac occupatione agnovi magna DEI dona concessa illis bonis animabus, in plerisque tamen adverti pauciora eis esse concessa, quàm qua Divina*

Li-

liberalitas in eas effudisset, si particulari studio attendissent ad vitanda frequentia venialia peccata, præsertim cum plena deliberatione commissa. Ideo commiseratione motus scripsi hoc opusculum &c.

CAPUT XIII.

Quàm mirabiliter & amanter Sanctissima Christi Mater & Virgo P. Nicolaum de SS. reliquijs sollicitum & merentem consolata sit, & omni timore absolverit. Accusatur de spiritu peregrino.

HActenus Superioribus aliquot capitibus per occasionem rerum adversarum, quæ illi obvenerunt, aliqua de ejus moribus percensui, & quid oblocutionibus causam dederit, aperire sum conatus; nunc ad temporum ordinem redeo, & quid *Vilnæ* eidem acciderit, primi vitæ Scriptoris P. Casimiri verbis commemorabo: *Res, inquit, contigit memoratu digna: cum thesaurus sacrarum Reliquiarum à P. Nicolao Româ evectus in Poloniam post eum, qui præcesserat, veheretur, obortumque inter Pontificem Romanum & Venetos bellum, meritò suspicionem de interceptis sacris Lipsanis excitaret, rem DEO P. Nicolaus per Virginis Matris intercessionem commendare statuit. Est locus in Litvania quatuor milliaribus Vilnâ dis-*

F

situs,

situs, Troki dictus, plurimisque ac perpetuis magnæ Matris beneficijs, ut & imagine Cœlestibus illustri ornamentis celeberrimus. Hunc visitaturi Societatis Religiosi P. Adamus Olorius, & Nicolaus Kolozemsky, Theologiæ Auditores, piam peregrinationem susceperant; qua cognitâ, P. Nicolaus literas dedit ad pedes sanctissimos Deiparæ Virginis deponendas, quibus in superandis itinerum periculis auxilium implorabat. Adjecerat petitioni alia ferventis animi desideria, pro se & amicis suscepta; è quorum numero inter prima reposuit Sanctitatem vitæ eximiam, fructum ingentem animarum, & transitum animæ ad Cælum purgatorijs flammis liberum. P. Olorius rem divinam factururus, in ipso accessu altaris, epistolam ante imaginem sacram deposuit: cautè omnino multaque circumspeditione, nè decidere in terram, aut ab alio tolli posset: dum verò peractâ divinisimorum, mysteriorum communione illam requirit, adhibitâ omni diligentia reperire nusquam potest; & remotam, postquam nihil à se diligentia, tum in deponenda, tum in requirenda esset omissum, miraculo attribuit, ac in signum exauditiæ P. Nicolai orationis, chartam diviniore manu sublatam credit. Eodem verò tempore manenti in Collegio P. Nicolao rem, prout evenerat, contigisse mens subit; & dum cogitabundus hæret, Epistola in mensa cubiculi expansa apparet, responsione felici subjectâ: quidquid petierat, eventurum. Et quidem, quod attinet ad sacras Re-

liquias, paulò post integerrimæ aduerti non vanum responsum testari potuerunt; quod autem spectat ad sacra illa vota simul expressa, asserere non vacat, conjectare ex virtutis profectu licet. Patebunt hæc, cum patuerint reliqua. Eventu interea rei ab Olorio, ejusque socio per Collegium Vilnense divulgato, fama que miraculi, & insignis apud Deiparam Nicolai Clientele increbrescente, examen grave institutum, nè versutissimus hostis artibus occultis illuderet. Adijt domus Rector P. Nicolaum, grauiusque monitum fulminatrice sententiâ male illusum à Satana pronuntiavit. Quoniam tamen experiendi animi causâ hac decreti formulâ usus erat, posteaquam P. Nicolaum minimè commotum vidit, ac insuper humilis animi raram Confessionem audiuit (scilicet: quandoquidem Superior iudicium tulisset de sui illusione, se quoque omnino idem sentire) amantissimè P. Rector solatus, hanc tesseram humilitatis, certius sibi miraculum testari, quàm omnia alia signa, affirmavit: quòd cum humilibus non colluderet superbus Angelus, nec posset falli iudicium Superiorum, DEO innixum. Hæc P. Casimirus. & quidem calumniam illam de illusione sapiùs magnis Sanctis, ut P. Balthasari Alvarez, & P. Colnago &c. objecta, fortissimè ab ijs, uti à P. Nicolao tolerata est, qui meminerant Christum Salvatorem nostrum, hoc etiam telo ab improbissima gente petatum: *demonium habes*, quibus mitissimè respondit Dominus:

ego demonium non habeo ; ut videlicet servi Christi solatium capiant, cùm ejusmodi dictis incessuntur ab hominibus, qui sanctitatem non intelligunt, aut malignis interpretationibus corrumpunt. Aliâ calumniâ sæpiùs *Ven. P. Nicolaus* petitus est, quæ hoc tempore cœpit, & per omnem reliquam vitam ab æmulis jactabatur : *eum spiritu peregrino, & Instituto Societatis non satis conformi abduci, ideòque noxium socijs, & præcipuè juvenibus nostris cavendum videri* ; hoc ego sæpiùs dictum fuisse memini ab ijs, qui faciliè aliorum dicta & facta carpebant, pervenitque ea primùm accusatio usque *Romam* ad *P. Clodium Aquavivam*, qui maximus vitæ spiritualis Magister, & verè *Ponderator spirituum* appellandus, cùm omnem *P. Lancicij* vitæ rationem, orandi modum, cum *Nostris* & externis conversationem, monita ab eodem data severo examine ad trutinam rationis, & regularum nostrarum vocasset, literis consolatorijs *P. Nicolaum* ab omni illa suspicione absolvit, & conformem Instituto vitam ejus pronunciavit, hortatus etiam, ut viam Sanctitatis, quàm cœpisset, teneret. Cùmque iteratò eadem accusatio moveretur, nunquam se flecti passus est, ut aliud quàm quod primùm edixerat, aut sentiret, aut pronuntiaret. Idem post annos complures *P. Mutius Vitellefcus*, idem *P. Vincentius Caraffa*, ejusdem Societatis *Præpositi Generales* auditis accusationibus pronunciârunt,

runt, *P. Nicolai* defensione susceptâ; atque ut bonum Patrem in studio heroicarum virtutum confirmarent, & animarent, duo postremi *Generales* denas Missas ex ijs, quæ quot hebdomadis ad intentionem *Præpositorum* offerri solent, donârunt *P. Nicolao*, eo disertè adjecto, ut illas sibi Missas deligeret, quas meritissimi, Deoque gratissimi ex Societate Sacerdotes peragerent, idque quàm diu *Generales* ipsi viverent, valeret; neque ego satis videre possum, cur *Ven. P. Nicolaus* de spiritu peregrino accusari potuerit: in DEI conspectu semper stabat, & ambulabat; ei singulas actiones etiam motus manuum & pedum offerebat; in dubijs omnibus, etiam repentinis, DEUM consulebat; perfectiora semper eligebat, & si quæ extraordinaria loquebatur, ea, divino quodam instinctu raptus, patiebatur potius, quàm agebat; Superioribus candidissimè aperiebat omnia, quæ in se, & à se agebantur, eorum iudicio libentissimè stabat, & in omnibus etiamsi adversus se edicerent, subscribebat; sese infra omnes homines ponebat, plus de se alijs, quàm sibi credebat; Præfectorum spiritûs ductum Religiosissimè sequebatur. An *Societatis* spiritum ignorare poterat, qui primævam nostrorum Patrum vivendi rationem cognoverat, qui *Archiva Societatis* omnia excusserat, qui Historiam Ordinis nostri collegerat, qui Responsa *Generalium*, jussu *Adm. R.P. Mutij* unum in volumen com-

portârat, ex quibus, si alia abessent omnia, discere saltèm poterat, quis verus & genuinus Societatis spiritus esset, & quinam ab illo deflecterent, & ad quam formam *Societatis* gubernatio dirigeretur.

CAPUT XIV.

Ven. P. Nicolaus gubernationi externorum & Nostrorum admo-vetur, & felicissimè Rectoris & Provincialis munus explet. Duo memorabilia exempla, quibus charitatem P. Nicolai in suos, & observantiam Religiosæ discipline approbavit DEUS.

DIxeram superiùs *Adm. R. P. Claudium Aquavivam* maximam opinionem de prudentia *P. Nicolai*, cæterisque ad regendum ejus dotibus habuisse; itaque postquam ei *Provinciales Poloniæ* utriusque *Seminarij Pontificij, & Diocesani* gubernationem imposuissent, & *P. Nicolaus* summa cum laude munus hoc obijisset, *Romani Patres Rectoratum Collegij Calissiensis*, & hoc expleto, *Cracoviensis*, tandem universam *Provinciam* gubernandam detulerunt, quam quadriennio solido *Provincialis* cum Sociorum & externorum commendatione administravit, ac præcipuè duas virtutes in eo prædicabant omnes: *Incredibilem*
cha-

charitatem in Socios, & accuratissimam disciplinæ Religiosæ observantiam. Constabat inter omnes, quidquid ab eo peteretur, si modò Religiosæ Leges id permetterent, impetraturos; suum illud, & solenne documentum servabat ubique: ut Patres velut filios jam adultos, & familiam ducentes, atque in statu positos; cæteros verò Socios, ut filios nondum sui Juris factos, quibus adhuc parens hæreditatis portionem non dedisset, tractaret, illos solidiùs, hos teneriùs amaret, & foveret, eamque rationem & modum, quàm diu præfuit, tenuisse visus est. *Paupertatis Religiosæ studium*, etsi ubique & omnibus cordi esse vellet, nihilominus prior in liberalitatem, naturæ quadam hilaritate & generositate, habebatur, tenacitatem summopere, (quæ se paupertatis amore obtegere solet) odebat, nihil deesse patiebatur suis; quod necessarium, & in Societate usitatum sciebat, suppeditari volebat; Ministris & Procuratoribus solitus dicere; *Non expectandum, dum subjeçti peterent, præveniendas esse eorum necessitates; diligenter singulas sociorum personas, cogitatione obeundas, & quid huic, quid illi deesset, sagaciter explorandum, ea, maximè, quæ frigori arcendo opportuna forent, aut ad alimenta sociorum servirent, suo tempore procuranda.* Sed hæc inutiliter ferè dicuntur à me, cùm *Ideam* boni & amantis suorum Superioris in suis opusculis passim expresserit, maximè verò in opu-

sculo 12. cui titulum præfixit : *De Conditionibus boni Superioris, necessarijs illi, tum ut à subditis ametur, & ejus iussa libenter exequantur, tum ut ei suam conscientiam sincerè aperiant, & alia omnia; ac in Religione vel Congregatione cum gaudio spiritus & profectu spirituali vivant & perseverent.* Ad quem tractatum, cum à me ei nihil addi possit, *Lectores* remitto. Hoc unum dicendum est, omnia illa documenta, quæ novo *Superiori* in *Litvaniam Giczinio* Anno 1640. miserat, & quæ C. 19. illius opusculi leguntur, in se expressisse. Contigit, dum *Provinciam* administraret, plurimorum Patrum querelas ad se deferri, in quodam nostrorum *Collegio* sociorum necessitatibus non satè paternè subveniri, atque in particulari rudiorum pannum in vestes, telam crassioris filii pro indusijs præberi infra decus honestatis, plura alia de victu indigna referebantur. Contulit se illuc *Provincialis*, ut *Collegio* egestate laboranti succurreret, ratus non ex Superioris tenacitate, sed ex *Collegij* paupertate eas sordes procedere: advocat domesticarum rerum Curatores, & num ab egestate vera, an verò tenacitate sub paupertatis palliolo tecta, hic rerum omnium defectus procederet, diligenter examinat; reperit indagando, & rationes *Collegij* examinando hujus indigentiae veram causam, animi contractionem, & in diem crastinum, & annos sequentes sollicitudinem esse. Protinus igitur aliquot

quot centenos florenos ex eleemosynis à se collectis *Collegio* numerari jussit, plaudente universâ sociorum Coronâ, ac nè domûs Superiorem damnâsse videretur, indigentiam prætendit, privatim verò advocatum *Rectorem* monuit, in posterum domui provideret, quæ non muris & tecto, sed optimorum sociorum & DEO servientium, qui *domus Spiritûs Sancti* vocantur, personis constaret; jussit prætereà, syngrapham statim scriberet, quâ testabatur *Rector* se ex *Provincia* ærario aliquot centenos florenos mutuos accepisse, in usus necessarios *Collegij* sui, eósq; die certâ se exsoluturum promittebat; ità & indigentia *Collegij*, & famæ Superioris consuluit. Quam tenacitatem *Provincialis* sagaciter in hoc *Collegio*prehendit, & proscripsit, eandem *Rector* longè antè in *Collegio* suo expertus est, & singulari DEI benedictione consecutâ emendavit in melius: Anno primo *Rektoratus* sui, vocatis ad se omnibus ijs, quibus *Collegij* alendi, & necessitatibus ejus providendi incumberebat cura, ordinaverat omnia, quæ singulis mensibus, hebdomadis, diebus subministranda, *Collegio* essent, ut sufficienter, honestè, liberalitèque socij haberentur; at nihil minùs factum; quibusdam enim Officialibus *Collegij*, nimia & superflua liberalitas *Reitoris* videbatur. At continuo divina benedictio manum subtraxit: omnes eorum conatus, & curæ infelices plerumque redde-

bantur: peribant quasi inter manus necessaria æ-
lendo Collegio pecuniæ, alimenta corrumpeban-
tur, infelicitas in prædijs, agris, aliæque æcono-
miæ damna ex ordine succedebant; in Collegio
ipso tristis omnium sociorum facies, quædam eti-
am murmura audiri jam cœperant. Novus *Rector*
P. Nicolaus, cùm rescisset, quid ageretur, statim
advocatis rei familiaris Ministris annuas procura-
tionum rationes inspicit, legit cum admiratione
æs alienum aliquot millium contractum, expensas
maiores annis præteritis factas, stupet, & nihilo-
minùs multa Collegij commodis subtracta fuisse
animadvertit; castigatos ergo verbis acrioribus se-
riò monet, ut charitate in socios, & liberalitate
fontem divinæ misericordiæ, & benedictionis,
quem eorum tenacitas obstruxerat, rursus Collegio
restituant, illa verba repetens: *Date, & dabitur*
vobis! excessus vitetur, ceterùm omnia ad sufficien-
tiam fratribus subministrentur! quod dixerat, fa-
ctum: cum officijs charitatis divina benedictio
redijt, inventi liberalissimi in Collegium homines,
omnia feliciter in æconomia procedebant, unde
expuncta statim debita, quæ & in annum sequen-
tem etiam sufficerent procurata. Aliud mihi ab
ipso *Vener. Patre* narratum exemplum recordor
(nisi fortè tacito nomine sese descripserit) fuisse
Provincialem in alterutra *Provincia Polonica*, vel
Litvanica, (non enim post annos ferè quinquaginta

ginta ritè memini) qui in *Collegiorum* visitatione cùm in *Rationarijs* libris legeret, non modicam pecuniam profusam esse in vinum factitium, quo Septemtrionales Populi utuntur, quod alij gravi supercilio damnabant, dicere solitum: *Bibant servi DEI! comedant servi DEI!* nullum tamen ex *Provincialibus* illis repertum, cui magis benedixerit DEUS, & sub cujus gubernatione liberalissimè plurima *Collegia* excitata sint, & quæ antè fundata fuerunt, magis locupletata; hæc se in commendationem liberalitatis narrare. Cùm *Calissij Rector* ageret, memorabile quiddam accidit, quo ejus liberalitatem in suos DEUS comprobavit: defecerat vinum, quo infirmi senes, aut alioquin egentes, aut identidem majoribus per annum festis omnes socij recreabantur, nec nisi dimidio palmo, ut *Cellarius* probaverat, ascendebat in vase. Non patiebatur *Collegij* egestas, extra tempus vinum emi & comparari; omnes brevè subtrahendum, vel minuendum saltèm solitum vini demensum existimabant. Vetuit quidquam de consvetæ charitatis mensura subtrahi *P. Rector*, imò liberaliùs multò quàm antè ægrotis, hospitibus, & convalescentibus, & debilibus dari jussit. Res mira! illud vini paucillum in vase, majori parte anni, suffecit omnibus, quibus integrum vas aliàs sufficere non poterat; auctus insuper, & vino additus gratissimus sapor, famæque per *Provinciam* vulgatâ
mira-

miraculi, laudata ab omnibus *P. Nicolai* liberalitas; in Collegio certè non alio nomine quàm *vinum DEI* vas illud semper vino fluens appellabatur. Hoc insigni exemplo charitatem *P. Nicolai* approbavit DEUS. Addit *P. Godefridus Schubertus* in suis de *P. Lancicij* vita notatis: *Adfuiti*, inquit, *An. 1637. duobus è Regno Poloniae Primarijs Præsulis, quorum alter erat Archi-Episcopus Gnesnensis, cum coram Patribus nostris Collegij Olomucensis istud de Viro narrarent, uterq; asserbat vinum illud DEI à se gustatum, nec pro ullo alio vino unquam habitum esse, quàm quod DEUS miraculosè auxisset. Adferam aliud, quo disciplinam & observantiam Regularum sibi placere DEUS monstravit: prunus erat in eodem Collegio feracissima, sed eadem illicitum Juniorum, & Magistrorum, qui sinè licentia, quod rem esse parvam existimarent, vescebantur, & pruna carpebant. Indignum id *P. Reffori* visum, qui nihil exiguum censebat, quod virtutibus Religiosorum proprijs (paupertati & obedientiæ) adversaretur; accedit igitur ad arborem fructibus gravidam, & in nomine Christi imperat, nè quid imposterum ferat, quod gulam Religiosorum irriter. Dictum, factum, cum vespere hodierno onerata fructibus arbor stetisset, manè amisso jam vigore tota cum fructibus exaruit, defuitque gignere fructus, qui contra disciplinam regularem carperentur; cæterùm *P. Nicolaus* apud quos-*

quosdam, qui timeri, quàm amari malunt, cùm imitatione *Sanctissimi nostri Fundatoris*, paternæ charitatis præcordia omnibus indiscriminatim exhiberet, malè audiebat, at ubi tam suaviter & paternè ab eo tractatos pacificè inter se, & sanctâ concordia conjunctos, eosdè que Superiori ad omnes nutus obedientes, alacres, semperque lætos aspicerent, contrà verò aliorum *Collegiorum* statum nonnunquam turbatiorem ex tristi & duro, coacto & violento regendi modo, compararent, feliciter suavitatem illam imitati, ad votum omnia succedere, & pacatè geri senserunt, ut *P. Nicolao*, jam *Provinciam* regente, universæ *Provinciae* facies vividior, & lætior appareret juxta *faciem Sanctorum*, ut sacrae literæ loquuntur.

CAPUT XV.

Gratia & Auctoritas R. P. Lancicij, tum Provincialis apud Reges, & Procures Regni Polonia. Recitantur literæ P. Nicolai ad Regem Wladislaum. P. Nicolai Religiosa fortitudo recusantis legationem ab Instituto nostro alienam.

Lætissimus *Collegiorum* status *R. P. Nicolao* gubernante, non potuit *Procures Regni Polonia* latere, multaque ex concordia domestica

stica emolumenta in socios ipsos promanârunt; crescebat apud omnes sociorum æstimatio, honorabantur, amabantur *Collegia*, adducebantur in exemplum, qui sic concordēs, modestiæ *Religiosæ*, Regularum suarum & Legum observantes haberentur; retulitque mihi aliquando ipse Senex, dicere solitos Cives, illos Sacerdotes, qui in templis summâ oculorum modestiâ Missas legerent, oculisque in officio tenerent, neque eo tempore, dum se ad populum vertunt, circumferrent, eos ex disciplina *Lancicij* prodijisse. Ipsum verò *P. Nicolaum* in amoribus summorum *Procerum* & *Antistitum Regni* fuisse, multorum testimonia ostendunt, qui eum *omnibus Regni Ordinibus* (verba sunt *Joannis Chondzynsky, Theologiæ Doctoris & publici in Academia Vilnensi Professoris*) in *Polonia Republica charissimum appellant*: duos gloriosissimos & prudentiæ regalis laude conspicuos *Reges Sigismundum III. & Wladislaum* ita Societati & sibi conciliaverat, ut eos quodammodò possideret, eorûmque corda haberet in manu. Ab uno *Rege Wladislao IV.* capere conjecturam licebit: Rex igitur *Wladislaus* ejus prudentiæ & orationibus plurimum tribuens, eundem consilij in rebus gravissimis adhibebat, ejus gratissima & salutaria monita libenter audiebat, atque etiam inter media castra & arma literas ab eo postulabat. Exemplar *P. Nicolai* Epistolæ adjungo, quæ & Religiosæ
sim-

simplicitatis apud tantam *Majestatem* specimen exhibebit, & zelum P. *Nicolai* in *Rege* ad amorem DEI & justitiæ inflammando satîs demonstrabit.

Serenissime Rex:

Ille fidelis servulus magni illius *Monarchæ*, cui auctore DEO proficiscenti Smolenscum donaverat nummum aureum *Constantini Magni*, omniâns ei Victoriâ (postea felicissimè subsequutam) eidem salutem dicit: & hanc strenam Natalitiâ nomine Domini JESU mittit, cum appreciatione longævæ & omnimodæ felicitatis. Quandoquidem propter occupationes suas non potest multum orare in die, & commendare *Regi Regum* suas (ut salvetur, & feliciter gubernet) & Regni (ut pace & felicitate fruatur, quâ DEI beneficijs sub illius Regimine fruitur) necessitates, suppleat longas orationes & preces efficaci procuratione, & ut in se & subditis suis diminuantur peccata, & DEI ac Sanctorum cultus quàm maximè propagetur. Quod potest facere duobus modis. Primò: per sua decreta justa, in favorem *Ecclesiæ* & subditorum, inibique tractatorum ab alijs lata. Secundò: dando omnem operam, ut Ecclesiastici tam Sæculares quàm Regulares liberentur & præserventur à peccatis per eos modos, qui rationabiles suæ Majestati videbuntur, & suggerentur, ab ijs viris, à quibus sua *Majestas* scit amari, & DE-
UM

UM timeri. Quocircà aliquoties in die breviter (utì occupatus) sed ferventer Domino DEO dicat saltèm mente hæc vel similia verba: Domine DEUS non possum multum orare, propter occupationes meas, sed locò orationis offero tibi in unione meritorum Filij tui desideria mea, quæ habeo, vitandi peccata mea, & ea in omnibus subditis meis impediendi, & gloriam ac cultum tuum, quàm maximè propagandi; tantùm da efficacem gratiam, ut hæc exequar, & te nunquam offendam, & plenus meritis in gratia tua feliciter moriar. Amen. Hæc saltèm ter in die Domino DEO dici possunt: manè post somnum excussum; deinde tempore Sacrificij Missæ, maximè post elevationem SS. *Eucharistiæ*, & tertiò antè quàm eacubitum. Talis voluntas & ejus oblatio Divinæ Majestati ex toto corde facta magis placebit, quàm longa vocalis precatio. Quæ in ea Epistola sequuntur, nihil attinet describere; ex his tamen, quæ adduxi, ardens divinæ gloriæ promovendæ zelus, tum pia & sancta in Rege admonendo audacia, denique familiaris ad Regem admissio satis apparet. Huic confirmandæ aliud adferre possum exemplum: accessit aliquando *Curiam Regis Pater Nicolaus* cum literis *Adm. R. P. N. Mutij*, quas ad Regem dederat in negotio Societatis, quod etiam magnas *Polonia* Regno utilitates allaturum videbatur; facultate *Regium* Conclave ingrediendi sinè
omni

omni mora impetratâ, *Rex* ipse detecto capite *Patri* venerabundus occurrit, manûque ejus dextrâ apprehensâ, & osculo *Regio* priûs honoratâ deducit, utque commodiûs & viciniûs sermones conferre possent, rectâ ad fenestram secum trahit. *Pater Nicolaus* sensum literarum, quas intereâ *Rex* aperuerat, primûm exponit, deinde cûm *Rex* ipsas literas dedisset in manum, ipsos epistolæ versus explicare aggreditur; dum id maximè facit, ex insperato *Sol*, qui priûs erat in nubilo, tam potenter reluxit, ut lectionē literarum impediturus videretur; confestim *Rex Regiæ chlamydis orâ elatâ*, illam fenestræ partem contegit, quâ *Sol* legentem Patrem impediēbat, ac tam diu manum *Regiam* extentam sustinuit, dum *Pater Nicolaus* totum epistolæ contextum legendo percurreret. Nihil itaque mirum *Regis*, *Antistitum*, ac *Procerum* venerationis, & singularis reverentiæ exempla, plebem quoque, ut solet, imitari voluisse: nam si per plateas *P. Nicolaus* incederet, etiam adulti flectebant genua, & petitâ ad osculum Patris manu patriâ voce ingeminabant: *Sancte Pater ora pro nobis!* Unde coactus est *Pater* ad illam honoris significationem evitandam curru vehi plateatim, si quid esset, quod amicis in Urbe communicandum haberet. Hæc, quæ modò retuli, à pluribus, iisque præcipuis *Poloniæ Provinciæ Patribus*, *Romam* ad Congregationes proficiscentibus sæpe comme-

morari audivimus. Ac profectò ea potissima causa fuit, cur *Pater Nicolaus* oblatam sibi *Bohemie Provinciam* tantâ facilitate acceptârit, ut ipse in quibusdam literis ad *Adm. R. P. N. Mutium* ingenuè confitetur; de quo plura in sequentibus. Antequam hoc caput claudam, unum adhuc exemplum adferam, ex quo *Regis Wladislai*, & *Procerum Poloniae* in *P. Nicolaum* benevolentia, grandis æstimatio, & de *P. Nicolai* prudentia & dexteritate sensus, simulque *Patris* in recusando honore, Societatis moribus contrario, fortitudo apparuit: *Rex Wladislaus* cum ad conjugium applicuisset animum, & nescio cujus ex *Proceribus* parùm *Catholicæ Fidei* tribuentis consilio, conjugem sibi (nomen, genus, Religionem & alia quædam consultò prodere nolo) designâisset, quod sinè dubio *Vicario Christi Romano Pontifici* placere non poterat; sperabat tamen, si quis autoritate & sanctimoniâ vir præstans, eam legationem *Romam* ad summum *Pontificem* obiret, totum negotium facile transigi posse, & ad exitum, quem *Rex* optabat, perducere. Omnium *Procerum*, quos *Rex* consilio adhibuerat, sententijs, aptissimus ad eam legationem judicatus est *P. Nicolaus Lancicius*, qui id negotij *Romæ* tractaret. Monuit ex *Proceribus* unus aliquis *P. Nicolaum* vir peramicus, id agi, & propediem vocandum ad Regem. *Pater* consulto precibus DEO, cum ejusmodi legationes à nostro

Insti-

Instituto alienæ essent, atque insuper gravibus præceptis vetarentur, statuit omni ope obsistere, nè quid tale sibi imponeretur, quod pessimum exemplum in Societate relinqueret. Manè sequenti vocatur ad *Regem*; at ille in sinu *Institutum Societatis* portans *Aulam Regis* ingreditur; admittitur protinus magnâ significatione honoris; *Rex* incipit; negotium, quod supra dixi, aperit; addit suum & *Procerum* omnium sensum, séque id ex Societatis & *P. Nicolai* æstimatione facere, & legationem illam deferre. Debita cum reverentia orationem totam audivit *P. Nicolaus*, atque ubi *Rex* contuit, multa de Societatis universæ & suâ erga *Regem* observantiâ præfatus, hoc unum esse respondit, quod à *Regia Majestate* deprecaretur, simul Societatis regulas quas secum domo attulerat, extrahit è sinu, & quæ in hanc rem facerent, maxime *XLI.* regulam ex Communibus *Rege* audiente legit: illicò *Rex*, ut erat Sapientissimus, & moderatissimus, humilitate & humanitate recusationis captus mutavit consilium, & in hunc modum respondit: *Placet nobis, mi. Pater, prudentissimum & in longum prospiciens Ordinis vestri statutum, & tua regularum observantia; scito mi Pater ex recusatione tua tam modesta, nihil tibi apud nos de favore Regio imminutum esse, quem tibi ac tuis omni tempore exhibere parati sumus; tum alijs quibusdam negotijs pertractatis, magna comitate verborum,*

morari audivimus. Ac profectò ea potissima causa fuit, cur *Pater Nicolaus* oblatam sibi *Bohemie Provinciam* tantâ facilitate acceptârît, ut ipse in quibusdam literis ad *Adm. R. P. N. Mutium* ingenuè confitetur; de quo plura in sequentibus. Antequam hoc caput claudam, unum adhuc exemplum adferam, ex quo *Regis Wladislai*, & *Procerum Poloniae* in *P. Nicolaum* benevolentia, grandis æstimatio, & de *P. Nicolai* prudentia & dexteritate sensus, simulque *Patris* in recusando honore, Societatis moribus contrario, fortitudo apparuit: *Rex Wladislaus* cum ad conjugium applicuisset animum, & nescio cujus ex *Proceribus* parùm *Catholicæ Fidei* tribuentis consilio, conjugem sibi (nomen, genus, Religionem & alia quædam consultò prodere nolo) designâssset, quod sinè dubio *Vicario Christi Romano Pontifici* placere non poterat; sperabat tamen, si quis autoritate & sanctimoniâ vir præstans, eam legationem *Romam* ad summum *Pontificem* obiret, totum negotium facilè transigi posse, & ad exitum, quem *Rex* optabat, perducere. Omnium *Procerum*, quos *Rex* consilio adhibuerat, sententijs, aptissimus ad eam legationem judicatus est *P. Nicolaus Lancicius*, qui id negotij *Romæ* tractaret. Monuit ex *Proceribus* unus aliquis *P. Nicolaum* vir peramicus, id agi, & propediem vocandum ad Regem. *Pater* consulto precibus DEO, cum ejusmodi legationes à nostro

Insti-

Instituto alienæ essent, atque insuper gravibus præceptis vetarentur, statuit omni ope obsistere, nè quid tale sibi imponeretur, quod pessimum exemplum in Societate relinqueret. Manè sequenti vocatur ad *Regem*; at ille in sinu *Institutum Societatis* portans *Aulam Regis* ingreditur; admittitur protinus magnâ significatione honoris; *Rex* incipit; negotium, quod supra dixi, aperit; addit suum & *Procerum* omnium sensum, séque id ex Societatis & *P. Nicolai* æstimatione facere, & legationem illam deferre. Debita cum reverentia orationem totam audivit *P. Nicolaus*, atque ubi *Rex* conticuit, multa de Societatis universæ & suâ erga *Regem* observantiâ præfatus, hoc unum esse respondit, quod à *Regia Majestate* deprecaretur, simul Societatis regulas quas secum domo attulerat, extrahit è sinu, & quæ in hanc rem facerent, maxime *XLI.* regulam ex *Communibus Rege* audiente legit: illicò *Rex*, ut erat Sapientissimus, & moderatissimus, humilitate & humanitate recusationis captus mutavit consilium, & in hunc modum respondit: *Placet nobis, mi Pater, prudentissimum & in longum prospiciens Ordinis vestri statutum, & tua regularum observantia; scito mi Pater ex recusatione tua tam modesta, nihil tibi apud nos de favore Regio imminutum esse, quem tibi ac tuis omni tempore exhibere parati sumus; tum alijs quibusdam negotijs pertractatis, magna comitate verborum,*

& Regij favoris & gratiæ contestatione *Patrem* à se dimisit, grandi documento, Religiosos Ordines, si *Instituta*, & regulas sanctè observent, gratiam *Principum* non amittere, sed mereri. Circa hæc tempora (nam verum tempus & certum invenire non potui, sed ex *Libellis arcanis* res comprobatur) in gravissimum *P. Nicolaus*, dum Provinciam regeret, incidit morbum, ex quo se moriturum certissimò sibi persvaserat; dictavit tunc Epistolam ad *Provincias Polonia*, ad Amicos & dilectos sibi in spiritu filios, ex qua hæc pauca ad imitationem nostram excerpti: *Quia expedit, ut sciant omnes, quibus vijs, meo judicio, ad acquirenda DEI dona singularia pervenerim, ante mortem enuntio; sunt autem hæ, quæ & alios juvare poterunt.* I. Habui magnum semper affectum erga Societatem, & res illius, quod & in alijs propagare omnibus viribus conatus sum. II. Parvarum regularum exactam observationem magnifeci, potissimum silentij. III. Semper Superiorum partes tuebar, defendendo eorum statuta, & facta, acquiescendo religiosæ disciplinæ. IV. Agendo cum externis habebam rationem peculiarem spargendi odorem bonæ ædificationis, non tam abstinendo à rebus reprehensione dignis, sed motus manuum ipsos, oculorum &c. totamque corporis compositionem, ad eundem ædificationis finem ordinando. V. In modo agendi domi, non attendebam, quomodo alijs placerem, sed quomodo gu-

stum

stum DEO praberem, abstinendo me ab ijs, quæ fieri poterant sinè scandalo, ut sunt sermones de indifferētibus, nunquam intrando aliorum cubicula &c. Unde affectus sum: Primò, ut mihi omnes creatura occasionem praberent, ferventer amandi DEUM, & potius me in ejus amore juvabant, quàm impediabant: Secundò, corpus obediebat animæ, dicendo ei affectu tenero, ut tantisper expectet diem retributionis ultimæ, quâ ipsum esset honorandum à DEO.

CAPUT XVI.

Gravis procella in Vener. P. Nicolaum Provincialem Præpositum à malevolis excitatur. Romam ad electionem Præpositi Generalis itineratò proficiscitur. Nova ejus commoratio Romana. Ordinationes Præpositorum Generalium colligit. Cænobij Romani Turris Speculorum dicti, curam itineratò suscipit magno Virginum sacrarum profectu.

Hanc gratiam & auctoritatem, quam Superiore capite descripseram, apud Regem & Regni Poloniæ Proceres, tam Ecclesiasticos quàm Seculares, non ferens malus dæmon, qui Sanctorum gloriâ acerbissimè uritur, gravem in bonum Patrem excitavit procellam: fortè tum frequentissima Regni Poloniæ Comitia celebra-

G;

ban-

bantur, & quia causa Religionis tractabatur, non modò major & minor Regni Nobilitas aderat, sed etiam Superiores Religiosorum Ordinum ad ea Comitia jusserat advocari Rex, intéarque eos *Provincialem Lancicium*. Articulo quodam controverso in medium prolato, jussus sententiam dicere Provincialis, mitiorem (quam ipsam præcipui Aristites, & Proceres Catholicæ Religionis studiosissimi antè & post Patrem dixerant) nè Regnum universum turbaretur, secutus est. Statim adversarij Patris, alijs qui idem senserant præteritis, unũ *P. Nicolaum* compositã ad Regem, & ad Adm. R. P. Generalem nostrum accusatione invadunt: Schismaticorum partibus in Comitijs fuisse, per eum stetisse, quò minùs Schismatici ejicerentur, apparere eum necdum omnes affectus exuisse, quos juvenis in schola Calvinii imbiberat. Atrox calumnia! quam *P. Nicolaus*, dum, an refelleret, an solito silentio concoqueret, dubitat, en tibi literæ Adm. R. P. *Mutij Vitellesci Genemlis*, quibus pro potestate mandat, ut eam sibi, & Societati nostræ injuriosam accusationem, quã posset ope, amoliatur. Paruit Pater, cùmque in hoc negotio Regem *Wladislaum* implorasset, continuò Rex diploma confici jussit, in quo disertè testatur: *Has calumnias non à virtutum Æmulis, sed invidis processisse*; publicè scripto Regio contestans: *P. Nicolaum* esse virum integerrimum & universo Regno per-

perutilem &c. quas literas totius *Regni & Magni Ducatus Lithvanie* sigillo permunivit. In eandem sententiam *Archi-Episcopus Josephus Velamia*, & omnes *Episcopi Russie, Poloniae, & Litvanie*, subscriptis manu propriâ nominibus, literas confecerunt, quas se vidisse & legisse in forma Juris descriptas & signatas An. 1642. testatur sæpe laudandus *P. Godefridus Schubertus*; cujus notatis de vita Ven. Patris vehementer adjutum me profiteor. Ità hæc composita in Patrem techna evanuit, & mendacij Authorem malum dæmonem ostendit. Jam ad seriem vitæ redeamus. Sæpe jam questus sum, non esse mihi ad manum catalogos officiorum *Provinciae Polonicae & Litvanie*, ut possim *P. Nicolai* officijs annorum notas adjungere. Constat nihilominus eum *Electioni* interfuisse *Adm. R. P. Mutij Vitellesci*, cùm *P. Claudius Aquaviva* An. 1615. mortuus esset, à Congregatione Provinciali *Poloniae* ablegatum. Interfuit etiam post hujus mortem An. 1645. (*V. opusc. 15. c. 25.*) *Electioni Adm. R. P. Vincentij Caraffæ*, à *Provincia Litvanie* *Electoris* missus (*Lit. P. Lanc. A. 1646. 11. Decemb. Nesvisio*) à quo etiam Viro Sancto, sibi in omnem reliquam vitam munus Tertiarios Patres nostros instruendi, Romæ impetravit; in hoc cœtu amplissimo & gravissimo, exhortationem habuit magna cum commendatione; quod munus ex honoratissimis, & spectatissimis Professo-

rum uni deferri solet. In utraque earum Congregationum Generalium utilem operam præstitit Patribus congregatis, scripta Archivi Romani adferendo. Etiam Romam adiit in causa *Collegij Cracoviensis*, cùm ab Alma ejusdem Urbis *Academia* oppugnaretur : quod munus tantâ sapientiâ & constantiâ Romæ in Theatro Orbis peregit , ut nullis , licet gravissimis difficultatibus absterritus causam defereret, quin potiùs efficeret, ut de sententia *Pontificum*, *Privilegium* & libertatem docendi etiam *Cracoviæ* obtineremus : ut disertè affirmat in P. Lancicij elogio P. *Nathanaël Sorvellus*, in *Catal. Script. Soc.* Quot in hac defensione Collegij labores, & curæ suscipiendæ fuerunt ! Agenti enim Collegij causam agendum erat non solum contra oppugnationes nobilissimarum *Academiarum*, verùm etiam contra potentissimos tam Secularis quàm Ecclesiastici statûs earundem Patronos. Quâ autem ratione (verba recito non mea sed P. Casimiri Kojalowicz) contigerit , nè res post sextam Apostolici tribunalis pro Collegio decisionem , & geminas de executione literas à P. Nicolao obtentâs, eventum , quem optaveramus haberet , non est hujus Instituti scribere ; unum innuerim, cessisse jure suo Collegium , neque exclusum esse , sed dedisse concordiam, quod cum justitia tuebatur ; obtulisse denique munus hoc per Legatum Georgium Ossolensky Regni Cancellarium *Wladislai IV*, nuper electi, Majestati

intervenienti : et si suprema in Orbe terrarum Pontificum Romanorum auctoritas victoriam Societati concessisset ; sed nos odiosa inviri persequimur. Roma aliquot Annos iterum consumpsit, quippè ante mortem P. noster Claudius, eò quòd Ordinationes & Responso Generalium excrescerent, statuerat omnia colligi, & certis titulis dispesci, ut unum quoddam veluti corpus Provinciales & Rectores Societatis haberent ad manum, quo subinde inspecto in simili casu occurrente dirigerentur. Aptissimus ad eam rem visus est jam antè in Archivio Societatis versatissimus P. Nicolaus, confirmavitque P. Claudij præjudicium Successor Adm. R. P. Mutius, eamque Provinciam P. Nicolao, qui tum sæpius Romam commeabat, imposuit. Fecit quod imperabatur P. Nicolaus, & magno labore grande Ordinationum volumen collegit, quod & Archivo Societatis reliquit, & descriptum Provinciis transmissum est, hodièque in plurimis Collegijs ejus exemplar servatur. Alius quoque labor, isque molestior, sed cum majore DEI gloria conjunctus P. Nicolaum exercuit. Est Romæ Virgineum Cænobium, quod ex institutione & legibus S. Franciscæ Romanæ vivit, nobilitate Virginum florentissimū, virtutibus etiam florentius, Turrim speculorum appellant ; in eo Cænobio, quod curæ P. Nicolai commiserant Majores, ut ab eo in vita spiritali dirigeretur, magna animarum lucra, & opi-

mas messes in Christi horreum intulit. Vivebat adhuc *Theodora Celsa*, quæ in quadam visione cœlesti, ut superius narraveram, P. *Nicolaum* monilibus aureis & gemmeis in Missæ Sacrificio ornatum, & incredibili pulchritudine, & Majestate viderat; vivebant & aliæ familiaritate DEI, & cœlitū celebratæ sacrae Virgines, & institutione P. *Nicolai* multum in virtutibus & sanctimonia processerunt; quas ut ille magis Christo Sponso conjungeret, multa salutaria monita scripsit & dedit in manus. Extat adhuc in Archivo quodam Provinciæ Bohemiæ, justum volumen Italicè à P. *Nicolao* scriptum, continens meditationes pro sacris Virginibus factas Romæ 1625. Item aliud æquè Italicum de acerbitate poenarum Purgatorij, & quâ ratione illæ possint evitari, tum etiam vita P. *Julij Mancinelli*, & B. *Aloysij*, tum exercitia spiritualia S. Patris nostri *Ignatij*, & plura alia Italicè; sed maximè Exercitia, quæ incredibiles animorum commutationes, & conversiones (de quibus aliquid innuit ipse P. *Nicolaus* opusculo 6.) in sacris Virginibus effecerunt. Facit hujus Virginei Cœnobij mentionem sæpius P. *Lancicius*, illudque à sanctimonia mirè commendat, ut etiam opusculo 2. Dum *Violentie Palumbaræ* sorori *Marchionis Palumbari*, morienti assisteret, adstantibus plurimis Nobilissimi illius Monasterij Virginibus (quæ *Violentia* oculorum usum morbo amiserat) repentè illa luce

cœlesti circumfusa nominatim Virgines compellabat; plurimas earum radiantes, & ob innocentiam & puritatem vitæ velut Sponsas Christi ornatas se vidisse testata, non tamen omnes, quas etiam nominare omisit. At illarum, quas nominaverat, globulos precatorios, alioquin ex vili ligno confectos, ex adamantibus, rubinis, sapphiris, constare affirmabat. Sed nihil illustrius in eo Cœnobio gestum, ipse P. *Nicolaus* existimabat, quàm admirabilem conversionem Virginis nobilissimæ *Romanæ Mariæ Bonaventuræ*, quæ excellenti ingenij acumine ac judicio prædita, ab astrorum cognitione, & à scribendorum Italicorum versuum peritia, celebrabatur in primis; atque ob excelsitatem animi cum suavitate morum conjunctam, inter sacras DEO Virgines (quarum in eo Cœnobio plures quàm centum è prima Romanæ Urbis nobilitate numerantur) longè eminebat. Longum esset ejus cœlestia lumina, & propè miraculosam conversionem (in exercitijs spiritualibus *S. P. N. Ignatij* An. 1626. à P. *Nicolao* traditis) & quomodo ex levi & inutili, omnibus, etiam viris, placendi studio, in aliam commutata sit, vitamque & mortem ejus sanctissimam percensere: præsertim cum ipsemet P. *Nicolaus* opusculo 6. c. 22. latè describat. Invito Lectorem ad illud caput inspicendum, satis scio admirabitur Virginem, tam repente, & tam fortiter amicitias omnes abruptisse,
&

& tam intimè Sponso suo Christo conjunctam tot luminibus illustratam, DEO se reddidisse.

CAPUT XVII.

Vener: P. Nicolaus pro Provincia Bohemiæ petitur, & post annos quatuor multiplicatis precibus demum impetratur. Miraculum clepsydre in aëre pendentis. Infer: Provincia Bohemiæ Sanctorum Martyrum corpora.

ANnis pluribus Romæ, in publica Orbis luce, cum magna utilitate proximorum, & apud omnes collectâ Sanctitatis famâ versabatur *P. Nicolaus*, cùm ecce An. 1628. ad Congregationem Procuratorum, *R. P. Martinus Santinus* ex Provincia Bohemiæ Romam missus advenit, qui auditis tot ejus laudibus, & de tanta Instituti nostri notitia certior factus, visis etiam, quæ tunc ad DEI gloriam præclara fecerat, conjectis oculis in *Provinciam Bohemiæ*, quæ non ità pridem ab Austriaca divisa, viris autoritate, senio, rerum usu, Magistratibus in Societate gestis, aliisque dotibus instructis non abundabat, collato cum *Assistente Germaniæ* consilio, *P. Nicolaum* ab *Adm. R. P. N. Mutio* institit petere, existimans cum *Bohemiæ* (quam Provinciam *P. Mutius Be-*
nia-

niaminum suum appellare solebat, quòd eam scilicet primus ab Austriaca separâisset, & quasi in senectute genuisset) magnas utilitates allaturum; & si nihil aliud ei Provincia deferret, *Instructorem Patrum tertij anni*, quo nunc idoneo careret Provincia, eximium futurum. Magnis precibus acta res est, sed, qua de causa nescio, in longius tempus protracta: existimo non parvum impedimentum objecisse bella, quibus ardebat Bohemia, ut temporum illorum Annales legentibus patet. Denique *R. P. Daniel Kirchner Bohemiæ Provincialis*, nomine totius Provinciæ ab *Adm. R. P. Mutio*, *P. Nicolaum* huic Provinciæ feliciter impetravit, venitque *Ven. Pater* in hanc Provinciam ad finem Anni 1635. Certum enim est, eum antequam in *Bohemiæ* immigraret, atque in ea censeretur, prius in Polonia primi *Litvaniæ* Provincialis circa Annum 1631. munus gessisse. An. 1632. *Warsaviæ* sub tempus *Comitiorum*, pro novi Regis electione indictorum, post obitum *Sigismundi III. Poloniæ Regis*, cum in iisdem Comitijis quiddam contra immunitatem Ecclesiasticam moveri cæpum esset à quibusdam Politicis, *P. Nicolaus* scriptum pro immunitate Ecclesiastica Senatoribus Regni porrexit (quod in Tomo secundo opusculorum ejus reperitur latinè redditum) eoque tantum effecit, ut omnes malevolorum conatus eliderentur. Post Provincialis munus laudatissimè
ge-

gestum An. 1635. Patrum, qui tertium probantur, ut apud nos est mos, *Præfectum spiritus* egit, in Provincia *Litvania*; quo anno miraculum illud clepsydræ, aut certè miraculo proximum contigit, quod ejus verbis, potius quam meis, offeram legentibus: *Dum ad legendum S. Tereſiæ librum, ubi doctrinam de humilitate tradit c. 5. Dum, inquam, ad legendum illum è mensa cum impetu arripuiſſem, Neſuiſij coram Patribus tertij Anni, & ligula libri traxiſſet clepsydræ Italicæ, quam inadvertenter collocatam supra illam ligulam non hirsutam, sed levem, tota clepsydræ, inclusum quadrantem mediæ boreæ continens, pependit in aëre, superficietenus tangens ligulam sinè ulla convolutione fili, aut rei alterius hispide, aut glutinosa, uno verbo sinè ulla causa naturali, quæ pondus duplicis clepsydræ pendentis naturaliter sustinere posset, sinè ullo naturali sustentaculo, & retinaculo in puro aëre; donec P. Jacobus Kossuc accurrit, & clepsydræ pendentem accepit, ligulâ tamen illâ non sequente motum clepsydræ. Unde agnovi hanc doctrinam DEO placere, & veram esse, quam ex nullo libro didiceram, sed postea quasi vi authoritates ad ejus confirmationem. Hoc accidit Anno 1635. Neſuiſij. Sed jam ordine temporum poscente ad aptissimum & plurimis salutarem Ven. P. Nicolai in Bohemiæ Provinciam adventum veniamus. Prima P. Nicolai in Bohemiæ Provincia habitatio Olomucium (quo Anno 1635. 1. Decem-*

cembris advenerat) fuit, ubi aliquamdiu *Præfectorum spiritus* totius Collegij, oblatam à Provinciali suscepit; hîc ego primû (quod maxima inter DEI beneficia reputo) *Venerabilem Senem* conspexi, eique dum in *Contubernio Olomucensi* adolescens degerem, post dimidij anni luctam totum me in disciplinam tradidi, qui me anno 1636. in *Tyrocinium Societatis Brunense* deduxit; ab eo tempore nunquam desij P. *Nicolaum* observare, literis appellare & consulere, vel si adesset, adire. Hæc ob eam maximè causam adjicio, ut omnibus constet, quæ in *Bohemia* ab eo gesta sunt, mihi probè perspecta & cognita fuisse, nihîlque me scripturum, quòd non aut viderim, aut à *Venerabili Senè* non audiverim, aut denique ab idoneis & oculatis testibus non acceperim. Sed de ejus commoratione *Olomucensi* plura in sequentibus. Hoc tempore ingenti thesauro *Provinciam* ditavit, scilicet octo corporibus Sanctorum, quibus postea plura adjecit, ut nullum propè reperiatur Collegium, quod sacris illis pignoribus destituatur. Infinitus essem, si cœlestes gratias, & beneficia, quæ in miseros mortales in diversis Ecclesijs, ad eorum ossa, & sacros cineres, qui plerumque in altaribus aservantur, contulit DEUS: pleni sunt Annalium nostrorum libri, sed hic locus ea referendi non est; Ven P. *Nicolaus* tamen velut primo allatori, quidquid illud boni acceptum fuit, debetur. Attulit etiam.

etiam *Ven. Pater Romanam* de his Sanctorum reliquijs attestationem, tum alteram *Vilnensem* sub sigillo *Consistorij*: Romana attestatio veritatem corporum Sanctorum adstruebat, at *Vilnensis* testabatur *R. P. Nicolaum* multas Sanctorum Reliquias, & integra corporum ossa *Vilnam* attulisse *Româ*, quocirca ijs publicum honorem per solennissimam processionem præsentem ipso *Episcopo* habitum esse, ea deinde sacra pignora varijs à *P. Nicolao* Ecclesijs donata. Imitari hanc in Divos pietatem voluit *Eminentissimus Cardinalis Franciscus à Dietrichstein, Olomucensis Episcopus*, & supplicationem institui permisit splendidissimam à nostris A. 1636. 2. Februarij. Multa *SS. Martyrum* corpora quasi in triumpho circumlata sunt, cui Processioni ipse *Eminentissimus Cardinalis* cum *Suffraganeo Præposito*, ac simul *Officiali* interfuit; rosaria ex veneratione *SS. Martyrum* ad illorum corpora attacta, quæ in altari quadriduo ostensa sunt, & quinta hujus vesperi decantatis Litanij ad Sacellum incensis luminaribus, Nostris omnibus, atque ipso *Provinciali Societatis Jesu Daniele Kirchner*, sunt deportata. Porro ex ijs octo corporibus *Martyrum* duo (videlicet *S. Placidi*, & *S. Dionysij*) *Collegio Olomucensi P. Nicolaus* donavit, quæ hodièque in veneratione sunt; *S. Olympium Martyrem Znoymensibus* dono misit: qui Anno 1636. 13. Augusti totius Urbis supplicatione in templo

Societatis nostræ in eleganti Arcula compositus est. Güttenbergæ S. Basileus M. obtigit, cujus festa dies agitur 2. Martij. Collegium Cremfiriense (quod Hradistium postea translatum est) S. Victoriæ Virginis sacro corpore honoravit P. Nicolaus. Glacense Collegium S. Secundam Virginem & Martyrem accepit, Giczinense S. Secundam Virginem & Martyrem, sed primum An. 1651. 14. Januarij, Varmia illud Giczinium misit. Exstant in ultimis Collegijs Glacensi & Giczinensi variæ de his Sanctorum corporibus attestaciones, Abrahami Voyna Episcopi Vilnensis, in quibus testatur ex singulari gratia Pauli V. Pon. Max. acquisita esse legitima, adducit Juratorum testium authentica testimonia, Romæ desuper data. Sunt aliæ literæ Eminentissimi Cardinalis Francisci Dietrichstein, item Eminentissimi Cardinalis Ernesti ab Harrach in eodem Argumento. Item attestatio propriâ manu scripta, & sigillo munita Illustrissimæ Domine Mariæ Comitissæ de Altham, quæ in gravissimo dentium dolore admotis S. Secundine Reliquijs, subito curata est, quod attestatur in fide Sacerdotali Collegij Giczinensis Rector. De S. Secunda Virgine & Martyrè, quam P. Nicolaus Collegio Glacensi misit, ita ad me scripsit P. Daniel Sanderus : hujus S. Virginis nomen ac devotio erga ejus Sacra Lipsana valde crevit ab Anno 1652. in Populo Glacensi, quando non solum plurimæ femineï sexûs id sibi nomen in Sacramento

H

Gon.

Confirmationis adsciverunt, verum etiam puerilis ac puellaris ætas recurrente quot annis extremo Augusto Divæ Festivitate, solenniore apparatu, & amictu templum subit, suaq; Catecheseos Olympica sub honore S. Secunda celebrius instituit. Collegium Reginae Hradecense aliquot Sanctorum corporibus, & plurimis, & sat justis Sanctorum ossibus, à P. Nicolao donatis gloriari potest, ut S. Protectore Martyre, S. Marcella Virginis & Martyris corpore, & quis omnes enumeret? sunt enim ter denis plures, de quibus Litanie editæ sunt Typis ad excitandam in juventute scholastica, atque etiam in populo piam pietatem. Idem honores Sanctorum corporibus habiti sunt in cæteris per Provinciam Societatis Jesu Collegijs, quod semel innuisse satis est.

CAPUT XVIII.

Ven: P. Nicolaus utilissima omni hominum generi opuscula conscribit, & quam rationem in ijs scribendis tenuerit.

IAm pridem ante annos plurimos scribendi initium P. Nicolaus fecerat: Vilna cum Theologiam doceret, vulgaverat librum, quo Hæreticorum ora confixit, de usu Eucharistiæ sub una specie; & alios ejusmodi plures lingua patriâ. Glo-
ri-

riam *S. Ignatij Cracoviae* ante An. 1622. tacito suo nomine vulgavit, qui liber magno omnium Nostrorum exceptus est plausu, affirmatque *Sorvellus in Catalog. Scriptor. Soc. Jesu, P. Nicolaum* suppeditasse materiam *Ven. Patri Eusebio Nierenbergio* ad laudes *S. Ignatij* copiosiore libro scribendas; usum meditandi, quo nunc aliquot *Societatis Provinciae* in quotidianis meditationibus utuntur, in primo suo Rectoratu (quem existimo *Calissensem* fuisse) confecit, ut ipsemet in proœmio Opusculi **XXI.** fatetur, adductus nimirum præsentī utilitate, quòd Sociorum non pauci paratam materiam meditandi ex vita Christi non haberent, neque incerta puncta eam sibi dividere scirent aut possent. Si alia in publicam lucem edidit, mihi de ijs non constat. Hoc tempore, cùm otio abundaret in Collegijs, & Patrum in tertia probatione *Instructorem & Magistrum* ageret, cepit quædam opuscula spiritualia ad utilitatem posterorum conscribere, & vetera sua recognoscere. Ad id præstandum facultatem maximam præbebat *P. Nicolao Tertiariorum*, quos ita vocamus, Patrum numerus, ex quibus plerumque eligebat duos trêsvē, qui mundè, eleganter, & correctè, quæ senex scripserat, describerent, aut ex ore dictantis exciperent. Primum opusculum de *rectè traducenda adolescentia Olomucij* scriptum videtur: in eo enim invenio documenta vitæ spiritualis, quæ nobis Adolescen-

tibus tradiderat, mihiq̃ue, ut ita dicam, à manu sua calentia Olomucij dedit in manus, quæ C. 23. N. 285. & dum ad *Tyrocinium Brunense* proficisceretur, N. 286, & iterum alia pro Novitiatu N. 289 leguntur. Opusculum secundum ubi elaboravit, uti & tertium & quintum non liquet. Sextum de *Recollezione octiduana* in Arce Carlstein, natam ei esse, cum in ea Arce invitatus ab *Illustriſſimis Herulis Kavkianis*, quibus spiritualia exercitia tradebat, ageret, mihi constat. Septimum de *ariditate in oratione Prags in Professorum domo*, An. 1641. 10. Septembris, cum ejus Jateri adstarem, absolvit. De Octavo, Undecimo, Decimo tertio, Decimo nono, ubi locorum conscripta sint, ignoratur. Nonum de *ferenda Cruce Christi* certum est Glacij An. 1640 absolviſſe. Decimum de *Indicijs & gradibus profectus in virtutibus*, inveni Patribus Tertiarijs fuisse dictatum, ut ostendit Præfatio. Duodecimum de *Conditionibus boni Superioris* Glacij quoque eodem Anno, ut supra, elucubravit. Decimum quintum de *Officijs Laicorum*, ipsemet fatetur *Bruna* esse conscriptum. Decimum sextum de *fuga peccatorum venialium* inter prima, quæ apud nos scripsit censendum est, quod anno 1637. *Giczinij* dictavit, uti & Reliqua v. g. decimum septimum de *præstantia Instituti Societatis*. Item opusculum, cui titulum fecit: *Gloria S. Ignatij*, jam An. 1622. quamvis sine authoris

nomine, *Cracovia* lucem aspexit. Vigefimum, & vigefimum primum in *Polonia* confefta funt. Porro in fcribendis hifce opusculis mirabili prorfus, & extraordinario modo utebatur P. *Nicolaus*. Ante omnia multorum dierum orationem præmittebat, in Sacrificijs Miffæ DEO commendabat, deligebat Sanctorum aliquos, cõsque pijs affectibus fibi demereri ftudebat, ut pro fe ac labore fuo intervenirent, ut auxilia divina impetrarent pro DEI gloria amplificanda, pro animarum utilitate, pro facilitate operis ex benedictione divina. Quæ omnia non tantum fcribendis libris, fed etiam literis majoris momenti, aut fi dictio, vel exhortatio habenda effer, præmittebat; fæpiusque evenit, ut occurrente neceffitate ad quæftiones difficillimas respondendi, promptiffimè, ac solidè ea, quæ nec legerat, nec audierat antè, neque cogitaverat, internâ quadam luce perfufus ad diffolvendos nodos quæftionum adduceret. Hac ratione pleraque opuscula fcripsit, eumque tenuit modum, ut prius ipfe fenfum animi fui panderet, poftèa verò Divinæ Scripturæ & SS. Patrum fententijs approbaret; quod patebit ejus fcripta legenti; *calamus ejus calamus fcribæ velociter fcribentis*, nam celeritate mirabili, ut propè calamus mentem aflequi non poffet, fcribebat, *nec petebat è libris fcribenda* (*etfi fortè lecta antèa fuerant*) *verum finè recodatione præterita lectionis, doct̃rinas à cæleſti Magi-*

stro acceptas notabat, loca item Patrum & Scriptura (ut loquitur P. Kojalovicz) momentanea illius instructionis auscultatione percepta, diuturnâ scriptione vix in chartam effundebat. Opus certè, quod extat de Fratrum Coadjutorum directione, iudicio prudenti semestrem operam scribendo expleverit; à Viatore interea, & hospite intrâ Octiduum, Brune conscriptum. Narrat, qui sensit odorem li-
 liorum è scriptis illius promanantem, cum nulli in cubiculo, aut propinquis locis adessent flores. Sed modus scribendi in rebus difficilibus facillimus in rerum, sententiarumque è Patribus petitarum congerie, sinè librorum adminiculo fidem tam verborum, tam locorum, quàm paginarum retinens, majorem meretur auctoritatem, ut ex eo vim impetrandi ardua, orationi insitam cognoscamus. Hæc P. Kojalovicz; quæ vel meo exemplo ipse confirmare possum. Glacio mihi Brunam miserat tractationem de Spiritu peregrino, qui scilicet Societatis moribus non conveniret; ea tractatio, mihi tradita non fuit, sed occultè ab alijs lecta, denique amissa est. Eam Senex multis vicibus à me repetebat; respondendi, quod erat: mihi traditam non esse, & jam dici deperditam, promde memoriam suam consuleret P. Nicolaus, & quod antè scripserat, iterum consignaret; negavit Senex id se ullo modo facere posse, quamvis DEI hominumque imperia urgerent. Ità unius hominis futile consideratione pul-
 cher-

cherimum opusculum amisit posteritas; statuerat enim optimus Senex tractationem illam, in capita partiri; & doctrinas in ijs traditas autoritatibus *S. Scriptura*, Patrum, & exemplis firmare. De odore ex ejus libellis effluente, ipsemet P. *Nicolaus* narrat; sed eam rem non sibi, sed argumento divino, quod erat Sacrificium Missæ, attribuit; sic enim opusculo 11. cap. 19. in fine loquitur: *Existimo hunc modum audiendi sacrum, placere Divine Majestati: quia cum illum Italicè à me prius scriptum, accommodâssem Romæ Moniali Ordinis S. Benedicti in Turri speculorum (ut vocant) tunc manenti Emilia Muta, germana sorori Cardinalis Muxi, & Marchionissa Muta, illaque ob defectum temporis illum tunc legere non valens, scriptum meum reposuisset in cella honesta quidem, sed ob inclusum diu aërem, occlusas fenestras, & portam habente, tetri odoris, postquam die sequenti in eadem cella illud accepit ad legendum, sensit ex ipso scripto effundi suavissimum odorem instar liliorum, quorum tunc tempus non erat, quamvis nullus esset odor naturalis suavis in ea cella, nec artificialis.* Adjiciam hoc loco rem mirabilem, ex qua facilè patebit ejus opuscula cœlesti auxilio, eoque singulari fuisse conscripta, ut major æstimatio doctrinæ, quam tradidit, ingeneretur. Postquam à latronibus in sylva (quod in sequentibus narrabitur) direpta ejus scripta omnia fuissent, accessi aliquando Se-

nem, qui in domo *Professorum Pragensi* degebat, cumque adstarem scribenti, injeci in familiari colloquio, magnæ mihi esse admirationi, quòd Senex scriptis suis omnibus spoliatus, scriberet opuscula spiritualia, atque insuper, quidquid scriberet, *SS. Patrum* sententijs illustraret, quæ illi utramque paginam faciebant, ut videmus; respondit Senex, hoc esse præmium *Sanctæ Obedientiæ*. Se enim præcivisse damnum & spoliationem omnium rerum suarum, insuper tres socios è comitibus ante se maectandos, idque patefecisse *Superiori*, atque ut alio itinere mitterentur monuisse; sed DEO aliter visum; *Ab eo*, inquit, *tempore nullis notatis, quorum aliquot volumina per annos 48. diligentissimè collegeram, egere me sentio, nec curo illa recipere*; simul me provocat, dicerem argumentum aliquod, quod ille *SS. Patrum* sententijs confirmare paratus esset. Ego mihi moram dari peto; occurrit raras esse in Patribus *de S. Angelo Custode* sententias, videbámque ante eum *Græcorum Patrum* volumina (nam eos præcipuè læctitabat; *Chrysostomum, Basilium, Damascenum &c.*) peto mihi in *S. Joanne Damasceno de S. Angelo Custode* sententiam demonstrari; ille *Sanctum Damascenum* ex forulo librorum rapit, & sublati in cœlum oculis librum temerè aperit, nullâ prorsus paginâ quæsità, tum digito intento legere me jubet; erat perelegans sententia de proposito argumento

S. An-

S. Angeli Custodis ; tum alterum volumen , nisi memoria fallit , *Basilij* accipit , in eoque ad *S. Angelum Custodem* pertinentem sententiam demonstrat : prima quam aperto libro invenit de *S. Angelo Custode* erat , ità & tertia. Dum mirarer ego , diceremque sic facillè libros conscribi posse : Atqui , ajebat ille , *mi charissime major erit admiratio , si Bibliothecam mecum adire velis , quæ hic vicina multum meis negotijs servit : nam modò Augustinum , modò Bernardum , modò alia SS. Patrum volumina cubiculo infero , quibus temerè apertis sententias eorum excerpo , tam accommodatas materie , de qua tum scribo , ut in eam rem nata videantur.* Ego stupens , & DEI providentiam laudans , discessi. Porro (ut redeam in viam) tertium Tomum Opusculorum paratum propè habebat *P. Nicolaus* , qui ubi hæreat , scire non potui ; sed cum magna utilitate vulgaretur. Primum in eo Tomo Opusculum erat de *Negotiatione Cælesti* , duobus libris comprehensum , in quibus traduntur modi , merita , quàm plurima congregandi in hac vita , & in DEI gratia crescendi ac multas in Cælo coronas sperandi. Hoc Opusculum à *P. Nicolao* absolutum esse , dubitare non possum , ipsemet se mihi missurum promiserat , inveniòque illud in Opusculis alijs citatum ; II. de *Judiciis temerariis* , III. de *immunitate Ecclesiastica* , deque coërcendis militum rapinis , bona Ecclesiasticorum infestantibus. IV.

de tempore bene expendendo, & modis bene illud expendendi. V. *Exercitia S. P. Ignatij illustrata sententijs SS. Patrum*, quoad omnes doctrinas eorum, egregium opus & luce dignum! VI. *de Discretione Spirituum*: in quo opusculo dedit certa signa & argumenta, ad dignoscendas illusiones satanæ, & naturæ, in visionibus & revelationibus, & extasibus. VII. *de perfecta Oratione & contemplatione.* VIII. *de Detractione*, & modis varijs detrahendi vitandis. IX. *varia Spiritualia Dubia*, breviter sed solidè resoluta; & de praxibus & actibus virtutum, cuius hominum statui accommodatis. X. *de Proprietatibus fidelium DEI Servorum.* Extra ordinem trecentas Exhortationes sacras, quas in diversis Provincijs & Collegijs habuerat ad Nostros, jam se in ordinem redeigisse, & parare ad typum, Brunsbergâ An. 1650. 11. Januarij in Bohemiam familiaribus suis significat, ut in literis propriâ ejus manu scriptis, quas asservo, legitur. Habentur etiam apud amicum Conferentiæ, ut vocant, Spirituales seu Collationes ad PP. *Tertiariorum de spiritu conservando, de confusione sui querenda, de spiritu peregrino, de abnegatione universi amoris sensualis, an omnis locus orationi conveniens, de ariditatibus in oratione* (quam Brunæ A. 1636. habuit) *an possit quispiam cogitationes habere in potestate, quomodo in superiore intuendus sit Christus &c.* Utinam hæc, ubi ubi habentur, bono ani-

animarum protrahantur in lucem. Habentur præterea in *Archivo* cujusdam Collegij in *Bobemia*, ejus manu propriâ conscriptus Tomus unus de varijs visionibus, & alius Commentarius in *Zachariam Prophetam*, item Tomus controversiarum de varijs, item opusculum de efficacia *SS. Eucharistia*, & impedimentis ejus effectuum; item resolutiones variæ casuum Conscientiæ, item opusculum, quo continentur controversiæ de *Ecclesia*, & aliud in quo de verbo DEI & traditionibus. Item Tomus, in quo agitur controversia de Sanctis; & alio opusculo tractatur controversia de *Romano Pontifice*; rursus alio, de concilijs; opusculum aliud bene longum, cui titulum fecit: *de Disciplina interioris hominis, & vitæ spiritualis institutione*. Reperitur Tomus Italicus, qui meditationes spirituales complectitur, in usum celeberrimi *Parthe- nonis Romani*, quem *Turrim speculorum* vocant; item alius liber Italicus de pœnis *Purgatorij*, tum *Vita P. Mancinelli*, & *vita B. Aloysij Gonzaga*, utraque Italicè. Denique tractatus Theologicus de ratione Conscientiæ, & Denunciatione usitata in *Societate Jesu*, & ultimò tractatus de *Sanctissimo Sacramento* sub una specie, sed hic jam olim *Vilna* fuit impressus.



CA-

CAPUT XIX.

Ven. Patris Lancicij vivendi modus exterior.

P*atris Nicolai* Vita nihil propè exteriùs valdè admirandũ præferebat, multa potiùs erant, quæ opinionem Sanctitatis apud imperitos minuerent, cùm ipse *P. Nicolaus* non augere, sed prodigere famam virtutis ubique conaretur. Memini, cùm familiariter solus cum solo confabularer, apertè mihi confirmâsse, impediri se legibus nostris, quò minùs ex toto *S. Philippum Nerium* imitari posset; quod tamen unicum sibi esset in votis: retulitque mihi, quæ *Sanctus* ille *Vir* ad sui confusionem publicè, in præsentia *Magnatum*, & frequentia *Nobilissimorum Civium Romanorum* factitâset, quæque ipse *P. Nicolaus* opusculo 8. *de Humiliatè querenda*, commemorâset; satis inuens mihi, quæ abs se fierent, ex imitatione *S. Philippi* proficisci. In qua imitatione, & simulatione satis felix & facilis *P. Nicolaus* esse poterat. Cùm enim naturâ ad lætitiâ pronior esset, admixtâque sangvini cholera haberet, itaque per virtutem utramque domuisset, ut ferè nisi ipso volente nec lætitiâ nec cholera exsurgeret, facilè erat vel lætitiâ vel cholera simulare. Ergo cùm
fal-

fallere quempiam, qui facta ejus æstimare videretur, vellet, modò effusus in risum, leviculum aliquid proferebat, quasi risum captaret, modò advocatâ cholera ardente vultu, verbis acerbioribus, vitia hominũ insectabatur; nõnunquam quasi gloriabundus varia dona sibi à DEO concessa narrabat, ut inanem gloriam aucupari videretur; si quẽ sinistrum de se rumorem audiret, velut sibi male conscius, gestu quodam humili tantum non fatebatur. Seipsum in quodam opusculo descripsisse videtur *Ven. Senex*: *Talis*, inquit, *erat* (loquitur de artificiosa simulatione, ad tegendam virtutem) *S. Philippus Neri*, qui, uti *audrvi in concione publica, quam in ejus Anniversario habuit Cardinalis Baronius*, hujus Sancti Confessarius, simulabat iracundiam, & signa excandescentis animi quandoque pròdebat, ut pro iracundo haberetur. Ideòque idem Sanctus Vir sape suis illud inculcabat: qui vult inter vos sapiens esse, stultus fiat. *Novi & ego in Societate aliquos, qui ut magnam opinionem, in qua apud alios erant, eorum ex animis evellerent, nec pro Sanctis (uti habebantur) haberentur, quædam faciebant, verè in se non mala, tamen à malignis condemnari solita: uti sunt conversatio jucundior, risus facilis, longior ad mensam accubitus, & his similia.* Hæc quamvis ita se haberent, tamen in rebus ad DEI cultum spectantibus serius semper, & diligens inveniebatur: nunquam eum vidi per Colle-

gium

gium euntem, sinè precatorijs globulis, quos assidue volvebat, suam illam, quam vocabat *brevem coronam* recitans, cujus praxim habes Opusculo 11. c. 30. Vultus orantis, etiam dum per ambitus commearet, ardens, & in cœlum intentus; vix imperare sibi poterat, quin *Sanctissima JESU & Mariæ* nomina elatiore interdum voce repeteret. Ad Missam faciendam procedens, quos præcipuè affectus & actus exerceret, ex Arcanis Libellis, quorum fragmenta Lib: II. dabimus, intelligi potest: Missam legebat affectu intensissimo, ferè eo modo, quem tertium orandi modum *S. P. N. Ignatius* in Exercitijs appellat. In altari deligendo nullum sibi relinquebat arbitrium, quocunque à *Sacristano* mitteretur, ibat lubentissimè. Sacrum plerumque tribus horæ quadrantibus, aut etiam cum affectus urgerent, unâ horâ protrahabat; triumphum quendam amoris, ut ità dicam, agere accensâ facie, statu etiam corporis major videbatur, continenter post consecrationem Venerabilem Hostiam intuens, exilire quodam modo, & venis omnibus, & membris gestire. Et sanè mira eo celebrante contigisse, testantur, qui videre, quæ libro tertio reservantur. Cum Missa, aut Vesperæ, aut Litanæ canerentur à Musicis in templo, nunquam faciliè aberat ipse; ante chorum templi, ut meliùs exaudiret canentes, cum suo illo rosario junctis ad præcordia manibus ambulabat

bat toto illius cantûs tempore, & ardentissima suspiria velut jacula orationum ad DEUM & Sanctos mittebat. Dicendum semel est: nullâ re facilius in affectus seraphicos P. *Nicolaum* excitari solitum, quàm musicis cantibus, ijs utique, qui voce peraguntur, & textu aliquo pio, ut ità dicam, condiuntur; exempli gratiâ: *JESU splendor patre, ne gloria*, vel: *Amo te, DEUS meus!* quæ sæpius à Musicis, ut fieri solet, repetita, etiam ipse repetebat, & canendo imitari conabatur, & si à transeuntibus audiretur, nihil pensi habebat; rediens inde ad cubiculum, familiaribus suis dicebat cum quodam corporis & animi tripudio: *Audiui musicam in templo? quod perinde est dicere: Lancicius prægustavit gaudia Cœli! qualia mihi hodierna musica de Christo attulit gaudia? videte quantum ex hac amoris lucta sudaverim!* & cùm indusium à pectore extraheret, etiam rigidissimæ hyemis tempore totum manabat sudore. In cubiculo tempus omne ità dispensabat, ut curaret nec breve tempus sinè cœlesti merito elabi, ut jam antè dixi, continuâ & non interruptâ DEI memoriâ perseverante, quem ille varijs ac varijs affectibus (quos in Opusculo XI. descripsit) salutabat. Ad campanæ sonum primus ferè, quò vocabatur, accedebat; quò in genere obedientiæ nullam imperfectionem sciens admittebat, vocem Christi se audire existimans. Cùm meditandum aut orandum esset, clausis, aut
mode-

modestè demissis oculis, nulli innixus fulcrò omnia peragebat; solitùsque est dicere in actionibus nostris trium potissimùm habendam esse rationem, ut quàm optimè fiant; primò naturæ & virium humanarum: esse enim prudentis, non plus assumere, quàm ferre possis; certum ubique esse terminum virium nostrarum; DEO non placere, coactos & ultrà quàm vires ferant conatus: naturæ quoque nomine intelligebat ipsam actionis naturam, quæ certam quandam ex se perfectionem requirit; alterum quod spectandum sit in actionibus, *perfectionem* esse, si videlicet actio eo modò fieret, quo à viris perfectis proficisci consuevit; tertium, quod spectari debeat, esse, *mortificationem*, ut Religiosi vocamus, seu afflictionem. Omnes enim actiones nostras mortificationis comitari debet. Sic explicabat illud in regula *Summarij XII.* ubi admonemur, ut *continuum in rebus nostris abnegationem quaeramus.* Ut v. g. in oratione facienda attendendo ad naturam orationis, noverimus; *preces fundi ad DEUM;* quàm igitur humiles, quàm ardentes esse oporteat, quæ ad tantum DEUM funduntur? Insuper inspiciamus, quid nos in ea juxta virium nostrarum proportionem præstare possimus. Deinde intuenda Virorum Sanctorum orantium exempla, ut ea quàm proximè imitemur; postremò aliquid assumamus molestiæ, vel in *flectendo*, vel *co-statu-*

corporis, qui nos excruciet, ut si non inclinato pectore, vel capite demisso &c. oremus. Idem servandum suadebat in mensa, in qua oculos ita in officio continebat, ut non facile, quid ab alijs ageretur, videret, memor temperantiæ, memor monitorum, quæ dantur à Sanctis, ut in edendo nunquam properaret, lentè, ac veluti coactè corporis exigentiæ succurreret, gustui quæ gratiora essent, subtraheret, aliquando etiam non sinè gustus poena, integra fercula delicatè condita respiceret; quæ in re senectutem nauseabundam habebat obtentui. Ità enim Senex delicata fastidiebat, ut mortificatio non animadverteretur; contrà verò insipidis libenter vesceretur, cùm alij ex hac aviditate conjecturam facerent, eum illo cibo maximè delectari, ideoque ejusmodi cibos sæpiùs adferebant. A mensa cùm ad communem recreationem accederet; omnes ex socijs, qui divinis colloquijs tenebantur, certatim illi se aggregabant. Narra-
bat ille, ut erat nostrarum rerum peritissimus, ignota alijs de *S. P. Ignatio*, deque alijs Sanctis, de amore vocationis, ac cætera jucundissima argumenta, ut multi sociorum magis se ad virtutem inflammatos ex recreatione discedere, quàm ex matutina meditatione faterentur. Universim dicere possum: quæcunque ageret, etiam alijs usitata & communia, in eo aliquid cæleste & divinum habere videbantur; ipsa etiam humana negotia

itā tractabat, ut ea cum DEO, & virtute jungerentur. Quod nemini mirum videri debet, cū in omnibus spectaret DEUM, & rationes æternas & dies antiquos haberet in mente, atque insuper, quod postea in virtutibus narrabitur, votum edidisset, semper meliora & perfectiora sequendi.

CAPUT XX.

Quænam Collegia in Provincia Bohemia, & quàm utiliter inhabitârit. Periculum vitæ à latronibus incurrit, amittit omnia sua scripta charissima, quàm jacturam patientissimè, & heroico prorsus animo perfert.

PRimum Collegium, quod in *Provincia Bohemia* inhabitavit *P. Nicolaus*, ut antè dixi, *Olomucium* fuit, magno operæ pretio: quippe primo statim commorationis suæ Anno donationem pro *Bohemia Provincia Zemeticensis Ditiuncula* impetravit, & stabilivit; quod disertè *Olomucensis Rector* in *Diario* suo annotavit. Multum etiam contulit ad affectum *Reverendissimi & Illustrissimi Domini Joannis Friderici Breiner Decani Cathedralis Ecclesiæ Olomucensis* lucrandum; fuitque ei charissimus in morte; unde *Collegium Olomucense* vehementer se adjutum sensit. Invenio etiam

etiam manu Rectoris annotatum, *Collegij Gremftriensis* (quod postea *Hradistium* translatum est) initia & foundationem, cum obssisterent nonnulli (quod ea Civitas *Episcopalis* sit, & sine *Capituli Episcopalis* licentia *Domicilium* Religiosorum admittere non posset, ut ipsi jactabant) *P. Nicolai* apud *Eminentissimum Cardinalem Dietrichstein* gratiæ, & suæ in negotio hoc diligentia, ob perruptas omnes, quæ opponebantur, difficultates, deberi, ejusque fideli operâ effectum, impetratumque, ut ea fundatio, quam *Illustrissima Herula, Zaubkiana* vivens adhuc faciebat, sine mora in *Tabulas Provinciales Moravia* inscriberetur. Quam utilem eo tempore domesticis nostris operam præstiterit, in dirigendo spiritu, & commendandis virtutibus, ex *Rectorum Diariis* cognoscimus; ubique Sanctitatis in omnibus Collegijs vestigia impressa relinquens, quorum etiam apud exteros Optimates, Cives, & Populum memoria diu permansit. Etsi enim Nostros præcipuè in spiritu dirigendos, ut jubebatur, sibi sumpserit; non omittebat tamen, cum se occasio daret, sæcularium curam spiritualem suscipere. Itaque in omni propè Collegio invenit, qui se ei in disciplinam traderent, ejusque consilia sequerentur; plurimos hæc occasione juvenes ad Societatem nostram, aliasque sacras Religiones misit, ac dicam semel: in Urbibus, in quibus degebat, ferè omnibus aut

Nobilitate, aut dignitate & Officio, aut reliquâ aliâ notâ insignibus, bono Senex noster notus erat; omnes eum, ut Sanctum, venerabantur. *Magistrum Tertiariorum*, ut dixi antè diu egit, præcipuè in Collegijs *Giczinenfi* & *Glacensi*, quo tempore mira acciderunt, quæ in sequentes Libros differimus. Cùm jam *Tertiarij* non suppeterent, *Pragam* ad Professorum domum missus est, ubi præcipuos *Procerum Regni* suos fecit, maximèque *Excellentissimam Domum Sternbergicam* & *Martinicam*, habuitque inter eos duos maximè, *Comitem Georgium Adamum* supremum Regni Cancellarium, & *Franciscum Matthiam à Sternberg* familiarissimè conjunctos, quorum priori monita quædam sanctè in *Aula* vivendi conscripsit, quæ deinde typis sunt edita *Prægæ*, reperiunturque etiam in fine secundi Tomi opusculorum; alteri *Bechinæ* An. 1641. octiduana *S. P. N. Ignatij* exercitia à se prius in externorum usum accommodata, & conscripta tradidit. Cùm *Giczinij Tertiarios* Patres quatuordecim numero instrueret, accidit *Panirij* hostilis in *Bobemiam* incursus; quid tunc damnorum *Bobemia* illatum sit, eorum temporum Scriptores consulantur, *Litomericium*, *Mielnikum*, *Brundusum*, *Reginæ-Hradecium* cepit hostis, *Pragam* ipsam tormentis muralibus verberavit, denique *Bobemiam* universam vel in deditionem coëgit, vel tributariam habuit. Quod ad institutam

nar-

narrationam spectat : *Collegium Giczinense* , quia periculo proximum , dissolutum est omnino , dimissis ad tutiora Socijs ; *Guttenberga P. Nicolao* obtigit , sed neque hinc securo esse licuit. *Reſtorie* ergo jussu *P. Nicolaus Novamdomum* cum aliquot Socijs destinatur. Annus erat 1639. 31. Maij , quem diem profectiōi Sociorum nominaverat *Reſtor* : accessit , ut antè innui , *Vener. P. Nicolaus Reſtorem* , monuitque , si recto itinere per Ledecium Novamdomum proficiscantur , periculum non evitaturos , *ſe de ea re diſtractionem habuiſſe* (ità Senex loqui solebat , cū ei cælitus aliquid revelatum fuisset) *tres ex Socijs maſtandos , alios agre evaſuros*. *Reſtor* perturbatus , quid diceretur à Senex , non multū penſi habuit , juſſitque nihilominus Socios eò , ubi timebatur periculum , contendere. Curru vehebantur tres , *P. Joannes Meak* , & *Coadjutores Laici Martinus Ignatius , & Wenceslaus Trnozka* , quartum *P. Nicolaum* cupiebat *Reſtor* addere , sed is excuſavit , & equum ſibi dari popoſcit ; datus eſt ; cæteri Sociorum pedites , iter non paſſibus æquis faciebant. Jam alterum à *Guttenberga* milliarium ingrediebantur , & *Litanias Sanctorum omnium* , qui in curru ſedebant , recitabant ; *P. Nicolaus* ſuam illam coronam parvulam manu tenens currum eques ſequebatur , cū ecce hæretici latrones hinc atque hinc armati apparent , & fremitu edito in tres primos , bom-

bardas exonerant : *P. Meak* juxta cor vulnere accepto *JESUM & MARIAM* invocans mortuus corruit ; trajicitur secundum tempora *Wenceslaus* ; *Martinus* etsi accepto vulnere diutius vixit , securi in caput adaectâ , altero adhuc die orans , & trunco arboris genibus innixus repertus. Dum hæc aguntur, *Ven. Senex* visis ante se mortibus Nostrorum , altiore consilio instinctus , equo descendit , eoque ad currum relicto , pedes nihil concitato cursu iter relegit , nullo (quod miraculi instar habitum est) ex latronibus sequente. Ubi extra conspectum venit , interiorum silvam ingressus omni prioris periculi metu vacuus cuidam arbori acclinis cogitare secum cœpit : essetne quidpiam in anima sua , quod sibi aditum tardiorum , in Cœlum efficeret , & moram , nè protinus à morte ad DEI conspectum intraret , injicere posset ? quo in examine Conscientiæ suæ diutissimè persistens , tandem cum inveniret nihil , libellum divinorum suorum luminum , quem semper secum ferebat , incepit legere ; qua in lectione eum quidam Sociorum reperit , qui Patrem in illa perturbatione rerum diu per sylvas omnes quæsierat , ut putabat amissum ; quem Pater ubi ad se venientem vidit : *Mi frater* , inquit , *ô si illâ securi , qua frater noster Ignatius , percussus fuisset , rectâ , nullius mihi parvi aut magni reatus conscius ex hac sylva ad amœna Cœlorum , & montes æternos transivissem.* Hæc de se *Vener.*

Senex

Senex An. 1639. *Iglavia* P. *Godefrido Schuberto* narravit, & post dies aliquot *Pragam* ad R. P. *Petrum Wadingum*, cui viro addictus erat plurimum, ipsemet Pater perscripsit. Redeo in viam: Socij Patre reperto læti, mutato consilio aliò iter flectentes securè, nullo in via periculo occurrente, *Iglaviam* tenuerunt; *Ven. Pater* rebus omnibus spoliatus præter vitam, & quæ in se ferebat *Breviarium*, *Rosarium*, *Sacrarum Reliquiarum thecam* è collo pendentem, *Sanctæ Joannæ granum*, aliud nihil sibi relictum vidit. At latrones, cùm nescio quas, & quàm divites prædas in curru vehi suspicarentur, apertis incensâ cupiditate cistis, non pecuniæ, sed chartarum thesauros invenerunt, quas tumultuariè per summum furorem excutientes in varijs sylvæ locis dissipârunt, quæ diu omnibus aëris injurijs subjectæ, propè inutiles omnino evaserunt, admissâ scilicet putredine, & pluvijs, & imbribus deletis pene omnibus literis. Erant autem hæc charissima P. *Nicolao* scripta, quibus currum impleverat, quæque *Romæ* collegerat, aut jam edenda proximè conscripserat, adjuncta ijs erant aliquot SS. *Martyrum* lipsana, quæ ità confusa posita invenêre rustici Catholici, nostrisque Patribus reddidêre, ut omninò discerni non possent. Rerum charissimarum amissio, quàm altè in P. *Nicolai* animum descenderit, & quanto ejus animum mœrore compleverit, ipsemet ego testari possum,

qui etiam post aliquot Annos, de jactura tot egregiorum Scriptorum dolentem, & DEO affectibus teneris jacturam illam rerum suarum offerentem sæpius audiui. Affirmabat certè Senex nihil sibi à DEO ad probandam patientiam in vita acerbius immissum esse, sed jam se vicisse, & de dolore gaudere, cum videat *Divinam Majestatem* hoc Sacrificium velut sui *Isaaci* à se postulasse. Innuebat scilicet revelationem à DEO sibi factam antè quàm è *Collegio Guttenbergensi* discederet: cum enim eo ipso die Missam in *Basilica S. Barbara* legeret, in ipsa SS. *Eucharistia* sumptione ex illa vocem audivit ter repetentem: *Quid si tu omnia tua scripta amitteres?* ad quod ille: *Domine cum vita mea libenter tibi offero scripta mea, qua tamen amplius quàm vitam meam diligo, quantique ea fecerim tu nòsti!* Hæc ad verbum Senex *P. Godefrido* suo *Iglavia* narravit. Memoriam hujus diei in posterum singulis annis, quasi ingens beneficium accepisset, summâ pietate colebat & ieiunio consecrabat, ad Refectorium nonnisi vesperi ad gustandum aliquid cibi, descendens. Solatium ingens Patri attulit ipsemet *Augustissimus Cesar Ferdinandus III.* (cui *P. Nicolaus* ob *Sanctimoniam* famam, & donum, quod *Sacello Casareo* domestico designarat, corpore scilicet *Sanctæ Casaræ* notus jam erat) cum decretum triplici idiomate ad *Capitaneo Regionales* misisset, viderent, ut magnâ curâ à

cer-

certis hominibus *P. Nicolai* scripta colligerentur, & restituerentur; sed serum erat *Sapientissimi Caesaris* mandatum, quod jam, ut dixi, scripta illa vitium admiserant. Porro ut hoc obiter adjiciam, *Catholica Religionis* odio tres illos Socios trucidatos multa ostendunt: quod viatores alios sine damno transire permiserint, etsi pretiosiora quædam vehi aut ferri viderent; quod hæretici latrones essent; quod dum necem inferrent, ignominiosis vocibus Catholicos nebulones, & per contemptum (*gednussen*) *unistas* appellarent; quod, ut postea patuit, ab hæretico Nobili ad facinus conducti essent; plura ad id probandum argumenta *R. P. Martinus Stredonius* (qui tum *Provincialis* munus gerebat) adducit, quæ in Mortibus *Illustribus P. Alegambe* leguntur. Nobilis ille postea captus, & in albam *Turrim Arcis Pmgensis* conjectus, cum, fide Viri Nobilis interpositâ, ad aliquot hebdomadas è custodia emissus esset, exortâ rixâ ab alio *Equite Nobili* transfossus periit; meo nomini parco, cum eum non nomino; sed evasisse præpropera illa morte pœnas. sceleri suo debitas ab omnibus judicatus est. Nam latrones postea capti, & tormentis, antequàm agerentur in rotas, adacti verum dicere, omnes Nobilem cædis Authorem & incensorem nominârunt. Unus aliquis ex ijs prædonibus (qui omnes ante mortem Catholicæ Fidei lumen aspexerunt) per duos propemodum annos

Praga in carceribus *Novæ Civitatis* in vinculis sedit, & squalore contabuit; huic *P. Nicolaus* quot hebdomadis die Sabbathi impetratam à se stipem liberalem mittebat, & ejus miserijs, & tam longæ captivitati ingemiscebat, & illachrymabatur sæpe numero, digniorem se præ illo reputans, qui ob peccata sua carceribus deputaretur æternis. Post hæc scripta bonâ fortunâ incidi in literas *P. Nicolai* An. 1639. 6. Septemb. ad *P. Augustinum Copitium* *Iglaviâ* datas, in quibus quæ in illa latronum sylva amiserit, compendio describit: *Amisi*, inquit, *omnia prorsus scripta, etiam illa P. Julij Mancinelli*, quibus erat plena amplissima cista, & tres magni sacci coriacei *Italicè Bolga dicti*. Gaudeo (propter me) quòd pro DEO illa amiserim. In alijs ad eundem Patrem literis accuratiùs amissa enumerat: *Ferè centum Tomos scriptorum perdidici, præter innumeras Reliquias selectissimas cum dente S. Ignatij, & S. Benedicti; cum terra Christi Sanguine tincta, & ligno Crucis, & alijs multis rebus, & tria corpora Sanctorum in cistula quadrata longa, & lata paulò minùs duobus palmis; erant corpora chartis divisa, chartula intra ossa certos numeros continentes, indicabant nomina eorum.. Præterea Biblia in 8. cum glossis meâ manu adscriptis; item Constitutiones Societatis & regulas omnes in rubro pargameno: Exercitia primum Roma impressa; Bullæ omnes Societati datæ; duo Tomi Responsa Generalium continentes, alter meâ manu, alter ordine Alphabeti alienâ pulchrè scriptus. &c. &c.*

CAPUT XXI.

Ven. P. Nicolaus Pragæ in Professæ Domo aliquot annis commoratur. Rationem Conscientiæ juxta morem Societatis Provinciæ reddit ; cujus exemplar repertum describitur, & hic recitatur. Bellicis tumultibus incrementibus in Poloniam redit.

Cùm Majorum nostrorum de suis cura, aliquam *P. Nicolao* quietem post tot annorum labores, quos cum *Patribus Tertiariis* sustinuit, indulgeri svaderet, utque amplius tempus sua, quæ ad typum parabat, opuscula augendi, limandi, & adornandi haberet, *Pragam Bohemiam Urbem Principem* ablegatur, ei que *Præfecti spiritus*, in *Professorum* domo *Pragensi* munus imponitur. Incredibile dictu est, quantum spiritualis profectus, commoratio illa Nostri attulerit ! ibamus ad eum ex *Collegio Antiquæ Urbis*, quoties oportunitas se daret, Scholastici magno numero, atque etiam Patres adultiores, ut aliquid cœleste ab eo disceremus. Ego omnis recreationis statodie adibam, semperque doctior in virtutum studio, & rerum nostrarum peritior abibam ; sæpe contigit, ut ab alijs præventus, nec salutato Senecogeret discedere.

Ex

Ex hujusmodi colloquiis libellos quidam sibi confecêre, in quibus ejus responsa, & alia, quæ de nostris rebus, & *Sanctorum* vitis & exemplis rarissima commemoraverat, annotabant; quod cum didicisset Senex ægerrimè tulit, præsertim quòd non intellectâ ejus sententiâ, quædam velut abs se dicta referrentur. Mihi sæpè hac de re questus est, se nihil, ut homines solemus, loqui posse; omnia pro vaticinijs & oraculis, quæ more humano diceret, accipi; inter alia, moriturum se *Roma* spargi, idque velut à se prædictum circumferri, cum nihil ejusmodi abs se dictum meminisset. Sed in colloquio cum amicis id solum dixisse, fieri posse; ut semel adhuc *Romam* accederet, & forsitan etiam moreretur. Hujus dicti causam se non aliam habuisse, quàm naturalem & humanam: cum enim, inquiebat, *P. Noster Generalis Mutius* Annum octogesimum ætatis diu expleverit, indictâ generali congregatione ad eligendum *Præpositum*, probabiliter inter *Electores* se futurum, quòd inter seniores profectos numeraretur, & nemo propè jam viveret, qui priori *Congregationi Generali*, in qua electus est *Mutius*, præter se interfuisset, atque eo pacto putare se *Romam* venturum. Alia exempla complura recitabat, quæ in aliam partem, quàm ipse dixerat, accepta fuissent, ideóque rogavit, ut ejusmodi scripta sibi exhiberentur, deleturum enim si quid malè intellectum fuisset, & additurum plu-

plurima ; quod factum ab aliquibus , ab aliquibus neglectum autoritate caret. In *Professorum* domo cum degeret , mira cum eo quædam accidisse ab idoneis testibus accepi, quæ in *Librum III.* rejicio. Interea advenit *Pragam* R. P. *Gregorius Schellicius*, qui visitationem *Domûs Professæ* mense Junio Anni 1641. juxta morem Societatis indixit. Ratio Conscientiæ ab omnibus domesticis reddita est, etiâque à Sene nostro petita, quod rariùs fieri solet cum gravibus & senibus viris. Et P. *Nicolaus* humilitatis cultor egregius totam animam suam coram eo effudit, & rationem Conscientiæ suæ reddidit, quam gaudeo in manus meas venisse, quæ sic habet : Ratio Conscientiæ facta coram R. P. *Provinciali* in visitatione *Domûs Professæ ad S. Nicolaum Pragæ* mense Junio An. 1641.

Fructus ex meditationum & rerum spiritualium usu sunt hi : libera mens ab omnibus peccatis merè internis, uti sunt cogitationes otiosæ, turpes, iracundiæ, suspiciosæ, censoriæ, & his similia judicia interna, idque à multis annis constanter.

Corpus ab annis penè quadraginta liberum à tentationibus carnis, & à motibus fœdis in aspectu quarumvis personarum pulchrarum, & in conversationibus longis, necessarijs cum fœminis, & pueris formosis. A multis annis conatus assiduus, nullum peccatum admittendi. In oratione, horis Canonici & Sacrificiò Missæ, conjunctus DEI benefici-

neficio cum vitatione peccatorum & negligentiarum.

Ab annis 48. in Meditationibus quotidianis ardens devotio & fervor in corpus redundans, sine ulla ariditate, & cum affectibus ferè perpetuis, more orationis affectivæ, excitantis semper mentem ad desideria heroicarum virtutum, præsertim ad fugam cujuscunque minimi peccati, ac violationis regularum, & ad omnia bene peragenda, & ad tolerandas heroicè omnes adversitates, & res amoris meo proprio displicentes, & ad perpetuum profectum in virtutibus. Mens libera ab annis 40. circiter à primo-primis motibus iræ & aliorum affectuum inordinatorum erga eos, à quibus aliquid pati contigerit, & amor tener erga illos cum ardenti desiderio ijs benefaciendi, in occasionibus oblatis re ipsâ demonstrari solito. In omnibus officijs & occupationibus distractivis mens DEO actualiter unita, non minùs quàm in ferventi Meditatione, & Sacrificio Missæ.

Facilitas orandi ardens, statim post somnum, comestionem, recreationem, & post quamvis occupationem distractivam. Major inclinatio mentis ad orandum & loquendum spiritualia, quàm ad recreationes etiam honestas. Corporis, longo usu devotionum, subjugatio talis, ut dum caput fatigatum est longâ horarum aliquot lectione, vel scriptura, relaxationem majorem percipiat ex suavi
cum

cum DEO colloquio, & familiari conversatione, quàm ex alia occupatione non spiritali animi distractiva: Rarus in peccata venialia, levia, & indeliberata, exteriora tantùm, nunquam mentalia, ab annis penè 50. lapsus.

Affidua cura, cum quadam reflexione continua, ut omnes temporis partes expendat in operibus meritorijs tum naturâ suâ, tum actuali oblatione, singulorum etiam passuum ad finem supernaturalem scilicet DEUM, faciendo omnia propter ipsum finè ullo respectu ad remunerationem.

Animi quies magna, conjuncta cum lætitia & mentis, & vultûs, dum tribulationes exsurgunt.

Perpetuum & ardens desiderium tribulationum, in libello devotionum expressum.

Summa cura servandi silentij per annos 48. nunquam violati & fortè nec in Novitiatu, saltèm non meminit se unquam illud in Novitiatu violasse.

Ingens dolor animi etiam corpus afficiens, causari solitus repentè ob graves DEI offensas, dum eæ videntur, vel audiuntur in Confessione, vel extra illam.

Auditio peccatorum carnalium in Confessione, excitans in animo magnum odium, omnis impuritatis, & ardentem amoris affectum erga DEUM.

Continuum & ardens desiderium proficiendi in virtutibus heroicis, & assequendæ omnis possibilis per-

perfectionis ad dandum DEO quàm maximum gustum, & gloriam.

Mens libera ab annis circiter ferè quadraginta ab omni desiderio & tentatione vanæ gloriæ, magna de omnibus tanquam se melioribus opinio cum quadam teneritudine sinceræ charitati conjuncta, se interiùs exerente, erga omnes & domesticos & externos, dum ei occurrunt in via, vel veniunt in conspectum ejus.

Fuga rerum talium, ob quas apud alios conciliari possit Sanctitatis opinio, & hanc ob causam permisit se in alienam Provinciam trahi, ut se subduceret à magna Sanctitatis opinione, in qua erat apud Regem, Regni Proceres, Episcopos, & alios ob famam effectuum quorundam miraculorum, quæ in personis Illustribus, eo id non cupiente, acciderant, & ob alia similia ibi, mira, se non cooperante, vulgata, sed ab alijs animadversa.

Anima cujusdam Nostri, circa mediam noctem Varsoviæ mortui, secundâ circiter horâ post excessum è corpore, oranti, & vigilianti apparuit Glacii, mæsto vultu indicans necessitatem suffragiorum. Diem autem & horam mortis postea agnovit, ex literis Provincialis ad eum datis, qui morienti interfuit.

Ista hoc anno conservata & aucta.

A multis annis quotidie facit quinque disciplinas, per plures quàm 5. psalmos, tum pro animabus

Pur-

Purgatorij, tum pro existentibus in peccato mortali. Pro benefactoribus suis, præsertim ijs, qui ei præbent materiam patientiæ, tum pro alijs suis necessitatibus spiritualibus, præsertim progressu in virtutibus. Nunquam eas omittit, nè quidem diebus Paschatis & similibus magnis solennitatibus. Conatur enim ità vivere, nè post mortem ullam in Purgatorio pœnam damni, & sensus patiatur; quod quidem etsi ei ante 34. annos à B. Virgine promissum certò sit, & hæc promissio etiam manifesto miraculo confirmata; tamen in ea se non fundat, sed acsi de hac re certus non esset, omnes modos possibiles, quantum licet, & decet, sinè externis singularitatibus adhibet cum perpetua ad hoc reflexione, & hujus rei memoria, ut in hac vita totum Purgatorium expleat, & adhuc multos cumulos satisfactionum relinquat in thesauro Ecclesiæ dispensandos, à Summo Pontifice, pro animabus in Purgatorio juvandis. Ad quod cùm juxta S. Thomæ doctrinam, receptam à Theologis, maximè conducatur fervor devotionis, ideo conatur minima quæque opera, præsertim ea, quæ ad divinum cultum pertinent, facere cum magno fervore & actuum intensione; quod ei etiam Divina Majestas ab annis ferè 50. concessit, ut sentiat in omnibus actionibus suis ferventem ardorem, etiam dum mensæ benedictionem & gratiarum actionem dicit, ut sæpe opus sit eum frænare,

etiam dum per ambulacra ambulat, sentiens quendam, loquendo ità, bullorem animi ex interna devotione proveniente, & quod ei sæpe contingit, corpus à terra elevantem, & quasi ad Cælum volare volentem. Hoc scripsit semel pro semper alijs annis ea non repetiturus, quia sperat se non fore deteriore, siquidem per hos omnes annos, quos vixit in Societate singulari DEI beneficio, præservatus est à tepiditate in obsequio DEI, & juxta incrementum ætatis, agnovit in se singulis annis notabile incrementum seu profectum in virtutibus, præsertim in puritate animi & corporis, in rebus ordinarijs melius faciendis, in crucis seu adversitatum, & suorum adversariorum amore, in unione cum DEO, & in ardenti ac infatiabili desiderio omnis possibilis perfectionis, si fieri possit, ultra Seraphinos se extensuræ, quod & ardentè à DEO petit, & sperat, & scit sibi à DEO aliquoties promissum cum assecuratione de sua prædestinatione, & de magna gloria, quam habiturus est post mortem, & de Sanctitate vitæ, in qua est moriturus. Vidit enim aliquoties ante annos triginta nomen suum & cognomen in libro Vitæ tanquam Sancti scriptum, sibi à Christo Domino, præsentè Patre & Spiritu Sancto, ostenso; quod Romæ & alibi examinatum fuit, & à moderno P. Generali Murtio, & ab alijs Viris Eximijs, illo id rogante, approbatum, tanquam vera DEI promissio, omnibus illis

illis effectibus, qui sunt signa certissima divinarum revelationum, statim subsequenribus in gradu valde alto, confirmata, continuatis singulari DEI gratiâ usque in hanc horam. Sed ille in nulla rerum istarum se fundat (tantùm excitatur per ista) verùm ac si nihil horum habuisset, vel sciret, ita se gerit, tum humiliando se infra omnes etiam dæmones, tum non fidendo sibi, sed timendo nè DEUM offendar, ideo & omnes occasiones peccandi declinando, & in conversatione cum formosis ita cautè, & cum oculorum custodia se gerendo, ac si esset maximè propensus ad carnis voluptates. Denique minima quæque servando juxta regulas, ac si nunc primùm DEO servire cœpisset cum oblivione præteritorum bonorum, ad anteriora & perfectiora se extendendo juxta regulas & Sanctorum præscriptum.

Hæc *Vener. P. Nicolai* conscientiæ ratio satîs Lectori, piè curioso, ostendet, quantus & quàm corroboratæ virtutis Vir ille fuerit; ex hoc anni unius spacio conjecturam facere licebit, de annis prioribus & sequentibus; plura hujusmodi in L. 2. & 3. adferentur. Ut verò melius ea, quæ *Vener. Pater* commemorat, intelligantur; paucula subjiciemus claritatis causâ: eum cujus Glacii animam post mortem sibi apparuisse narrat, ex libello devotionum comperi fuisse magnum illum & à Lyrica Poësi laudatissimum Virum *P. Mathiam*.

Casimirum Sarbievium. Ex ijs verò, quæ adfert de actuali omnium etiam passuum oblatione, confirmantur ea, quæ dixi superioribus capitibus, de actuali & continua DEI memoria, quòd scilicet non interruptè DEUM haberet præ oculis, & coram eo assiduè ambularet. De honoribus ei, ab omnibus Regni Poloniae ordinibus habitis, superius testimonium attuli; hinc etiam patet, cur se in Bohemiam trahi permiserit, fuisse fugam honorum, & patientiæ, & humilitatis amorem: dicendum enim semel est, gravissima quæque *Ven. Patrem* passum esse, interpretationes sinistras factorum suorum, mille impedimenta eorum, quæ ad DEI gloriam designabat, rumores sparsos, quibus ejus fama, & Sanctitas elevabatur, & vilescibat; accusationes, calumnias ope mali dæmonis excitatas, aliæque omnis generis adversa. Cùm hoc ipso anno & sequenti, Svecus hostis impunè per hæreditarias Austriacæ Domûs Provincias armâ circumferret, *P. Nicolaus* Belli in Boëmia ardentis occasione, in Poloniâ remissus est. Abiens *V. Pater Nicolaus*, cùm me non amplius in hac vita visurum, valedicens affirmâisset, quandam schedulam abs se scriptam dedit in manus, quam sat multo tempore ad Crucifixi sui pedes affixerat, in qua cujusdam Viri gravis nomen legebam, cui *P. Nicolaus* tam teneris & amantibus verbis bona omnia precabatur, & viventi & mortuo, ut nihil posset esse

esse tenerius : offerebat pro ejus vita suam , promittebat æternum obsequium , æternum amorem , & alia ardentissimi affectûs & amoris verba ; hanc ego schedulam diu inter secretiora mea scripta , servatam circumtuli , postea amico petenti donavi , quæ , ad quem , post ejus mortem , devenerit , scire non potui ; at *P. Nicolaus* Pragâ abiens per Iglaviam & quædam Societatis Collegia , quæ in via occurrebant , Oppaviam tenuit , ibique ultimo opusculo conscripto in Poloniam reversus est . In quibus deinde Collegijs , in Provincijs , Polonia & Litvania vixerit , incompertum mihi est . Anno 1642. Cracoviæ in Augusto & Septembri fuit : 1643. Vilnæ . 1645. Nesvisij . Deinde , ut antè dixi , ad electionem *Adm. R. P. Generalis* Romam est profectus ; post reditum An. 1646. Nesvisij consedit . Hostes Cosaccos deinde fugiens , qui magno numero in Litvaniam irruerant , An. 1650. Brunsbergæ commoratus est ; & Varmia initio anni 1651. fuisse , ejus literæ ostendunt . Magnam tamen partem ultimæ ætatis exegisse in Litvania , & an. 1652. Caunæ beatè decessisse , primus vitæ ejus Author *Pater Casimirus Kojalovicz* scribit , quam ejus mortem , ex eodem memorabimus .



K 3

CA-

CAPUT XXII.

*Morbus supremus Ven. P. Nicolai
& felicissima mors, prout ipsemet vi-
vens disposuerat. ex P. Kojalovicz.*

QUoniam ex edicto divinæ mentis Sapien-
tia in exitu cernitur, gravissimum virtutis
testimonium mors piè sanctæque obi-
ta esse debet. Hæc P. Nicolao ita obvenit, ut pri-
mum gravissimum diuturnumque morbum præ-
miserit. Certum est diu, multumque à DEO Do-
mino postulasse; ut, præter eximia Christi in mor-
te imitandi motiva, pro spe quâ piacularibus flam-
mis se vindicandum confidebat, in hac vita nævo-
rum reliquias liceret gravi morbo expiare. Nec
dubitandi ratio, an sint concessa postulata, facile
occurrerit, cogitanti non solum quàm gravia, sed
quo animo ante mortem tolerârit. Morbi initium
Caunæ in Regia Urbe factum, quo oppressus, lecto
non modò nō progredi, sed nè quidem corpus aut
caput erigere, imò nec situm mutare toto penè se-
mestri poterat. Dextro ergò lateri, continuo in-
cumbenti, tabe gravi corporis partes aliæ exesæ,
aliæ adeò confectæ, ut pedes digitalibus vermibus
scaterent, quos (adhibitâ primùm ex voluntate
& charitate Superiorum diligentem medicorum sed
in-

inutili curâ) deinceps abigi ex eorundem impe-
trata venia , nullo modo permisit , latè paritèrque
profundè tibijs perforatis, per quarum cavernas e-
gredientes, ingredientésque læto semper & nullos
dolores sentienti simili vultu spectabat. Auditus
cum ijsdem placidè colloqui , & ut opus à DEO
destinatum seriò exequerentur monere : visus eti-
am sponte corpus protendere, ut per lectulum diu
volutos ad se cruciandum reciperet invitarét-
que. Viri patientia neminem ex spectatoribus non
attonitum dimisit. Lætus continuò vultus , mo-
destúsque sermo, colloquia si ex charitate debe-
rentur, cum Socijs ut antè familiaria , cum Hospi-
tibus amœna, è quorum numero unus professione
artis medicus, fidei Lutheranus , patientiâ diu spe-
ctatâ, probatâque commotus tandem à se visum
magnum JESUITAM , & magnum Sanctum pa-
lâm proclamavit. Alij intimâ æstimatione virtu-
tis perculsi, sæpius ad usitatum patientiæ specta-
culum regressi totâ Civitate causis admirationis
divulgatis eam in sui affectûs imitationem rapuê-
re , ut nihil frequentius in Populo , quàm P. *Nica-*
lai nomen & encomia audirentur. Laudare alij di-
vinam benignitatem , tanto servo suo civitatem
donantem, vereri alij nè corpus defuncti aliò trans-
ferretur, alij ægroto per se aut amicos suorum ne-
gotiorum curas commendare. Ex his præcipuus
inter Cives Dominus *Casimirus Zypla* , cùm de pe-

stis circumquaque grassantis periculo sollicitus coram *P. Nicolao* ageret, responsum accepit: Ab incendio prius quam peste cavendum; quod mox secutum, potissimam Civitatis partem, & *Casimiri* ædes absumpsit. Parochus loci idemque Canonicus Cathedræ Vilnensis *Adm. R.D. Nicolaus Slupsky* eo animo ægrum invisens ut aliquid ex rebus ejus veluti sacratis obtineret; cum id animi Superiori, in ipso januæ domûs ingressu, de pileolo *P. Nicolai* patefecisset, nemine prorsus voti conscio, prius tulit, quam petere auderet, optata, *P. Nicolao* in ipso aditu cubiculi eo munere hospitem præveniente. Quicquid temporis humanis officijs necessitate magis illatis quam voluntate adscitis subtraxisset, totum divinis impendebat, mente perpetuò in DEO fixâ. Posteaquàm sibi soli relictus fuisset, penè sibi eripiebatur, invehebatur cœlis. Quæ potissimùm inter occultos animi sensus iterabat verba, fuere illa diu antè præfixa: *Propter te, propter te, JESU & MARIA, hæc & plura patior, patiq; volo promptissimè: tum; omnia Deo JESU, tibi, JESU tibi; ut non occultè pateret, affectibus vitâ imbutis immori homines. Invalescente ægritudine cum vires deficerent, vocato domûs Superiore P. Floriano Malevsky, primùm quidém ad explendam obedientiam ab Adm. R. P. Generali de revelandis donis sibi à Domino concessis, imposito, suo nomine significari petijt, P. Provinciali se pro-*
mi-

miseriordia DEI, & certis promissis absque flammis purgatorijs transitum ad æternam beatitudinem sperare, peteréque ut suffragia *Societatis*, pro defunctis dici solita dicerentur pro existentibus in peccato mortali, & hæreticorum conversione: tum alia adjecit, quæ scripto concluderat, ex quo nonnulla huc transfero.

Rogo valde, ut ante agonem meum, in lecto meo intra cervicalia ponantur ea, quibus utebar, Biblia, & Constitutiones Societatis, & Concilium Tridentinum: Et prætereà alter libellus manu meâ scriptus, & Sanguine meo subscriptus, devotiones meas personales continens, & circa finem habens vota quædam mea particularia meo sanguine scripta, ponatur supra pectus meum, hoc est subtus illam materiam, quâ jacentis tunc tegeretur corpus, si jacens moriar, si verò sedens, eximatur è sinistro sacculo vestis meæ, quâ induor, & ponatur intra locum pectoris supra cingulum, si vestitus agonizabo. Hos libros ità volo penes me habere moriens in protestationem irrevocabilem, quòd libenter moriar in fide S. R. Ecclesiæ & Societate JESU, & quòd omnes illos actus & devotiones meas in libellis meis partim meâ manu, partim alienâ ex meo originali descriptas, ratas habeam, & quantum licebit, mente eliciam, & in signum hujus voluntatis, & ratificationis, & iterationis ex nunc irrevocabiliter offero Sanctissimæ Trinitati, & respectivè Deiparæ Virgini, & omnibus Sanctis, o-

stis circumquaque grassantis periculo sollicitus coram *P. Nicolao* ageret, responsum accepit: Ab incendio prius quam peste cavendum; quod mox secutum, potissimam Civitatis partem, & *Casimiri* ædes absumpsit. Parochus loci idemque Canonicus Cathedræ Vilnensis *Adm. R. D. Nicolaus Slupsky* eo animo ægrum invisens ut aliquid ex rebus ejus veluti sacratis obtineret; cum id animi Superiori, in ipso januæ domûs ingressu, de pileolo *P. Nicolai* patefecisset, nemine prorsus voti conscio, prius tulit, quam petere auderet, optata, *P. Nicolao* in ipso aditu cubiculi eo munere hospitem præveniente. Quicquid temporis humanis officijs necessitate magis illatis quam voluntate adscitis subtraxisset, totum divinis impendebat, mente perpetuò in DEO fixâ. Posteaquàm sibi soli relictus fuisset, penè sibi eripiebatur, invehebatur cœlis. Quæ potissimùm inter occultos animi sensus iterabat verba, fuere illa diu antè præfixa: *Propter te, propter te, JESU & MARIA, hæc & plura patior, patiq. volo promptissimè: tum; omnia Deo JESU, tibi, JESU tibi; ut non occultè pateret, affectibus vitæ imbutis immori homines. Invalescente ægritudine cum vires deficerent, vocato domûs Superiore P. Floriano Malevsky, primùm quidém ad explendam obedientiam ab Adm. R. P. Generali de revelandis donis sibi à Domino concessis, imposito, suo nomine significari petijt, P. Provinciali se promi-*

miseriordia DEI, & certis promissis absque flammis purgatorijs transitum ad æternam beatitudinem sperare, peteréque ut suffragia *Societatis*, pro defunctis dici solita dicerentur pro existentibus in peccato mortali, & hæreticorum conversione: tum alia adjecit, quæ scripto concluderat, ex quo nonnulla huc transfero.

Rogo valde, ut ante agonem meum, in lecto meo intra cervicalia ponantur ea, quibus utebar, Biblia, & Constitutiones Societatis, & Concilium Tridentinum: Et præterea alter libellus manu meâ scriptus, & Sanguine meo subscriptus, devotiones meas personales continens, & circa finem habens vota quædam mea particularia meo sanguine scripta, ponatur supra pectus meum, hoc est subtus illam materiam, quâ jacentis tunc tegeretur corpus, si jacens moriar, si verò sedens, eximatur è sinistro sacculo vestis meæ, quâ induor, & ponatur intra locum pectoris supra cingulum, si vestitus agonizabo. Hos libros ita volo penes me habere moriens in protestationem irrevocabilem, quòd libenter moriar in fide S. R. Ecclesiæ & Societate JESU, & quòd omnes illos actus & devotiones meas in libellis meis partim meâ manu, partim alienâ ex meo originali descriptas, intactas habeam, & quantum licebit, mente eliciam, & in signum hujus voluntatis, & ratificationis, & iterationis ex nunc irrevocabiliter offero Sanctissimæ Trinitati, & respectivè Deiparæ Virgini, & omnibus Sanctis, omnes

omnes motus corporis mei die mortis meæ futuros, præsertim omnes meas aspirationes, & ultimam animæ meæ exhalationem purissimè Domino DEO & Patri meo propter ipsum solum.

Plura deinde subjunxit, quæ circa suum corpus post mortem, & circa se in supremo agone fieri cupiebat, quæ ipsius mansuetudinis, modestiæ, humilitatis, castimoniæ, pietatis erga DEUM, sensum & studium abundè commonstrabant. Posteaquam omnia, quæ fieri ante obitum cupiebat, facta fuissent, sanctissimum quoque Christi corpus thecæ inclusum cubiculo illatum, toto ad adventum Domini ac hospitis optatissimi annitens conatu, posteaquàm hætenus alienis manibus linteamini involutus gestari semper debuit, viribus supremis, ad partem, ex qua perspicere posset divina illa involucra, se convertit, oculosque illis intentos toto triduo non dimisit. Quid felix ille animus agitaverit, homines ignorent necesse; vultu tamen, labijs, oculis, lacrymis eandem dulcedinem effundebat, quam ipse suavissimæque cantiones à fratribus impetratæ & intereà decantatæ significabant.

Denique ad videndum eum clarè, quem sub panis sacris tegumentis absconditum tam impensè colebat, egressurus humili capitis inclinatione, Sanctissimã Eucharistiam veneratus, oculos mortales digitis occlusit: & manibus in formam crucis

cis ante pectus compositis, quietissimè exspiravit. Constat etiam Superiore domûs auditore & teste, tribus continuis ante mortem noctibus cantu cœlesti spacia cubiculi, quò æger detinebatur, recreata: ut in tres quidem ordines Cantoribus divisus medius, & ut videbatur, ex pauperibus collectus suavissimè præcineret: Religiosæ crediderim, pauperimæque ejus vitæ fautor & fortunati ad Superos transitûs Cultor.

CAPUT XXIII.

De nonnullis, quæ post mortem evenerunt, ejusdem R. P. Casimiri narratio.

FAMÂ obitûs P. Nicolai per Civitatem sparsâ, fingens animorum motus secutus, multitudinèq; accurrentium domus pariter, ac templa repleta. Frustra etiam contrà nitentibus Socijs, congesta in pium tumulum Rosaria, icones, aliâque pietatis exercendæ instrumenta ab attractu corporis salutaria medicamenta haustura. Quod quidem tantò magis mirandum fuit, quantò his partibus inusitatius, adeoque memoriâ sæculorum non visum. Neq; vulgus solum opinio virtutis obtinuit: verùm eâdem impulsus Illustriſſ: Episcopus Vilnensis Georgius Tyſzkewicz destinârat Vilnam

nam corpus transferre, locoque à communi sepultura distincto condere : nisi tum Illustrissimi Principis Alberti Stanislai Radivilij, Magni Ducatus Litvaniæ Cancellarij & Capitanei Caunensis, tum Civium in P. *Nicolaum* sacratior propensio, Caunâ moveri prohibuissent. Nec pauca inde per illius merita divinam clementiam implorantibus conferri visa beneficia, quibus ego quidem tantò minùs detrahère ausim, quantò plùs debeo semel ac iterum morbi periculis hâc ope vindicatus. Plus tamen ponderis tribuerim authoritati Illustrissimi Præfulis Alberti Thulibowsky Episcopi Posnaniensis, quam meo experimento. Hic nempe gravissimus Præful datis literis Posnaniâ 8. Aprilis An. salutis 1660. cum ingens desiderium, Vitæ P. *Nicolai* evulgandæ explicaret, nonnulla prodigiosa, seipso teste & motore, facta subjecit. Rem ejusdem sensu, è Polonico in latinum translato sincerè trado.

Reverende in Christo Pater :

SIT DEUS benedictus, qui cor Reverentiæ Vestræ excitavit : ad colligenda merita, & describendam sanctitatem vitæ pientissimi & verè Sancti P. *Nicolai Lancicij* de inclyta Socierate JESU, ad magnum solatium fidelium, præsertim eorum, qui suspiciunt & admirantur summas gratias, illi à DEO concessas ; quorum è numero ego quoque indi.

indignissimus censerì debeo, qui illum elegerim in necessitatibus pro singulari Patrono meo, & ardentissimè cupio, ut in ipsius miris factis glorificetur Sanctissima Trinitas, & totum Cœlum; rogóque, nè in tam sancto scribendi proposito deficiat: non evasurus secus *vel tu*, vel qui *causa* fuerint, ultionem DEI. Interim reducat sibi in memoriam Reverentia Vestra illam schedam, quam à Reverentia Vestra obtinui manu *P. Nicolai* descriptam, & revocationem Calvinismi in adolescentia ejus factam, continentem. Hanc enim voluit DEUS testem meritorum ejus apud me instituere, quando per ejus contactum multi ex familia mea, qui gravissimis febribus laborabant, & jam mori videbantur, repentè sunt sanati. In particulari; puella erat annorum quindecim ad Cœnobium Præmonstratense Plociæ, non auditu tantum & visus sensu præ morbi gravitate privata, sed etiam tactu; ut cum agigaretur, percuteretur, pungeretur, nihil prorsus sentiret. Adiêre illam sæpius Patres mei Præmonstrati, obtulêre etiam pias cum Sacrificijs pro valetudine preces, nihil tamen adjumenti accepit. Perrexì tandem aliquot post dies ad eum locum ipse, in quo quasi mortua & dêsperata ab omnibus jacebat, factâque invocatione Spiritûs Sancti in meritis pientissimi Patris implorando auxilium, chartulam in fronte decumbentis puellæ imposui, quæ mox à meo discessu

cessu post mediam circiter horam sana surrexit, hoc anxie requirens: quis apud se ante mediam horam fuerit? In oppido pariter dicto *Sieprc*, cum Sacramentum Confirmationis administrarem, accessit mulier obsessa, quam malus viscerum hospes nullatenus confirmari sinebat. Imposui igitur illius capiti prædictam schedam; cujus occultâ vi compressa maligni spiritûs violentia, & mulier confirmata. Germanus natione, puer meus, in bonis meis Prauda nuncupatis gravissimo sæpius calculo enecabatur, imposita huic quoque scheda in fronte, estque per DEI gratiam ad hoc usque tempus liber ab eo violento morbo. In iisdem meis bonis uxor Vice-Capitanei mei gravissimè partu laborabat, ita ut fœtu mortuo enecari videretur, at applicatâ chartâ felici & ipsa convaluit, & partum vivum enixa. Connotabat singula P. Lucas Paprocki mihi tunc præsens de eadem Societate JESU, quæ, illo mortuo, fortassis leviter interiêre; ego autem multorum non recordor. Fide interim verâ & conscientiam testor, talia esse, facta spectantibus multis; & puto quòd Dominus DEUS faciet plura, ad declarandam sanctitatem servi sui. Hæc magnus Præsul Regni que Poloniæ Senator, quibus alij nonnulla juratâ Authorum fide adjecere. Valebat extremè P. Paulus Laskowski, Societatis nostræ, Alumnorum Pontificiorum Seminario Vilnæ regendo tum Præfectus, mox

mox Rector Collegij Societatis Plociæ: cùm, viribus ultimò deficientibus, mens improvisa subit *P. Nicolai Lancicij*, Patrísque Laurentij Bartilij, viri cum magna opinione perfectæ virtutis, paucis ante *P. Nicolaum* annis defuncti, opem invocandi. Iterum igitur atque iterum eadem voces congeminantur: *P. Nicolai om pro me*, *P. Laurenti om pro me*, serie tandem unâ, eadèmq; verborum non servatâ, verùm ab omni præmeditatione vocibus sibi ità succedentibus, ut cùm prima oratione occurrisset primum nomen *P. Nicolai*; alterâ præponeretur nomen *P. Laurentij*, totâque oratio hâc vicissitudine constaret. Invocatum non frustra auxilium, probavit eventus, tum quidem periculo supremi morbi depulso, mox integrâ sanitate receptâ, cò jucundiore, quia ab illis in bonos Patres affectibus profecta, quorum vitam ut omnes fatebantur multùm virtuosam, ità nôrant in modo agendi valde diversam. Pater enim Laurentius toto externo habitu severiorem disciplinam præferre visus, cùm *P. Nicolaus* hilariorem amaret virtutis cultum; & ille rigore legis sua suorumque facta dirigere; hic charitatis suavitate, plura temperare à multis judicatus. Concors tamen in utroque Religiosæ perfectionis conatus, animos pios conjunxerat: secundùm quos unita pariter merita eventus, quem narravi, probavit. Confirmavit eundem sensum duorum item Aca-

de-

cessu post mediam circiter horam sana surrexit, hoc anxie requirens: quis apud se ante mediam horam fuerit? In oppido pariter dicto *Sieprc*, cum Sacramentum Confirmationis administrarem, accessit mulier obsessa, quam malus viscerum hospes nullatenus confirmari sinebat. Imposui igitur illius capiti prædictam schedam; cujus occultâ vi compressa maligni spiritûs violentia, & mulier confirmata. Germanus natione, puer meus, in bonis meis Prauda nuncupatis gravissimo sæpius calculo enecabatur, imposita huic quoque scheda in fronte, estque per DEI gratiam ad hoc usque tempus liber ab eo violento morbo. In iisdem meis bonis uxor Vice-Capitanei mei gravissime partu laborabat, ita ut fœtu mortuo enecari videretur, at applicatâ chartâ felici & ipsa convaluit, & partum vivum enixa. Connotabat singula P. Lucas Paprocki mihi tunc præsens de eadem Societate JESU, quæ, illo mortuo, fortassis leviter interiêre; ego autem multorum non recordor. Fide interim verâ & conscientiâ testor, talia esse, facta spectantibus multis; & puto quod Dominus DEUS faciet plura, ad declarandam sanctitatem servi sui. Hæc magnus Præsul Regniq[ue] Poloniæ Senator, quibus alij nonnulla juratâ Authorum fide adjecere. Valebat extremè P. Paulus Laszkowski, Societatis nostræ, Alumnorum Pontificiorum Seminario Vilnæ regendo tum Præfectus,

mox

mox Rector Collegij Societatis Plociæ: cùm, viribus ultimò deficientibus, mens improvisa subit *P. Nicolai Lancicij*, Patrísque Laurentij Bartilij, viri cum magna opinione perfectæ virtutis, paucis ante *P. Nicolaum* annis defuncti, opem invocandi. Iterum igitur atque iterum eadem voces congeminantur: *P. Nicolai ora pro me, P. Laurenti ora pro me*, serie tandem unâ, eademque verborum non servatâ, verùm ab omni præmeditatione vocibus sibi ita succedentibus, ut cùm prima oratione occurrisset primum nomen *P. Nicolai*; alterâ præponeretur nomen *P. Laurentij*, totâque oratio hâc vicissitudine constaret. Invocatum non frustra auxilium, probavit eventus, tum quidem periculo supremi morbi depulso, mox integrâ sanitate receptâ; eò jucundiore, quia ab illis in bonos Patres affectibus profecta, quorum vitam ut omnes fatebantur multùm virtuosam, ita nôrant in modo agendi valde diversam. Pater enim Laurentius toto externo habitu severiorem disciplinam præferre visus, cùm *P. Nicolaus* hilariorem amaret virtutis cultum; & ille rigore legis sua suorumque facta dirigere; hic charitatis suavitate, plura temperare à multis judicatus. Concors tamen in utroque Religiosæ perfectionis conatus, animos pios conjunxerat: secundùm quos unita pariter merita eventus, quem narraui, probavit. Confirmavit eundem sensum duorum item Academic-

demiæ Vilnensis Studioforum nobilium valetudo restaurata, Stanislai Dowgialo & Wladislai Giedroyc. Horum prior gravissimis capitis doloribus cuciatus, pijs reliquijs admotis, præter omnium spem, ægritudine levatus est. Alter febri tentatus, eâdem contra illam medicinâ usurus, ut fiduciam suam magis probaret: statim à porrecto sibi oprato devotionis pharmaco, inter Sacra ministraturus accessit. Ecce verò in ipso Ministerij exordio, morbus ità invalescere, ut de progressu desperare cogeret. Erigit tamen animum, & patrocínio tutelaris fîsus pergere decernit, eaq; animosâ fide & morbum statim depellit, & reditum ei in posterum præcludit. Relata hæc sinè mora loci ordinario Georgio Tyszkewicz ad publicum evocabantur cum similibus factis examen; sed Moschi perfidiâ bellum gravissimum Litvaniæ illatum, boni Præfulis solidas curas expugnavit. Non defuere interea, qui se beneficio DEI rursus per merita *P. Nicolai* jam à felici Societate *P. Laurentij*, invocatione solitariâ sejuncti, tum ab hostium & latronum præsentibus periculis, tum à peste 1653. gravissimè per Litvaniam sæviente, servatos faterentur. Inter hos merito majori obstrictum Collegium Vilnense: intra quod cum pestis irrepens *P. Cyprianum Bohusz*, socijs Præfectum corripuisset: tum extra Collegium in domo vicina *P. Petrum Korzeniewsky*, ac rursus in Col-

Collegio cocum communem, & famulum Apothecæ; tres nostrum reliqui, unus Sacerdos, duo autem Coadjutores temporales, actum de se concluderunt, quod communibus ædibus cibo & conversatione usi communem contagionem contractam judicarent. Voto igitur se obstringunt dicendi indies Litanias de Nomine Sacratissimo JESU in gratiarum actionem pro donis *P. Nicolao* à divina beneficentia concessis, alia quoque pietatis exercitia addunt, humiliter eidem divinæ bonitati supplicantes, ut se à præsentis periculo conservatos dignaretur. Ab eo tempore nullus eorum, quos votum simul devinxerat, non solum vivis ereptus, sed neque morbo tactus, præter Fratrem Joannem Amfzynk, Apothecæ Collegij Præfectum, qui insperato omnino eventu in malum lapsus, majori cum æstimatione *P. Nicolai*, illud superavit. Hic enim cum tædio funestorum mortis circumquaque grassantis spectaculorum victus, è Collegio ad prædium, in quo Collegij Præses cum aliquibus degebat, se recepisset, post exactas primùm sub levi tecto & aperto campo periclitantium à lue ferias: post communem inde cum Socijs domum, gravissimâ ac subitâ inter medium prandium ægritudine est correptus: quam non aliam esse à peste ipsemet artis medicæ non omnino imperitus, & experientiæ veteris ac recentis præceptis imbutus, suffragio quoque signorum, illâ

L

lue

lue morientibus familiarium, decrevit. Dissimulavit nihilominus omnem metum Superior, quousque post noctem pessimè actam, altero veniente die, ab ægro, ad animum sacra Confessione ultimò expiandum, advocaretur. Venit, sed cùm æger aures peteret, motu illo occulto actus, arguentique similis non mortem sed sanitatem debere cogitari, respondit. Agi scilicet de gloria DEI, & æstimatione *P. Nicolai*, cujus precibus se à peste vindicatum toties, atque coram tam multis testatus esset. Pergeret itaque sub Obedientiæ veluti præcepto apud eundem *P. Nicolaum* instare, ut cæpta perficeret, & rem tanti momenti fabulæ nō daret. Obeditum salubriter. Vix enim Superiore egresso dimidium horæ spacium, (lacrymis suspirantis, altèque ingeminantis : *Pater Lancici, obedientiâ pressus rogo, perfice quod capisti,*) effluxit, quando meliùs valere cæpit, eadèmq; nocte irā sanus factus, ut nè vestigia morbi apparerent, nullusq; ullo periculo ex convictu afflaretur. In Belgio quoq; *P. Marcus Grabenius*, ex Litvania ab hoste profugus, post sumptum Medici decreto viaticum, & editum in gratiarum actionem pro meritis *P. Lancicij* votum somno facilè correptus, tertiâ à pia devotione horâ sanus evigilavit, & beneficium acceptum magis commendaturus, aut cum alijs divisurus, Croatam militem ob viscera effusa, quæ restitui in suum locum non poterant, de

de vita desperantem *P. Lancicij* digito, quem secum tulerat, applicato curavit. Contigit utrumq; An. 1656. primum Tornaci, alterum in castris Belgicis Leopoldi Archiducis Austriae. Iter agenti *P. Stanislao Kiewlicz S. J.* Sacerdoti, equi noctu perierant: nec dimissis post confinia locorum diligentibus vestigatoribus casus, fraudesque adverti poterant. Ad *P.* igitur *Lancicium* oratione & fiducia conversus ex hospitio in campum meditabundus procedit: & mox à tergo stabuli, in quo illi disparuerant, trunco alligatos invenit. Non magis inde gaudere quam mirari debuit, quis equos, noctu subductos, tam vicinae arbori alligârit? aut quo modo in campo aperto & loco proximo circumcursantium vestigatorum oculis non incurrissent. Nec est, quod decernam, nisi ut reliquis etiam silentio interea pressis laudem DEUM Dominum mirabilem in servis suis & Sanctum in omnibus operibus suis.

Obijt P. Nicolaus die 30. Martij, Dom. Passionis, horis meridianis, An. Sal. 1652. ætatis 78. expleto.

Hæc *P. Casimirus Kojalovvicz*, cujus verbis, nè uno quidem mutato, mortem *Ven. P. Nicolai*, & ea, quæ post mortem acciderunt, duobus proximis Capitibus descripsi, ut syncerior esset narratio, utpotè ab eo, qui hæc omnia videbat ex proximo, cùm ego procul à loco mortis abessem:

*Pluris anim est, ait Poëta, oculatus testis unus,
quàm auriti decem.*

O.

A.

M.

D.

G.

L 2

De



De Vita & Virtutibus
 VENERABILIS PATRIS
 NICOLAI LANCICII
 SOCIETATIS JESU,
 LIBER II.

Qui exempla Virtutum continet.



Abolvimus præcipua Ven. P. NI-
 COLAI gesta temporibus suis di-
 visa & consignata, restant alia plu-
 ra, & miranda magis, quæ de ejus
 Virtutibus, ab idoneis & oculatis
 Testibus, accepi, atque etiam ipse vidi, ac notavi.
 Itaque exemplo omnium, qui ante me res gestas
 Magnorum, & Sanctitatis famâ Illustrium Viro-
 rum scripserunt, præsentem Secundum Librum,
 Virtutibus ejus referendis destinavi; in quibus tam
 multa se offerunt, ut Scriptoris manum fatigare
 possint, si omnia referantur, nam, ut bene de eo
 primus Vita Scriptor testatur: *Quod scripsit Pater*
 NI.

NICOLAUS, hoc vixit ; significare scilicet voluit : ea omnia, quæ tot libris de virtutibus complexus est Pater, in se prius conatum exprimere ; neque mirum ulli esse debet, tot virtutibus animam ejus exornâsse DEUM, qui omnibus momentis penderet à Cælo, illudque ad divinos satus ei semper pateret. Unde, ut ipsemet Majoribus suis ingenuè fassus est, annum cum anno conferens, mensem cum mense, diem cum die, semper se in virtute proficere sentiebat, eratque anima illius (quod de anima cujusque Justī Divus Ambrosius in Hexamero docuit) velut Paradisus, quatuor capitibus fluminum irriguus, qui arboribus, divinis fructibus oneratis, semper abundaret ; ut in ejus anima cœlestis Sponsus meridiari, & auram suavissimam deambulando captare posset inter flores odoratissimos variarum virtutum.

CAPUT I.

Studium humilitatis, & abjectionis sui.

I. Incipiamus à Christianorum propria virtute, cujus etiam nomen ignorârunt Ethnici, Humilitate & animi demissione, quam ita in animum altè demiserat Ven. Pater, ut arbitris conscientia, & vitæ suæ Moderatoribus fateretur :

nunquam se inanis gloriæ dulcedine, (quod in hac virtute summum est) ab annis quadraginta, & ampliùs titillatum fuisse. Mirabatur esse aliquos, qui sibi de cœlestibus donis, aliisque à DEO datis muneribus blandirentur, juxta illam *Divi Pauli* sententiam: *Si accepisti, quid gloriaris?* majus onus ex donis DEI impositum sibi arbitrabatur. Agnoscebat ille in se quidem præclara DEI dona, sed ijs non efferebatur, similémque se jumento aut asello clitellario, dicebat, qui thesaurum & gemmas pretiosissimas deferret Domino, quas neque comparasset asellus, & non nisi stultissimè sibi posset vendicare, etsi ratione uteretur.

II. Quia verò maximum consequendæ hujus virtutis impedimentum objicere solet Amor proprius, quo efficitur, ut mens nostra caliget, imò quodammodò cæca in rebus suis reddatur, ad hunc expugnandum & eradicandum penitus, jam inde à principio Religiosæ vitæ, totum sese convertit. Ergo accedente Superiorum consensu totius vitæ suæ nævos, magnos & parvos, & quidquid pudorem incutere poterat, post gravem animi luctam, (cùm accusatio sui publica & aperta tam difficilis juveni videretur, quasi vitæ & omnium bonorum jactura subeunda esset) scripto comprehendit, paratus in publica mensa omnibus præsentibus ad contemptum sui recitare de scripto.

Qua

Qua in re Majores bono juveni, ut virtutis materiam darent, velificati sunt, sed cum ad rem ventum esset, filere eum jusserunt. Ità victoriam sui adeptus est Nicolaus, & tamen si quid timeri infamiae apud socios poterat, evitavit. At Divina Majestas, quæ non facta, sed corda intuetur, heroicæ huic præparationi ingens adjecit præmium. Ab illo enim tempore, secuta est in animo quies, & in contemptu sui lætitia, desiderium crucis, rerum humanarum fastidium, & denique omnis humanæ gloriæ abjectio; dicebátque postea Senex: si sibi optio detur alterutrum, vel laudes suas, vel peccata narrandi, gravius sibi illud futurum, & majorem pudorem ex virtutibus, seu potius ex donis DEI (virtutes enim suas non agnoscebat) sibi obventurum.

III. Ideo vitæ spiritualis Tyronibus quàm maximè commendare solebat, honoris, & bonæ apud alios existimationis mortificationem, ut Viri Religiosi loquuntur. Monebat nos, ut quotidie victoriam aliquam de nobis, & de amore proprio quæramus, animabat ad publicè manifestandos defectus, eos maximè, quos occultos cuperemus. Mihi sæpius imperavit adhuc Adolescenti, ut ad templum irem, quódque difficillimum mihi videbatur, homines salutarem, manu ad os relatâ, pro no capite, aliisque reverentiæ exterioris signis; ex quo tanto pudore afficiebar, ut vix, quid agerem,

præ pudore nōssem, cūm crederem me pro stulto apud omnes habendum. Cūm Collegium Olo-mucense inalbaretur, in infimo ambitu ad portam jubebat me Artificibus operam dare, ipse pallium tenebat, at ego Academicis omnibus spectantibus setaceis scopis in fidelia intinctis parietes, ut scire poteram, inalbam, magno Condiscipulorum risu, neque minore meo pudore; quem laborem centies omissem fugiendo, nisi Senem me continenter adhortantem, & animantem ad latus habuissem. Ad Senem revertor: votum etiam ediderat, nihil unquam quod ad laudem suam faceret proferendi; sed id ei votum Majores, quod crederent eo turbari conscientiam posse, sustulerunt; at ille perpetuis actibus humilitatis quodammodò immersus, cūm necessitas, aut proximi utilitas, aut obedientia svaderent, quædam sua dona interdum manifestabat, sed eo candore, eâ simplicitate verborum & gestûs, quasi vilissima quæque, qualia sunt comedisse, ambulasse, vel aliud quodcunque opus commune abs se factum narraret.

IV. Illud etiam in vitæ Religiosæ principijs perpetuò tenebat, ut semper peccatorum suorum & vitiorum memoriâ mentem occuparet, itaque annis multis viæ Purgativæ intentus, altiores, ut Illuminativam & Unitivam non faciliè sectabatur, eradicandis penitus vitijs intentus. Credebat enim utilius sibi esse alta non sapere, sed humilibus

con-

consentire. Monitus tandem à conscientia arbitris vix induci potuit, ut ad sublimiora eniteretur. Suam vilitatem frequenter animo volvens, etsi speraret cœleste à DEO præmium, tamen ex humilitate credebatur nullam injuriam fore, si felicitate æternâ privaretur, satisque sibi à DEO factum, pro omnibus totius vitæ laboribus dicebat, quòd Divina Majestas vel unam cœlestem cogitationem inspirâisset. Timebat vehementer, nè divinis muneribus ingratum se præberet, vel iisdem abutere-
tur; unde in Sacrificio Missæ sæpius DEUM alloquebatur: *Domine propter te, tuique Sanctissimi Nominis gloriam, hoc vel illud peto; at tu si vides me ad petendum, aut inanis gloriæ, aut amoris proprii, aut spiritu elationis, & instinctu malo moveri, nihil concedere velis, imò in pœnam, etiam illis me spolia, quæ hæcenus tam misericorditer contulisti.*

V. Sæpe in die precabatur DEUM, ut in hac vita omni, quo fieri posset, modo humiliaretur, pro nihilo reputaretur, & in sinistra aliorum opinione versaretur, assiduè, ut ingratus DEO, indignus omnibus humanis & divinis gratijs, denique sibi & alijs inutilis haberetur; neque tantum in hac vita, sed in altera etiam nesciretur, ac nè nominaretur quidem; verba ejus ex secreto libello recitabo: *Si me ô DEUS ex infinitis meritis Filij tui in cælum introducere vis; paratus sum ibi carere gaudijs, quibus cælum est plenum: sm ibi in statu ultimo, vel*

tanquam fixa & stabilis quedam columna, in qua à Sanctis nil agnoscat boni, sed tantùm peccata mea commissa in sæculo & Religione negligentia defectus, & imperfectiones à te toleratæ: ut ità etiam in Cælo opinione Sanctorum omnium sim infimus, qui in hac vita toties à te postulavi pro minimo haberi. Memini ab eo audisse me; si ex DEI gratia ad cælum admittatur, in primo ad Divinam Majestatem accessu, omni honoris & cultûs Divini significatione præmissa, instantissimè supplicaturum, ut sui in terris nulla supersit memoria; sed perinde ut in terris multa eum contigisset pati, ità in Cælos etiam receptus, contemneretur, vilesceret, vituperaretur, & suos oblocutores haberet. Addebat se sperare post suam mortem satís longo tempore nihil de sua vita proditum in lucem, idque se DEI auxilio effecturum, ut diu de suo nomine paucis constaret; Ut, inquit, hac ratone Dominum meum JESUM contemptum & illusum etiam in Cælo contemptu mei imitari possim. Hoc à DEO in sacro Missæ Sacrificio petebat quotidie, & votum suum proprio sanguine subscripsit, ut qui videre chirographum, testantur.

VI. Vilissimam de se opinionem alebat Pater, & quamvis multos audisset peccatis gravibus onustos, omnibus se deteriorem sentiebat, neque in hoc judicio falli se, aut decipi putabat. Dicebat cum ad sacrificandum accederet, omnes dæmo-

nes

nes se capite ferre, eo id sensu intelligens, quòd se ijs humilitate substerneret: Itaque si ab ijs infestaretur, sic eos alloquebatur: *Quid vobis & mihi? impar resistendo sum (si divina scilicet absit gratia) agnosco vos creaturas fortiores, ingeniosiores, digniores, meliores, licet feliciorum me non ignorem; quòd vobis quidem surgendi à vestro casu adempta potestas sit, mihi post maiora peccata, & venia, & premium reservetur.* De ea re sic loquitur in libello MM. SS. affectuum suorum quotidiano- rum: *Substerno me amore tui Domine, damnatis omnibus tanquam pavimentum inferni, & in eo demones, ac damnatorum omnes, supra caput meum colloco! infra horum omnium pedes abjicio me in- imum inferni centrum.* Dum per Collegij ambitus inambularer, & Socij inobservati ex aliquo angulo, quid ageret, curiosè explorarent, testantur audijse se ingemiscentem: *Domine, non sum dignus per pavimentum hoc incedere; quòd servi tui meliores me inambulant; Utinam ego pavimentum quoddam sim, quòd ab illis conculcetur, atteratur, conspuatur!* Scribit P. Godefridus Schubertus S. I. (vir laudatæ virtutis, Ecclesiastes Pragæ in Professorum Domo celebratissimus, qui moriens de P. Lancicij virtutibus & sanctimonia, quædam à se visa, & ab ipso Patre audita scripto complexus est, quæ inter manus meas sunt) scribit, inquam, cum P. Lancicio Iglaviæ cohabitaret, venisse se tacitè

ad

ad cubiculi januam, & per rimas ostij, quid ageret senex, curiosè explorâsse, vidissèque Patrem gravissimis verberibus pugnorum verberâsse vultum, colaphos sinè numero impingentem; tum se leniter pulsato cubiculo ingressum, & quem itâ colaphis caderet quæsisisse, *diabolum excipio pugnis*, respondit Senex; quæsit iterum P. Godefridus: *Quod illi diabolo nomen?* Nicolaus Lancicius, respondit, *diabolus vocatur.*

VII. Unde nō mirum si etiam bestiis viliorē se assereret, qui damnatos & dæmones sibi anteferebat. Animalium cæterorum laudabat promptitudinem, illa esse, quæ Creatori suo semper obsecundarent, nusquam adversarentur, neque ullo scelere contaminarentur, tum in se versus suam infelicitatem damnabat, qui tot divinis beneficijs insuper habitis, & contemptis, tot crimina (ut sentiebat) ingratus perpetrâssēt. Solebat Civitatis Vilnensis imaginem semper secum deferre incisam æri, quocunque pergeret, quam parieti affigebat, cūque An. 1641. ex eo quæreret P. Godefridus, quid sibi imago vellet? vehementi spiritūs impetu, quo in ejusmodi rebus ferebatur, imaginem arripuit, Scholas Calvinisticas Vilnenses ostendens, quas olim puer frequentâverat; tum subjecit: *En, me hominem nequam, ex hisce Scholis immensa & infinita JESU bonitas in suam Societatem pertraxit! canis eram, & jam tot annis inter filios*

filios DEI vivo! simul lacrymæ copiosæ per vultum defluentes vocem senis interceperunt.

VIII. Nunquam audivimus ex ejus ore verbum prodîsse, quo aliquem hominem contemnere videretur, laudabat aliena consilia & facta, vero & non simulato vultu, alienas actiones, etiam contra se factas in bonâ partem vertebat; & cùm quidam, ut vocamus, politici noxia svaderent, sequebatur consilium, etiamsi inde nihil nisi odium reportaret. Confectarium fuit, ut bene interpretaretur omnia, monebâtque sæpe juventutem Religiosam, abstinere à ferendis judicijs alienorum factorum, & dictorum, multum id conferre ad humilitatis virtutem, si socios omnes bonos esse, cùm virtutis omnia agere, etsi imperfectio notaretur in opere, animo tamen DEO esse sincerè deditos cogitemus; ità futurum, ut nihil temerè de alienis defectibus deferamus, nostris tantùm vitijs cognoscendis, & corrigendis occupati; quod ipsemet *P. Nicolaus* religiosissimè observabat; in arcano ejus libello hæc legimus: *Nunquam totâ vitâ meâ fui scandalizatus in ullo, sed omnia bene interpretabar & compatiebar.*

IX. Nullum ad se venientem fastidiosè rejiciebat, quærebat pro colloquio familiari Patres & Fratres, qui minimum gratiæ & authoritatis apud cæteros haberent, vitatis ijs, ex quorum docta & nobili conversatione authoritatem sibi parare poterat.

terat. Audivi Virum magnum, qui istud coram me ei vitio dabat: at ille aliud nihil respondit, quàm illud divinum: *cum simplicibus sermocinatio ejus*. Petebat interdum casuum conscientiae resolutiones à Theologis adhuc discentibus, consilia etiam à Laicis exquirebat, laudabat, sequebatur, agebátque gratias cùm dedissent. Domesticos omnes obvios usque ad ætatem ultimam præveniebat honore, caput primus aperiebat, eoque detecto neminem secum loqui sustinebat, etiam cùm Rectoris aut Provincialis munus gereret: decedebat viâ, ut commodiorem viam tenerent; quòd si Superiorum aliquis obvius fieret, consistebat Pater reverenter capite aperto salutans, dum transirent. Sæpe ambulationem per domum instituebat, cùm necessaria illi esset à studijs quies, totumque illud iter in affectibus humilitatis consumebat, loca ab alijs calcari solita devenerans & salutans (ut jam L. 1. dixi) mille interioribus osculis, indignum se illam terram attingere, quam & Sanctorum pedes calcâssent, protestans; ipsa etiam sedilia aliorum quasi sessione consecrata, cum gustu intimæ devotionis omnes meliores se, nullo proffus excepto, propter DEUM reputans, quibus paratus esset, omnia mediastini munera in omnem vitam præstare, id sibi pro omni solatio futurum. Quod de tegendo capite coram se socijs præcipiebat, agebat se S. P. nostri Ignatij exemplo

plo facere, ut in MM. SS. Archivi Romani legisset; quoties adiretur, sellâ protinus assurgebat, & vultu amabili ad januam cubiculi occurrebat, pileolô capite detractô salutabat. Quoties verò venerationis causâ pileum capiti non apponerent, & moniti apponere nollent, post preces iteratas si nihil proficeret Pater, ipse etiam aperto capite stabat, & ferè, ut loquimur, siccius eos dimittebat, quasi læsus illo honore fuisset. Si qui ejus se precibus commendarent, & in ijs multum se repositum habere dicerent, subiciebat, in se quidem nihil spei reponerent, sed clementiam DEI attenderent, qui vota suorum filiorum libentissimè exaudiret; si adhuc magis ejus preces implorarent, cum quadam impatientia respondebat: *Existimare se nihil adhuc DEUM intuitu precum suarum, cuiquam aut humani aut divini tribuisse; unde non satis accommodatè suas preces imploraret.* In beneficijs divinis exorandis, si quid tamen obtentum à se alij dicerent, id vel casui cuidam, vel si casui res imputari non posset, divinæ beneficentiæ adscribebat, se reputans ut fimum, quo agri lætantur, & sæcundantur: malè autem sæcunditatem messium uni fimo adscribi, cum bono semini in terram jacto, & cœlo faventi, & denique naturæ & telluris bonitati attribuenda sint omnia.

X. Hoc humilitatis studio in rebus arduis aggrediendis maximè se adjuvari profitebatur: dicebat,
ad

ad res arduas & difficiles aggrediendas neminem magis esse comparatum, quàm humilem, & de sua virtute parum aut nihil sentientem: quippe solius DEI auxilio nixum, multam acquirere inde confidentiam; DEUM autem sperantes in se non deserere, vires addere, & quò spes magis excreverit, eò majora & certiora auxilia suppeditare. Huc quadam ratione spectare videtur monitum, quod mihi ac cæteris dedit, si quando à spectris dæmonum infestaremur: agebat enim, si quando terribiles illæ visu formæ occurrerent, actu demissionis & vilitatis propriæ præmisso, & spe in DEUM fixâ, arripiendum esse quidvis obvium (etiam calceos & crepidam nominavit) & adversus dæmonem eundem; non posse eum ferre sui contemptum (quod sibi compertum esset) protinus se in fugam daturum.

XI. In socijs omnibus, prout regula præcipit, intuebatur Christum, & quidem in Sacerdotibus, Christum ut Sacerdotem sibi occurrentem reverbatur; & si paulò antè Sacrum fecissent, in eorum pectoribus Christum adorabat; in Scholasticis nostris Christum in domo sui Nutricij Josephi adhuc habitantem honorabat; in Theologis & Majoribus Christum imaginabatur, ut jam ad prædicationem sese accingentem, & jamjam in messem animarum iturum; Tyrones verò, quos usitatâ sibi voce, *parvulos fratres* vocabat, si ad se venissent,

sent, jubebat continuò caput operire, in sede altiori collocabat, ipse detecto capite humiliorem occupabat locum, ut Angelos audiebat, sibi verò in illis Christum repræsentabat infantem. Eandem reverentiam abeuntibus exhibebat, comitabatur capite nudo id ætatis Senex, Scholasticos quidem usque ad limen cubiculi, Sacerdotes etiam ultra limen, Superiores ad notabilem ambitus partem sequebatur, & magnâ reverentiæ significatione dimittebat. Hujus erga socios reverentiæ & charitatis initium in commoratione prima Romæ sua fecit Ven. Pater, cujus verba subjicio: *Quoties, inquebat, video è nostris aliquem obvium, penè totus diffilio corde, recogitans me videre, Socium JESU, ad ejus vitam se conformantem, solètique mihi venire in mentem primæ commorationis Romanæ, quæ mihi statum Beatorum in Cælis adumbrare videbatur; ob eam causam rarò mentionem Romani Tyrocinij facere poterat, quin ex spiritûs dulcedine ubertim fleret, retulitque eam commorationem inter majora DEI in se beneficia. Referam ipsa Patris verba ex libello secreto, quibus quotidie DEO post Missam gratias agebat: Gratias tibi ago eterne & immortalis DEUS, pro prima mea Romana commoratione, quæ mihi in domestica Patrum & Fratrum conversatione, vitam adumbravit te clarè videntium Beatorum. Tu scis Domine, quid tunc viderim, audiverim, & in corde meo sen-*

M

serim,

serim, quod etiam revocatum in memoriam, movet ad te viscera mea, & recreat me inenarrabili gaudio tuo, & excitat ad amorem purissimum sanctæ illius Societatis, plenæ adeò insignibus gratiæ donis, & Angelicâ conversatione.

XII. Pluribus ante mortem suam annis, cùm adhuc viribus corporis & animi polleret & prudentiæ in regendis Collegijs & Provincijs laude commendaretur; omni ope connisus est, nè unquam in posterum Socijs præficeretur regendis, idque impetravit ab Adm. R. P. N. Murio Vitellesco. Semel iterumque in duabus Universitatibus Cancellarij munus humilitatis studio recusavit admittere. Post obita munia Societatis amplissima non indecorum sibi putasset Scholas parvulorum docere, piæque & sanctâ invidiâ tangebatur, cùm Magistros ad Scholas cunctes aspiceret, idque ipsum confirmat in literis An. 1642. scriptis in hæc verba: *Ego si aptus essem, nunc vel in hac ætate mea, offerrem me Superioribus pro Scholis. Huic hominum generi (de Magistris loquitur) in Societate semper invidi: videbam enim, quòd Magistri meliorem, & quotidianam magis, quàm Confessarij vel Concionatores, occasionem haberent imbuendi animas timore DEI: animæ enim, quas querunt Concionatores vel Confessarij, magis impeditæ, & minùs DEI capaces sunt, quàm juvenum vel Parvulorum.* hæc ille.

CAPUT II.

Continua DEI memoria, & singulare donum Orationis.

I.

Cùm *Ven. P. Nicolaus* (ut Lib. I. probatum est) semper in conspectu DEI ambulaverit, & continuam DEI memoriam circumtulerit, iterando has vel similes voces: *Propter te Domine &c.* nihil mirum est, si eum orationi dedicissimum fuisse asseramus: orationes enim, quas *jaculatorias* dicimus, sunt velut quædam aureæ & magneticæ catenæ, quæ animam DEO inseparabiliter conjungunt; sunt sagittæ, quæ, ut aiebat *Beata Maria Magdalena de Pazzis*, cor Verbi configunt, & nobis aperiunt; sunt necessariæ amanti-
bus DEUM respirationes; de quibus mystico sensu illud Davidis intelligendum: *Os meum aperui, & attraxi spiritum.*

II. Oratione mentali plùs quàm vocali tenebatur, quam nulla distractio seu evagatio mentis interpolabat. Ab Annis continuis quinquaginta, postquàm desolatio illa initio Religionis susceptæ, de qua diximus, evanuit, summam voluptatem in orando DEO, & nullum unquam tædium sensit; omne tempus orationi aptissimum sibi esse

dicebat, post gravissima negotia mentem ad DEUM convertere, facillimum experiebatur, summâ veneratione corporis & animi, plerumque mendici personam agendo, gratiam, & alia dona cœlestia & auxilia mendicabat. Si mentem haberet à studijs, & curis fatigatam, oratione, uti alij honestis & dulcibus Amicorum colloquijs, mentem recreabat, & validiorem referebat; imò recreationis & necessariæ quietis loco orationem assumebat.

III. Si ad locum venisset, ubi orationis rarus esset honor & usus, studiosius orationi vacabat, ut laudis divinæ neglectum aliquatenus compensaret; idem faciebat cùm socios videret ad amœna camporum, aliásque recreationes abeuntes, tum enim pro ijs DEUM laudare, & impensius spiritualibus exercitijs vacare solebat, & plerumque unam adhuc horam post recreationis pomeridianæ tempus expendebat orando.

IV. Præter tempora orationi mentali destinata, orationibus, ut antè dixi, jaculatorijs, cùm à labore scribendi cessâisset, totum reliquum tempus dabat, assiduè precatorios globulos manu versans, & congruos affectus temporibus sacris repetens, quorum verba in opusculo de oratione ipsemet retulit; monebat, ut non anxie numerus orationum istiusmodi ineatur, sed usitato, quod vocamus *Beate Virginis* rosario, circumscribantur,

tur, v. g. *fiat voluntas tua dulcissime JESU*, semel vel iterum repetendo decurratur corona, mox aliam assimebat sententiam, ex: gr: suum illud, *propter te Domine*, repetens, vel *omnia DEO*, quibus vocibus repetendis, ut Lib. 1. diximus, immortalus est; & quidem cum diceret *propter te*, non per modum syllabæ tantum, sed & per modum literæ accipiebat: per syllabam *te* DEUM compellendo, per literam *T*, Trinitatis memoriam invocando, eamque adorando. Parva hæc cuiuspiam videbuntur, qui nescit, nihil esse parvum in amore, DEUMque affectum spectare non censum, & aures ejus divinas cordi Sanctorum applicari. Frequentissimè hoc nomen DEUS repetebat, & eâ unicâ voce (quod perfectissimum est orationis genus in *Divo Francisco Seraphico* comprobatum, cum *DEUS meus*, & *omnia* totâ nocte repetivisset) longissima orandi tempora implebat, aliàs mirò spiritûs gaudio ingeminabat: *ô pulchra aternitas!*

V. Hæc corona multos ad tranquillitatem, & serenitatem adduxit, & suavissimè motus, qui animam turbabant, composuit, ut experientiâ multorum cognitum est. Hâc ratione pij alij affectus iterari possunt, ut gratiarum actionis, divinæ laudis, vocationis, auxilij cœlestis, doloris de offenso DEO, invitationis ad eum laudandum &c. quorum affectuum verba ex sacris literis, potissimum ex Psalmis sumere solebat, ideoque coronam preca-

toriam ferè semper gerebat in manu, velut admonitorem usitatæ pietatis; quibus autem fertū illud globulorū gestare nimis affectata pietas videretur, ut externis hominibus &c. ijs Author erat, ut ad motus aliarum rerum v. g. cinguli, nodorum in veste, & similium aspirationes illas in die sæpius iterarent.

VI. Dividebat autem *P. Nicolaus* in certas classes oratiunculas hæcæ suas, ut ità dicam, extemporales, ac primâ quidem mensis hebdomade de peccatis suo & peccantium nomine dolebat, vel memoriam iudicii supremi, & inferorum supplicia pro se, & pro hærentibus in peccato mortali deprecabatur; secundâ gratias pro beneficijs agebat; tertiâ Christi Redemptoris dolores acerbissimos, & mortem recolebat; quartâ Cœli desiderium, contemptionem rerum caducarum, amorem DEI & unionem cum illo optabat, juxta quatuor *S. P. Nostri* hebdomadas, quas in exercitijs spiritualibus præscripsit.

VII. Cùm hos affectus cor *Ven. P. Nicolai* velut imbibisset, & in numero haberet, præparatione diligenti præmissâ, non mirum est benignissimum Dominum singulare orandi donum Viro contulisse, ut in Ratione Conscientiæ Majoribus facta, humiliter fateretur se jam annis quinquaginta novem, à prima Religiosæ vitæ ætate, nullius sibi venialis peccati in oratione admissi, seu distra-

distractionis conscium esse, imò in oratione nullas evagationes animi pati, neque quid eæ sint, satis scire extremâ ætate fatebatur: quod in hac ingenij nostri mutabilitate, & mobilitate miraculi instar reputo, & qui idem mecum sentiant, habeo. Quare cùm *P. Joannes Baptista Cicotus, P. Nicolai* per aliquot annos Romæ Confessarius, admirans quæsiisset, cur nunquam in Confessionibus de negligentijs, aliisque culpis in orando DEO admis- sis, sese accusaret? humili & sincero affectu respondit *Nicolaus: Quia nunquam in oratione peccatum admisit.* Istud idem in *Nicolao* æstimabat *P. Stephanus Tuccius* Vir auctoritate, doctrinâ & virtutibus comparatâ maximus, & Pontificibus charissimus, qui hanc gratiam cœlestem multis verbis efferens tenerrimè *Nicolao* gratulatus est.

VIII. Neque hîc consistit Divina in *Nicolaum* benignitas, sed cùm eum à distractionibus omnibus in orando liberâisset, etiam illud addidit, ut nullam ariditatem in orando pateretur; affluebat cœlestibus solatijs, præsertim tempore adversitatis, quibus benignissimus DEUS servum suum fidelem solabatur, & revera tantâ se copiâ cordi ejus nonnunquam infundebant cœlestes animi voluptates, ut vitam erepturæ viderentur. Ex nulla re Creatâ voluptatem capere videbatur, in nulla re cor acquiescebat, nisi in DEO & in cœlestibus & divinis; huc, quæ agebat referebat omnia: quid-

quid cogitabat, loquebatur, scribebat, erat *DEUS*; imò, ut antè dixi, vel hoc solum nomen *DEUS* cùm ab alijs audiret proferri, quasi face ad pyrium pulverem admotâ, totus incendebatur animo, ut extra se rapi videretur. Unde non mirum cœlestes illi delicias eò sapuisse magis, cùm humana omnia sorderent. Vidimus eum aliquando ab oratione surgentem, cùm affectibus habenas laxâisset, sui prorsus dissimilem, pallidum extenuato vultu, genis lividis, corpore debilitato, quod ei potissimum sacrificanti accidebat; eo enim tempore omnes laxabat cordis sinus, & totus divinis affectibus incendebatur, & disfluebat lacrymis: sæpe præ vehementia affectuum verba formare, & loqui non poterat, cogebatûrque hiant ore ignem cœlestem quoddammodo exhalare, & verba cum impetu extrudere, sudore interim copioso per corpus fluente. Ob eam causam, & ob debilitatem virium cùm sacrificando ad populum se converteret, pedetentim id facere, & sese nè caderet, manibus ad altare sustinere, eique inniti cogeatur.

IX. Quàm pretiosa & DEO grata foret *P. Nicolai* oratio, raris & cœlestibus eventis ostendit *DEUS*, ut elevatione à terra, cœlesti lumine circumfuso oranti, Arcanorum cordis revelatione, cœlestium personarum apparitione, & alijs hujusmodi gratijs, quas in vitis maximorum Sanctorum legimus; sed his commemorandis hoc loco super-

perfedeo , cùm fequentem librum , ijs designaverimus.

X. Illud omittere non possum hoc loco , orationem *Ven. P. Nicolai* dæmoni femper terrificam & exofam fuisse , multisque ac miris modis orantem sæpenumero interpellâsse ; referam exemplū. Cùm de Divo Ignatio Sanctis adscribendo in Congregatione Cardinalium poſtridiè agendum eſſet , idque negotium impensè & incensissimis & potentissimis precibus DEO Domino commendaret , & in oratione illa pervigilaret Romæ in templo Collegij Anglicani , repenti ingenti strepitu excitato , ante orantem Stygius Alastor adesse visus est , & terrificâ ac frequenti sternutatione percellere conatus est , *Nicolao* clausis oculis orationem continuante. Sed & altero die cùm conscientiam ex legibus Societatis vespere examineret , audit ingentem impetum in januam cubiculi fieri , in mensa , ubi studebat , omnia súsq; edêque everti , & forfices impetu rapi , tantôque furore terræ allidi , ut in partes ferrum dissiliret , mox malum hospitem fugam arripuisse notavit. Hæc *P. Nicolaus* , ut in oratione firmiter perstaret , fortuito evenisse sibi persvadebat , at mali dæmonis technas fuisse , socij qui in rem præsentem postea venerant , indubiè affirmârunt , non enim nisi maximâ & occultâ vi in tot frustra ferreæ forfices , quæ antè integræ & sinè omni vitio fuissent , confringi potuissent.

M 5

XI.

XI. Orabat autem *Pater* præter eas orationes, quibus se ipsum & sua Domino commendabat, ter quotidie destinatis ad hoc temporibus pro universo mundo, & maximis peccatoribus. quorum infelicitate maximè tangebatur ; pro filiis suis *spiritualibus*, quorum ingentem numerum in varijs mundi partibus habebat ; pro animabus *Purgatorij* pœnas sustinentibus, pro quibus etiam cum more *Societatis* suffragia indicerentur, primo quoque tempore explebat & persolvebat, nè suâ desidiâ earum pœnæ prolongarentur ; sed apparitiones animarum, preces & suffragia à *P. Nicolao* postulantium, in Librum sequentem differimus. Pari diligentia, si cui orationes promiserat, ad fidem & sinceritatem fraternam spectare putabat, debitum precum quàm primùm exsolvere. Imagines sacras, etsi in speciem viles, oraturus ponebat ante oculos, primò, ut oculos affectus sequeretur ; secundò, ut suum in cœlites testaretur amorem, ut quorum præsentia careret, eorum consortium desideraret ardentius.

XII. In orationibus, quas *vocales* dicimus, verba semper affectu, quantum fieri poterat, sequebatur ; dicebatque, si turpe esset homini loqui contrarium quàm sentias, multò indecentius videri, DEO quodammodò mentiri ; & ponebat exempla ex Psalmis, v. g. *DEUS meus volui, & legem tuam in medio cordis mei*, quàm indecens foret, si
tum

tum quodpiam peccatum, seu leve, seu grave designaretur animo & placeret. Inter orationes, quæ se offerebant, eas eligebat & præponebat, ad quas obligabatur magis, ut si cùm Divinum officium oraret, ad Angelicam salutationem signum daretur; procidebat tamen in genua continuò, ut hoc honore intereà DEI Matrem profecutus, liberiùs eam postea salutarer.

XIII. Cùm *Patribus Tertiarijs* instruendis præesset, admonēbat sæpissimè, nè pensum Sacerdotale precum deproperarent, ac penè lacrymans, & toto pectore ingemiscens, precabatur, nè hanc ignominiam, & tacitum contemptum *Divine Majestati* facerent, utque DEUM eâ saltem ratione alloquerentur, qua honoratos & pretij alicujus homines alloqui solemus.

XIV. Lacrymarum donum habuisse bonum Senem dubitare, qui Virum nôrant, non possunt, quibus in oratione, & aliàs per diem, ubertim fluentibus abstergendis sudarium vel strophium bene longum & latum interdum non sufficiebat, & fletu illo turgentibus oculi dolorem Seni pariebant. Observavit itineris *P. Nicolai* comes, cùm officium de *SS. Martyribus* oraret, & neminem adesse crederet, & de profuso Martyrum pro Christo sanguine, nescio quid sacri legeret, repentè sibi indignantem, quod nihil ejusmodi pro Christo tolerasset, quasi furentem à loco orationis surrexisse, &

XI. Orabat autem *Pater* præter eas orationes, quibus se ipsum & sua Domino commendabat, ter quotidie destinatis ad hoc temporibus pro universo mundo, & maximis peccatoribus, quorum infelicitate maxime tangebatur; pro filiis suis *spiritualibus*, quorum ingentem numerum in varijs mundi partibus habebat; pro animabus *Purgatorii* pœnas sustinentibus, pro quibus etiam cum more *Societatis* suffragia indicerentur, primo quoque tempore explebat & persolvebat, nè suâ desidia earum pœnæ prolongarentur; sed apparitiones animarum, preces & suffragia à *P. Nicolao* postulantium, in Librum sequentem differimus. Pari diligentia, si cui orationes promiserat, ad fidem & sinceritatem fraternam spectare putabat, debitum precum quam primum exsolvere. Imagines sacras, etsi in speciem viles, oraturus ponebat ante oculos, primò; ut oculos affectus sequeretur; secundò, ut suum in cœlites testaretur amorem, ut quorum præsentia careret, eorum consortium desideraret ardentius.

XII. In orationibus, quas *vocales* dicimus, verba semper affectu, quantum fieri poterat, sequebatur; dicebatque, si turpe esset homini loqui contrarium quam sentias, multò indecentius videri, DEO quodammodo mentiri; & ponebat exempla ex Psalmis, v. g. *DEUS meus volui, & legem tuam in medio cordis mei*, quam indecens foret, si
tum

quodpiam peccatum, seu leve, seu grave de-
retur animo & placeret. Inter orationes, quæ
ferebant, eas eligebat & præponebat, ad quas
gabatur magis, ut si cùm Divinum officium
et, ad Angelicam salutationem signum dare-
procidebat tamen in genua continuò, ut hoc
ore intereà DEI Matrem prosecutus, liberiùs
postea salutarer.

XIII. Cùm *Patribus Tertiarijs* instruendis præ-
; admonebat sæpissimè, nè pensum Sacerdo-
precum deproperarent, ac penè lacrymans, &
pectore ingemiscens, precabatur, nè hanc ig-
miniam, & tacitum contemptum *Divinæ Ma-*
ti facerent, utque DEUM eâ saltem ratione
querentur, qua honoratos & pretij alicujus ho-
es alloqui solemus.

XIV. Lacrymarum donum habuisse bonum
em dubitare, qui Virum nôrant, non possunt,
ous in oratione, & aliàs per diem, ubertim flu-
bus abstergendis sudarium vel strophium be-
ongum & latum interdum non sufficiebat, &
a illo turgentes oculi dolorem Seni pariebant.
servavit itineris *P. Nicolai* comes, cùm officii-
de *SS. Martyribus* oraret, & neminem adesse
leret, & de profuso Martyrum pro Christo san-
ie, nescio quid sacri legeret, repentè sibi indi-
ntem, quod nihil ejusmodi pro Christo tole-
et, quasi furentem à loco orationis surrexisse,
&

& cubiculum omne lacrymis & gemitibus implevisse, sibi omnia dira & tormenta precantem, & suam infelicitatem accusantem. Cùm per occupationes necessarias orationi extraordinariæ (nam ordinariam nunquam sibi eripi patiebatur) se impendere non posset, vacuus jam à negotijs suavissimè in oratione deliciabatur, quasi in centro suo in DEO acquiescens, & affixus; contigitque aliquando ut duodecim horis continuis, interdum etiam sedecim, & octodecim in orando persisteret, & quidem non sumpto per 35. horas, nisi semel valdè modico panis, & mellis cibo; cùm interea aculeatâ catenâ corpus stringente, & triplici longâque flagellatione eâdem die in se severè animadvertisset, & animo divinis occupato, toto illo tempore nullam corpori quietem & sessionem indulgisset. Hæc de oratione *Ven. P. Nicolai*; jam de ejus ascensu ad DEUM ex omnibus rebus creatis aliquid esset dicendum, sed hoc argumentum ad caput de Amore Divino differimus.

CAPUT III.

*Ven. P. Nicolai in SS. Eucharisti-
am quotidiana pietas, & tenerrima in
Mysterijs Fidei devotio; tum aliquid de affectu
in Virginem Matrem, & Sanctos quos sibi co-
lendos & imitandos proposuerat.*

I. Mul-

I. **M**ultis hujus historiæ locis recordor me fecisse mentionem, reverentiæ & pietatis, quam Religiosissimus hic Vir erga *Venerabile Sacramentum*, perpetuam & ardentissimam semper præsetulit; sed *Sacrificium Missæ* peculiarem sibi vendicat locum, quod tantis ardoribus, tantoque apparatu animi, & omnium affectuum peragebat, ut si visionem beatam excipias, felicitatem *Beatis* præ sua, pene dixerim, non invideret: tantis in hoc divino Sacrificio affluebat delicijs. Quancquam temperabat has voluptates nonnunquam *Divina Majestas* manifestatione, multorum arcanorum, & rerum tristem significationibus, quibus cor ejus lancinabatur, & sauciabatur, ut progredi in cœpto Sacrificio non valeret, & pæne suffocaretur lacrymis. Exempla quædam (nam pleraque ad Conscientiæ forum pertinent, & vulgari se non sinunt) Lib. 3. referemus.

II. Inprimis, quantum per occupationes licebat, horam præparationi ad Missam, tres horæ quadrantes ipsi Missæ legendæ, horam itidem, aut cum id non daretur, mediam gratiarum actioni impendebat. Præparatio in ardentissimis affectibus consumebarur, ijs præcipuè, quos in opusculo *de Sacrificio Missæ* expressit. Priusquam ad templum descenderet celebraturus, *Sanctissimam Trinitatem* obsecrabat, singulas divinas personas speciatim adorando, & petendo ab *æterno Patre*, ut in
hoc

hoc *Sacrificio Filium* suum sumendum & amandum daret cum ea cœlestium donorum & Benedictionum copia, cum qua illum Matri Virgini dederat in Incarnatione. Mox ad *DEI Filium* conversus ardentè petebat, ut ad se cum ea plenitudine gratiarum veniret, cum qua in ultima cœna ad suos dilectos *Apostolos* veniebat. *Spiritu Sancto adorato* humillimè supplicabat, ut corpus suum & animam suam præpararet Christo ad se venturo, prout præparaverat corpus & animam Virginis, cùm ex ejus castissimo & purissimo sanguine Christi corpus formaret. Eadem omnia mutatis mutandis petebat à *Virgine Beata*, *Sanctis Apostolis*, & cæteris Sanctis, & Angelis, ut eorum intercessionibus, ea, quæ petebat, obtineret. Hos, quos modò dicebam affectus, ante Sacrum nunquam prætermittebat.

III. In ipsa Missa tam clarè & distinctè pronuntiabat omnia, ut, qui celebrantem audiebant, omnia bene perciperent, & affectu legentem sequi possent. Certa quædam verba notabantur, in quibus ipse persistebat nonnihil, præcipuè in *Hymno Angelico: Gloria in excelsis*, qualia multa in Canone Missæ leguntur, quibus ad diversos erga DEUM affectus incitabatur; exempla quædam nuper attuli. Post Consecrationem in Missa, tanto & tam serio affectu statim Christum adorabat, ut videretur sub ipsum terræ centrum descendere & humilitate

te penetrare. Cum Sanctissimam hostiam vel calicem ad populi adorationem elevaret, videbatur ad cælum usque elevare velle: nam tunc Sanctos omnes ad Christum adorandum invitabat, dæmonibus verò & damnatis, ut ad ejus conspectum contremiscerent, imperabat. Divinum Christi sanguinem, in altum elevans, desiderio spirituali pretiosum hunc sanguinem, in *Purgatorij* flammam infundebat, dicens intra se: *en litrum, en Redemptorem animarum!* Sacram Hostiam quotidie in Viaticum mortis sumebat; & ab altari recedebat eo affectu, quasi nunquam rediturus, ultimum hoc Sacrificium DEO obtulisset. Sanguinis species sumpturus magnâ justitiæ siti desiderabat suum sanguinem pro Christo exsiccari, ut nihil præter Christi gloriam cogitaret, aut ageret; sanguinem verò ipsum è Christi latere, & gloriosi ejus corporis vulneribus sugere se piè imaginabatur. Cum intensissimos amoris actus eliceret, id ferè semper *Italicâ Linguâ* faciebat, aptissimam eam esse dicens ad tenerrimos affectus, appellabátque eam sacram suam linguam, quod in ea *Societatis Tyro* DEUM amare didicisset.

IV. Post *Sacrificium Missæ* plerumque horam in gratiarum actione consumebar, habebátque libellum, à se conscriptum (quem ego sæpe in manibus habui, atque utinam descripsissem, magno mihi nunc usui futurum) in quo beneficia in se
DEI

DEI amanter recolebat ; erat bene longa gratiarum actio , quam flexis genibus instar *Tyronis* in angulo , vel loco solitario flectens peragebat ; illaque gratiarum actione mirifice incitari se fatebatur ad novos pro DEI gloria aggrediendos labores. Plura adducere non vacat, cùm in citato opusculo legi possint, optimè enim dixit primus vitæ P. Nicolai Scriptor, *quod scripsit, hoc vixit.*

V. Post SS. *Eucharistiam*, & *Passionem Christi*, & Crucis Mysterium in nullo deliciabatur magis , quàm in JESU infante , quem *Sancti Francisci Seraphici* vocabulo *puerum de Bethlehem* appellabat ; huic tenero amoris causam dedisse videtur apparitio quædam, de qua Lib. 3. cùm in Venerabili Hostia puerum JESUM aspectabilem , in patena sedentem ad illa verba : *Agnus DEI, qui tollis peccata mundi*, adoravit. Totam Nativitatis noctem in Pervigilio amoris divini ardentissimis affectibus transigebat ; pridie verò nihil aliud , quàm JESU-LI infantiam loquebatur , eratque multum sollicitus, ut eâ nocte , & die consequente , quàm devotissimè à familiaribus suis Christus parvulus cole-retur , in eam rem conscripserat nobis devotiones, & puncta amorum erga infantem JESUM , quæ in opusculis leguntur. Cætera mysteria vitæ Christi & devotiones , quas certis per annum diebus usur-pabat , prudens prætereo.

VI. In Beatissimam DEI Matrem magno ferebatur

batur affectu ; in suis opusculis amantissimè semper, & dulci & tenero affectu DEI Matris meminit, & maximè in Tractatu de *Præsentia DEI* varias & tenerrimas praxes & modos eam amandi & colendi adduxit, & in Usu Metitandi omnem Sabbathi diem ejus prærogativis cognoscendis deputavit ; ipsa etiam Divina Mater sæpius *P. Nicolao* sese spectandam offerens, & dulciter alloquens (ut postea dicitur) amoris mutui clarissima dedit indicia. Virginis Matris coronam continenter, dum ambularet, tenebat in manu, Virginem ad omnes horas salutans, & benedictionem cum prole pia exposcens ; Immaculatæ ejus Conceptioni totis sensibus deditissimus, voto ejus semper tuendæ, ut Lib. I. narraui, sese obstrinxerat. Rationes pro Immaculata Conceptione potentissimas habebat in promptu, quas se à *Magistris* suis in *Theologia* (*Mutio Vitellesco*, & *P. Arrubal*) didicisse, & postea à *P. Joanne de Lugo* audisse gloriabatur, quæ argumenta nostris Theologiæ Professoribus, maximè *P. Ignatio de Rojo* Theologiam docenti, ex usu fuerunt, & magnos in Disputationibus Theologicis plausus excitârunt.

VII. *Sanctum Patrem nostrum. Ignatium* in corde & oculis ferebat : hunc mirabatur, hunc *Magistrum Spiritus* & Sanctitatis appellabat, qui non obviam Sanctitatem, sed selectissimam, & ut ita dicam, obrizam, & gemmeam docuisset ; & *S. Jo-*

annis Euangelistæ dilectionis spiritum (ut S. Maria Magdalene de Pazzis revelatum est) habuisset. Dicebat eum omnium virtutum habitus in gradu altissimo tenuisse; & cùm aliquando quidam mihi, bene notus P. Nicolao, suam erga S. Franciscum Xaverium teneritudinem aperuisset, gravibus verbis admonuit Senex: nè Divum Ignatium in amore postponeret, multoque minùs omitteret; esse eum ipsius S. Xaverij, & totius Societatis communem Parentem, proinde nos illi ampliùs debere, qui Xaverium in Christo genuisset. Festum S. Patris summâ pietate celebrabat, & dentem S. Patris (quem Adm. R. P. Mutius P. Nicolao Romæ donaverat) in forma Processionis huc atque illuc in cubiculo deferebat, cum multis gratiarum, reverentiæ & oblationis, aliisq; affectibus. Si, ut fieri solet, eo die in nostro templo ab aliquo Ecclesiæ aut Religionis Pralato Concio de S. Ignatio habenda esset, P. Nicolaus lectissima quæq; de S. Ignatio ex adversarijs suis & Archivo nostri Ord: deprompta, suggerebat, quæ Concionatores cū admiratione populi proferebant in medium. Quid ei, cùm S. Ignatij vitam manu teneret, atque ex ea Caput de oratione legeret, contigerit, suo loco dicetur.

VIII. Multos alios Cœlites habebat in delicijs, & cùm eorum mentio fieret, nunquam sinè dulcissima aliqua præfatione recordabatur, ut S. Francisci Seraphici, S. Dominici, S. Theresiæ, S. Catharinae
Senen-

Senensis, *S. Philippi Nerei &c. S. Antonium de Padua* familiarissimè, velut præsentem alloquebatur, cujus signum parvulum secum ferebat, & ut ab eo, quod vellet, impetraret, faciebat illa, quæ sanctæ memoriæ *P. Bernardum Colnagum* fecisse ejus vita commemorat. Universim dici potest, *P. Nicolaum* tenero amore Sanctos omnes amâsse, ea solùm de causa, quòd DEUM amâssent.

CAPUT IV.

Mortificatio sensuum, & in passiones animi perfectum dominium.

CHristus Dominus, novus homo de cœlo cœlestis, nova & cœlestia Consilia dedit mundo, & virtutes docuit, quarum nè nomen antea sciveramus. Inter eas censetur abnegatio sui, seu recepta jam viris spiritualibus voce *mortificatio*: quam profectò, qui non sequitur, & non abnegat se ipsum, non potest vocari *Christi Discipulus*. Ea dividitur in partes duas, quibus scilicet constamus, corporis, & animæ, ut illa sensus omnes & membra, quæ sunt super terram, coërceat, nè spiritui rebellent; hæc verò brutales animæ facultates habeat in potestate. Et varij quidem sensus sunt de mortificatione. *S. P. N. Ignatius* optimè & sapienter judicavit, mortificatio-

N 2

nem,

nem, quæ ad corpus pertinet, non posse eandem omnibus imponi, tum quia diversæ sunt Religioforum vires, tum quia diversi status diversa requirunt; ideoque lege statuit, ut quisque eas tantum assumat mortificationes & corporis cruciatus, quas consultus Præfectus Spiritûs approbârit. Nihilominus ea in Societate nostra frequentatio hujus virtutis viget, ut paria à socijs fieri viderimus domi (nam exterior omnis & publica mortificatio, sub qua ostentatio, & ambitus, & hypocrisis latere potest, lege nobis, citra Superiorum annutum, prohibetur) quæ in viris Sanctis & mortificationi diditissimis in eorum Vitis legimus & admiramur. Mortificatio verò interna & internarum facultatum propria, tantopere commendata semper fuit, ut *S. Pater* noster lege præceperit, *quarendam esse nobis continuam in rebus omnibus abnegationem.*

I. *Ven. P. Nicolaus*, judicio omnium, qui Vivum novimus, corpus edomitum, animam verò, quantum naturæ imbecillitas patitur, omnibus passionibus, quæ turbare quietem animæ possunt, liberam, perfectissimè habuit. Sed ordine progrediendum est, ac primò de afflictione corporis agemus. Jam pridem, ut dixeram, à principio sui in Societatem ingressus, in annos quàm plurimos, viæ, quam *Ascetæ purgativam* appellant, totum se dedit, cujus munus est, DEUM offensum doloribus placare, & pœnas peccatis debitas quan-

tum

um fieri potest abolere; qui conatus ad virtutem Pœnitentiæ refertur. Ergo toto animo Ven. Pater in mortificationem ferebatur, sic ut etiam coërceri debuerit: omnia, quæ se offerebant aspera, & incommoda corpori, quorum in Religionibus materia nunquam deest, sic accipiebat, & tolerabat, quasi peccatis suis debita; aggressus deinde est, sibi ipsi durissima quæque imponere. Plurimis annis lecto usus non est, sed in nudo vix tres palmos lato assere cilicio præcinctus somnum capiebat. Multum se amare dicebat *P. Antonium Spinellum Provincialem Romanum*, qui *Lancicio* adhuc Scholastico, quod ab alijs impetrare non poterat, ipse liberalissimè concedebat, & cruciandi sui novas & novas rationes commendare solebat, copiam ultro faciens, jejuniorum, verberationum, duræ cubationis, ciliciorum, ac cæterarum ejusmodi asperitatum, quas, qui pœnitentiam amant, consecretantur.

II. Quoties se ad orandum componeret, nunquam acclinis, sed ab omni, quod corpus sustentare posset, remotus, preces genu flexus persolvebat; omnibus ijs annis, quibus, ut dixeram, super nudo assere cubandi facultatem acceperat, cilicio horrido præcinctus, dies ac noctes exigebat, quem ejus gravem cruciatum, cum Majores interrogando rescissent, vetuerunt ulterius procedere, nè vires corporis nimium læderentur; at serum jam-

erat hoc Superiorum consilium ; siquidem etsi mollius & quietius cubaret, tamen corpus vigilijs & cruciatibus assuetum, somnum nisi interpolatum non admittebat, primusque ejus somnus nunquam semiquadrantem horæ excedebat, fiebátque, ut, cùm de sommo surgeret, ferè fatigatum magis corpus, quàm quiete recreatum inveniret; sed id postea *Ven. Pater* correxit in melius, & quibusdam, quæ suggerebantur remedijs, somnum debitum sibi restituit, ut corpus ad DEI gloriam habilius & valentius redderetur. Ingravescente ætate quatuor horas somno dabat; reliquum noctis tempus hyeme in cubiculo, æstate in templi choro, vel eundo per domum (ad quam rem, nè strepitum ederet, & alienum somnum interturbaret, calceos sibi panneos & tomento plenos fieri curaverat) consumebat orando; ante horam consuetam meditationis duas præmittebat horas, & tertiam cum socijs finiebat.

III. Dicebat in mortificatione finem reponendum non esse, & eos tantum cruciatus assumendos, qui ad aliquam virtutem viam facerent. v. g. in principio conversionis ad DEUM pœnitentiæ amore, ut DEO faciamus satís pro culpis nostris. In via spiritali jam ulteriore, ad victoriam sui comparandam (multi enim ex amore sui, corporis cruciatus & dolores, quos mortificatio adfert, perferre non possunt) in ulteriori adhuc virtutis pro-

processu, ut nos ipsos sancto odio persequamur, ut pro alienis peccatis DEO satisfaciamus, ut virtutem aliquam impetremus, ut Christo Crucifixo conformes simus &c. nam si hæc absint, & his finibus & motivis non agamur, non ita utilis est mortificatio, præsertim in corpore spiritui non rebellante, & ad jussa animæ obsequenda paratissimo, & ut ita dicam, voluntario. Ex hac consideratione *P. Nicolaus* suadebat eas assumi afflictiones corporis, quæ sensum quidem doloris acerrimum adferrent, sed corpus non læderent, quod scilicet unà cum anima jugum Christi tollere deberet, & quasi virtutis currum trahere. Dum Collegijs præesset, diligentem dabat operam singulis sociorum vocatis & examinatis, an vestes hyemi arcendæ idoneas, & fovendo corpori in hyeme necessarias haberent, quare non facilè cruciandi frigore corporis faciebat facultatem; monebátque, & rogabat Ministros, & Procuratores, provide-
rent, ut singuli, commodè, & decenter vestirentur, præcipuè illi, quibus magni labores in Ministerijs Societatis, ut in scholis, missionibus, ægrorum accessu, sacrarum Confessionum auditione, aliisque functionibus manerent, quæ corpus robustum & valens ad DEI gloriam requirant.

IV. Nunquam Ven. Senex aliquid extraordinarium, & delicatius sibi apponi passus est, nisi extremâ ætate, ut mox dicam; contentus erat cibis

communibus. In omni mensa (quod mihi sapius ab eo commendatum memini) quærebat abnegationem sui , à grato aliquo cibi genere , vel abstinendo prorsus , vel differendo sumptionem , vel aliquid ex eo , quod optimum videretur relinquendo , vel potu , dum maximè vellet , abstinendo , denique mille artibus appetitum fraudando.

V. Aperiam hoc loco piam quandam , simul novam & dulcem *Ven. Patris* in ciborum abstinencia cogitationem , & sensum : cum enim agita- ret animo , quam potissimùm ratione Christo Domino pro nobis sanguinem profundenti responderet , & ut veteres Ascetæ suos monebant , *sanguinem daret pro sanguine* , vel illud : *da sanguinem , Et accipe spiritum* , post verberationes sui , de quibus jam dicam , illud cœleste lumen illabi sensisset animo : *Primò* , ut pauperes , qui Christi personam gerunt , cum Majorum facultate suo se cibo defraudans , pasceret , & nutrirer ; sic futurum , ut cibus , qui in suam carnem & sanguinem convertendus erat , in sanguinem & carnem pauperum , & quodammodo Christi verteretur ; *Secundò* , si ea facultas negaretur ; in amorem Christi sanguinis , quem die altero sumpturus erat , de sua sibi por- tione subtraheret , atque tali ratione rursus particulam sanguinis ex illo cibo speratam Christo offerret ; quâ cogitatione occupatus , magno cum gaudio & delectatione abstinebat , ut etiam jeju-
nia

nia dulcescerent. Quando seni jam decrepito Majorum charitas de cibis aut melioribus, aut ad digestionem facilioribus providebat, eos ille cibos bonâ Majorum veniâ plerumque socijs infirmioribus mittebat, nè tamen Majorum de se providentiam fallere videretur, assumebat, libabat, mox velut non placerent, dissimulatè Ministris mensarum restituebat, datâ etiam operâ crassioribus cibis vesci solitus, ut stomachum vexaret, qui continuo dolore, quem pituita copiosa & ructus pròdebant, cruciabatur; at qui Sancti Viri artificium non intelligebant, illam crassorum ciborum ingestionem damnabant: in cucumerum esu præcipuè, qui stomacho senis cruciatus maximos adferebant, & tamen avidè, & magnâ copiâ à sene, maximè cùm se observari videret, ingerebantur.

VI. Ad morbos, nisi Majores juberent, medicinam non adhibebat, fugiebat illa omnia, quæ vitam longiorem facere à delicatis putantur, & habentur in pretio, ut potus czokolatæ, & herbæ cujusdam, quam The dicunt; dicebat corpus suum mundo & voluptati sensuum mortuum esse debere, pugnare hanc inutilem curam cum desiderio, quod haberet, citò dissolvi & esse cum Christo. Fructus primos arborum & herbarum, etsi maximè in eos appetitus raperetur, nunquam gustabat; vino diu ante mortem omnino abstinuit, quamvis in eo magnum præsidium fatiscenti na-

turæ agnosceret ; hanc à rebus gratis abstinentiam nullâ perpetuâ lege sibi indixerat , sed cùm Majores juberent, & cùm hospitalitas svaderet, & benevolentia , vel authoritas assidentium id posceret, sumebat ; majorem scilicet rationem ducebat divinæ gloriæ , quàm obfirmatæ in proposito voluntatis. Hinc frigoris incommoda (quod in Septemtrionalibus Provincijs permolestum est) tam diu ferebat, dum majora bona eo frigore non impedirentur, calefieri cubiculum non sinebat , nisi ipsemet juberet, & ferè postremus in Collegio id obsequium à famulis domesticis admittebat.

VII. De minimis, qui ejus tractationem legerit, multa in ea inveniet cruciandi sui genera, quæ studiosè consecrabatur. Sordes etsi odisset maximè , tamen aliquando vincendi sui causâ perferebat libenter: hospes cùm aliquando cubiculum assignatum haberet plenum pulicum gregibus, nihil questus est, sed toto corpore die noctûque compunctus, multos dies toleravit dolorem. Repetebat iterum iterûmque coram nobis, nihil esse tam parvum , quod si DEO offeramus , tantæ Majestati non placeat, imò adeò gaudere DEUM (idque se suo , & multorum experimento didicisse) & gloriosum sibi ducere , si minima in speciem sibi oblata , maximis , & extraordinarijs præmijs prosequatur. Oculos habebat in fræno , nec facilè induci poterat, ut spectacula , ludos , ignes missiles

no-

nocturnos, & pompam bacchantium & personatorum, qui mos est diebus antecineralibus, aliâque hujusmodi ridicula spectaret; imò etiam sacra spectacula, si tantum ad pompam & plausum adornata esse sciebat, fastidiebat, & si fortè præterirent, fenestras claudiebat, *nè si curiositate vincar*, inquit, *deridiculo sim demoni*; cumque nihilominus urgerent socij, & præsentiam Procerum obtenderent, reponebat: se visu debilitatum jam pridem perspicilijs uti, & nolle oculos fatigare, quibus melius uti posset.

VIII. Dixeram antè de duro cubatu, ac cilicij nocturnâ & diurnâ gestatione à Majoribus illi vetitâ; paruit optimus Pater, ut non in totum dimitteret, nec tamen assidue corpus cruciaret. Primò: nunquam cilicio illo horrido & ferreis uncis constante utebatur, cum aliquis labor, aut animi, aut corporis urgeret, sed tum primò adhibebat cilicium, cum laborem finisset. Secundò, ut in itineribus, cum flagris in se sævire non posset, die toto cilicio præcingeretur, quòd tam arctè & altè in corpus descendebat, ut etiam post mensem ciliciorum vestigia apparerent. Verberatio, seu Religiosorum voce *disciplina*, quinquies in die, nullo nè Paschate aut alio solenni die excepto adhibebatur: flagris exercebatur grandibus ac sævis, quæ dolorem vehementem quidem adferrent, vicinis tamen in cubiculis non faciliè possent audiri. Nervi
bourn

boum crudi nec facti, inter cetera sanctæ sævitæ instrumenta reperiabantur, quibus etiam septuagenario major, uti deprehensus est. Prima verberatio quotidiana suscipiebatur pro animabus in Purgatorio; secunda, pro ijs, qui in peccato mortali hærent, & DEUM iratum sibi placare omitterent; tertia pro afflictis, & quacunque seu corporali sive spiritali necessitate pressis; quarta pro incremento S. Ecclesiæ, ut quàm plurimis & maximis sanctimoniâ Viris in omnibus Ordinibus abundaret; quinta pro Benefactoribus nostræ Societatis, & suis: quos inter primo loco ponebat, à quibus afflictus fuisset, aut affligeretur, sive adhuc in vivis essent, sive vitâ defuncti. Quotidiana illa flagellatio integram horam & quartam ejus partem explebat, propterea quod singulis flagellationibus aptas intentionibus supradictis orationes à se compositas recitaret, quæ in multum tempus protraherentur. Die sic pijs pœnis conclusâ noctem auspicabatur, quâ sæpe tenebris horrente loca tristia, & horrorem excitantia adire solebat, naturæ vincendæ causâ, quæ ab ejusmodi locis horridis, & ob tenebras quasi ignoris, mirum in modum abhorret.

IX. Jam ad alteram abnegationis seu mortificationis partem, quæ in passionibus & affectibus dominatur, easque in gyrum rationis flectit, veniamus, quas quidem *Ven. P. Nicolaus* ita habuit in
po-

potestate, continuo sese abnegandi studio, sed longè magis extraordinario, & ut ità dicam, miraculoso divinæ gratiæ munere, ut nunquam, nisi cùm vellet, exurgerent: statim inter initia Religiosi Tyrocinij sui, id DEI beneficio assecutus est, ut nunquam per omnem vitam reliquam inani gloriolâ titillaretur, quod rarissimum est DEI donum, & solis, ut ità dicam, Heroibus Sanctis concedi solet. Cùm naturam vehementem & facilè irritabilem nactus esset, cò lenitatis processit, ut irasci non posset, & cùm necessaria reprehendendi causa (cùm Socijs præesset) occurreret, iram fingere cogeretur; ac jucundum erat spectare Patrem iras colligentem, & vero vultu invehentem, mox ut abiverat reprehensus, ridentem, & placidè nullo relicto iræ vestigio in momento ad colloquij prioris argumentum pertexendum redeuntem; non semel adstantibus amicis & familiaribus dixit: *Nunquid vidistis iræ meæ motus? credite mihi, jam pridem didici oculos fallere & hominum judicijs me exponere propter DEUM. Docuerunt me istud magni Sancti: & quos novi de facie, aut ex eorum calamo, & quorum vitas legi.*

X. Et sanè illud in passionibus, & naturales animi impetus dominium vel in vultu *Ven. P. Nicolai* clucebat: semper enim sibi similis & hilaritatem animi spirans inveniebatur. Scio alienorum dictorum & morum Censores, & qui Sanctimoniam

viræ

vitæ in quadam tristitiâ & morositate, plûs quàm senili repositam putant, vel hinc occasionem carpendi optimum senem sumpsisse, quod in omni colloquio lætus, sæpe etiam, cùm res posceret, rideret; at ille, quod *B. Maria Magdalena de Pazzis* in raptu quodam de *B. Aloysio* dixit, *operabatur ab intus*. Contigit quodam tempore in cœtu Nobilium & Illustriſſimorum Virorum mentionem *P. Nicolai* fieri; continuò unus aliquis ex Nobilibus, qui quid esset Sanctitas nè olfecerat quidem, sublato supercilio & *naso contumeliam spirante*, ut loquitur *D. Gregorius Nazianzenus*, ait: multa & mira sibi de *P. Nicolao* dicta, sed comperisse tandem hominem cæteris similem, ridere, jocos spargere, & semper hilarem esse, quæ sanctimoniam tantam, quanta prædicaretur, non indicarent; aderat huic colloquio *Princeps Lobkovvicius*, vir accerrimi judicij (quem postea *Supremum Aulae Casareæ Præfectum* vidimus) qui Patrem familiarissimè noverat, qui patrocinium assumpsit his verbis: *P. Nicolaus Lancicius nobiscum quidem lætè & familiariter agit; sed dum foris in æstimatione hominum nosſer eſt, ut putamus, interiùs totus eſt DEI, ferturque in DEUM mille intensis affectibus*; hæc de absente *Patre Nicolao Wenceslaus Sagani Dux*, quo suo dicto os calumniatoris occlusit.

XI. Libertatem illam spiritûs, & lætitiâ nullis affectibus perturbatam ipsemet *P. Nicolaus* in
 se

se agnovit : in scripto quod jubente *Adm. R. P. N.* Mutio de se confecit paucis sed penetrantibus verbis expressit : *Mens libera ab annis triginta.* Et in alia Conscientiæ ratione An. 1641. data clariùs : *Ab annis propè quinquaginta à primis motibus ira & aliorum affectuum inordinatorum mens libera, etiam erga eos, à quibus pati contingit, & amor tener erga illos cum ardenti desiderio benefaciendi &c.* Nihil erat tam grave & subitum, vel quod præter spem accideret, quod quietem Patris perturbaret : nullo strepitu, si quis inter sacrificandum aut orandum excitaretur, commoveri poterat ; sæpe in itineribus curru eversus, & grandi impetu in terram datus, nè verbo quidem negligentiam aurigarum incusavit, imò sæpius accidit, ut cùm clepsydræ manu teneret, ità eam in lapsu moderaretur, ut rectam semper teneret, nè arenæ decidentis cursus interciperetur.

XII. Rerum humanarum maximus erat contemptor : in itineribus Germanicis, Italicis, aliarumque terrarum, arces, domos magnificas, regia palatia visebat nunquam, nisi Sociorum charitate adductus ; quod cùm faceret, tam studiosè agebat, ut omnia referret in numerum, ad utilitatem proximi, & DEI gloriam, quo illicio narrationum multos ad se postea attraxit, qui ejus jucundissimo alloquio mirè capiebamur ; at ille noverat ità profana sævitatibus cœlestibus condire, ut semper
me-

meliores, quàm veneramus, discederemus. Redux ab Italia in Patriam, *S. Xaverij* exemplo, proximam domum, quam sibi olim à puero dilecta soror incolebat, præterijt, & quantumvis multum rogatus, non salutavit. Etsi verò tam incuriosus rerum circa se gestarum videretur, tamen in rebus ad Societatem nostram pertinentibus tam erat studiosus, & sagax, & singulari memoriæ firmitate ea impresserat sibi, ut rogatus statim ex tempore responsum daret, præcipuè de *S. Ignatij* gestis, & origine Ordinis nostri. In *S. Fundatore* nostro præcipuè admirabatur in affectus omnes prudentissimum dominium, ex quo nata sit admirabilis *discretio*, quæ *Regina virtutum* meritò appellatur; hanc ille approbabat exemplis, & ad imitationem socijs proponebat, ut omne nimium in affectibus vitarent, sed ratione magistrâ uterentur. Nolo hoc caput jam sat prolixum extendere; legatur excellentissimum ejus opusculum, de indicijs *Profectus spiritualis*, tum alterum illud de passionum dominio; istorum enim librorum in se *Ven. Pater* non adumbratam, sed vivam expressit imaginem.

CAPUT V.

Amor Crucis, & in adversis mirapatientia.

I. Sæpè

I. **S**Æpe mihi in vitam *Ven. P. Nicolai* intuenti magna admiratio oborta est, quam etiam Amicis communicavi: quid tandem esset, quòd Senex optimus de omnibus bene meritus, & mereri studens, Vir moderatissimus & humillimus, qui in conspectu DEI ambularet, qui in aliena consilia & negotia nihil inquireret, qui si quid pateretur, silentio propter DEUM concoqueret, tamen tot & tantis pateret obloctionibus, & quotidie novis ac sibi semper succedentibus adversis peteretur, ut nondum bene curato, quod calumnia fecerat vulnere, novum vulnus acciperet. Imputabant prudentes & Religiosi, & Amici Viri, has esse potissimas causas: quòd Religiosæ disciplinæ minùs observantes, ejus monitis & præsentia graviter se vulnerari sentirent, eoque vidente & præsentè commovere se non auderent; itaque quod fieri natum est, ejus auctoritatem elevarent, quidquid religiosè, piè aut sanctè diceret aut ageret, in deteriore partem traherent, & alijs irridendū propinarent; qua quidem in re *Ven. Pater* benignam obloctionibus aliquando præbebat materiam, cùm Apostolico zelo instinctus, tum in exhortationibus sacris, tum in colloquijs, tum etiam scriptis libris vitia, quæ nunc maximè in orbe vigent, carperet, increparet, & meritas à DEO pœnas comminaretur; quæ cùm audirent, animæ rerum cœlestium inanes, nimiam *Ven. Patris* audaciam,

O

ciam,

ciam, & quasi intempestivam interpretabantur, & damnabant.

II. Altera causa fuit magna *P. Nicolai* cum Proceribus Regni & Principibus, & in Regno Poloniae etiam cum Regibus familiaritas & consuetudo; credebant illi ipsius consilijs Proceres regi, eique eventus sinistros imputabant, ipsum porro Patrem vanitatis & levitatis arguebant, quod vitae privatae tædio speciosas & gloriosas Magnorum Virorum amicitias sectaretur; sed hæc potissimum causa fuit, dum adhuc in Regno Poloniae habitaret, ubi ab Antistitibus Ecclesiarum, Proceribus, & ab ipsis Regibus ferebatur in oculis, at *Ven. Pater* nihil in Aulis nisi DEUM & ejus gloriam spectabat.

III. Tertiam eamque verissimam tot adversitatum causam fuisse existimo, mali dæmonis in, *Ven. Patrem* odium, qui multas ex ejus servitute animas eripuerat, & peccatis exoneratas divinae luci, & Creatoris sui amoris & obsequio restituerat: quod odium dæmonis eò usque processit, ut nè nomen quidem *Lancicij* audire posset; cum verò dæmonis fraudes innumeræ, magnus calumniarum artifex dæmon dictus sit, & *accusator fratrum* (quod nomen sacrae literæ ei dederunt) non possunt ei deesse jacula, quibus vel ex aperto, vel ex occulto vitam hominum incessat, eorum maximè, quos tam pertinaci odio sibi designarit. Assequatur

batur hâc ratione , ut *P. Nicolaus* privatus existimatione, authoritate , careret etiam opportunitate, & facultate animas adjuvandi, ad virtutem, & DEI amorem inflammandi , & quasi exarmatus nihil præclari ad DEI gloriam efficere posset , nisi è contrario Divina Majestas (ut brevè dicemus) & boni Genij quàm plurimas animas ab eo cœlestibus monitis instruendas , quotidie adduxissent. Sciebat illud dæmonis in se odium Pater, refértque *P. Godefridus Schubertus* (in MM. SS. suo) colloquium secum hac de re habitum à Sene: *Audisti'n*, inquiebat, *quam in me tempestatem concitaverit demon? scio ego, quanto in me odio feratur! adeò ut cuidam Moniali Romanæ, quæ ei se tradiderat, serriò prohibuerit, nè nomen meum unquam proferret. Crede mihi, si demon posset, corpus meum in mille partes laceratum, in mille patibulis suspenderet; ego tamen eum ut creaturam DEI, & tanquam meliorem me, sed infeliciorem amarem, & propter DEUM si possem, ipsi benefacerem.* Hæc ille.

IV. Has ego arbitror fuisse causas, quæ tam uberem patiendi segetem *P. Nicolao* præbuerunt, ut L. 1. c. 15. narraveram; at ipse perinde habebat, undecunque cruces provenissent, modò eas obvijs ulnis, ut dicimus, amplecti, aut potiùs amplexari posset. Quâ perpetuâ patiendi consuetudine factum est, ut adversa in solatia transirent, & cùm gravia quæque adversùs se instrui sentiret, to-

to animo atque etiam corpore subsiliret, plausum manibus daret, DEO millies gratias ageret, & sese ad asperiora Christo, quem sic imitabatur, offerret; atrocissimas etiam calumnias *bolum pinguem sine offe* appellans. Aiebat convictum se à DEO, ut libenti animo toleraret adversa, inprimis quòd peccatis suis hæc omnia & plura mereretur; tum quòd nullo indicio certiùs verus DEI amor, quàm adversis ferendis probaretur; deinde quòd æterna præmia, quæ DEUS diligentibus se præparavit, id exigent, ut priùs amara gustarentur. Excitabatur mirum in modum contemplatione dolorum Christi, ex summa paupertate, & rerum omnium indigentia, inter insidias hostium suorum; infinitas calumnias tolerantis, ut etiam à dæmone infessus crederetur, denique morte acerbissimâ ad solatium inimicorum, cælum inter & terram mediùs penderet, & nudus extruderetur è vita.

V. His cogitationibus armatus, sustinebat acerbissima quæque, & qui maximè adversabantur, eos in verorum Amicorum numero computabat. Jam Lib. 1. dixi, ab eo mihi relictam schedulam plenam charitatis affectibus erga Patrem quendam, qui zelo non satè prudenti *Ven. Patris* conatibus prætextu boni communis obsistebat; hunc *P. Nicolaus* velut sui amantissimum venerabatur, commendabat unicè, non simulato & fucato affectu, sed verâ charitate admonebat, si quid ad-

ver-

versus eum moveri sensisset, vias monstrabat, quibus evitaret omnia, & securum se præstaret; quod cum etsi serò, tandem prædictus Pater notâisset, & sincerum erga se *P. Nicolai* animum deprehendisset, admirari primò, tum deinde revocare sententiam, & quæ dixerat sinistrè de *Ven. Patre* palàm & coram omnibus retractare cœpit, cùmque paulò post gravi morbo correptus, ad vitæ finem pervenisset, vocato me intermortuis vocibus hæc ingeminavit: *En morior, mi Magister!* & cùm diu antè sanctitatem *Ven. P. Nicolai* irrisssem, & magnam causam vexationum, & adversitatum ei præbuissem, hoc extremo vitæ articulo DEUS benignus aperuit oculos, ut viderem, quanto apud DEUM in pretio vir ille sit, & quàm vero amore me nihil tale merentem dilexerit; vos proinde, Magister, meas morientis vices agite, cum lacrymis deprecor, quidquid adversus Patrem egi; gratias ago pro tam sincero ejus in me affectu, & animam meam, quæ nunc abit è corpore, illius charitati commendo; ac brevì interjecto tempore piè decessit.

VI. Quod de imitatione Christi dolorum paulò antè dixeram, disertè affirmat *P. Wenceslaus Schvvertfer* (*adhor. ad Christum Crucifixum. c. 15. part. 1.*) cujus opuscula spiritualia vulgata, magno habentur in pretio. *Nicolaus Lancicius*, inquit, *vir eximiâ probitate, ac doctrinâ in spiritu insignis,*

Christi pendentis effigiem ad solis radios erigebat. Cùmque totam radijs solaribus penetratam videret, desiderabat amore Crucifixi crucibus & doloribus in eundem modum penetrari, ut simillimus Christo patienti, quoad internas præsertim afflictiones, evadere posset. Quibusdam deinde jactatus procellis, ad hanc tabulam sese recipiebat, & heroicâ victoriâ scripto ad pedes Crucifixi projecto, protestabatur se omnibus parcere Adversarijs, & rogare à Christo, ut omnes Adversarij sui, magnâ in terris & cælo gloriâ potiantur. Hoc actitantem Senem deprehendit in Domo Professa Pragenſi P. Godefridus Schubertus, quem hoc libro sæpius citavi: Ingressus Senis cubiculum, inquit, video, quòd Crucifixum suum aliàs in Oratorio expositum, in fenestra suspenderit; lucebat autem tum sol serenissimus, ita ut radij latera Crucifixi utrinque illuminarent. Petij, cur Crucifixo novum in fenestra locum designâſſet? vide, respondit, quàm lucidè per orbiculos illuminatos à sole, meus JESUS Crucifixus appareat! mox arrepto ex fenestra Crucifixo ingenti spiritus impetu in medium cubiculi profiliit, clamans: O! quàm vellem sicut in radijs vidisti, ità Crucifixi amorem in meo corde splendescere! Ante hoc Christi Crucifixi signum, idem ultimò nominatus P. Godefridus orationem, quam P. Lancicius ad Crucifixi pedes affixerat & legebat quotidie, dissimulanter descripsit: Domine mi, Pater amantissime, cùm sciam, quòd tu soleas
in

in eos animadvertere, qui affligunt servos tuos: propter infinitam bonitatem tuam, rogo te parce eis, & da illis in hac vita favores, amores & honorem: sinas eos apud omnes felicitate excellere, & copiosissimis tuæ bonitatis thesauris, & gratijs abundare. In me verò converte omnia mala hæc, quæ in eos conferres. Ego solus conculcer, spernar, conspuar, & siam omnium pavimentum, propter quàm maximam cordis tui dulcissimi exhilarationem.

VII. Hoc etiam solenne habebat P. Nicolaus, ut omnes oblocutorum suorum actiones apud se benignè interpretaretur, quin & laudaret, dixitque mihi non semel: agere se DEO gratias, quòd plerique eorum, qui sibi adversarentur, & apud alios famam suam vilifacerent, id sinè offensa DEI (ut ille putabat) præstarent; quippe zelo boni communis, aut alio honesto fine permoti. Audiebat cum summo solatio, quoties oblocutorum suorum aliquis, qui minùs rectè de ejus virtute sentiebant, aliquod honoratum munus, aut gloriosum, lætùmque aliquid consequeretur, & optabat maximè ijs subesse, ut majorem potestatem, virtutem ipsius exercendi & humiliandi haberent.

VIII. Cùm in hanc Provinciam, in qua ignotus erat, in qua sibi multa adversa obventura prævidebat, solo obedientiæ studio proficisceretur, quocunque aspiceret, meras, & innumerabiles

cruces magnas & parvas offerri menti suæ videbat, sic ut expectatione & desiderio tot crucum affligi animo cœperit. *Nesvisij* apud Lithuanos cùm Sacrum Missæ faceret, in Sacello templi nostri Skorulsciano, totum, quantum patebat altare, crucibus distingvi vidit; alio tempore totum Collegij commune hypocaustum, nil nisi crucibus depictis constare, simulque quid ea res significaret, divinitus intellexit, ut nihil eo tempore præter crucem Christi cogitare aut scribere posset. In secreto libello eo tempore hæc annotavit. *Ibis libenter, quò mitteris, quia hæc mutatione Provincia privabis te omnibus consolationibus humanis, quas hic habebas notus domi, & foris, & in honore nimio ac opinione multiplici bona habitus, ibi autem manebis ignotus & inglorius, quod magnum DEI beneficium est. Ibis libenter, quia hæc mutatio faciet, ut in senectute tua, panem (ut dicitur) queras in aliena Provincia, de qua non es bene meritus, uti es de tua, atque ita fiet, ut tua merita humanitus pereant, & quæ inde sequitur gemitudo, & venemtio, & amor, apud tot personas, præsertim Filios tuos spirituales. Ibis libenter, quia hæc mutatio erit occasio multorum discursuum & interpretationum sinistrarum, de causa & modo, quo procurata est, & hæc occasione non addicti letabuntur, & liberiùs carpere poterunt, tum dicta, tum facta, quod etiam magnum DEI beneficium est, & primo majus ac desiderabilius. Ibis libenter*

libenter, & nulli explicabis, quomodo hac res transacta est, nec cruces impedies oblocutionum, nec procurabis ullam tui commendationem à nostris in Provincia, ad quam proficisceris: nec rogabis, ut ad te epistola dentur, ut puteris nullius fuisse apud tuos reputationis, & tanquam è vulgo unus.

IX. Hæc erant cœlestia & prorsus divina Sancti Viri solatia, quæ ita placuisse DEO videntur, ut ejus animam novis ac novis doloribus non cessaret cumulare, eumque ad majores & graviores præparare. Plerumque accidebat, ut imminente aliquâ adversitate significatio præcederet venturæ in bonum senem calamitatis (ea significatio potissimum Missæ tempore, & sub recitatione sacerdotalis officij fiebat) quo nuncio ille recreatus magnificè sese in animo efferebat, & sibi plaudebat; sed ea res etiam vertebatur in dolorem, cùm adversitates differrentur, quarum expectatione non parùm torquebatur, ideoque amantissimus Dominus ita languentem *Nicolaum* immissis de Christi dolore imaginibus recreabat: offerebantur menti mille species crucis, repræsentabatur etiam Christus crucem bajulans, nonnunquam etiam videbat ad sepulchrum vulneribus coopertum deferri, mortuali pallore nostri Servatoris sentiebat vehemens desiderium excitari in se ad commoriendū, ut ei consepultus viveret in perpetuo dolore, quod summam beatitudinem esse existimabat, optassèt.

O s

que

que eas cruces & adversitates etiam in alteram vitam protrahi, & in omnem æternitatem produci; nihil enim pretiosius ducebat, quàm Christum morientem in doloribus, quoquo modo posset, imitari, & exprimere; & videbatur adversitates, quæ Seni obvenerunt, divina providentia Sacerdotio *P. Nicolai* conjunxisse. Nam adversorum significationes, ut dixi, in Sacris contingebant, & ipse *P. Nicolaus* ferebatur, ante Sacerdotium susceptum, omnibus amabilem, & gratum se fuisse; at suscepto Sacerdotio adversis continenter pæne exercitum, nunquam ferè usque ad extremam ætatem vacasse dolore, quod pro beneficio & amore in se Divino accipiebat; nunquam desinens agere gratias, ac si læta & prospera evenissent.

X. In hoc statu cavebat sollicitè, nè coram hominibus quereretur, imò omnia quæcunque dolorem lenire possent, avversabatur, nec quidem ab ipso DEO liberari orabat, solatio indignum se existimans, auxilium tamen & gratiam divinam ad perferenda omnia ardentè implorans. Si quando oratione Sanctorum peteret in virtutibus adjuvari, hoc semper disertè excipiebat, nè sibi dolores, cruces, & adversa minuerentur, sed potius eorum intercessione augerentur, ut quasi adversis immersus, & corpore, animoque contractus, in mærore & desolatione jaceret: *Hoc, agebat, & non aliud Domine, sit condimentum & solatium, crucis, dolorum,*

rum, afflictionum, & angustiarum mearum, novas & majores subire cruces, & nunquam cessantibus afflictionibus, propter te DEUM meum semper abundare. Alio in loco exclamat: Da Domine, ut omnia negativa, & positiva, quæ in mei commendationem, favorem, defensionem adhibebuntur, cedant in mei amaritudinem, summam afflictionem, depressionem, humiliationem, & omnem possibilem contemptum, &c. Hæc ultra ætatis septuagesimum annum quotidie Dominum orabat, & ex suo secretiore libello post Sacrum legebat.

XI. Dicebat: DEO se donâsse vitam suam ad omnia perferenda adversa, ideò sibi retractare non licere, sed in crucibus sibi vivendum, & moriendum; maximèque DEUM precabatur, ut in morte accumularet dolores, angustias, & omnis generis cruces, ut Christo violentè & atrociter è vita sublato conspiceretur. Persuaserat jam pridem sibi, nihil unquam injuriosum accidere sibi posse, omnia esse commeritum, proinde nullos hostes habere, etsi quàm maximè hostilia adversus se molirentur; unde quotidie orare solitus est: *Concede Domine JESU per merita vitæ & passionis tuæ, ut propter te ex corde reputem: omnem contemptum, honores; injurias, favores exquisitos; infamiam, meam famam; convitia, laudes; contumelias, exaltationes; opprobria, beneficentiam; aversiones à meis rebus, & à me, benevolentiam cordialem; affli-*
ctio-

Etiones, & quasvis cruces, jubilos, gaudia, coronas. Hoc meum judicium, hac mea immobilis voluntas. Da ergo occasiones perpetuas, & nunquam deficientem materiam, pro tui amore multa tolerandi. In quodam arcani sui libelli loco sic loquitur: Quemadmodum spina, & aculei res, quibus adherent, uniunt inter se, ita te quoque spina omnium dolorum hujus vitæ unire debent DEO tuo ex amore ejus, te cum maximo doloris sensu pungendo, DEUM verò maximè tuis puncturis, & afflictionibus consolando, sine ulla consolatione, & refrigerio tuo.

XII. In officij divini recitatione, quoties in Psalmis ab adversarijs liberari *Regius Propheta* petit, vel hostibus mala precatur, vel à DEO auxilium contra inimicos implorat, nunquam *P. Nicolaus* hos versus ad eos, quos sibi minùs faventes experiebatur accommodabat, sed vel ad dæmones, qui malis nostris gaudent, vel si ad eos sensus verborum applicari non posset, ad *Ecclesiæ Persecutores* aptabat, nè eorum artes dolosæ, vis, & arma *Sanctæ Ecclesiæ* nocerent, ut humiliarentur, vincerentur, extirparentur; sibi verò (quod toties in die ardentissimè expetebat) cruces multiplicarentur, omnesque minimæ corporis particulæ, sensus, & animæ facultates summis cruciatibus afficerentur, & anima ipsa pertranseunte gladio novo semper cum dolore transverberaretur; essetque memoria Christi in-

star

star sigilli profundissimi, ut in anima sua tanquam in cera molli exprimeret omnes angustias, cruces, & tristitias, quas ipse Dominus à primo suæ Conceptionis instanti expertus est, usque dum moretur in cruce. Hâc ratione lignum crucis, amarum aliàs, *P. Nicolao* dulcescebat.

XIII. Solebat *Confessorum*, qui multa pro DEO passi fuissent, vitam & mortem, *Sanctorum Martyrum* tormentis comparare, imò etiam præferre multis de causis: quòd hæc brevia fuerint, & brevi tempore tolerata, illa verò per omnem vitam extensa; hæc cum gloria, & laudationibus peracta, illa nulli ferè, nisi paucissimis nota, taceantur, & DEO uni sint cognita; ideòque etiam hujus sæculi filij, qui vulnera, & dolores magno animo perferunt, ad verborum aculeos exsurgunt, & implacabiliter per mille pericula vitæ, dolorem suum ulcisci conantur; lingvæ enim gladius acutissimus est, ut *Sancti Patres, Augustinus & Chrysostomus*, notârunt, & quod de divino verbo Sacræ Literæ dicunt, hoc de malevolorum lingvis dici potest, quòd sint *penetrabiliores omni gladio ancipiti, & perveniant usque ad divisionem animæ, ossium & medullarum*.

XIV. At bonus *Pater* omnem vindictæ speciem procul à se etiam cogitatione removerat, nunquam in illorum, qui sinistrè de se sentiebant, & loquebantur, acta inquirens, eosque sinceriores
Ami-

Amicos , quibus secreta sua aperiret , reputans. Quòd si etiam literas , ut aliquando contigit , adversus se scriptas acquireret, summo cum gaudio, postquam multis osculis honorâsset , imponebat capiti, significans, se earum Scriptores diligere , & pro amicis singularibus habere , erâtque axioma ejus spirituale , *isti sunt veri amici , qui nos Christo similes reddunt , & per cruces viam ad cælum faciunt !* aliquando addebat : *ô dulce Crucis lignum ! dulces clavos , dulces calamos , qui falsò & sinè merito nos depingunt.* Nullum mensem abire sinebat , quo divinam hostiam pro adversantium sibi temporali & æterna felicitate DEO non offerret , quòdque notari meretur, quoties in *Missa* pro eis oraret, non illam Orationem, quæ est pro inimicis, recitabat , sed quæ ab *Ecclesia* pro devotis amicis designatur. Ultimò denique cum dilexisset inimicos suos , ex paupertina sua supellæctile moriens , potiorâ munuscula religiosa cum bona *Superiorum* gratia illis legavit, & misit, vero charitatis affectu, à quibus , vel quorum causâ plurimùm pati contingerat.

CAPUT VI.

*Virtutes Theologicæ , ac Fides in
DEUM Ven. P. Lancicij ; mira ejus
pietas in SS. Eucharistiam, ac Sanctos.*

I. Ad

I. **A**D Virtutes *Theologicas* faciamus gradū, primāque occurrit *Fides*, cujus habitum cœlestem tam firmiter *P. Nicolaus* animo suo impressit, ut affirmaret ex quo *Religioni Catholicae* nomen dedit, nunquam se ullâ adversus Fidem cogitatione esse pulsatum. Detestabatur, & deflebat puerilem suam hæresim multis lacrymis, quam ego tamen solū *materialem*, ut dicimus, fuisse semper ex omnibus adjunctis existimavi.

II. DEI Matris (quæ cunctas hæreses interemittit in universo mundo) memoriam dulcissimè & quasi in medullis, ut antè dixi, ferebat, ejusq; honori & amoris duo quotidie rosaria, ut vocamus, dependebat; sed longè teneriori, quò justiori in *SS. Eucharistiam* ferebatur affectu, illâ cogitatione præcipuè, quòd de gloria sua cœlesti in terris multum detrahens *DEI Filius* nobiscum in *Eucharistia* latens, à paucis colatur, ab hæreticis etiam maledictis incessatur; ob eam causam lecto manè exiliens statim versùs *Eucharistiam* genua ponebat, adorans, eamque adorationem in omnia Orbis templa extendebat, maximè in desertas Ecclesias, ubi *Christus in Eucharistia* latens, à paucis vel nullis omnino salutaretur:

III. Quoties *Sacra Eucharistia* particulas populo dividebat, liquescebat animo, multoque ambitu precum apud templi *Custodes* & *Ædituos* im-

pc.

petrare solebat, ut quoties veteribus hostijs, novæ supponendæ essent, quoties major hostia populo adoranda, & in longius etiam tempus (ut in quadraginta horarum precibus, & alijs per annum diebus) solenniter proponeretur, quoties magno numero affluerent communicantes, & hujusmodi curæ *Eucharistica*, ut purgatio sacrorum vasorum, & lotiones purificatoriorum, ut vocamus, expediendæ essent, in eam rem ipsemet *P. Nicolaus* adhiberetur, hos sibi demereri, & devincire studebat. Itaque Sacristarum nutus observabat, qui ei etiam vel cum alijs loquenti signum dabant, cum scirent gratiam se apud *Patrem* inituros, continuoque breviter concluso sermone properabat ad gratissimos labores.

IV. Nondum Sacris initiatus octo diebus sanctam *Eucharistia*, ut ita loquar, famem perferre non poterat, sed minimum semel feriâ quintâ mensam cœlestem accedebat; idque etiam suis in spiritu filijs postea commendabat, omnemque causam captabat cœlesti pane vescendi; cum divino *Missa Sacrificio* nondum Sacerdos adesset, eo se componebat loco, unde Christum sub speciebus latentem semper aspiceret, quo aspectu fatur nihil esse in terra, quod sibi offerri posset, jucundius. Perpetuum hoc erat *P. Nicolao* observare quâ parte cubiculi Dilectus suus in *Eucharistia* moraretur in templo, illuc affectus suos omnes

omnes mittebat, cavebátque sollicitè, nè unquam tergum obverteret; res est modica, sed ad memoriam *SS. Eucharistiæ* stabiliendam perutilis.

V. Erga sacras imagines, quæ nonnunquam in velis & tegumentis sacrorum calicum, & in pallis (usitatâ templorum voce loquor) pinguntur, vel texuntur, mirè afficiebatur; si verò ornamenta altarium ex auro & argento vel aliâ quapiam arte & pretio ornata videret, præ teneritudine affectûs, etiam clamore sublato benedicebat DEO, quòd hanc mentem magnificam Benefactoribus inpirâisset, ut in DEO divites esse vellent, ut Christus ad nos in terras cœlo descendens, digniùs habitaret, proinde lætam æternitatem, ijs qui donaverant, precabatur.

VI. Cùm templa aut altaria, ubi *SS. Eucharistia* asservabatur, præteriret, novis considerationibus excitabat animum, ut fortiùs ipsâ varietate reffectus, Christo Domino inhæreret; jam sibi representans Christum in folio suæ *Majestatis* sedentem, jam velut in *Judea* olim stantem & populum ad se vocantem, jam hunc vel illum sacri *Evangelij* sermonem ad populum proferentem, denique tempori sacro sese accommodans, in Adventu Christum in utero *Virginis Matris*, *Nativitatis* tempore velut in *Præsepi* jacentem & flentem, aliàs verni jejunij tempore in contemptu, dolore, & varijs acerbissimæ *Passionis* mysterijs labo-

P

bo-

borantem, aliàs in cruce pendentem, & latroni veniam dantem, aut *Magdalenam* salutantem, in *Eucharistia* & ipse salutabat; quod cùm aliquando in *Collegio Romano* ante altare ejus *Litanias* cū alijs recitans, cogitaret, subitò commoveri sibi cor affectu in Christum sensit, tam forti, tamque inusitato, ut copioso sudore toto corpore profuso, pro Christi in *Sacramento* præsencia ad mille mores subeundas paratum se offerret. Ut *Hereticos* & à fide nostra alienos non verbis tantum, sed & factis refelleret, illas magis cæremonias usurpabat, iisque teneriùs afficiebatur, quæ ab illis maximè ridentur; hinc *Octavam Corporis Christi* totam quàm maximè publico cultu, & gloriâ per urbem instaurari gestiebat, & quidquid celebritatis addi poterat, studiosè excogitabat.

VII. Totus ardere videbatur, quoties de pertinacia *Hereticorum* in erroribus suis tuendis mentio fieret: eam ob causam à prima ætate sui in *Societatem* ingressûs, divinam scripturam, & in eam *Commentarios Doctorum Virorum* volvebat assidue eo fine, ut ad confutandos *Hereticos* accederet paratior. Et verò aliquot *Commentarios* controversiarum fidei potentissimis pro Religione nostra argumentis refertissimos conscripsit, quorum aliqui ex ijs Libris lucem aspexerunt, ut Lib. 1. narravi, ac utile sanè foret, & gloriosum reliquos etiam, *Controversiarum Libros* vulgare, si ab ijs, qui servant,

vant, proferrentur. Simili affectu in eos Doctores ferebatur, qui impia *Hæreticorum* dogmata refutâssent; benedicebat, si viverent, absentibus; si jam obiissent, gratias pro causa Domini sui & *Ecclesiæ* suæ sponſæ strenuè defensa agebat, & si quod novum argumentum, aut lumen, ex eorum libris hausisset, mirâ perfusus voluptate, iterum, iterumque gratias repetebat.

VIII. Aquæ lustralis usum frequentissimum habuit, & quoties intraret aut exiret cubiculo, addito pio aliquo affectu aspergebat frontem, utebatur autem aquâ à se benedictâ, & multis *Ecclesiæ* orationibus præconsecratâ; quam ejus in res, ut vocant, *Sacramentales*, pietatem multis curationibus, & alijs miris eventis placere sibi *Divinitas* ostendit, ut L. 3. commemorabitur.

IX. Qui rebus *Sacramentalibus* & cæremonijs *Ecclesiæ* tam piè deditus erat, de eo facilè est conjicere, quanto affectu ipsa cœlestia *Sacramenta* tractare sit solitus: *Missæ Sacrificium* cùm adesset frequens populus, nè cui molestiam pareret, non longiùs multò quàm mediæ horæ spacio, legebatur; at ubi se non observari sentiebat, & pauci Sacro interessent, horæ spatium explebat, ac imitatione, *Sancti Philippi Nerij*, & hostiam crassiorẽ, & vini consecrandi amplius aliquid in calicem affundebat, ut eâ ratione Christum Dominum apud se hospitem diutiùs haberet, & cum eo deliciaretur.

X. Diebus solennioribus per annum majori præparatione animi accedebat ad Sacra, fiebátque sæpius, ut cœlestibus in *Sacramento* pastus delicijs, omnes cibos terrestres fastidiret, & de sancta Christi carne cogitans cibos appositos ægrè posset aspicere.

XI. Secundùm Christi humanitatem *B. Virginem*, & eos, quos nuper nominaveram Sanctos colebat affectu tenerrimo, imò & omnes cœli Civés sæpius in die honorabat, & in eorum numerum adscribi anhelabat, ad omnem horologii pulsum, præter usitatas sibi jaculatorias orationes adjiciens: *Omnes Sancti & Sancta DEI intercedite pro nobis*. Romæ dum degeret, ea potissimùm templa supplicaturus adibat, quæ deferi vel minùs coli putabat, ut eâ ratione neglectum illum honoris debiti Sanctis quodammodo compensaret, multas ibi variâsque illorum Sanctorum ope gratias cœlestes impetrabat.

XII. Cùm aliquando, *Socio Tarquinio Galluccio*, in *S. Clementis* templum descendisset, & ad ejusdem, & *S. Ignatij Martyris* sepulchra oraret, miram quandam imaginem imprimi animo suo sensit, quâ vivacissimè momentò Sanctorum veterum vita repræsentabatur, maximè *S. Antonij Abbatis*, simulque cœleste quoddam lumen de austeritate vitæ Sanctorum, & mundi totius contemptu oblatum est; quâ ille imagine oblatâ, hu-
mana

mana omnia sibi vilescere sensit, & vehementer ad perfectionem virtutum accendi. Alterâ mox die cùm in *S. Apollinaris* templo oraret, exortâ repente cœlesti luce, oblata est ei clarissima visio de perfectione & vita sancta plurimorum è *Societate*, simulque accepit *Divina Majestatis* consilium esse, ut *Societatis* *JESU Sanctitas* ignota vulgo esset, & à paucis intelligeretur; fore autem, ut in *Supremo Judicij Die*, gloriosissimam, & DEO charam *Societatem* fuisse mundo ostendat DEUS, ut confundantur, qui eam persecuti sunt, & secundum humanum diem sinistrè ejus labores judicabant.

XIII. Gaudebat maximè, si ex nostro & proximo nobis sæculo autoritate *Ecclesie Beatissimæ cæli Civibus* adscripti cultui publico exponerentur: horum pauculas imagines in Officij Divini libro varijs locis interponebat; sive ut eorum imitatione accenderetur pietas, cùm similes nobis, & ex nobis tam fideliter Domino suo servierint; sive in contemptum hodiernorum *Hæreticorum*, qui impiè hujus sæculi virtutes in Catholicis irrident; sive ut *Sanctitatem Ecclesie* ad nos usque deductam ostenderet; sive quòd gauderet inter corruptissimos nostri sæculi mores extitisse tamen, qui virtutum suarum fragrantia & venustate divinos oculos & *Sanctorum* cœlitum recrearet, ut Sacrarum Literarum phrasi dici posset, *odoratúsque Dominus, odorem suavissimum, & pepercit populo suo.*

XIV. *Initio Euangelij*, cùm *Missam* faceret, sollicitè notabat, utrùm primis versibus *SS. Nomen JESU* contineretur (quod in *Euangelijs* sæpe accidit : *Dixit JESUS discipulis*, &c.) tum illud nomen osculabatur, quod in sacris ritibus præcipitur, addens interiorē affectum se credere verba illa esse *JESU*, quæ exprimere vivendo percuperet ; quod si constructio verborum duplex esset, posterius verbum potiùs osculabatur, quòd illud & non prius sensum perficeret, perfectamque dulcissimi ac venerandi nominis significationem exhiberet. *Patenam*, quam dicunt, Sacrum faciens, ità semper habebat dispositam, ut *Sanctissimum JESU Nomen*, aut figura *Christi*, prout ab *Artificibus* solet apponi, v. g. *Agni*, *Pellicani* &c. digniore loco spectaretur, & in oculos incurreret ; unde in Sene varij exoriebantur affectus. Idem sedulò observabat, in orbibus, quos in mensa adhibemus, monebátque nos, quod meminì, rem esse parvam, sed DEO mirè placere desiderium, ejus nomen etiam inter mensas, vel sic exaltandi & glorificandi.

CAPUT VII.

Spes & fiducia in DEUM.

- I. **H**Æc spei & fiduciæ in DEUM anchora, quâ unicè pendemus ex Cælo, sic animum *Patris Nicolai* occupavit & in sub-

sublime evexit, ut cum *D. Paulo* gloriari posset: *Scio, cui credidi, & quia depositum meum servabit.* Nam licet sub initia sui in *Societatem* ingressus multum angeretur, & iudiciorum DEI abyssum secum reputans, vehementer percelleretur; tamen ut primum Sacerdotio initiatus est, omnem illum timorem abstergi ex animo suo sensit, & in ejus locum succedere solidam spem, & fiduciam in DEUM, ut securè ad *Patriam* cœlestem anhelaret in posterum, nihilque mortem expavesceret, neq; si ægrotaret, prorogari vitam peteret à DEO, nisi ea vitæ prorogatio cum majore DEI gloria jungeretur.

II. Ajebat Viros Religiosos ex præscripto Regularum suarum viventes, injuriam videri DEO facere, cum tam anxie novissima vitæ pertimescunt, cum tam clara & liquida promissio à Christo facta sit, (Matth. 19. v. 29.) *centuplum accipient, & vitam æternam possidebunt.* Hanc esse promissionem certiore, quàm ulla humana legata divitum, quæ sæpe evertuntur; certiore, quàm omnes Regum pollicitationes, quàm omnes *Angelorum* apparitiones, cum DEUS Sacris Literis verbo suo divino, nos securos de æterna vita reddiderit.

III. Neque solum æternam beatitudinem *Ven. Pater* spe præceperat, sed etiam DEI auxilijs, sinè quibus conatus nostri omnes sunt irriti, sperabat

XIV. *Initio Euangelij*, cùm *Missam* faceret, sollicitè notabat, utrùm primis versibus *SS. Nomen JESU* contineretur (quod in *Euangelijs* sæpe accidit : *Dixit JESUS discipulis, &c.*) tum illud nomen osculabatur, quod in sacris ritibus præcipitur, addens interiorem affectum se credere verba illa esse *JESU*, quæ exprimere vivendo percuperet ; quod si constructio verborum duplex esset, posterius verbum potiùs osculabatur, quòd illud & non prius sensum perficeret, perfectamque dulcissimi ac venerandi nominis significationem exhiberet. *Patenam*, quam dicunt, Sacrum faciens, ità semper habebat dispositam, ut *Sanctissimum JESU Nomen*, aut figura *Christi*, prout ab *Artificibus* solet apponi, v. g. *Agni*, *Pellicani* &c. digniore loco spectaretur, & in oculos incurreret ; unde in Sene varij exoriebantur affectus. Idem sedulò observabat, in orbibus, quos in mensa adhibemus, monebátque nos, quod memini, rem esse parvam, sed DEO mirè placere desiderium, ejus nomen etiam inter mensas, vel sic exaltandi & glorificandi.

CAPUT VII.

Spes & fiducia in DEUM.

- I. **H**Æc spei & fiduciæ in DEUM anchora, quâ unicè pendemus ex Cælo, sic animum *Patris Nicolai* occupavit & in sub-

sublime evexit, ut cum *D. Paulo* gloriari posset: *Scio, cui credidi, & quia depositum meum servabit.* Nam licet sub initia sui in *Societatem* ingressus multum angeretur, & judiciorum DEI abyssum secum reputans, vehementer percelleretur; tamen ut primum Sacerdotio initiatus est, omnem illum timorem abstergi ex animo suo sensit, & in ejus locum succedere solidam spem, & fiduciam in DEUM, ut securè ad *Patriam* cœlestem anhelaret in posterum, nihilque mortem expavesceret, neq; si ægrotaret, prorogari vitam peteret à DEO, nisi ea vitæ prorogatio cum majore DEI gloria jungeretur.

II. Ajebat Viros Religiosos ex præscripto Regularum suarum viventes, injuriam videri DEO facere, cum tam anxie novissima vitæ pertimescunt, cum tam clara & liquida promissio à Christo facta sit, (Matth. 19. v. 29.) *centuplum accipient, & vitam æternam possidebunt.* Hanc esse promissionem certiolem, quàm ulla humana legata divitum, quæ sæpe evertuntur; certiolem, quàm omnes Regum pollicitationes, quàm omnes *Angelorum* apparitiones, cum DEUS Sacris Literis verbo suo divino, nos securos de æterna vita reddiderit.

III. Neque solùm æternam beatitudinem *Ven. Pater* spe præceperat, sed etiam DEI auxilijs, sinè quibus conatus nostri omnes sunt irriti, sperabat

finè pœnis *Purgatorij* post mortem evasurum in cœlum; spei hujus fundamenta super potentiam ac misericordiam DEI, super merita Christi, *DEI Parentis Virginis*, aliorumque Sanctorum jactabat, & quia sperantibus in se bonus est DEUS: licet ipse humilitate profundissimâ sese abjiceret, & sibi tanquam vas perditum factus esset.

IV. Cùm verò cogitaret difficilem esse in cœlum, & paucis concessum sinè expiatorio igne accessum, quoties nævum aliquem ex fragilitate humana, adhærescere sibi sentiret, totum se dabat dolori & lacrymis, ut ejusmodi macula protinùs deleretur, hanc precationem ad horæ cujusvis sonum inter alios sibi usitatos affectus usurpans: *ex-purga nos omnipotens, & misericors DEUS, à quavis culpa, pœna, & reliquijs peccati, qua detestor super omnia mala, propter te DEUM meum summè dilectum.*

V. Cùm aliquando dixisset subitanæ mortem sibi minimè timendam videri, & contrà adferret aliquis *Ecclesiæ* sensum contrarium esse, quæ DEUM precatur, ut à *subitanea & improvisa morte* nos liberet, respondit *P. Nicolaus* sibi non posse mortem subitanæ, & improvise evenire, cùm in horas singulas se ad eam compararet, & omnia quæ formidabilem illam reddere possent, omni studio removeret.

VI. Nihil tam arduum & difficile *Patri* videba-

batur, quod non magno & intrepido animo aggrederetur, & duabus alis sublevare se, & robur addi dicebat, easque alas esse *obedientia imperium, & spem ac fiduciam in DEUM*. Difficultate in negotijs repertâ, quæ humanâ industriâ superari videbatur non posse, contra omnium opinionem gaudebat, & spem sibi augeri dicebat, quòd totum negotium ad DEUM esset devolutum, qui & vellet (*Majorum* enim imperia pro divinis habebat) & posset unus efficere; itaque certus quodammodo de auxilio DEI nihil sibi reliquum esse putabat, quàm orare DEUM, & cœleste auxilium expectare. Inter negotia gravissima fuit An. Dom. 1608. cùm exortis inter *Academiâ Vilnensem* nostram & *Schismaticos Rutbenos* pertinacissimis dissidijs, isti *Academicos* nostros contra omnia *Academiarum Jura, ac Privilegia, ad Judicia*, quæ vocantur *Tribunalitia*, provocârunt. Sedebant in his *Judicijs* 27. *Judices Hæretici*, nec dubia erat, *Hæreticorum* victoria; si resisterent Nostri, vis ac tumultus timebatur; quòd si etiam *Privilegia Academia*, secundum nos, *Judices* interpretarentur, tamen præjudiciosum & mali exempli erat futuris temporibus, *Academiâ Tribunalibus Externorum* subicere. Huic negotio tam arduo tractando *Majores* nostri *P. Nicolam* constituerunt, juvenem adhuc & nuper *Româ* reducem, & ut videri poterat, talium rerum inexpertum; is tanquam

sibi commissum à DEO negotium, intrepidus aggre-
ditur; cùm ecce per quietem *Edmundus Campianus*, aspectabilem se *P. Nicolao* præbet, & illa-
to de *Academiæ* negotijs sermone, securam & cer-
tam *P. Nicolao* victoriam promittit, quam ille,
multa cum reverentiæ & gratiarum significatione
accepit. Veritatem dicti exitus comprobavit; glo-
riosâ victoriâ de *Schismaticis* reportatâ.

VII. Huic non absimile est, quod Romæ sub
Clemente VIII. evenit *P. Nicolao*: ardebat ille, &
incitari se mirum in modum sentiebat, ut *B. Sta-*
nislai Koskæ imaginem publico cultui exponeret.
En tibi divinum auxilium! *Christus DEI Filius* o-
ranti *P. Nicolao*, & causam hanc, quam ei potis-
simùm commendaverat, iterum offerenti, se vi-
dendum præbet, & hilari vultu palàm apparens,
protensâ dextrâ manu candidum folium dimittit,
in quo pulcherrimo caractere scripta hæc verba
legebantur: *fiet tibi, sicut vis*; relictâ in animo *Pa-*
tris Nicolai ingenti certitudine felicitis eventûs,
quod multis ante factum hebdomadis *Simoni Je-*
nerio aperuit *Nicolaus*, impetratùmque est apud
Clementem VIII. An. 1605. die 14. Augusti inter-
veniente *Ducisâ Sforcianâ*; quo ipso die tantis læ-
titijs incedebat Pater, nihil adhuc de concessione
Pontificis sciens, ut sese vix caperet, donec causam
ad finem deductam cognovisset.

VIII. Mirius, & insolitum magis est, quod se-
qui-

quitur : quod *Cracovia* degenti *Patri*, & in negotio difficili coram Crucifixo oranti contigit, quod in Lib. 3. differimus. In necessitatibus *Collegiorum* cùm rei familiaris angustia premeretur, & *Reſtoris* munus gereret, solâ oratione frequenti & fiduciâ in DEUM repositâ *Collegium* sustentabat, impetratis pecuniarum summis, & in arca vel pluteo reſpertis, quod ei sæpius evenisse suo loco commemorabitur. Expertus ergo DEUM sperantibus in se beneficium, & ad miraculum liberalem, non cessabat commendare spem & fiduciam in DEUM; DEUM in Sacris Literis apertè promississe, non deserturum eos, qui in se speraverint.

IX. Oderat maximè eos, qui parsimoniæ nescio quo colore, veriùs tenacitatis & avaritiæ vitio, res ad victum *Collegij* necessarias, vel reſervant, vel malignè dispensant, vel corrumpi sinunt; sperarent saltèm, si ipsi digni non essent, quos DEUS pasceret, reliquos filios DEI ejus servitio & amorì vitam suam omnem consecrantes, non permissurum necessarijs auxilijs destitui. Evenit aliquando, ut initio Quadragesimalis jejuniij *Celsissimus Princeps Wenceslaus de Lobkornicz Sagani Dux*, magnum numerum lectissimorum carpiorum in Domicilio quodam *Societatis* degenti *Patri Nicolao*, cum quo sincera ei familiaritas intercedebat, mitteret; jam tertiâ septimanâ jejuniij nullus carpio comparebat in mensa, accesseram.

ego

ego *P. Nicolaum*, pro more ex altero quodam *Societatis* in eadem Urbe domicilio; dum familiariter loquimur, Senex, qui multa communicare mecum solebat, non conquerendo, sed rem candidè narrando, ait, sibi missos esse pisces, & jam tanto tempore ad mensam Nostrorum non venire: saltem tenendam esse consuetudinem primævæ sub *S. Fundatore Societatis*, ut cùm uni Nostrorum aliquid esculenti mittitur, quod in omnes sufficere possit, ei separatim, cui missum est, quasi grati animi causâ major aliqua, vel melior ejus esculenti portio mittatur; hoc se ex *P. Consatui Diario*, *Ministro Domûs sub S. Ignatio* didicisse, & exempla plurima hujus *S. Ignatij* charitatis in suos extare. Tum subjecit *P. Nicolaus*: crede mihi charissime, ob eam tenacitatem hos carpiones non comedemus. Dictum factum: eâdem vel sequenti nocte excrevit aquis *Muldava*, tantoque impetu in cistam piscariam nostram irruit, ut omnes catenas ferreas, quibus ripæ alligabatur, abruperit, secumque cistam ferens, & in obvia quæque impingens, totam confregerit, & pisces liberos in *Alveum* fluminis effuderit. Hoc idem œconomix *Domûs Curatores*, & Pater cùm ad eum iteratò venissem, narrârunt; addens justam banc esse penam, simulque monuit: ut si quando Nostris alendis præessem, DEI liberalitatem ac bonitatem cogitarem; esse illum amantissimum Patrem nostrum, & benigniorem, quam

quàm vel cogitando assequi possimus, magis illos juvare, qui magis sperant, & hanc semper fuisse magnorum Sanctorum in DEUM spem & fiduciam; tum Pater innumeris SS. Virorum exemplis allatis, quod dixerat, comprobavit.

X. Inter immutabiles vivendi leges hanc sibi etiam præfixerat: Cum fide divinâ credas DEUM in dictis suis veracem; ostende practicè tuis factis te id credere, & in simplicitate cordis omnia difficilia, sine examine sententia accepta. Ex. gr. DEUS dixit, diligentibus DEUM omnia cooperantur in bonum. Ideo nè formides, dum adversitates ingruunt, proderunt, non nocebunt, & si videbuntur mundi iudicio nocere, hoc nocumentum pro DEO toleratum, majus est mundanâ omni utilitate. Dixit DEUS: petite & accipietis; pete, & certò expecta Sanctitatem vitæ, quam etiam à tam multis annis quotidie petis. DEUS dixit: qui miseretur pauperis, feneratur Domino. Ideo sis liberalis dum potes erga pauperes, certò nihil perdes, sed lucraberis etiam temporalis.

XI. His principijs nitebatur Ven. Pater, addebat nullam aliam esse causam, quod in certis Provincijs tanta esset paucitas SS. Virorum, quàm quòd nescirent de DEO in bonitate sentire, sed ordinario vivendi modo contenti, nihil sublime in virtute peterent à DEO, qui paratior est dare, quàm nos accipere, unde frigida quædam fiducia

ex-

excitetur in illis, & speculativè magis, ut ità dicam, quàm practicè in DEI manus, quæ plenissimæ sunt divitijs, & beneficijs cœlestibus, sese projiciant, cum quadam divinæ liberalitatis in homines infamia, & cum suo incredibilei damno; quia DEUS ejusmodi hominum parvæ fidei, & fiduciæ sese in donis accommodat; idque dicebat, maxime apparere in ijs, qui rebus temporalibus præsumunt, qui horrea & cellaria, non DEI in suos servos ac filios providentiam spectant, toties *Euangelij* oraculo pronissam, & tot exemplis comprobata. Verbo hoc Caput absolvam: omnia quæcunque per *P. Nicolaum* patravit DEUS, fiduciæ in DEUM sunt præcipuè adscribenda, qui tantâ firmitate animi fidebat DEO, ut in necessitatibus suis certus sibi videretur, conjectis in ejus bonitatem oculis, DEI auxilium non defuturum, quo affectu permunitus, omnia difficilia & ardua facili negotio superabat.

CAPUT VIII.

Amor erga DEUM.

I. **C**ùm *Ven. P. Nicolaus* toties de perfectionibus divinis meditando sublimissimam de infinita *Majestate DEI Ideam*, & de infinita ejus bonitate & suavitate impressam circumferret animo, eamque gratiam, ut *Lib. 1. narravi*,
di-

divinitus accepisset, ut vigilans, à DEI præsentia, & ejus memoria separari vix posset, quid aliud ad tanti DEI præsentiam & memoriam agere posset, quàm eum amare, & laudare, & in eo colendo mille affectibus occupari? Hoc illis, qui ei Conscientiam aperuerant suam, & ejus consilijs in spiritali vita regebantur, commendabat sæpissimè, ut *divitiis bonis, & DEI infinitas*, & infinitam ejus ad effundenda in nos cœlestia sua beneficia propensionem cogitarent, & de DEO in bonitate sentirent. Mihi facilè centies, & scripsit in literis, & dixit sententiam illam scripturæ: *Diligentibus DEUM omnia cooperantur in bonum*; hoc uno cœlesti oraculo, omnes adversitates (quas prædicebat magnas & multas) facili negotio me superaturum.

II. Mirabatur sæpius, & quodammodo conquerebatur coram nobis, quòd *Sacri Concionatores* toties terribilem in pœnis DEUM, & iram ejus æternam, & alia quæ peccatoribus irrogare solet divina *Justitia*, toties describerent, & inculcarent; bonum & potens hoc esse ad peccatoris conversionem argumentum; at ferè nunquam de amabilitate DEI, & bonitate, liberalitate, misericordia, & cæteris virtutibus, quæ miserijs hominum occurrere solent, verba facere, id verò intolerabile sibi videri: monebátque nos, ut si quando prædicationis officium imponeretur, in promptu habeamus,

mus,

mus, quæ ad populum de bonitate DEI, & divinis, ut modò dicebam, virtutibus commendandis valerent.

III. Quod ad *P. Nicolaum* attinet, sciebat ille *amorem, non tam in verbis, quàm in operibus consistere; & amorem magnum magnâ operari*, juxta *D. Gregorium*, ideóque ante omnia (ordo enim ubique tenendus est, quem sapientes animam disciplinæ, nos autem animam spiritualis vitæ dicere possumus) ante omnia inquam, à peccatis & virijs omnibus magnis & parvis Conscientiam perpur-gare, & in futurum tempus, nè in eadem recideret, magno studio providere studuit: præterita pænis spontè susceptis (quarum mentionem superius fecimus) delevit, alijsque modis & actibus, qui à *Theologis* pœnitentiæ comites habentur, futura præcavit auxiliorum divinatorum in horas singulas invocatione: in qua Conscientiæ puritate, & nitore servando, tantùm profecit, ut Majoribus conscijs, & de ejus virtute nihil dubitantibus, votum ediderit, nè veniali quidem culpâ deliberatè DEUM offendendi, quod sanctissimè & inviolatè usque ad mortem servavit. Quod illam ab omni deliberata culpa vacantiam attinet, ipsum habeo testem *P. Nicolaum*, qui in epistola quadam valedictoria, quam ad filios suos spirituales, cùm se jamjam moriturum putaret, dedit: *Morior latus, quia omni conatu animæ meæ in Societate hætenus studui,*

studui, cor meum, propter DEUM ab omni peccato veniali mundum conservare. Et adfuit mihi gratia Domini DEI mei à multis annis, quæ reverà ità custodivit animam meam, ut per hos omnes annos meos rarissimè per totum annum laberetur, in aliquod peccatum veniale, ex meritorum Domini nostri JESU Christi beneficio singulari. Unde ea, quæ ad humilitatem permittebat DEUS, poterant ab alijs notari tanquam peccata, sed vel verè peccata non erant, vel tantùm materialia, & ex natura impetu commissa. Quæ autem confitebar, erant ut plurimum ex vita mea præterita, ad dandam materiam absolutionis. In Novitiatu meo, & postea hac sola erat mea difficultas spiritualis in terra affligens cor meum, quòd non invenerim peccata ad confitendum. Interrogatus igitur à quodam ex Nostreis Pragæ An. 1641. 12. Junij, qua de re se in Confessione accusaret? respondit Senex: se jam ab annis plurimis nullà peccata mentalia confiteri: Quia, inquit, nihil unquam aliud quàm DEUM, vel propter DEUM cogito. Urgebat alter: negligentias saltèm in oratione admissas accusaret; nullas, respondit, invenio, quid ergo confitebor, nisi juventutis peccata?

IV. Hoc mirum in Patre; ejus animam & corpus tot & tam diversis virtutum actibus semper suffecisse, & nunquam tam intensis rebus facultates animæ & corporis oblâsas fuisse. Vidi illum sæpius ignescentem divinis affectibus, & ardente

Q

toto

toto vultu flammam quasi spirantem, & præ vehementia amoris vix vocem in verba formantem. (quod ei plerumque sacrificanti accidebat) & tamen non fatigabatur amore, imò si negotijs alijs, v. g. scribendarum ad diversos literarum, opusculorum spiritualium, aut Exhortationum sacrarum labore lassus respirare cogeretur, ad DEUM, & ad divinos affectus conversus capiebat quietem, & vires restaurabat; & tum sæpius, cum se observari & audiri à nemine putaret, in altas voces ac suspiria amore DEI æstuans erumpebat; at ubi se respiciebat, aut observatum se intelligebat, erubescibat nimirum, & quasi rem indecentem admisisset, pudore afficiebatur: recitabo hoc loco plagulam ex MM. SS. P. Godefridi Schuberti, qui ferè assiduus hærebat apud Senem: cum DEO agens (scilicet P. Nicolaus) toto vultu rubebat, quandoque post continuatum de DEO colloquium ità exstibat, ut solus relictus, vestem à pectore deducere, & portam ac fenestras etiam hyemis tempore aperire, aliàs pannos frigidâ madentes applicare pectori cogeretur. Dicere solebat quibusdam socijs suis, quos in spiritu excolebat: *Impossibile est, ut amplius tolerem ardores istos! sentio totum sanguinem in venis ebullire, tantâque cordis exuberantibus angustias, ut non possim vobis loqui!* atque ità non rarò cogeatur lecto se superinijicere, & spiritum, velut anhelantes solent, colligere, quem sz-

per

pe per quadrantis horæ spatium & ampliùs non inveniebat.

V. Nulla erat tam laboriosa & ardua functio & occupatio, quæ eum à memoria DEI avellere, posset; dum Confessiones pœnitentium exciperet, preces simul persolvebat orando; sic divinam bonitatem offensam magis placare studens, neque alterum alteri obstare affirmabat.

VI. Supra 30. ampliùs annos nullas de rebus spiritalibus ariditates, aut desolationes, ut vocant, passus: nunquam tamen sua solatia amavit, aut de ijs gavisus est, sed quidquid evenisset, referebat in DEUM, ad cuius gustum augendũ (quem finem divini gustûs sibi præfigebat, & frequentissimè repetebat) quotidie manè surgens ardentissimè petebat, ut Divina Majestas animam suam omnibus ijs impleret virtutibus, & auxilijs divinis in ea copia & mensura, quæ esset proportionata, & responderet divinæ perfectioni, amoris, & potentiae ac meritis Christi, quantum scilicet humana imbecillitas sineret. Id eò petebat instantiùs, quòd aliquando illa verba in Missa legens: *Ut quotquot ex hac altaris participatione Sacro-sanctum Filij tui corpus & sanguinem sumpserimus, omni benedictione caelesti & gratiâ repleamur*, intellexerit divino lumine illustratus, divino gustui maximè conforme & gratum esse, si servi DEI ad maximam perfectionem anhelent, & non quancun-

que, sed omnem in se benedictionem recipiant: rursumque novo lumine superveniente, hoc ex ea causa fieri didicit, quòd essent membra Christi, ac proinde debere esse similes & maximè proportionatos & propinquos tam sancto & excellenti capiti suo Christo.

VII. Audivimus nonnunquam, cùm diceret pœnas Purgatorij, quamvis acerbissimæ sint, tamen acerbiores & majores ob id sibi videri, quòd occasionem præbeant hostibus DEI malis dæmonibus insultandi, quòd DEO negligenter ab hominibus serviatur. Ipse igitur quamvis ad omnia suppliciorum genera se offerret, tamen nè dæmonibus triumphi alicujus causam præberet, totum se ad pœnas peccatorum abolendas pœnis sponte susceptis convertit, interim non recusans supplicia alterius vitæ, modò id non fieret ex debito ob peccata contracto, sed ex propria electione, & divinæ gloriæ incremento & gustu ipsius DEI; de quo, cùm eum procuratum esse ab aliquo servo DEI heroico virtutis actu, audiret vel legeret, summâ voluptate efferebatur, & omnia humana, quæ nos oblectant gaudia, huic uni cogitationi, quòd DEUS inde gustum percepisset, postponerebat.

VIII. Intimè afficiebatur Sanctis illis, qui vel nunquam graviter offendissent DEUM, vel heroico aliquo & difficili facto DEUM honorassent, & ejus amantissimum cor recreassent, ut ex veteri
Lege

Lege *Josephum de lascivia triumphantem*; *Susannam* mori, quàm peccare in conspectu Domini eligentem, *Tobiam hædum* nè furtivus esset, reddi jubentem, *Latronem bonum* inter tot maledicta, *Principum Synagoga*, & socij sui convitia, Christi innocentiam defendentem; horum & similium, facta sinè lacrymis & gemitibus, quas gaudium cœleste proliciebat, nunquam audire & cogitare potuit, gratias illis agendo, quòd se tam fideles Domino suo servos probâssent, exoptando, ut plures ejusmodi *Heroës Sancti* existant, & alios congruos affectus eliciendo.

IX. Ex hoc inflammato divinæ charitatis affectu oriebatur, ut quoties de glorificando DEO, & de ejus augenda gloria aliquid audiret, totus extra se rapi & ignescere videretur; ut v. g. in Missa ad illa verba: *Pleni sunt cœli & terra gloriâ tuâ: & Regni ejus non erit finis*, aliâque his similia, cùm creaturæ ad DEUM laudandum invitantur, quæ ità legebat, ut ex ipsa vocis pronuntiatione, vehementia affectus facile notaretur; Idem accidebat *P. Nicolao*, cùm videret dilectum suum honorari: & ex minimis hisce in speciem rebus mirifica capiebat solatia, ut cùm Musici in templo compararent se cum quadam alacritate ad DEI laudes canendas, cùm ad supplicationis celebritatem *die SS. Corporis Christi* augendam multos huc atque illuc discurrentes, ac rerum satagentes videret,

cùm *cerea lumina* distribui, & cupidè rapi ac gestari observaret, cùm *Ministri Sacrorum* de Missali & sacris ferendis facibus, & alio apparatu Sacrorum gestando certarent, cùm pluribus *campanis* ad *Ecclesiam Fideles* advocarentur &c. tum totus hilarescebat, & in amorem dilecti rapiebatur, cum ingenti animæ solatio: quòd adhuc superessent, qui in tanta mundi perversitate divinæ gloriæ propagandæ studio tenerentur, optabátque, ut quod olim Judæi invidiâ tabescentes de Christo jactabant, re verâ fieret: *Ecce totus mundus post eum abiit*, tantòque tum gaudio diffluebat, ut omnis amaritudo afflictionum, & mundi in *maligno positi* evanesceret, imò dulcesceret, aiebátque: si tria illa Beatarum Mentium privilegia, nunquam peccare, affectus elicere supernaturales erga DEUM intensiori habitu respondentes, & ut in Scholis vocant, *adequatos*, tum illud tertium, continenter & nunquam interruptè ex toto corde, è tota mente, omnibus viribus DEUM amare, si inquam, hæc tria concederentur, consolationes, quibus abundabat, beatitudini cuidam plùs quàm humanæ, suffecturas.

X. Eam ob causam sæpe alloquebatur seipsum in hunc modum: *quantâ abundantia gaudiorum Sancti illi in Cælo, qui clarè DEUM intuentur, circumflunt, quando tu in hac miseriarum, & lacrymarum valle peccatorum omnium vilissimus, tanta*
di-

divina dulcedinis copiâ, & ipso fonte potaris? cum velut quotidiano pane Christi corpore & sanguine vesceris? cum sinè omni tua preparatione & nullis meditationum conatibus præmissis, celestibus delicijs satiariis, ut vix sinè risu, & interiore animi jubilo homines aspicere, nè dum affari possis? quanto gaudio replentur corda justorum DEO totâ mente servientium, cum tu canis fatidus, & omnium imperfectissimus, tam dulciter à DEO tractaris? nimis honorati sunt amici tui DEUS, & nimis profusa est copia dulcedinis tua, quam abscondisti diligentibus te; siquidem tantâ est in ijs, qui non diligunt te, eo saltem modo, quo par est, aut quo tu velles diligere te. Cùmque hæc & similia diceret, extendebat, & excutiebat brachia sicut aves ad volandum concitatae solent, ipso manuum gestu significans jam se ad illos beatos & æternos dies aspirare.

XI. Videbatur aliquando Senex in amore divino quodammodo exerrare; refertque exemplū *P. Godefridus Schubertus* familiaris ejus, quod ab eo verbis signatis recitabo: *Fui An. 1641. datus ei in socium, dum Primarium quendam Regni Bohemiae Dynastam inviseret; erat is, qui totius Regni gubernacula tenebat. Sub medium colloquij, quod erat de DEO rebûsque divinis, repente P. Nicolaus sede suâ se proripit, apprehensumque utroque brachio Comitem quàm arctissimè stringens, iteratis vocibus exclamat: Excellentissime Comes amando, amando,*

amando! tum subjungit, si omnium corda, ac præcipuè tuum in potestate haberem, illa non citius dimitterem, quàm amore divino prorsus ut forteps inardescerent! amor, amor omnia penetrat! Et cùm Comes ille quæreretur: in quo reponeret solidum erga DEUM amorem vel in homine seculari, & curis Regnorum occupato? respondit: non peccare nisi levissimè, & rarissimè, & patienter, & fortiter adversa tolerare. Hoc dictum & ille amplexus P. Nicolai tam altè in animum Comitis descendit, ut copiosissimas profunderet lacrymas. Pergit P. Godefridus in sæpius laudato manuscripto: dixit mihi frequenter: malle se in mille partes discerpi, & iterum iterumque redintegrato corpore ad nova tormenta & laniationes, etiam inferni, parari, quàm DEUM ullo delibato peccato offendere. Hinc, cùm illi de quibusdam personis, tam sæcularibus, quàm Religiosis diceretur: hic multùm jejunit, ille multis horis orat; iste vigilat; aut duro indormit strato; statim inquirebat: an etiam innocenter vivit, & minima & maxima peccata vitat? si ità: O verum amatorem DEI exclamabat! sin minùs: nolo, inquit, talem amorem, nolo!

XII. In rebus omnibus creatis (more amantium, qui nihil nisi de amato cogitant, & DEI amore occupati ad Dilecti amorem omnia referunt) in omnibus, inquam, rebus creatis inveniebat DEUM, in perfectioribus creaturis, perfectiùs etiam

etiam Divina attributa, potentiam, bonitatem, pulchritudinem, & cætera agnoscebat, & intimo in ejus amorem rapiebatur affectu; in imperfectioribus creaturis considerandis, magis seipsum incitabat ad DEUM amandum & glorificandum, idque placere magis DEO credebat: sicut enim perfectior est obedientia cæteris paribus, nutus *Majorum* observare, quàm imperia expectare, ita ajebat, perfectiùs esse DEUM in minimis etiam & vilibus laudare & amare, quàm in maximis.

XIII. Porro creaturas illas, quæ finè hominum satione, & industria crescerent aut existerent, magis amare se dicebat, quòd eas ab ipso DEO porrectas acciperet, & spectaret, *ut spontè natas arbores, herbas, aurum, argentum, gemmas, &c.* & in cælo *solem, lunam,* & alia pulcherrima sidera hominum utilitati & oblectationi à DEO præparata; ipsum *tonitru*, cùm maximè metueretur, ad laudandum DEUM *P. Nicolaum* maximè provocabat, nec præ lætitia continere se cellâ poterat, quin excurreret, & suis Clientibus identidem ingeminaret: *agnoscite, quàm magnum & potentem habemus Dominum, ad cujus vocem totus mundus intremiscit!* Quoties se occasio aliqua dabat ovile aliquod ingrediendi, lætus intrabat, & obviàm quamvis apprehendens oviculam collo premebat, brachijs stringebat; rogatus ut quid animalculum hoc vile amaret, respondit: *Quidni*

Qs

ama-

*amarem illa, quæ Agnum mihi illum referunt sub typo, qui tollit peccata mundi? Veris incunctis tempore in herbis virentibus & sese explicantibus obedientiam suo Creatori mirabatur; ad ignis conspectum ardentia DEUM amandi desideria concipiebat, sed maximè, ut suprâ innuebam, ex sole rapiebatur in DEUM, unde in quodam libello luminum cœlestium annotavit memoriæ causâ: Quamquam omnes creatura ad DEI amorem te debeant excitare, iisque in bonâ mortis tuæ ob id agere gratias debeas, quod tibi occasionem dederint amandi DEUM, præcipuè tamen singulari quodam affectu complectere stellas & solem: horum enim luce & lumine scis te miro modo accendi. Hinc cum solem pulchrius oriri aspiceret, fenestras cubiculi sui aperiebat, ut sol plenius cubiculum illustrare posset; tum ille elatis in altum brachijs exclamare, auditus est: *Ad lumen, ad lumen*, his vocibus lumen gloriæ, & beatam DEI visionem intelligens, ad quam aspirabat. Quid ageret prolato ad solis radios *Crucis* signo, dixi in Capite: *De amore crucis & adversorum*. Cum nox serena stellas ostenderet, vel in ambulacris Collegij, vel ex cubiculo suo ad longum tempus stellas contemplabatur, & illo aspectu animum oblectabat, modò hanc, modò illam sibi designans, quam ex meritis Christi cœli Civis effectus pedibus calcaturus esset. Atque hos modos à sole & stellis ad DEUM ascenden-*

dendi aiebat, se à *Sancto Philippo Nerio* didicisse.

XIV. Quemadmodum verò ex rebus naturâ pulchris & honestis omnibus ad DEI amorem incitabatur, & velut ignis ubique pabulum sui erga DEUM affectûs quærebat, & exultabat gaudio; ita mirum in modum tristabatur, quoties occurreret, quod DEI contemptum aut offensam subolere videbatur.

XV. Sed nihil magis virum *Divinorum* æstimatorem afficiebat dolore, & profundè vulnerabat, ac penè enecabat, quàm si in oculos ejus gravis aliqua DEI offensa occurreret, maximè in actionibus, quæ immediatum DEI cultum concernunt. Optabat cæcus & surdus esse, nè cogeretur audire, vel videre offendi DEUM, & Christi Regnum imminui, præcipuè si ea imminutio fieret ab ijs, quos Christi Regnum dilatare & amplificare oportebat. Constat cum auditis quibusdam, apertis sceleribus, quæ commissa erant in urbe, tri-duo in cubiculo mærentem, & se excruciantem, hæsisse, nec ullam consolationem recipere voluisse. Idem fiebat in *Confessionibus*, quoties graviora peccata audisset, sed premebat dolorem, nè daret indicium, abstinebat tamen publico, usque dum gravis illa tristitia alijs actibus abstergeretur. Nar-rat *P. Kojalovicz* hominem prædivitem & nobilissimo ex genere fuisse periculoso morbo decumbentem, qui auditis, quæ DEUS per *P. Nicolaum*

pa-

patraverat, spem conceperit; valetudinis ejus precibus recuperandæ. Itaque vocatum ad se *P. Nicolaum*, multis fatigavit precibus, ut pro se **DEUM** oraret, & valetudinem recipere mereretur, noto alicui Patri promittens, & tantum non jurans: si *P. Nicolaus* morbum precibus suis depelleret, amplas possessiones Collegio cum aliquot millium annuo proventu se daturum. *P. Nicolaus* ad ægrotum advocatus, & promissionis factæ ignarus, nihil gravitate morbi perterritus, spem in **DEUM** posuerat, posse ægroto sanitatem restitui. At ubi domum reversus, intellexit hominem gravissimis, & malivexempli, & propè inemendabilibus vitijs ac peccatis oneratum esse, *DEUS bone*, inquit, *hunc homini præstabilius est mori, quàm vivere, abstinere ego pro eo orare*; ita factum, & homo ille dives optimè ad tempus mortis comparatus decessit. Quotidie ardentissimè Domino peccatorum causam commendabat, neque dubium esse potest multorum peccatorum conversionem impetratam ab eo fuisse.

CAPUT IX.

Amor proximi, & zelus animarum.

I. **B**enignissima & propensissima in omnes *P. Nicolai* charitas, ita sese probavit omnibus, ut qui eum nosset, nō dubitaret ab eo,
si in

si in ejus potestate foret, omnia se impetraturum; eo in numero includebantur etiam, qui Patri, ob nescio quas opiniones suas minùs favebant: ad istorum auxilium Pater accurrebat libentiùs, quod plurimi bono suo senserunt; cùmque sint duo bonorum genera, *corporale* scilicet & *spirituale*, utrumque sibi proponebat Pater, ut & hæc & illa proximis omni, quo posset, studio procuraret, quanquam ad *spiritualia* beneficia præstanda longè avidiùs ferebatur.

II. A primis vitæ Religiosæ annis, nunquam ferè spontè ad receptas quot hebdomadis deambulationes domo prodibat, sed tempus illud ijs, qui ope suâ doni vel foris egerent, consecrabat: quæcunque necessitas alijs occurreret, cui subvenire ipse posset, hanc esse judicabat suam: & æquè cum proximis, si juvari non possent, angebatur, adibat nosocomia, instruebat rudes, ægrotos invisebat, & solabatur.

III. Quamvis alijs præesset, suum munus esse putabat, vel mediâ nocte, cùm aliquis *Sacerdotum* ad ægros vocaretur, hanc per se operam præstare, ut *Patrum suorum* nocturnæ quieti confu-
leret; qua in re cùm properato opus esset, sæpe accidit, ut fallente vestigio in lutum provolveretur; neque ab audiendis Confessionibus in templo, suo se regendi officio excusabat; sed perdius & pernox ubi opus esset in Tribunali sedebat, ut suo exem-
plo

plo incitaret, & omnes æquè intelligerent grande hoc munus esse, quod etiam *Collegij Rector* obiret.

IV. Eâdem industriâ erga externos, quâ erga domesticos utebatur: adibat frequenter, blandè alloquebatur, solabatur, amicè eliciebat, quid illis remoram in via DEI poneret; etiam quasi ignorans aut dubitans consulebat. Ità factum, ut plurimos in ijs, quas inhabitabat, Provincijs haberet, qui ejus quasi *Magisterio* gloriabantur; *familiarum Religiosarum Præsides in Italia, Polonia, Bohemia, Litvania*, sibi addictissimos habebat, ut ad eum passim velut ad oraculum accurrerent, vel consilium, vel solatium in rebus suis difficillimis recepturi. Aiebat Pater familiaribus suis: se toto Religionis tempore desiderâsse, & DEUM orâsse; ut rete quoddam fieret, quod homines ex omni statu traheret, & concluderet ad amandum DEUM. Et verò traxit, non modò exemplis, sed *Magisterio spiritus* quàm plurimos. *Vidi* (scribit P. Schubertus in MM. SS.) *libellum, in quo nomina suorum penitentium, ut pro ijs nominatim oraret, eosque Domino commendaret, qui apud eum totius vitæ Confessionem peregerant, & totum animæ statum aperuerant, annotaverat: erant multa millia, atque inter illos omnis Conditionis, omnis sexûs, viri nobilitate, doctrinâ, virtute, & rebus gestis Clarissimi. Addebat Senex: nullum esse in Italia Religiosum Ordinem,*

ex

ex quo non habuisset filios spirituales, etiam in eo Ordine Viris summos. Amanuenses suos, qui scilicet ejus opuscula ad utilitatem legentium, aut ad typum promovenda describebant, propè omnes ad varias Religiosorum familias complectendas suis doctrinis illustratos permovit, qui hodièque conversionis suæ initia *Patri Lancizio* referunt in acceptis.

V. *Parthenonibus sacris* in spiritu & virtute, adjuvandis felicem operam posuit *P. Nicolaus*; annis aliquot in *Italia Roma*, in *Monasterio Turris speculorum*, & alibi sub ejus *Magisterio* & directione, magnam sibi *sacra Virgines* famam virtutis & sanctimonix compararunt. In *Prussia* ad *Cænobium* quoddam DEO dicatarum *Virginum* reformatum invitatus, spem omnium lætissimo fructu superavit; erat illud *Cænobium*, à neglectu disciplinæ, à licentia vitæ, à discordijs malè commendatum, & fama insuper ferebat, mulierculas malæ & desperatæ frugis illuc fuisse compactas, unde locus laborabat infamiâ; quid enim sperare posses à reluctantibus & invitis? inde omnia perturbata & confusa, neque licebat propemodùm bonas esse in cætu malarum; tentata à multis *Viris spiritualibus disciplina Religiosæ* reductio; omnia frustra fuerunt, cùm DEUS hanc gloriam servo suo *Patri Nicolao* servaret. Cùm ergo primùm *Cænobium* accessisset, magnâ verborum comitate, & spe melio-

liorum consolatus sacras Virgines, primis inde exhortationibus ad illas habitis, hoc effecit, ut primum *mala sua intelligerent*, deinde de malè collocatis studijs suis & vitæ rationibus *dolerent*, tum *Generali præmissâ Confessione* peccatorum, in eorum pœnam hunc locum & habitationem ad satisfaciendum pro peccatis datum esse à DEO scirent. Ubi eas in vocatione *Religiosa* confirmavit *Pater*, & conscientijs expiatis ad divinam lucem recipiendam comparavit, omnes & singulas allocutus persuasit, ut singulæ ad *Antistitam* absentem litteras conficerent, quibus veniam precabantur, & hunc *Cænobij* locum ad pœnitentiam agendam sibi concedi postularent. Magnâ admiratione omnium consciorum excepta res est, & *Antistita* credidit hæc omnia, dicis causâ fieri, neque quòd violentè, ut putabat, *P. Nicolaus* extorsisset, diuturnum futurum: sed veram pœnitentiam fuisse eventu patuit. Nam sic in posterum vitam instituere suam, ut exempla Sanctitatis earum in vicinis latè *Regionibus* vulgarentur, & quantum antea infamiæ, tantum postea laudis in omni genere virtutum apud domesticos æquè ac externos reportarent. Vapulabat inter hæc *P. Nicolaus*, & obtrectatores (qui pijs nunquam deesse solent) acuebant lingvas, & *venenum aspidum sub labijs eorum*; alij irridebant, velut deceptum à fœminis Senem, alij etiam accusationes scribebant, & calumniaban-

bantur, præcipuè ij, quorum sibi familiaritate & colloquijs interdixerant mulierculæ, fremebant. Omnia hæc *P. Nicolai* patientia, & silentium superavit; & maximè *Monialium* constantia, in bene cœptis uno virtutis colore omnibus vitæ annis deducta, ostendit *P. Nicolai* operam bene fuisse collocatam.

VI. Erat alio in loco, aliâque in *Provincia*, specie quidem DEO consecrata, inferis tamen devota ad *Sacrilegium* usque *mulier*, quæ jam 20. annis dæmone, velut marito cum pacto tori abutebatur, ejusque consilijs regebatur. Hujus foeminae mores, & turpem cum dæmone consuetudinem cum quodam rumore tenui accepisset *Vener. P. Nicolaus*, ardentissimè, & frequentissimè supplicabat DEO, nè tantum triumphum hosti suo concederet, sed pristinam mentem, fidemque propudiosæ illi *Virgini* redderet. Aggressus est igitur negotium magno animo *Pater*, eamque reluctantem primùm, tandem securitate à dæmonis insultibus promissâ, eò rogando perpulit, ut *S. P. N. Ignatij sacris exercitijs* animum excoleret, quod cum *Generalî peccatorum Confessione* præmissâ, peregisset, tantam sibi spiritûs fortitudinem addi persensit, ut nihil jam nisi DEUM cogitaret, amaret, & veterem procum, qui posthac non comparuit, non magis, quàm improbam muscam timeret. Narrabat postea *mulier Viro* perquam docto

& gravissimo, qui ei à *sacris Confessionibus* fuit, malum dæmonem longè antè præsensisse *Ven. P. Nicolaum* commercium suum aliquando impediturum; itaque monebat: nunquam ut *P. Nicolaum* nominaret, neque *Nicolai* nomen in choro, dū psalleret cum *Virginibus* cæteris, pronunciaret, esse illum hostem capitalem suum, & si quid gratum sibi pro tot amoribus præstare vellet, hunc *P. Nicolai* contemptum sibi donaret & immolaret.

VII. Multos, multasque illustres personas, ad vitam sanctam adduxisse *P. Nicolaum* in comperito est. Fuit *Matrona Nobilis*, quæ de meditatione rerum sacrarum audire non poterat; huic, ut experiretur, tantummodo persuasit *P. Nicolaus*, & explicato fundamento exercitiorum ad unam horam, meditationis adduxit; tanto illa gustu tantoque solatio eam horam transegit, ut summis precibus reliquas *S. Patris Nostri* exercitationes sibi tradi postulaverit; nullum faciebat finem præteritos errores & cæcitatem suam deplorandi, dum denique non ferens mundanorum hominum consortia in quoddam *Cænobium Sacrarum Virginum* sese abderet, & DEI servitio reliquam vitam consecraret.

VIII. De traducta ad magnam vitæ perfectionem *Maria Magdalena Bonaventura Virgine Nobilissima in Cænobio Romano Turris speculorum*, longa est ejusdem Patris in opusculis suis narratio, quam hîc interferere supervacaneum puto: in-
sum-

summa, à leviori vita, quam duxerat antè, ad perfectissimam, & absolutissimam sese convertit, quod placuisse DEO cœlestibus quibusdam signis ostendit Divinitas. Perinde verò, ut hæc placuere DEO, ità malo dæmoni displicuisse, & omni ope omnes ab ejus colloquijs, & pijs monitis abstrahere solitum, plurimis exemplis probari potest, quorum aliqua jam retuli, alia quod prodigiosum quidam contineant, in 3. Lib. reservo.

IX. Quod autem maximè nonnullos *Nostorum*, & *Externorum* ad *Ven. P. Nicolaum* attraxit, erat: quòd famâ ferebatur, hanc gratiam cœlitus accepisse, ut ritène an secùs *Confessio* perageretur, cognosceret. Non facilè meminerim, hoc de *se P. Nicolaum* affirmasse, quamvis aliquid tale in *MM. SS.* de se annotarit; sed exempla veritatem ostenderunt. Nam in *Confessionibus sacris*, si quid per oblivionem, aliàmque causam omitteres, statim admonebat hoc vel illud peccatum omissum esse, quod mihi etiam contigisse recordor. Alijs etiam apertissimè, aut verbo oretenus in ipsa *Confessione*, aut per epistolam dixisse constat; certos esse debere de obtenta venia peccatorum, quæ sibi aperuissent, validam illam & omnibus numeris absolutam *Confessionem* fuisse, paratum se DEO pro ijs respondere &c. quod à tam gravi Viro vanè aut sinè divina ratione dictum esse, nemo sibi prudens persvaserit. Sed gravium oblocutionum & persecu-

tionum hæc res causam dedit apud ignaros; alij stultam hanc esse gloriationem dicebant, plurimū levitatis continere; alij clamabant proximam errori, cū omnes *Sacerdotes* æqualem ex *Ordine sacro* habeant potestatem, & improbissimum etiam *Sacerdotem* ritè absolvere; esse alios tam bonos & veros *Sacerdotes*, quàm illum; errare proinde eos, qui delectum *Sacerdotum* habeant, & eos quos ad manum habent, contemnant &c. non perpendentes scilicet, quorundam *Sanctimoniam* singularibus à DEO præmijs coronari. Non ausim tamen affirmare *P. Nicolaum* statum Conscientiarum omnium pœnitentium novisse, plurimorum tamen notitiam habuisse, id verò docuerunt exempla.

X. Jam verò difficile est explicare, quàm paternam curam & sollicitudinem gesserit pro ijs, qui suam conscientiam semel bono *Patri* aperuerint! si quid audierat sinistrum, summâ sſavitate admonerat, pericula etiam temporalia indicabat, per literas nunciabat, quid agendum esset, si quid immineret, denique nullum Patris vel Matris in spiritu & corpore adjuvando officium deesse patiebatur. Hîc prædictiones quædam *P. Nicolai* adduci possent, quas iterum in Lib. 3. differo.

XI. Ad mala proximorum si auxilium ferre non posset, sæpius ingemiscentem vidimus. Accidit dum *P. Nicolaus Praga* in domo Professorum de-

degeret An. 1641. ad medium *mensis Martij*, ut decem milites prædandi studio in alteram ripam *Muldavæ*, quem totum conglaciatum, & curruum patientem de die viderant, superare equis conarentur; progressis in *Alvei* medium, repentè glacies discedit & frangitur, hausti omnes fluctibus nè uno quidem excepto cum equis perierunt; tristis hic casus *Urbes Pragenses* conterruit, *P. Nicolaum* verò ingenti mœrore complevit: accessit unâ ante diem horâ cubiculum Senis *P. Godefridus Schubertus* (ex quo hæc scribo) reperitque copiosè flentem, & singultientem. Lacrymarum causam requirit; reponit Senex: *Desleo tot hominum, utinam non etiam animarum jacturam; non audisti decem equites prædæ cupiditate fluvium transire ausos, fractâ à glacie periisse? ego hodie latus non ero, sed diem totum marendo consumam.* Quod & fecit. Verba sunt Religiosi & oculati testis; nam horâ pomeridianâ tertiâ totum adhuc lacrymis madentem invénit.

XII. Blandè solabatur afflictos, calamitates aliorum similes recensebat, brevè adfuturum remedium malorum promittebat: mihi nescio quâ causâ afflicto, sæpius ab eo repetitum carmen *Virgilianum* memini, *durate, & vosmet rebus servate secundis*; & illud Divi Pauli, *diligentibus DEUM omnia cooperantur in bonum.* Quod dictum in ejus ad me literis sæpissimè invenio.

XIII. In pauperes, dum Collegijs præfesset, mirè misericors Pater fuit; januæ nostræ custodi severè mandabat, ut nullum pauperem sinè stipe dimitteret, etsi mille adeò venirent; neque modò eos, qui paupertatem precibus testarentur, sed eos etiam, qui pudore prohiberentur mendicare, domum illis mittendo, opportunis auxilijs recreabat; imò etiam divites, cùm domi rarum aliquod edulium suppeteret, beneficentiâ prosequeretur, nullo ad eorum divitias, aut gratiam reddendam respectu, sed quòd essent membra Christi, & nostri in Christo fratres. Fiebat tamen, ut hâc ratione plurimos Societati conciliaret; nullum enim faciebat discrimen bonus Senex, an hic vel ille Societati amicus, aut benevolus, an contrà nostro nomini infensus & infestus esset.

XIV. Dum Provinciæ præfesset, severissimè præcepit, ut si quid in charitatem fraternam in Collegijs peccaretur, id ad se continuò perferretur, & pœna irroganda sibi reservaretur, & sanè puniebat acriter; cùm intereà *Nostrorum* necessitatibus diligentissimè provideri à *Superioribus* vellet, sæpèque diceret, non expectandum esse, dum subditi peterent, præveniendas ipsorum preces, quòd multi seu humilitatis, seu mortificationis studio, aliâve de causa necessitates suas aperire cunctarentur; cui rei ut adferret remedium, ipsemet *Provincialis* sollicitè interrogabat, quid communitati
toti,

toti, quid singulis in particulari deesset, quid addi posset, & protinus præsens adferebat auxilium: in qua charitate præstanda mira accidisse, quæ DEO soli imputari debent, postea narrabo.

CAPUT X.

Quàm integrè & sanctè vota Religiosa, quibus sese Religiosi omnes DEO devotent, Ven. Pater observârit; additur aliquid de amore & veneratione Instituti Societatis JESU.

TRium generum vota in *Religiosis Ordinibus* invenio: primi generis habentur illa, quæ *Religiosos* constituunt, ut sunt *Vota Paupertatis, Castitatis, & Obedientiæ*. Secundi generis sunt, quæ *Religiones aliquæ* emittere solent, ut *Ordo Minimorum S. Francisci de Paula* votum vitæ quadragesimalis, alij perpetuam à carnibus abstinentiam, alij alia; *Societas* nostra honorum omnium acceptatione, & procuratione voto sibi interdicat; promittit specialiter *Missiones Evangelicæ* causâ mandato *Pontificis Romani* etiam sinè viatico suscipiendas, Institutionem *Fidei Christianæ* parvæ ætatis, & plurima alia, quæ ad hunc locum non faciunt. Tertij generis censentur illa, quæ in Religionibus piæ quædam animæ, cum *Majorum*

licentia DEO promittunt, & ad ea præstanda voti *Religione* sese obstringunt. De primo & tertio genere hîc agetur.

I. Inprimis paupertatem habebat pro Matre *P. Nicolaus*, & quamvis satîs delicatè (utpote opulentorum *Parentum* unicus filius) educatus esset à puero, tamen sanctæ paupertatis studio vilissima quæque in vestitu, cibo, habitatione eligebat. Nunquam eas sententias admittebat, multò minùs sequebatur, quibus *Doctorum* quidam paupertatem *Religiosam* laxiorem efficere sunt conati; eos commendabat *Religiosos* maximè, qui vel vi *Instituti* sui, vel animi designatione & ex virtute, nè obolum quidem possidere, etiam cum licentia *Majorum* sustinent, & cum *S. Petro* exclamare possunt: *Ecce nos reliquimus omnia!* Narrabat sæpe in *Societatis* nostræ initijs omnem donationem, aut acceptionem velut grande scelus habitam, & tale aliquod in paupertatem peccatum à solo *Superiore* absolvi potuisse; hinc apud nos remansit illud, quod *Confessioni* peccatorum præmittitur, *nihil dedi, nihil accepi sine licentia.*

II. Nulla res in ejus cubiculo pretio, aut arte visenda reperiebatur, divitiæ totius cubiculi erant: *Crucifixi* imago in oratorio, *S. Ignatii* in mensa, in qua scribebat, *S. Philippi Nerij* in cubiculi porta; liber Sacerdotalis officij, quem *Breviarium* appellamus, multo usu & annis detritus, paucæ in eo ico-

icones Sanctorum in charta viliori expressæ sola S. P. Nerij. imago pergamena cernebatur, in qua Sanctum illum venerabatur.

III. In cubiculo, quanquam continua studia, & opuscula spiritualia, quæ scribebat, ingenti librorum varietate & copiâ egere viderentur, paucissimos tamen apud se servabat, nè, inquit, *alijs incommodem, qui fortè ijsdem uti vellent*; hinc plerumque in *Collegijs* cubiculum sibi impetrabat, quod non ità procul à Bibliotheca distaret, ut quoties librorum aliquo egeret, inde petere, & descriptâ ex eo libro sententiâ librum faciliè reponere posset. Lecti ratio tenuissima, qualis pauperem decebat, sinè multis integumentis & ferè sinè pulvillo, quem capiti supponeret; nam caput super sponda lecti lignea deponebat dormiturus. Idem paupertatis studium in literis, quas ad suos in Christo filios frequentes dabat, idem in conscribendis spiritualibus opusculis lucebat: nam illas amore paupertatis, nè quid superfluum esset, ità scriptura ex omnibus partibus complebat, ut nulla partium, præter eam, in qua titulus scribitur, & eam in qua literæ signantur, vacaret; in opusculis verò scribendis, si quid addendum videretur, chartulas ex literis aliorum ad se scriptis, rescissas, vel ab alijs, quòd inutiles essent, relictas adhibebat. Vestes panni pretiosioris admisit nunquam, imò voto se obstrinxit, nunquam alias admissurum, nisi

quibus domesticis laboribus dediti fratres nostri utuntur : cingulo rudi panno præcingebat sese, paratam sibi recens togam nunquam induebat primus, sed priùs utendam alijs dabat ad dies aliquot, ac piè persvadebat sibi, non esse illam suam, sed concessam à fratre; cùmque aliquando vestem novam oblatam non admisisset, accusavit sese in *Refectorio*, quòd ex superbia videri pauper voluerit, ideòque novam vestem repudiârit.

IV. Summam curam adhibebat in rebus, quæ usui suo deputatæ erant, quàm posset mundissimè & integrè conservandis; si earum aliqua in terram caderet, elevabat protinus, & lutum, aut sordes detergebat; quòd à Domino suo sibi ea data cogitaret, proinde ad se pertinere earum integritatem & conservationem; vestibus & calceis aliisque similibus tam diu utebatur, quàm diu decentiæ Religiosæ congruerent; lucernam aut lumen non accendebat priùs, quàm opus esset, & quæ in tenebris peragi abs se poterant, ut est oratio mentalis, preces *Rosarij*, aliæque hujusmodi pietates, eas extincto lumine persolvebat; huc per jocum *Philosophicum* Axioma trahens: *quæ possunt fieri per pauciora, non est opus, ut fiant per plura*, tum illud alterum: *non esse multiplicanda entia sinè necessitate*, denique pauperem vitam cum omni tamen munditia ducere P. Nicolao propositum fuit.

V. De castimonia Patris, quæ prorsus *Angelica* fuit,

fuit, paucissima dicam, quæ tamen maximarum rerum argumenta dabunt prudentibus: in MM. SS. libello, quo beneficiâ DEI in se complexus est, adversus pusillanimitatem, quæ ipsi nonnunquam molesta erat, DEO gratias agit, *quòd corpus & animum ab omni impuritate servaverit, & nunquam, nè cogitatione quidem permiserit inquinari.* Jam Lib. I. dixeram cum in *adolescencia* votum perpetuæ castitatis emisisse, quod ipsemet testatur in actione gratiarum post Missam puncto 40. *gratias tibi ago ô DEUS, quòd me voto Castitatis perpetue in sacello B. Virg. Vilmensi adstrinxerim tibi.* Nunquam se in hoc genere quidquam deliquisse humiliter fatebatur, & cum graves à dæmone tentationes immitterentur, nunquam tamen castitati contrarias ullas ab annis omnino 40. neque ullos carnis motus persensit, neque coram se factum aut dictum aliquid tale, etiam cum puer esset, & in cœtu medio mulierum versaretur, recordabatur.

VI. DEO frequenter, & ardentissimè agebat gratias: quòd cum sæpe famam suam à malevolis oppugnari, & falsis accusationibus quodammodo lacerari permisisset, nunquam nè suspicione quidem minimâ vitij alicujus castimonix adversantis insimulatus fuisset, magnúmque hoc reputabat beneficium, quòd vel ex remoto DEI filium in terris agentem exprimere datum esset, qui omnis generis calumnias tolerâisset, hâc unicâ exceptâ,
quòd

quòd nihil obscæni in vitam suam objici audierit.

VII. Et si verò donum hoc castimonix cælitus sibi datum divinæ gratiæ beneficio agnosceret, nihilominus tantâ cautelâ sensus omnes & affectus, & motus animi observabat, ac si ei maxime obnoxius fuisset; itaque neque in formosos vultus oculos conjiciebat, neque nisi demissis oculis, cum sexu altero, aut cum *Adolescentibus* agebat. Cavebat diligenter adhuc juvenis, nè cui familiaris esset, & quia naturæ hilarioris, & morum suavium habebatur, diligebatur ab omnibus; at ipse amorem omnium silentio & fugâ, cum se amari sentiret, eludebat.

VIII. Hanc verò verecundiam, quam semel *P. Nicolaus* à primis annis imbiberat, in omni reliqua vita tenuit, etiam cum nullus esset, qui ejus actiones arbitraretur; & quamvis, ut jam sæpe monui, continenter DEUM præ oculis haberet, tamen confirmandi sui in hac virtute gratiâ, fingebat virum gravem adstare sibi, qui observaret, utrum ad modestiæ regulas, sensus & totius corporis motus componeret: cum in cubiculo solus sederet, ita vestem aptabat, ut nihil præter eam conspici posset.

IX. Non poterat alio quàm gratissimo animo tanta DEI in se munera venerari *P. Nicolaus*, ideòque humillimo sensu divinam bonitatem adorans cavebat omnimodis, nè se ejus tutelâ indignum

præ-

præstaret : abstinebat consultò ijs vocibus, quavis vulgo receptis, quæ aliquid fædi audientibus vel eminus repræsentare possent ; *libidinis* voce, non utebatur, malebat ipse *cupiditatem* dicere ; idem faciebat in reliquis hujusmodi, quæ in malum sensum detorqueri possent, vocabulis. DEO sæpe gratias agebat, quòd se à calculi doloribus hætenus conservâisset, & ut porrò conservaret, orabat : intolerabile enim supplicium sibi fore dicebat, si eo corporis loco occupari, & pro omni Martyrio futurum, si oculis alienis subijcere illum dolorem oporteret. Hoc puritatis studium in *Patre Nicolao* quibusdam ostentis probavit DEUS, quæ libro postremo commentorabimus.

X. Boni etiam creati proprium est, ut alicubi dixit *Aristoteles*, *tales alios efficere, quale ipsum est*, & qui virtute aliquâ excelluerunt, DEO ita disponente ad eam complures alios adducunt. De *Patre Nicolao* id dicere possumus, cui cœlitus hoc datum videtur, ut plurimos ex cœno voluptatum extractos, ad Angelicæ puritatis studium traduceret. Romæ quispiam juvenis cùm gravissimis carnis tentationibus die nocteq; urgeretur, & omnia propè antidota spiritualia sinè fructu adhiberet, tandem occurrit, si lectulum *P. Nicolai* attingere liceret, omnes sibi animi molestias depulsum iri ; attigit & continuò juvenis liberatum se persensit, ut ipse coram legitimis judicibus rogatus postea fate-

fatebatur, quod ipse *P. Nicolaus* in libello gratiarum his verbis annotavit: *Vincentius Cassus gravissimas carnis tentationes in se sentiendo, accedens ad tuum lectum cum spe eam tentationem pellendam esse, si lectum tuum attingere posset; attigit, & liberatus abiit, quod non tuis meritis, sed illius spei tribuo.*

XI. Ad tertium, idque *Religiosis* omnibus commune votum *Obedientiæ* veniamus: hanc tam studiosè coluit *Ven. P. Nicolaus*, ut in ea perfectionis apicem attigisse videatur; ac primis quidem vitæ *Religiosæ* annis, si quid ei à *Majoribus* imperabatur durius, suis ipse rationibus, & à se inventis, illud probabile; justum & æquum sibi reddere conabatur, at post annum 1620. jam nihil tale unquam animo occurabat, sed cæcâ obedientiâ exequabatur, pro omni ratione reputans, quòd imperaretur; mirumque est virum ætate, virtute, doctrinâ, & rebus gestis, autoritate partâ tam conspicuum, singulari DEI providentiâ itâ disponente arduis quibusdam imperijs jactatum, ac pene dicerem, vexatum, tamen nè cogitationem quidem *Majorum* imperijs adversam passum esse, minùs admisisse!

XII. In aliquot *Societatis* nostræ *Provincijs* & domicilijs, & officijs vixit, modò in summa *Prelatorum*, *Procerum*, *Aularum*, atque etiam *Principum* & *Regum* veneratione, modò ignotus ali-

alicubi, ac tantum non contemptus, modò in honoribus, modò in privata vita abjectus, semper sibi constans uno vitæ & constantiæ tenore, solatium omne in obedientia reponerat. Ex *Guttenbergensi Collegio*, ut antè narrâsse memini, in certam mortem profectus, tribus *Socijs* ante se occisis, omnibus suis scriptis & reculis spoliatus (quæ sibi vitâ suâ chariora dicebat) sciens, & *Rectorem* de futura *Sociorum* cæde, & suo periculo præmonens, cùm *Rector* sat durè respondisset: *iret modò, obedientiam ita velle*, statim omisâ omni curâ, ire perrexit; nec illud grave sibi fuisse imperium sapius mihi confirmavit; at DEUS, ut postea dicam, hæc omnia mirabili præmio Seni reddidit Angelico ministerio.

XIII. In *Majorum* imperijs divina agnoscebat, illudque sæpe in ore habuit: *qui vos audit, me audit*, & quemadmodum si cætera paria sint, obedire DEO & *Ecclesiæ* finè longo rationum examine pretiosius est, ita credebatur Obedientiam esse perfectiorem, quæ ut spiritualis vitæ *Magistri* docent, cæca sit propter DEUM, & solis ijs, quæ mandantur, exequendis imminet. Itaque cùm DEUM in superiore agnosceret *P. Nicolaus*, non mirum est in alloquendis illis, magnam semper reverentiam adhibuisse, capite aperto modestè & demissis oculis stando imperia accepisse, laudâsse, & in exequendis ijs alacritatem ostendisse; dum Su-

pe-

periorum cubiculum transfiret, semper denudabat caput, & modicè submittebat, eamque reverentiam etiam cùm *Superiores* esse desinerent, erga privatos tenebat, ex quorum scilicet ore nuper divina accepisset oracula. *Provincialium & Rectorum* Literas venerationis causâ nunquam ferè nisi in templo ante *Venerabilem Eucharistiam*, vel si id incommodè fieri posset, ante *Oratorium* in cubiculo aperiebat, & genibus flexis legebat; gratias agere DEO auditus est, quòd ab anno 1621. nullum unquam *Superiorum* imperium iudicio aut voluntate adversante exceperit, adeoque (verba sunt Senis) *à voluntate DEI & Superiorum semper velut filium à duabus acubus dependerit.* Decreta *Superiorum Ordinis* nostri tam universalia, quàm *Provinciae* propria defendere ac laudare solitus hac præcipuè de causa, quòd nos DEO arctius adstringerent. Cùm primùm campanulæ signum audiret, omnibus relictis, eò quò vocabatur, se conferebat, atque ut celeritatem obedientiæ commendabat, ità moras omnes oderat, mirabatúrque cùm expressam significationem Divinæ voluntatis haberent *Religiosi*, aliquos tamen ad eam sequendam tardos & cunctatores in Religiosa domo inveniri. Hæc de obedientia *P. Nicolai* sufficient rerum spiritualium peritis, qui vitam *Societatis* nostræ in obediendo consumi noverunt.

XIV. Ad Votorum *Religiosorum* argumentum

qua-

quadantenus spectare & referri posse videtur amor & æstimatio *Religiosæ* vocationis, & vitæ ad formam regularum exactæ; quo in genere ità excelluit *Ven. P. Nicolaus*, ut in amanda *Societate*, nostra nemini vellet concedere. *Constitutiones*, quas *Sanctus Pater* cœlesti lumine illustratus conscripsit, quasque dum scriberet *Sanctissimam DEI Genitricem* adstantem, & non semel verba ipsa dictantem habuit, tanti faciebat, ut in ijs omnem *Sanctitatem* nostrorum hominum contineri, & nihil perfectius, nihil sublimius ultra ea, quæ ijs traduntur, inveniri aut excogitari posse affirmaret; præcipuè quatuor *Summarij* regulas (nonam, decimam, undecimam, duodecimam) commendabat, mirabaturque cœleste lumen *SS. Fundatoris* nostri jubentis *ijsdem vestibus & insignibus quibus Christus indui*, vestes verò illas esse contemptus, contumelias, injurias, accusationes falsas &c. quæ omnia multis Opusculorum suorum locis practicè explicare, & in usum inducere conatus est. Pari observantiâ ferebatur in regulas & ordinationes Ordinis nostri, dicebátque cū *Bernardino Realino*, quem inclytæ *Societatis* virum adducebat in testem: *eum se pro Sancto habere, qui Societatis regulas servaret*. Cùm non soleret quidquam nimis obfirmatè asserere, tamen vel suo sanguine paratus erat huic veritati subscribere: rarissima DEI dona & cœlestes gratias brevissimo tempore eum

S

asse.

affecuturum, qui minimis etiam in speciem regulis intenderet. *Interfui non semel* (verba sunt Patris Schuberti) *dum è Collegijs abiret, cùm Magistri nostri & Scholastici ab eo sibi aliquid memoriae causâ relinqui peterent, libellum ostentâsse, quî regulas Societatis continebat: en, inquiebat, memoriam non tam mei quàm vestri: hunc vobis relinquo: regulas, quas diligenter servetis, Superiorem, cujus imperia exequamini, & Patrem Spiritualem, cujus audiatîs consilia!* (& accidebat plerumque, ut postremi duo adstarent) *hæc tria altè in memoriam descendant! tenete!*

XV. Totum literarum, quas ad suos filios spirituales sæpissimè dabat argumentum, in regularum observantia commendanda consumebar; sunt in manibus meis plurimæ ejusmodi literæ, regulas & obedientiam omnibus lincis inculcantes. Cùm ei universa *Provincia* aut *Collegia* regenda committerentur, in prima ad *Patres Fratrèsque Exhortatione* tenerrimo, quem vultus ipse indicabat affectu promittebat in *spiritu lenitatis & amoris, & ex formula Sanctorum Apostolorum* omnes se gubernaturum ut filios, & quantum ad generalem agendi modum, erga singulos maternos affectus imitaturum; quoad particularia verò *Nutricem* sui *Alumni* amantem expressurum, modò ut *Societatis* regulas haberent in pretio, qua in re nullum se discrimen inter *Socios* facturum, cùm omnibus scri-

scriptæ sint regulæ, ab omnibus proinde servandæ: optimè componi posse hæc duo: *spiritum suavitatis & lenitatis in superiore, & amorem & observantiam regularum in subdito*. Quod si contingeret, ut eam observantiam ab uno aliquo obtinere non posset, *suavitati & lenitati* adjugebat *fortitudinem*; & DEI gustum potiùs quàm apud homines plerumque varios & inconstantes, commendationem quærebat.

XVI. Ut boni & amantes servi minimè contenti sunt vulgaria & omnibus usitata servis obsequia præstare, útque generosi milites, qui approbare virtutem *Duci* suo volunt, non ea tantùm obsequia aggrediuntur, & perficere conantur, ad quæ vel ex more famulorum, vel militiæ legibus obligantur; sed etiam magno studio conituntur aliquod egregium facinus patrare, quo Ducibus suis se commendent. Ità *Ven. P. Nicolaus* non contentus obligatione communi votorum, quâ DEO sese *Religiosæ* animæ obstringunt, ardua & difficillima quædam vota, priùs à *Superioribus* multis obtentâ facultate, emisit, quæ Sacro-sanctè servaret, & DEI gratiâ adjuvante servavit. Exscribam ex secreto ejus libello ipsa votorum verba:

Reddam tibi, Domine DEUS meus, Vota mea, quæ sanguine meo distinxerunt labia mea, & viscera mea, & paupercula anima mea.

Omnipotens sempiterne DEUS, ego licèt un-

decunq̃ue divino tuo conspectu indignissimus, fretus tamen pietatē ac misericordiā tuā infinitā, & impulsus desiderio Tibi quā perfectissimē serviendi, & te quā maximē glorificandi & amandi omni possibili ac decenti modo, coram Sanctissima Virgine MARIA, & Curia tua cœlesti universa, Divinæ Majestati tuæ purē propter te,

Voveo nunquam deliberatē peccare mortaliter, aut venialiter, contra ullum præceptum tuum, aut Sanctæ Romanæ Ecclesiæ, aut Societatis JESU. *Est autem communis Theologorum sensus, non esse moraliter impossibile vitari à quopiam, extraordinarijs DEIgmtijs adjuto, omnia peccata venialia saltē plenē deliberata.*

XVII. Voveo non propalare alijs, divina dona tua mihi concessa, præsertim quæ admirationem, & laudem, ac opinionem extraordinariam apud alios conciliare solent, nisi ob necessitatem vel utilitatem certam speratam, eāque non vulgarem, sed supernaturalem purē ad tuum cultum, & amorem ordinatam, & in ijs tantū occasionebus, quibus magnos tuos amicos & servos, talia propter te, DEUS meus, manifestasse alijs, scimus.

XVIII. Voveo me propter Te, dilectissime DEUS meus, semper & ubique omnes adversarios meos, & inimicos, si qui fuerint, vel fuerunt, vel adhuc erunt, & omnes quovis modo mihi ac rebus meis contrarios, ex corde amaturum, tanquam


quam veros ac solidos & mihi caros, & à me purè propter Te expetitos pro omnibus totius vitæ meæ instantibus, & pro toto tempore post mortem meam usque ad universalis Judicij diem amicos, & insignes benefactores meos magis exoptatos, quàm eos, qui sunt mihi, rebúsque meis faventes, quibus semper & ubique propter Te care-re volo, DEUS meus.

XIX. Hæc omnia & singula plenè & deliberatè purè propter Te DEUM meum, & propter gustum & consolationem dulcissimi & beatissimi cordis tui, voveo; & hæc vota mea, propter Te manu & sanguine meo proprio subscripta renovo. A tua verò immensa bonitate & clementia per JESU Christi sanguinem, peto suppliciter, & per merita ac intercessionem Sanctorum Tuorum, imprimis verò per infinita merita JESU Christi Domini ac Redemptoris nostri, ut hæc indignitatis & paupertatis meæ duo minuta in gazophylacium tuum, à paupercula anima mea purè propter Te missa, & has aliquot micas de mensa tua divina mihi vilissimo catello tuo à Te datas, Tibi verò principio & fini bonorum omnium restitutas propter majorem gloriam & amorem tuum, tanquam gratissima holocausta. D. N. JESU Christi, cœlestium spirituum, ac totius Romanæ Catholicæ Ecclesiæ meritis adjuncta, in odorem jucundissimæ, ac nunquam cessantis suavitatis divino tuo & pa-

terno corde admittere digneris, & ut largitus es ad hæc omnia multò antè desideranda, facienda, præstanda, propter gloriam & amorem tuum, & deinde ad offerenda votorumque vinculis propter majorem gloriam, honorem, & gustum, & consolationem dulcissimi & beatissimi cordis tui constringenda; sic etiam ad explendum deinceps integerrimè & perfectissimè, imò ad augenda hæc omnia, quàm maximè propter Te gratiam uberriam, nunquam cessantem, perpetuò crescentem, intensivè & extensivè largiaris, cum omni possibili perfectione meo Religioso Statui ac conditioni congruente proportionata, & correspondente Divinæ tuæ imagini, perfectioni ac sanctitati, & infinitis Domini Nostri JESU CHRISTI primarij Mediatoris nostri meritis, per quem à me Tibi deferatur debita laus, honor, gloria, dilectio deferenda perfectiùs in altera vita per infinita sæcula sæculorum,
 AMEN.



De



De Vita Rebúsq; gestis

VENERABILIS PATRIS NICOLAI LANCICII SOCIETATIS JESU, LIBER III.

*Continens mira quædam, quæ per
eum operari dignatus est DEVS, tum mo-
nita quædam & documenta vite spiritualis, quæ
in ejus Opusculis non inveniuntur; excerpta po-
tissimum ex literis ab eo scriptis, & col-
loquijs familiaribus.*



Am pridem observatum est à me,
Scriptores omnes, qui clarorum San-
ctimoniâ Virorum vitam, & gesta scri-
pserunt, miris eventis, & cælestibus
beneficijs & gratijs commemoran-
dis, postremum ferè librum servâsse, non quòd ea
contemni possint, sed quòd Sanctos non efficiant,

sintque quasi folia tantum & ornamenta, quæ Viris *Sanctis* circumponit DEUS, quibus *Sanctitas* omnino carere posset, quæ in DEI solido amore & virtutum perfecta & consummata acquisitione, consistit, sed quod ea sit Divinæ mentis bonitas, ut eos, qui ipsi fideliter serviunt, & ejus gloriam amplificare student, gloriosos non modò in altera, sed etiam in hac mortali vita reddere, & in honore & veneratione esse velit, illis minimè laborantibus, & mira, quæ illis sæpe eveniunt, studiosè occultantibus; sentiunt enim cum *S. Chrysostomo* de bono patientiæ loquente in hunc sensum: In miraculis & donis DEI debitor sum Christo, in virtutibus, & patientia debitorem habeo Christum. Neque hac dote & ornamentis cœlestium quorundam beneficiorum servum suum fidelem *Ven. P. Nicolaum* destituit DEUS, ut ex sequentibus patebit; pauca tantum referam ex ijs, quæ Viri *Religiosi* fide digni annotârunt, eaque in manus meas venerunt: omnia aut plurima referre mortuis ijs, qui nobis ea narrare poterant, & quæ ipse *Venerabilis Pater* silentio, & quodam virtutis artificio occultavit, commemorare impossibile est. Omnia hæc DEO omnium gratiarum Authori, & à quo bona cuncta procedunt, & qui in Sanctis suis honoratur, accepta refero, & adscribo.

CA-

CAPUT I.

*Ven. P. Nicolaus Lancicius nomen
suum in Libro Vitæ legit inscriptum. Aliæ
nonnulla Divinarum Personarum
Apparitiones.*

Nemo in rebus *Sanctorum* parùm versatus, eorum gesta ad mensuram humanæ rationis examinet: DEI voluntate & beneplacito, non meritis nostris divina in nos beneficia pensanda sunt, qui non secundum *Sanctitatis* proportionem, sed secundum sapientissimam ordinationem mentis suæ, mira in *Sanctis* operatur, cui quis dicere potest, *cur ita facis? ut non gloriatur adversus eum omnis caro.* Præstat ipsum *P. Nicolaum* ad fidem faciendam hanc admirabilem visionem paucissimis verbis referentem audire, prout videlicet *Adm. R. Patri Claudio Aquaviva* Anno 1604. aut 1605. oblata, & à *Patribus* præcipuis *Societatis* nostræ, qui tum Romæ degebant, examinata, & jussu ejusdem in *Archivum Societatis* illata, & hucusque conservata fuit, quam mihi An. 1682. *R. P. Joannes Waldt Rector* noster, cum Romæ in electione *Adm. R. P. Caroli de Noyelle* nostri versaretur, sibi ex *Archivo Romano* communicatam transmisit. Ita verò habet: *Ante 4. aut 5.*

S 5

annos.

annos (visum hoc oblatum fuit initio hujus sæculi) diversis diebus in Sacrificio Missæ, post acceptam Sacro-sanctam Hostiam, cum nunquam, in vita mea naturali modo similem imaginationem in mente mea habuissem, aut habere conatus essem, quater vel quinquies diebus diversis, sine prævia cooperatione mea, aut conatu antecedente, habui inopinatè, & repentinè formatas in mente mea Sanctissimæ Trinitatis personas, & me quasi coram illis in cælesti gloria existentem, ac stantem, Christumque Dominum tenentem supra genu, crassum quendam librum (per quem liber vitæ significabatur) & in eo libro, Christo Domino, ut legerem, annuente, vidi hæc formalia verba (quæ me pudet scribere & mallem omnia peccata mea manifestare) caractere, quem vocant Typographi Antiquam Romanam, scriptum: Sanctus Nicolaus Lancicius Societatis JESU. quibus verbis sentiebam mihi significari, me ex DEI beneficio non verò ullis meis meritis habiturum à Domino vitam in hoc sæculo sanctam, & in altero eternam. Quo toto tempore mirâ quâdam fervoris erga DEUM abundantiam, & animi tranquillitatem, & demissione videbar diffluere, magno gratitudinis erga DEUM affectu, & Sanctitatis desiderio, ac omnium imperfectionum odio, & nè minimam quidem vanæ gloria titillationem, quamvis olim ex rebus vilissimis illius motus in me exurgentes sentirem; nunc autem in ea re nullam mutationem sentio, ut non plus complacentiæ va-

ræ,

ne, aut gustûs naturalis in ea re sentiam, quàm si scribam me esse vivum, esse in Polonia, & similes res naturales. Hæc ille. Visionem non vanam fuisse cætera viri vita demonstrat, & plurimæ aliæ visiones, quæ illi cælitus sunt oblatæ, maximè verò profundissima humilitas, quæ ex tot visis oriebatur, & mirum in modum augebatur. Ego nihil de meo adjicio, sed felicitatem æternam, & præsentem admiror, & gratulor silentio! Revelationem hanc in MM. SS. de *P. Lancicio*, alijs quoque pietate, & virtutibus conspicuis personis oblatam legi, sed sinè ulla temporum & locorum nota, proinde sinè authoritate. Unus *Pater Julius Mancinellus* in quodam Tomo Divinorum suorum luminum, & miraculorum jussu *Superiorum* conscripto (qui asservatur in *Archivo Societatis*) posuit nomen *P. Nicolai Lancicij* in *Catalogo Sanctorum Societatis*, qui eo tempore vivebant, ut ab oculato teste didici. Ipse etiam *P. Nicolaus* in libello quodam secreto suo, quem ad se erigendum ex pusillanimitate (quæ Senem aliquando fatigabat, & permolesta erat) conscripserat, & favores divinos annotaverat, hujus visionis mentionem facit his verbis: *Nomen tuum tanquam Sancti in Libro Vita diversis diebus aliquoties* (notanda sunt verba) *à te visum in Sacrificio Missæ, unà cum sanctissimæ Trinitatis personis, & Christo Domino illum librum ita inscriptum ostendente tibi, tum cum nihil*
mi-

minùs quàm hoc cogitares. In eodem libro plures ejusmodi visiones leguntur permodum indicis, sed non explicantur: Dominus JESULUS, scribit Senex, *puerulus fascijs involutus, in tuo Sacro supra patenam tuam post illa verba à te dicta: Agnus DEI &c. visus à pia Vidua Anna Konarska, quæ id tibi in Confessione narravit.* Pergit in eodem libello P. Nicolaus: *Apparitiones aliquot tibi factæ, Domini JESU promissionem de concedenda re, quam pro B. Stanislai glorificatione petebas, adferentes, brevi, certo & felici eventu comprobata, & impleta, tempore & modo, qui humanitus non videbatur aptus ad obtinendam gratiam valde raram & difficilem, spectatis rerum circumstantijs.* Postea in eodem libello hoc annotatur: 18. Romæ in Sacello SS. Angelorum, & S. Michaëtis in Domo Professa. Quæ verba continere cœlestem aliquam apparitionem omnibus qui legebant, visa sunt, quam Senex sibi soli notam esse voluit, non Lectori; uti & illa: *certum à DEO signum datum 16. Julij, quòd esset in ejus gratia An. 1596. vel sequenti 16. Julij & An. 1625. 25. Octobris secunda revelatio facta cum esse in gratia.*



CA-

CAPUT II.

Crucifixi signum Patri Nicolao manum exporrigit. DE I Mater apparens felicem sententiam S. Rota de S. P. Nostri Canonizatione prima P. Nicolao nunciat. Idem premiatur ab Adm. R. P. Mutio pro laboribus in ea Canonizatione susceptis.

Mirabile illud ex *Crucifixo* ostentum *Ven: P. Nicolao* oblatum commemorat *P. Casimirus Kojalowicz* (*Tit. Spes & Fiducia in DEUM, cap. 15.*) cùm enim in lite quadam, ad *Sedem Apostolicam* deferenda, multùm sollicitus causam *Societatis* Domino commendaret, non contentus benignissimus Dominus aspectabilem sese *P. Nicolao* offerre, & de manu sua divina folium candidum expandere hisce literis inscriptum: *Fiat tibi sicut vis*, (ut *L. 1. c. 16.* dixi) sed etiam alio tempore cùm esset *Cracoviae* *Rektor*, nescio an non miraculo majore de auxilio suo cœlesti, & victoria litis *P. Nicolaum* securum reddere voluit: oranti enim *Patri* ante signum *Crucifixi Cracoviae*, & multis lacrymis ac precibus opem exposcenti, primùm immisso cœlesti lumine totius causæ exitum, quem optabat, menti suæ offerri vidit, deinde cùm Christum cruci affixum respicit, en mirabile

bile ostentum! vidit manum dexteram Crucifixi lentè à Cruce dimoveri, & usque ad genua protendi, quasi auxilium promittentis. Non fuisse vagæ mentis ludibrium, neque impulsu aliquo extrinsecùs Crucifixi manum emotam, omnes qui vidêre, affirmant; siquidem hodièque Crucifixus iste *Collegio Cracoviensi* est in honore manûsque illa protensa conspicitur sinè omni ligni vitio eo modo, quo tum demissa est; clavus insuper suo loco remansit cum obtuso capitello, & longè crassiori quàm sit manûs dextræ foramen, ità ut sinè cœlesti miraculo manus clavum transire non potuerit. Hoc Crucifixi miraculum publicè *Otomuncensibus Patribus* nostris, cùm *Romam* proficisceretur *R. P. Sarbievius* Lyricorum nostræ ætatis facilè *Princeps*, affirmabat omnibus nostris in *Polonia* notum esse, seque ipsum Crucifixum *Cracoviæ* spectâsse. Ipse autem *P. Nicolaus* in libello secreto his pauculis verbis rem totam complexus est: *Manus dextram Crucifixi illius Cracoviæ in Collegio relictæ, quæ auxilium tibi offerens contra N. N. avulsa à cruce, & ad locum genuum porrecta ante te, clavo quo Cruci affixa erat, in loco suo relicta.* Ità ille. Similis apparitio *P. Nicolao* *Romæ* in templo *S. Chrysogoni* oblata est, & ex Crucifixi signo clavis locutus est Christus Dominus, ut *P. Schubertus* memorat, cui istud aperuit Senex, meminîtque *P. Casimirus* loco citato, omnibus

ta-

tamen adjunctis , quæ fidem majorem facerent , omiſſis.

Jam de *Beatiffima Virginis Deiparentis* apparitionibus plura ſcribi poſſent , ſi *P. Nicolai* ſecretiores libri eſſent ad manum , in quibus olim memini legiſſe exempla ; fatebatúrque *P. Nicolaus* plùs vice ſimplici à ſe viſam *Cæli Reginam* , & ſolito auguſtiorẽ eo tempore , cùm ex imperio *Adm. R. P. Generalis* apud *Sacra Rotæ* Auditores negotium Canonizationis *S. P. N. Ignatij* tractaret , & dubia omnia , quæ proponebantur , ut erat rerum *S. Ignatij & Archivi Romani* peritiſſimus , diſſolveret. Conatus hic tam ſanctus & labor incredibilis , multis contrà nitentibus , ad plures annos extentus eſt , expectabatúrque ultima *Congregationis* ſententia , quæ an favens , an ſecùs , multi dubitabant ; *P. Mutius Vitelleſcus* noſtrorum precibus & *Sacrificijs* negotium impenſè commendabat , & ad varia templa Romana gratijs & miraculis celebratiora Noſtros oratum dimiſerat. *P. Nicolaus* templum *S. Chryſogoni* , cui mirè afficiebatur , ſibi pro oratione delegit : in medijs precibus adeſt *Auguſtiſſima Cæli Regina* vultu ſupra modum formoſo & hilari , per cujus merita DEI filium orabat , *Regine* inſtar exornata , quæ *P. Lancicium* ſecuro animo eſſe juſſit : hoc ipſo tempore ſententiam latam eſſe in *Sacra Congregatione* , quâ cœleſtes honores in *Militante Eccleſia S. Ignatio* decernun-

nuntur. Eam rem protinus *P. Nicolaus ad P. Mutium* detulit, eumque plenum gaudijs & solatijs reliquit. Illuxerat sequens dies, & sententia missa ex Sacra illa Congregatione Nostros omnes gaudio triumphantes ad DEO agendas gratias convertit. *Adm. R. P. Mutius*, ut aliquod præmium tanti laboris & operæ referret, ex capite *S. P. Ignatij* dentem unum extraxit, & in donum *P. Nicolao* obtulit cum humanissimis gratijs; quem dentem *P. Nicolaus* multis annis servavit multa cum veneratione, ut Lib. I. narratum est.

De *B. Virgine*, quæ in sua imagine *Trocensi* *P. Nicolao* schedulam subscriptam in *Litvania* occultâ manu per aërem remisit, egimus Lib. I. c. 13. quam se vidisse & legisse An. 1641. *P. Schubertus* attestatur: *Nicolai, quæ petiisti, impetrasti*; characterem fuisse literis quidem usitatis, aliquid tamen humano characterē majus præferulisse.

CAPUT III.

Ven. P. Nicolaus eodem tempore duobus in locis apparet. Corporis ejus mira levitas & elevatio in Oratione.

Lux oranti circumfusa.

QUOD olim SS. Præsuli *Nicolao* divinitus concessum legimus, ut invocatus suis adesset ex remotissimo loco, & naufragio
perij-

periclitantes eximeret ; idem cum *Nicolao* nostro contigisse visuri sumus. An. 1607. *Romæ* studijs dabat operam è *Polonia* illuc missus *Societatis nostræ Scholasticus*, *Procopius Sambozeczky*, acris ingenij, & vividi, sed disciplinæ *Religiosæ* nonnihil impatientis. Discesserat jam *Româ P. Nicolaus*, qui juvenem suis monitis in officio tenuerat *Romæ*. Admonitore absente *Procopius* ad ingenium reversus, nihil jam de virtute seriò cogitabat. Huic *P. Nicolaus Romæ* apparens severo vultu, & tristibus verbis negligentia admonuit, multisque verbis increpito comminatus est, nâ resipisceret, & virtutis studium curamque profectûs resumeret. Scripsit hac de re ipsemet *Procopius* in *Poloniam*; sed minis his parum emendatus, paucis deinde mensibus à *Societate* defecit.

Meliorẽ exitum habuit altera ejusdem *Patris* apparitio : *Florianus Tyminsky* Vir eximiâ prudentiâ & morum integritate conspicuus, adhuc sui juris & libertatis, anxius deliberabat de statu vitæ deligendo. In ijs cogitationibus fortè ad *Ecclesiam* nostram *Lublinensem* se contulit, ante Christum in loco sancto deliberationem finiturus: statuerat deserere sæculum, *Societas JESU* occurabat animo, sed multa simul, quæ consilium difficile redderent, obveniebant. In ea lucta ante se stantem vidit *P. Nicolaum*, *Cracoviæ* tum multis inde milliaribus degentem, cujus lætissimo vultu

T

&

& aspectu mirè recreatus, injici animo suo sensit vehementem quandam cupiditatem ineundæ *Societatis*, quam brevì ingressus vitæ sanctissimè actæ finem æquè sanctum moriens imposuit.

Nobilis genere, sed longè virtutibus nobilior *Virgo Elisabeth Seniavvska*, *Marescalli Regni* filia, An. 1607. in Martio gravissimis exagitata conscientiae tumultibus, præcipuè quòd gravissimæ carnis tentationes miseram fatigarent, cùm se ad orandum dedisset, vidit *P. Nicolaum*, remoto multis milliaribus loco, suæ orationis socium, & postea in loco *Confessionis sacræ* sedentem: quo aspectu omnes illecebrosæ imagines momento evanuerunt, neque unquam in posterum redierunt. Hæc in *Chelmenfi Parthenone* acciderunt, cùm ibi fortè *Elisabeth* more *Nobilium Virginum* educaretur.

Quod sequitur, an & cui mirorum (nam miraculorum nolo dicere) accenseam, non satis invenio; quod à Viro *Religioso*, mihi notissimo, fide *Religiosâ*, & postea etiam *Sacerdotali* interpositâ narratum coram testibus multis accepi: Post An. 1641. cùm *P. Nicolaus Praga*, in Professorum domo habitaret, inquiebat ille, accessi Senem, & inter alia *spiritualia* dubia, quæ proponebam, quæsi: ecquid de oratione seu benedictione, quæ mensæ præmittitur, & quâ apud *Religiosos Viros* mensa finitur, præcipiendum haberet? reposuit Senex,

nex, faciendum quod omni oratione commendatur, ut ardentem, & affectu tenero *Patri* donorum & benedictionum omnium agantur gratiæ. Longius ego progredior rogando: quis ille sit modus orandi? respondet; imitandum esse *S. Fundatorem* nostrum, qui in gratiarum actione post mensam, ut in ejus vita legere est, velut coctus cancer præ fervore spiritûs rubescebat; simul *P. Nicolaus, Joannem Petrum Maffæum* de gestis *S. Ignatii* scribentem arripit, & caput de dono orationis *S. Ignatii* incipit prælegere; stabat ante mensulam suam Senex, me vix ulnâ à Senis corpore distante, cum ecce rapi extra se Senem animadverto, qui, posito ante pectus suum *Maffæi* aperto libro, in altum magno impetu elevatur, contentâ voce exclamans, & aliquoties hæc verba repetens: *Magnus Sanctus Ignatius! Magnus Sanctus Ignatius!* &c. cum elevaretur (altitudine unius & mediæ ulnæ) summo impetu quasi saliens tendebat in altum; cum descenderet, levissimè descendebat; hoc cum ter aut quater actum esset, toto intereâ vultu flammeo cælum suspectans, sibi redditus est langvens, & eo ascensu veluti lassatus & viribus defectus, subito me respicit, & omnis prioris colloquij oblitus in hunc modum alloquitur: *Quid tu hic agis? quid tu expectas?* ego quid vidissem, silentio obtexi, unum hoc respondi: eam diem recreationis esse, ac proinde Senem me invisere voluisse, tum

ille: *Abi, inquit, domū, aliud tempus commodius habebimus loquendi; ego me valde fatigatū experior.* Ità à Sene tum discessi. Hæc ille per animi sui conscientiam affirmabat se vidisse & audisse. At mihi hoc exemplo patescit, quod *P. Nicolaus* in conscientia secreta ratione Superioribus suis sæpius fatebatur (vide Caput XXI. Libri I.) his verbis: *Sentit* (in tertia persona de se loquitur) *quendam, ita loquendo, bullorem animi ex interna devotione proveniente, & quod ei sæpe contingit, corpus à terra elevantem, & quasi ad cælum volare volentem.*

Geminum est, quod commemorat *P. Casimirus Kojalovvicz*, quòd finè omnibus adjunctis ab eo relatum ipsius verbis recitabo: *In Sacello S. Ceciliae subterraneo Romæ, dum celebraret P. Nicolaus, altius se à terra elevatum sensit, quod etiam contingit Ministro Petro Staurino. Sunt, qui fide sincerâ affirmant, idem dum oraret in cubiculo contigisse; addunt, cubiculum orantis luce clarissimâ inter tenebras noctis illustre visum, quod etiam Culmæ celebranti, luce diei necdum exortâ, An. 1610. evenit; multâ visionum specie inter orandum ipsi P. Nicolao oblatâ, multo cælesti lumine repentè affulgenti tenebris & obscuritate vindicatâ. Ità*

R. P. Casimirus.

CA-

CAPUT IV.

*Arcana cordium divinitus intuetur,
& cognoscit.*

NUllum certius divinæ & DEO plenæ mentis indicium in vita hominum esse potest, quàm arcana cordium inspicere, quæ etiam *Angelorum* cognitionem fugiunt; solus DEUS hanc scientiarum immensitatem sibi reservat, qui non nisi amicis & charis sibi, idque perrarò, cor tinâ quasi reductâ, cor hominis aliàs inscrutabile, ostendit tam dilucidè & perspicuè, ut cogitationes, & quæcunque designavit homo, patefiant. Hac etiam in re dono cœlesti *P. Nicolaum* emuisse, & vidimus, & audivimus: plurimi sunt, quibus occultissima peccata non modò nominavit, sed etiam cum adjunctis omnibus, locorum, temporum, quasi ante se gesta essent, aperuit, & eâ ratione ad vitæ emendationem adduxit, quorum nomina necessario silentio involvimus. Neque modò ultro fatentes, sed etiam factum negantes, & pernegantes, omnibus circumstantijs facti allatis convicit. Novi Juvenum par (quorum uterque, ut sensus hominum fuit, mali malè perierunt) hi scelerato consortio inter se juncti momentem sæpius *P. Nicolaum* irridebant, ac tandem

quotidianæ ejus objurgationis impatientes, passim ut calumniatorem bonum *Patrem* infamabant; at ille iisdem vocatis, nè putarent falli & fallere, utriusque in scelerato facto gestus colloquia, statum, & situm corporis, & locum indicavit; qui pudore suffusi, è *Patris* conspectu convicti, & pudorem non ferentes protinus abiêrunt. Hæc *Olmucij* gesta Juvenibus narrantibus didicimus.

Meminimus sæpe *P. Nicolaum* divinâ quâdam vi correptum, subito clamorem sustulisse: in hoc cumulo & cætu hominum, unum vel duos, vel tres non placere DEO, itaque citò ad DEUM confugiendum, nè à divina ira occupentur imparati. Tristes hæcce minas ferè semper cum lacrymis pronuntiabat.

Brunsbærgæ, cùm ad Cives verba faceret, cœlesti procul dubio instinctu, descripsit cujusdam Civis mores, & sceleratos conatus, Juvenes ad scholas nostras itantes pervertendi: tantum nomini pepercit, sed vivis coloribus præsentem depinxit, additis minis nisi ab innocentia Juvenum per illicia sua, quæ domi habebat, tentanda desisteret, brevi tempore iram DEI, quem toties offendisset, experturum. Malè ista ab *Auditoribus* accepta sunt: Cives dicere, civitati suæ propudiosum esse: hominem concivem habere, qui Juvenes corrumperet; alij etiam *Religiosi*, non debuisse propalam dici à *P. Nicolao*, quæ unius hominis con-

conscientiam tangerent: *P. Nicolaus* se dixisse, sed quadam internâ animi commotione coactum affirmabat. Interea miser civis & hospes tertio die nihil de æternitate cogitans concidit, exspiravitque: quo tristi casu omnes *superiores* in *P. Nicolaum* calumniæ unâ exspirârunt. Hoc ex *P. Cassimiri* priori vita, quam scripsit, adfero, uti & quod sequitur. In *Provincia Polonia*, cùm *Seminario* cuidam præesset, & Sacrum in privato *Collegij Sacello* quinque aut sex nostris præsentibus faceret, sub *Offertorium Missæ*, ut vocant, repentè exclamâsse: *Heu! unus è numero meorum in luxuria infandum crimen lapsus est!* ea res eos, qui *Seminarij* curam unâ cum *Patre* gerebant, conterruit, qui occultissimum illud crimen indagando protraxerunt in lucem; sed *P. Nicolai* cœlestis prudentia vetuit ulteriùs procedere.

Alio exemplo non minùs memorabili de *Patre Nicolao* in *MM.SS.* suo rem confirmat *P. Godefridus Schubertus*, hîsce verbis: *Tempore Sacrificij videbatur frequenter non tam divina agere, quàm pati: interfui An. 1637. ejus Missæ, quam pro vota Religiosa renovantibus magno numero Nostreis legebat. Ubi ventum est ad illa verba Symboli: qui cum Patre & Filio simul adoratur, tantam vim lacrymarum repentè effudit, ut neque verbum proloqui, neque progredi posset, stetitque inter lacrymas dimidio horæ quadrante; & licèt duo è Patribus altare ac-*

cessissent, & verba, quæ sequuntur suggestissent, nihil percipere videbatur, donec ad se rediens, verba in quibus cessarat, prosequeretur, & Missam absolveret; rogatus à Patribus quid istud rei fuisset? ediceret; si quid ad solatium Sociorum revelasset Dominus. Tacuit; soli Schuberto suo post hora spatium, ultro rem aperuit: *DEUS bone*, inquit, quales hodie in Missa distractiones sum passus! (distractiones appellare solebat Senex revelationes & visiones) ex omni numero vota renovantium septem in corde *JESU* non inveni, quia vocationis immemores Societatem deferent. Quod etiam factum vidimus. Solebat autem ad ea verba: simul adoratur, in tribus cordibus *DEUM* adorare: in corde *JESU*, in corde *B. Virginis*, & in cordibus *Beatorum*. Hucusque *P. Schubertus*.

Plura ex eodem autographo, cùm semel cæperim, dabo. Accidit, ut sex *Sociorum* pomeridianæ recreationis horam cum *P. Nicolao* de rebus divinis tractando consumerent; observavit hoc unus aliquis *Patrum*, qui nuper *Magistratum Provincie* universæ gesserat, solumque sinè arbitris *P. Nicolaum* nactus, quæsit: an omnes illi *Juvenes* nostri, quibus cum à mensa egisset, in vita *Religiosa* ad mortem perseveraturi essent? respondit cum lacrymis Senex: *Heu! me, non omnes! quia Superioribus suis, à quibus possent juvari, conscientiam suam non retegunt. Factum, quod dixerat, & è sex*
illis

illis aliquis vix biennio exacto è *Societate* discessit. Prædictionibus hujusmodi *Cracovia, Vilna, Olomucij*, alibique factis aliquot pagellas implere possem, si id unum ageretur.

Juvenis, qui *Olomucij* literis operam dabat, in speciem modestus & pius, à confessione peracta in ambitu *Collegij in P. Nicolaum* incidit, quem ita Senex alloquitur: *Infelicissime Juvenis! éstne hoc ritè confiteri? tacere peccata quorum te pudet? cur subticuisti, quæ ante triduum patraveras?* ubi ille peccata sua enumerari audivit, tactus dolore, protinus in terram sese abjicit, & in eodem loco humiliter absolutionem petens, impetravit, tantùmque commotus est animo, ut paulò post *Religionem* quandam ingressus pie vixerit, & vitam finiret. Hæc ex autographo *P. Schuberti*.

Hic ego aliquid mirabile interseram, quod mihi cum *Ven. P. Nicolao* contigit: venerat *Olmucio Brunam P. Nicolaus*, cùm ego *Tyrocinium Societatis* inchoâssem; divinâ providentiâ factum puto, ut ego primus *Collegium* intranti occurrerem: *Janitor*, ut mos est, *Collegij Ministrum* quaesiturus abierat, stamus unâ ad *Catalogum* personarum, qui in *Collegij* ingressu pendere solet: inspicit, & nomina legit Senex, cùmque ad *Tyrones* venisset, ego commendare incipio de nomine quosdam; at Senex: *quos tu*, inquit, *mibi commendas?* *hic in Societate non persistet*, &c. plures tum mihi

T s

osten-

ostendisse videbatur, at ego ætatis vitio, quæ dicebat, memoriâ passus sum elabi; serò tandē cūm ex *Societate* exisſe viderem, *P. Nicolai* prædictionē veram agnovi; nomen enim unius vel alterius adhuc hodie recordor. Hæc An. 1637. aut 1638. gesta.

Romana exempla & *Romæ* cognita *Noſtris* at-
texere placet: erat *Romæ Paulus Motta* quidam,
qui de ſtatu vitæ, quem potiffimū eligeret, du-
bious angebatur, directorēque conſiliorum ſuo-
rum *Lucium Lucij* ſibi legerat; tantundem profe-
cit, nihīlque aliud lucratus eſt, quā ut ex incer-
tō incertior fieret; *P. Nicolaus* ultro *Lucium* adit,
eīque omnem *Pauli* anxietatem, & quod ei reme-
dium adferendum ſit, docet, ſimul colloquia o-
mnia & conſilia utriuſque quæ habuerunt, aperit,
hæc probat, alia confutat, præcipuē quædam ejus
dictamina, quæ *Paulo* noxia futura eſſent, & ſta-
tum vitæ difficilem redditura; mirabatur uterque,
neque niſi divinitus illuſtratā mente cognosci po-
tuiſſe à *P. Nicolao* agnoverunt, quæ dixerat; quæ
dicta facilem rationem conſiliorum perficiendo-
rum reddiderunt, ut quid eligendum è *DEI* gloria
eſſet clarè intelligerent.

Idem beneficium præſtitit *Nepti P. Franciſci*
Nerij noſtri, Virgini integerrimæ, diaboli fraudi-
bus penè jam irretitæ; vocata enim à *P. Nicolao*,
P. Franciſco præſente, nullis humanis ſignis præ-
miſſis,

missis, ità omnia, quæ in corde *Virginis* agitabantur consilia, protulit in medium, appositisque remedijs & cautelis circumscripsit, ut omne malum averteretur.

Virginem Prænobilem obviam aliquando habuit *Pater*, quam & *Nobilitas* & *Nobilitati* plerumque juncta morum elegantia & suavitas, suis multum commendabat. Non fefellit *P. Nicolaum*, qui divinâ luce illustratus agnovit in aureo vase lutum contineri, monuitque avunculam *Virginis Marchionissam*, seriò custodiæ *Virginis* invigilaret, multa in profundo vitia latere; & certè latuerunt: adhibitâ custodiâ turpissimæ voluptates, insani incestus proditi, *P. Nicolai* non vanum timorem fuisse monstrârunt.

CAPUT V.

Plura in eandem rem exempla, ex quibus patebit arcana cordium Patri Nicolao DEO revelante cognita fuisse.

B*Runa* apud *Moravos* in templo nostro *Sacrum* facienti aderat, ministrabâque *Adolescens* è scholis *Matthæus Renardus* nomine; is à malo dæmone impurissimis imaginibus immisissis fatigatus, denique jam non ferens luctam tam gravem, ijs cogitationibus occupabatur; cùm
P. Ni-

P. Nicolaus repente nonnihil ab altari versus: *relinque, inquit, & abjice has cogitationes!* ictus velut flumine *Juvenis DEO* se reddidit, & totum, quod acciderat, *Condiscipulis* postea commemoravit, quorum duo jam Sacerdotes *Bartholomæus Dolesius*, & *Georgius Castulus* vivunt, à quibus id accepi.

Ibidem *Brunæ* exhibebat comœdiam *Magister*, cujus nomini parcimus, & adhuc in vivis est; *Auditores* inventionem nobilem, carmen venustum, dexteritatem agendi in Adolescentibus, & spectaculis resurgentium mortuorum mirabantur; at *P. Nicolaus*, qui inter *Auditores* sedebat, ubertim & continenter flebat, neque toto illius actionis tempore lacrymis imperare poterat; causam rogatus, habuisse se distractionem respondit, at amicis hoc unum: *lacrymarum mearum causa Magister est comœdia Author, qui in Societate nostra non morietur*; veritatem eventus ostendit.

Sæpe jam dixi prioribus libris, *P. Nicolaum* in sacris Confessionibus, si quid à pœnitentibus omissum fuisset, monere & supplere solitum. Hoc exemplo *P. Godefridus Schubertus* confirmat: *Narravit mihi An. 1641.* (verba ejus recito) *Sacerdas Religiosus magnæ inter suos authoritatis, qui deinde Provincialis sui Ordinis creatus est, voluisse se An. 1640. P. Nicolao, dum Glacij degeret, generalem de tota vita Confessionem instituire, ad eamque se magnâ*

*gnâ diligentia præparasse. Die præstitutâ, ajebat : Colligium adeo, & rectâ in cubiculum P. Nicolai datâ veniâ feror ; ille ut me vidit, statim in meos amplexus ruens exclamat : mi Pater, noli esse de modo consitendi sollicitus, ego jam omnia scio, incipitq; ex ordine omnia recensere peccata, quorum causâ præcipuè Confessionem instituebam, & eadem esse, quæ annotaveram ; quod dum audirem, in genua proci-
di, & ab ijs absolutionem cum ingenti animæ meæ in ipso dolore solatio & gaudio impetravi. Hæc ille Religiosus Smirzicij coram multis exposuit, dein-
de etiam An. 1644. in Professorum domo. Purgæ jam Provincialis iteratò coram quatuor Pâtribus nostris confirmavit, paratus juramentum de rei veritate Nostris præstare, quoties id à se require-
retur. Aliud idem Pater narrabat : Cùm essem, inquit, in nostro Glacensi Cænobio Concionator, invi-
tatus à vestris Patribus, ut apud vos S. Ignatij de ejus virtutibus ad Populum dicerem, accessi Ven. P. Nicolaum, petiique argumenta dicendi : ille con-
tinuò Tomum mihi suum obtulit, in quo mira S. Ignatij encomia, quæ Romæ annotaverat, & ingeniosa de S. Ignatio ab Italis Concionatoribus dicta contine-
bantur. Contigit autem nocte quadam, dum ex co-
libro, quæ argumento Concionis meæ servirent, colligo, & postea ad aliquod tempus è cubiculo abscedo, repentè scintillam ex candela in P. Lancicij librum decidere, quæ sat multa folia depasta est, & plùs
quàm*

quàm dimidiâ parte consumpsit. Damno hoc perterritus diu librum Patri restituere differebam, tandem vici timorem; at ille ubi me primò vidit: Scio, inquit, scio, quid factum sit libro, scivi etiam horam, quâ factum est, tum suaviter increpitum me negligentia, bono animo esse jussit, & à se dimisit. Plura adhuc narrare parabat Provincialis, sed interventu aliorum abrumpere narrationem coactus est.

Huc pertinet illud, quod *P. Casimirus* primus Vitæ Scriptor, Vir utique fide dignissimus commemorat: inutilibus teneræ Conscientiæ timoribus (quos passim spirituales Viri scrupulos vocant) *Franciscus Sziubovvsky* noster vexabatur; jam nocte imminente ad *P. Nicolaum*, vel auxilium, vel consilium, vel solatium petiturus, ad januam accessit, pulsatisque de more foribus ingressum molitur, nondum viso homine *P. Nicolaus*, *vade*, inquit, *mi frater in pace! nihil est, quod te excrucies, depone inanes conscientia metus, & quietè dormi.* Ad has *P. Nicolai* voces secuta ingens mentis tranquillitas; die altero vocato *Francisco* ad se, ultrò *Pater* timorem ejus, & responsi sui causam exponit, & *Magistro* nihil jam movente omnes animi angores infusâ quadam novâ hilaritate abstergit. Idem *Franciscus*, cùm ei defensionem *Philosophicarum Thesium Majores* detulissent, multùm fluctuabat animo, an susciperet, an religiosè onus deprecaretur? venit iterum consilij

cau-

causâ ad *P. Nicolaum*, qui subridens chartam illi diu antè scriptam porrexit, & ante *SS. Eucharisti- am* præmissâ supplicatione legere iussit; legit, & omnes cogitationes suas descriptas esse admira- bundus vidit; adscripsit *Pater* consilium de tota re suum, quod *Franciscus* ex autoritate *Patris* protinus est secutus.

CAPUT VI.

Prædictiones.

NON modò præsentia & cordium arcana, vidisse *P. Nicolaum*, exemplis ostendimus, sed etiam futura, quasi ante se gererentur cognovisse, hoc capite visuri sumus. Ac profectò tanta fuit prædictionum ejus multitudo, ut propè nullus familiariùs cum eo egerit, qui prædictum sibi ab eo aliquid non haberet; multi graves morbos, alij statum vitæ, alij ætatem longam, alij adversitates innumeras, quas tolerare opus esset, alij alia narrabant, quæ accidisse omnia compertum est: *Romæ* dum moraretur, *Clementis VIII. Pontificis* mortem, quo contigit anno, diu antè prædixit; & *Leonem XI.* disertè primâ Electi- onis suæ hebdomadâ multis audientibus edixit, *Majum* mensem non superaturum vivendo, ac nisi ante quatuor tempora Nepotem suum in Cardi- naliū numerum adlegerit, deinceps id non per- fecturum.

Nu-

Nuperrimè audivimus, scribit P. Casimirus Kojalowicz testis auritus, allatâ Nesvisium electione Adm. R. P. Alexandri Gottifredi in Generalem Societatis Nostræ, P. Nicolaum subito oculis mentèque in Cælum elevatâ exclamâsse: electus est quidem, sed brevi ad suos antecessores apponetur. quod factum postea Româ paucos post dies intelleximus, & doluimus. Mirus est (quia pluribus vaticinijs constans) sed ad idem argumentum pertinens, responsum P. Godefrido Schuberto An. 1638. datum: cùm enim Olomucij ex P. Nicolao quæreretur: quemnam post mortem Adm. R. P. nostri Mutij Vitellefci Societatis Præpositum Generalem eligendum putaret? diu Senex hæsit, post aliquam moram hæc prolocutus: habet Italia duos Viros præstantes admodum; alter Neapoli degit P. Vincentius Caraffa, alter Romæ P. Franciscus Piccolomini; uterque erit Generalis, & tu utrumque Generalem supervives. P. Caraffa tamen Piccolominium præcedet; subjecit iterum: Ità est. tu vives post illos, ego interea post alterius obitum quiescam in terra. Hæc ipsissima verba fuere P. Nicolai, quorum veritatem tempus ostendit.

Illustriſſimæ Matronæ Ludmilla de Sternberg, mortem filij secundogeniti 13. ipsis annis quàm acciderat, prædixisse P. Nicolaum ipsa Mater hisce verbis testatur: 13. anni sunt, à quo mihi beata memoria P. Nicolaus Lancicius prædixit, meū secundogeni-

genitum filium ad virilem etatem non perventurum. Tenui secretum, nec ulli viventium rem patefeci; nunc quia verba suum finem sortita sunt, cum maximo quidem luctu rem aperio, ut vel ex hoc pateat, quam vera sint illa, quæ S. ille Pater prædicebat. Hæc illa scripsit ad P. Schubertum, cui etiam prædictionem istam ex Polonia scriptis literis patefecit P. Nicolaus hisce verbis: Saluter Reverentia, Vestra meum Adamum Illustrissimæ Ludmillæ filium, quem Mater adhuc pauculis annis videbit. Quod de illo dixi, fiet. Ità, ut prædixerat, accidit: nam ipso anno, quem P. Nicolaus designaverat, ex gangræna viscerali summo Parentum dolore expiravit. Eandem Illustrissimam Domum P. Nicolaus, multis alijs prædictionibus, sibi obnoxiam fecit: memorabilis est illa, quam ex Polonia datis literis aperuit Illustrissimo Domino Francisco Mathiæ de Sternberg, qui cum Supremi Judicis in Regno Bohemiæ munus nuper sibi à Cesare delatum accepisset, totius Regni votis ad maximos quosque honores destinabatur. Verba ex literis recitabo: Vestra Illustrissima Dominatio amet DEUM, brevi enim videbit vitæ suæ finem, & hoc non naturali, sed violentâ morte. Non apparebat, unde illa violentia adferri posset; ecce tibi Königsmarkius Suecorum Ductor, post duos, non amplius à prædictione P. Nicolai menses, Arcem, & minorem Urbem Pragensem occupat Anno 1648. in eo tumultu Illu-

V

stris-

strissimus, quem dixi, dum temerè fenestram aperit, quid rei esset visurus, globo à milite hostili brachium ei sinistrum trajicitur, & octo diebus, frustra omnibus curationibus adhibitis, octavo die discedit è vita, optimè à *Nostris Patribus*, quorum erat singularis, & liberalis amator, comparatus ad mortem. Plures mortium prædictiones adferri possent: *P. Godefridus Schubertus* decem, ait, se novisse, qui morientes affirmârint: hoc esse tempus, quod in tali loco, aut Collegio, ante triennium vel quadriennium *P. Nicolaus* illis prædixisset; inter eos Patrem fuisse, qui *Româ Rector* cujusdam Collegij nominabatur, quem priùs moriturum *P. Nicolaus* prædixerat, qui repentè in morbum lethalem incidit, & intra octiduum morte sublatu est.

Pater Teicher multis præsentibus querebatur extenuari se, & corpore nihil proficere, quamvis escæ non parceret; risit *P. Nicolaus*, subjecitque: *Atqui, bone Pater, tam vasto ventre ante mortem apparebis, ut vix per hanc portam exire possis*; nemo quorsum ista dicerentur, intellexit: donec post annos plurimos *P. Teicher* ad curationem hydro-pis enormi ventre *Pingam* venit, & prædictionem *P. Nicolai* nobis narravit, sed in curatione me præ-sente mortuus est, postquam Chirurghi aperto ventre 15. grandes amphoras aquæ eduxissent.

Anno 1638. *Gitzinio* ad Senatorem *Olomucensem*

sem familiarem suum in hæc verba scripsit P. Nicolaus : quia sua Dominatio suam filiulam nimis amat, DEO visum est, ut eâ post paucos dies careat per mortem naturalem. Paulò post acceptas liçeras puel- lam febris incendit, & intra triduum extinxit. Interfuisse ejus funeri, & socium se fuisse *P. Georgij Pelingæ* testatur *P. Godefridus Schubertus*, qui addit mira plurima de *P. Lancicio* prædictum *Patrem Georgium* habuisse perspecta, quæ cum illo moriente perierunt.

Hoc eodem anno *Giczinio* in æstate *Otomucium* scripsit *Ven. P. Nicolaus : Attendite Urbi vestrae, imminet enim illi grande malum.* (adjecit causas divi- næ indignationis, & occulta quædam in Domi- bus, quas nominabat, gesta, quæ me non decet describere) Post hebdomades pauculas, quodam Dominico Die in multis Urbis partibus excitatur incendium, & 90. aliquot domus hausit, quod ul- timò tandem, nè serperet longiùs, solis prope Re- ligiosorum manibus est extinctum, grandi pericu- lo, cùm jam flamma turrim pulverariam allambe- ret, quæ correpta sinè dubio maximam Civitatis partem evertisset ab imo; *Nostrorum Magistrorum* industriæ evitatio tanti periculi debetur, quod de- inde grata Civitas agnovit.

Pragam revertor, cujus Obsidionem, & circa eam solitudinem, & miserum Urbis statum longè antè *Reverendo Patri Casparo Tausch Ven. Pater*

perscripsit; monuitque fami publicæ anteverterent *Pragenses Nostri*, duos exercitus brevè ad *Pragam* constitutos, qui nisi *Praga* provideat, latè omnia circum depasti, annonam difficilem sint reddituri. Ut prædixerat, contigit, *Panirio Pragæ* magno exercitu cingente, primùm *Cæsareæ Militiæ Dux Hatzfeldius*, deinde An. 1640. *Serenissimus Archidux Leopoldus* fessis obsidione Civibus succurrit, totùmque *Cæsaris exercitum* adduxit; ità factum ut à militibus *Cæsareis Cives* annonam emere cogerentur. Alteram etiam *Pragæ* obsidionem, An. 1648. & Parvæ Partis *Pragensis* occupationem longè antè pluribus prædixit: *Viro Illustrissimo* ex Italica arundine baculum dedit in manus, cum his verbis: *Illustrissime Domine hunc scipionem diligenter serva! veniet tempus, cum valde illo egebis*. *Pragâ* captâ, etsi duodecim, ut vocant, *Dominia* teneret, eò devenit mendicitatis, dum *Pragam* teneret hostis, ut pro se, & pro *Illustrissima prole* panem ostiatim petere oportuerit; narravit hæc *Illustrissimus ipse*; sed tandem pace facta abeuntibus *Svecis* ad pristinas opes pervenit, possessionibus recuperatis.

Ad hoc etiam caput pertinet prædictio illa, quam enumeratis pluribus alijs, sibi quoque à *P. Nicolao* dictam commemorat *P. Godefridus Schubertus*, quam verbis ipsiusmet recitabo: An. 1638. *cum tanquam Confessarium domûs P. Nicolaum accede-*

cederem, peracta Confessione, Crucifixi signum ex oratorio cum impetu arripit, moxque me totus lachrymis diffuens affatur: Charissime Magister, amasne ex toto corde Dominum cruci affixum? Et cum ego pariter lachrymis responderem: amo, Et per Ejus Et Vestra Reverentie merita semper amabo; Crucifixum tam validè pectori meo appressit, ut clausam vestem penetrans reliquerit etiam in pectore meo cicatricem; hoc, inquit, sit tibi signum in quo vinces; multa enim patieris. Quàm multa post hæc ab omni hominum genere passus sit P. Godefridus, scimus, qui unâ ætate viximus.

Oppolium Silesiæ superioris Urbem transibat P. Nicolaus, occurrit parvulus in linea prætexta, quem intuitus Pater, ad Parentes qui aderant, conversus, hæc paucula dixit: Puer hic postquam adoleverit, nigram prætextam mihi similem geret, quâ in Societate nostra induetur. Receptus in Societatem vivit, & Patris Nicolai vaticinium approbavit, quod sæpius à Parentibus audierat; nomen ejus initialibus literis G. T. exprimo.

Anno 1637. Olomucij multùm ædificationi Collegij domus vicina obstabat, neque si illa domus staret, Collegij fabrica, quam Nostri moliebantur, protendi poterat. Rector oblato pretio Illustrissimum multis precibus fatigabat, ut eam Collegio venderet, & aliam longè commodiorem offerebat, nihil proficiebat, & denique obstinato

animo, negavit se dum viveret venditurum. Hoc intellecto *P. Nicolaus* multis audientibus dixit: *Servemus regulas, & domum istam hoc eodem anno habebimus!* nondum evolutus est annus, *Illustrissimus* domûs illius Dominus è vivis excessit, quòdque memorabile est, cùm antea vendere noller, supremâ voluntate tabulis legitimè confectis, Collegio donavit; quæ omnia in Archivo Collegij Olomucensis consignata leguntur.

Concludam caput hoc de prædictionibus *P. Nicolai* memorabili observatione: affirmat enim primus vitæ scriptor, quod mihi etiam cognitum, perspectumque est, *P. Nicolaum* plurium obtrectatorum suorum mortes, & tempus, & genus mortis à DEO revelatum habuisse; qua in re videre licet, quàm Divina Bonitas ægrè ferat dilectos suos oppugnari, deinde, quantum DEUS patientiæ *P. Nicolai* tribuerit, qui de morte eorum nullam vindictæ dulcedinem admissurus esset. Cavit plurimum *P. Nicolaus*, nè quid de rebus sibi concreditis emanaret in publicum, sed cùm aliquando iustis de causis, & motu divino, ut apparebat, uni vel alteri familiarium suorum, rem aperuisset, continuo innatâ hominibus garrulitate, ad plurimum noticiam devenit: statim res tam nova, & inusitata *Adm. R. P. nostro Mutio* nunciatur: *P. Nicolai* obtrectatores finè Sacramentorum susceptione mori, idque à *P. Nicolao* prædictum. *Admod. R. P.*

R. P. Noster pro potestate *P. Nicolaum* interrogat: verane essent, quæ vulgò, quasi à *Patre* ipso dicta, narrarentur? candidè respondit *P. Nicolaus*: omninò ità esse, sibi que à Domino revelatum, plures in pœnam oppugnatae innocentiae suae, & librorum, sinè Sacramentis extinctum iri, plurèsq; nominavit, hâc pœnâ plectendos à DEO; quos inter erat, qui humano iudicio pœnam hanc minimè merebatur: alter, qui de *P. Nicolao* dixerat audientibus multis: ego istum hominem intelligo, qualis sit; alter, librum de negotiatione cœlesti, quasi inutilibus minutijs refertum contempserat; uterque tamen, ut *Pater* prædixit, repentinâ morte sublati sunt: Ego alios duos, trêsvè nominare possum ex obtrektoribus, qui sinè cœlesti viatico, & ferè repentinâ morte sunt extincti; nimirum sinistra Iudicia odit DEUS, & quæ in ejus servis non intelligimus, vult silentio potius quàm temerariâ censurâ traduci.

CAPUT VII.

P. Nicolaus Sigismundo III. Poloniae Regi primus Victoriâ de Roxolanis obtentam, item mortem cujusspiam è Nostreis absentis nunciat. Simulatam cujusdam mulieris vitæ sanctitatem detegit.

BEne dictum est : *Anima Viri Sancti enunciat aliquando vera magis, quàm septem speculatores stantes in excelsis.* Gerebat bellum *Sigismundus III. Polonia Rex*, cum *Roxolanis*, & exercitu in hosticum misso, ipse postea secuturus, *Vilnae in Litvania* constitit. Cùm Sacrum *P. Nicolaus* legeret, qui ipse tum *Vilnae* morabatur, offertur Visio; videt Exercitus duos dimicantes accerrimè, ac tandem alterum *Roxolanorum* exercitum fugâ dissipari, *Regijs copijs* vincentibus. Absoluto Sacrificio adit *Regem P. Nicolaus*, promissoque à Rege silentio, victoriam *Regi* amplissimis verbis eodem die partam gratulatur; addit omnia quæ *Regem* scire oportebat, & gaudio triumphantem, ad DEO agendas gratias impellit. Nihil hujus lætitiæ cum *Aulicis* communicavit *Rex optimus*, donec post aliquot dies (nam prælium magnis centum *Leucis Vilnâ* commissum erat) citatis equis Victoriæ nuncium ex *Castris Polonicis* accepit; ferunt hanc victoriam tanti fecisse *Sigismundum*, ut, quod in nulla alia fecerat, eques ovan-
tis ritu urbem obiret, & substrata hostium vexilla equi pedibus calcaret. Ex eo tempore *P. Nicolaus* multum gratiâ, autoritate & amore apud *Regem* crevit.

Anno 1639. *Iglavie* cùm Nostri Patres & Fratres, à cœna, ut fieri solet, religiosis & lætis colloquijs mutuò sese recrearent, magnusque eorum
esset

esset numerus, qui partim *Pragá*, quæ tum obsidione Svecorum premebatur, partim ex alijs Collegijs, *Iglaviam* sese receperant, repentè *Venerabilis P. Nicolaus* abrupto suo & aliorum (quod nunquam faciebat, & incivile esse dicebat) sermone, attonito similis exclamat: *P. Georgius Meridies est Pragá mortuus!* quo dicto jam tumentibus ad fletum oculis, ad cubiculum suum properavit, & coram *Crucifixo* multis lachrymis ejus mortem deploravit, DEO animam Patris ardentissimis precibus commendans, quòd eum in vita propter virtutem, & singularia DEI dona multùm amâisset. Post triduum *Pragá* adferuntur literæ, mortem *R. P. Georgij* nunciantes, collatisque temporibus cognitum est illud tempus mortis, quod *P. Nicolaus* dixerat fuisse.

Memorabile est exemplum sceminae cujusdam in speciem Sanctæ in *Masovia*, quæ *Biedovvna* dicebatur, quæ tam dextrè sanctitatem, atque etiam miracula fingere, & ordinare sciebat, ut totâ illâ Provinciâ nomen admirabilis sanctitatis obtineret: orationi præcipuè dedita totum antemeridianum tempus, quo sacrificia peraguntur, consumebat in templis, tota in lachrymis, & gemitibus, interdum subitò dolore quasi absorpta agitabatur membris omnibus, & in globum convoluta ad spectantium commiserationem humi volvebatur, vociferans pro peccatis populi immitti sibi dolo-

res à DEO, quòd in se pœnas peccatorum transferri à DEO impetrâisset. Inter hos cruciatus nihil frequentius audiebatur, quàm illud : *Propter te mi Domine ! suscipiat hoc Dominus meus* (malum dæmonem Dominum suum intelligebat, cui se ex asse devoverat) unde nunquam DEUM, aut Christum Dominum nominâsse audita est ; sæpe lucis radij ex vulneribus Crucifixi ad cor manúsque mulieris directi à plurimis visi sunt, imò etiam particulæ hostiæ ad desiderium Eucharistiæ tabescenti in os injici videbantur ; multos Illustres virtute & dignitate Viros miraculorum famâ ad se attraxit, qui ejus spiritu & vitâ inspectâ sanctitatem fœminæ deprædicabant. Nihil istorum P. Nicolaum, permovit, qui verborum alias parcissimus, clarè affirmabat vanam fictâque esse *Biedovvna* sanctitatem, quam etiam ob causam multos offendit ; præcipuè postquam Vir illustris pietate ac doctrinâ affirmavit, se per merita dilectæ DEO *Biedovvna*, à DEO verum animi dolorem de peccatis petijisse, & mox impetrâsse, ut vix peccata præ lachrymis & gemitibus in Confessione enunciare, posset, respondit P. Nicolaus, non hæc *Biedovvna* meritis, sed ipsius Confitentis bonæ præparationi & fiduciæ adscribi oportere, nam *Biedovvna sanctitatem palliatam esse*. Verum fuisse P. Nicolai judicium eventus ostendit : nam ob multorum milium summam pecuniæ à Viro pio, nomine S. *Barbara*

baræ (quæ id peteret) fraudulenter extortam, in jus vocata, plurimis simul fraudibus deprehensis capitis damnata, sacrilegas fraudes morte luit, quamvis dæmon in forma equitis spectatissimi carcerem palàm, & cæteris captivis videntibus ingressus, tribus continuis noctibus miseræ mulieri persvasisset, anserinum caput suppositurum se in pœna; sed verum *Biedovvne* caput carnifex ostendit, & populus exanime corpus cum execratione spectavit.

Nobilis per *Italiam Ecclesiastes*, multis jam in Urbibus auditus, ad extremum etiam *Rome* audiebatur, miris populi plausibus Conciones ejus sacras prosequentibus; dum alij nervos & robur, orationis vim, alij alia laudarent, unus *P. Nicolaus* quoties eum audiret, quoddam frigus sentiebat, & nauseam, quam superare non posset; admirantibus Socijs, & quid hoc sibi vellent nescientibus; paulò pòst bonus Ecclesiastes, abjectâ virtutis veste, deserto sacro Ordine, cui adscriptus erat, apertè profugit, totum sese fædissimis sceleribus immergens.

CAPUT VIII.

Dæmoni devotam Mulierem ad frugem reducit; duos demones ex obsessi corpore pellit; dæmonis in P. Nicolium odium.

Supr.

Superioribus libris sparsim narraveram, quàm implacabili odio malus dæmon in *P. Nicolaum* ferretur, quo nullum certius virtutis argumentum est: cùm enim maximè DEUM oderit, consecrarium est, ut DEI amicos, & eos maximè, qui Regnum ejus amplificant, oderit & execretur. In eam rem aliquot proferemus exempla: Mulier erat nobili orta genere, nec minùs opibus clara, quas moriens maritus multùm auxerat, post cujus mortem, illa pro ætatis ludo habebat, amatores domum recipere, iisque sese totam dare; tandem Divina Bonitas respexit miseram, quæ propudiosâ vitâ, & quæ inde sequebatur, infamiâ, & totius urbis offensione, commota, DEI timore cor vellicante à Confessione peccatorum pœnitentiam inchoavit, & voluptatibus nuncium remisit. Cùm homines cessarent, en tibi malus dæmon veteris cujusdam amatoris specie nocte concubiâ comparet, & miseram ad facinus sollicitat, & persuadet. Quot noctibus repetebatur scelus. Mulier infelix quid ageret? vel ipsum scelus confiteri pudebat, & procus infernalis, ultrò jubebat quò vellet ire, & se accusare, non posse sibi eripi, quam semel amare cepisset. Mulier frustra semel iterùmque confessionem peccatorum iterat, dæmon factum irridet; nihil consilij, nihil spei supererat afflictæ, ad *P. Nicolaum* confugit, conscientiam aperit, quid pateretur, manifestat, petit auxilium;

lium ; ille bene sperare jubet ; tum fiduciam in DEUM excitat, auxilium Divinum promittit. Muliere in spem bonam erectâ, pro omni remedio & amuleto suadet, ut venientem hospitem verbis contemptissimis audacter, & in DEI nomine aggrédiatur : *lutulentum porcum, fœdam bestiam, mancipium inferni, carbonem ignis aterni appellet ; hœccine esset Angelicum agere, quod nomini, & natura Angeli prorsus repugnet ? sese in DEI paternum sinum projiceret, à quo se deferendam non crederet.* Adfuit amator stygius, mulier constantiâ plûs quàm fœmineâ, repetit quæ à Patre audierat, quæ cùm cæpisset dicere, nec expectato salutationis tam probrosæ fine profugit, neque unquam redijt. Habebat hoc P. *Nicolaus* pro documento, quod suis, ut antè dixi, inculcabat, ut, quoties suggestionem dæmonis aliquam adverterent, contemnerent, optimè enim dæmones contemptu fugari.

Conscripserat P. *Nicolaus* libellum, in quo magnâ diligentîâ congesserat, sub certis speciebus peccatorum catalogos, ut eo quasi monitore adjuvi, qui universalem peccatorum Confessionem facere vellent, facîle in notitiam suorum peccatorum pervenirent ; cavebat autem diligentissimè *Pater*, nè nisi adultis, & qui malè vitam se exegisse dicerent, eum libellum ostenderet. Hic quoque dæmonis odium in P. *Nicolaum* patuit : non nemo Sociorum ex *Collegio Romano Gabriel Rôscius,*

*sci*us, cùm generalem totius vitæ confessionem facere statuisset, multis precibus fatigatum *Patrem* coëgit, sibi ut libellum concederet: monuit *Pater*, cautè & cum cura servaret, insidias ei libro strui; ac primùm quidem mutuator libellum non dimittebat è manu, postea nè macularetur, chartam aliam accepit, quâ libellum *P. Nicolai* obvolvitur, & nè excideret, chartâ inflexâ, dextrâque compressâ portavit. Apertâ in cubiculo manu, chartam quidem, cui instructionem Confessionis imposuerat, conclusam, ut antè, invenit; instructionem autem ipsius, nec intra involucrum, nec in via, quâ transferat, protinùs recurrens, invenire potuit. Re intellectâ *P. Nicolaus* ad preces conversus, eandem instructionem occultâ manu restitutam recepit; ita furto suo prodidit malus dæmon, quantum libellum illum odisset.

Odiū quoque dæmonis in Patrem, aliud exemplum comprobavit. *Angelina Paula de Leonibus*, Religiosa Ordinis S. Augustini, Romæ in Monasterio S. Lucie, cùm exercitia spiritualia, & instructionem vitæ à *P. Nicolao* accepisset, apparens aspectabilis dæmon, Virgini tres colaphos, ut probè sentiret, infregit, adiecitque insultans: *Accipe hoc pro amore tui Sancti Patris* (ita illa *Patrem Nicolaum* appellare solebat) At *Paula* studiosius Patris instructiones audiebat, quò magis dæmoni odiosum esse sciebat, qui varia objiciebat impedimen-

mehta Virgini ; & cùm aliquando conscientia suaratione Patri suo redditura scriberet , spectris horrificis circa se oberrantibus infestata , adeò etiam atramento perfusa , donec aquâ à Patre benedictâ malum & diuturnum cubiculi sui hospitem prorsus exegisset.

Aquæ facta mentio revocat in memoriam complura , & mira quidem ejus aspersione patrata . Benedicebat eam , ut in sacris loquimur , P. *Nicolaus* summo devotionis ardore , usitatis Ecclesiæ orationibus , sed ejus precibus vim quandam addebat DEUS : constat hac lustrali aquâ aspersos plurimos recepisse sanitatem . Et nè sinè exemplo loquamur : *Mariana Kucharska Matrona Princeps, Castellani Sierpsiensis Conjunx* , prece præmissâ , aquâ illâ oculos conspersos sanavit , alteriusque ulcus ægrum suffocans , quod nullis medicamentis ad cicatricem perducì potuit , brevi tempore rupit , & exsiccavit . Hanc medicam aquæ à P. *Nicolao* benedictæ vim sensere *Reverendi Patres Carmelitani Excalceati* , qui ex *Cænobio Pragensi* quot mensibus aquam lustralem à P. *Nicolao ex Domo Professa Pragensi* , cùm *Pragæ* moraretur , petere solebant , quòd Tyrones ejus sancti Ordinis , miros , & supernaturales in corporibus & animis , hujus sacrae aquæ in se experirentur effectus , testaturque P. *Godefridus Schubertus* , postremâ adhuc sui discessus horâ , P. *Nicolaum* à Patribus

bus illis rogatum, ut aquam à se Ecclesiæ ritu benedictam habere possent, quod etiam impetrârunt. Sed unde delapsi sumus ab odio dæmonis, redeamus; non mirum est eos infestos P. *Nicolao* semper fuisse, neque ejus nomen, ut superius probatum est, audire sustinuisse; cùm tot animarum (audeo dicere) millia, ex eorum servitute, in libertatem filiorum DEI vindicârit. Duos etiam dæmones è corpore ejecisse invenio: cùm enim *Roma* versaretur, impositam sibi à Superioribus energumeni curam DEO fretus suscepit, & adhibita imagine S. P. *Ignatij*, malos hospites ejecit: vidimus hanc imaginem in *Bohemia*, etiâque hodie apud *Illustrissimum Virum* servatur, & quia ipsam historiam rei continet; verba ipsa, quæ *Senex* imagini inscripsit, recitabo: *Dum imago hac P. Ignatij admoveretur Nicolao Nurchino energumeno, demon ex illo exivit, & postea alter demon exiens fassus est, priorem demonem fugatum esse ab hoc Sancto, quem nominare jussus, primum noluit, tandem coactus Ignatium esse dixit.* Contigit hoc

*Roma 3. Martij in templo Sanctæ Catharinæ
propè Collegium Anglicanum,*

Anno 1600.



CA-

CAPUT IX.

*Apparitiones quædam vitâ defun-
 Etorum. Angelorum ministerio, præcipue
 S. Angeli Custodis, non semel usum P. Ni-
 colaum exempla probârunt.*

Illustre exemplum ex multis adferam : *P. Casti-
 mirus Sarbievius* Horatius Sæculi nostri, &
Wladislai IV. Regis Poloniae laudatissimus *Eccle-
 siastes, Varsaviae* Anno 1641. vitâ excessit; habi-
 tabat tunc temporis *P. Nicolaus in Collegio Pro-
 vinciae Boëmiæ Glacensi*, Patres tertiæ probationis
 informans; cùm illâ ipsâ mortis horâ vigilianti &
 oranti *P. Nicolao*, *P. Sarbievius* adstitit, suffragia
 & auxilia flagitans, quæ cùm promississet Pater, e-
 vanuit. Manè alterius diei *P. Nicolaus* animam *P.
 Sarbievij* suis Patribus commendat, quasi de ea
 re literas à *Polonia* accepisset, putans neminem fo-
 re, qui tempus observaret. Nuncium diu post ac-
 ciipiunt diversi, & temporibus collatis *P. Nicola-
 um* convincunt, coguntque fateri, post primam
 noctis horam *Sarbievium* statim à morte apparuis-
 se supplicem, & auxilia precum postulasse. De
 hac apparitione hæc pauca in suo libello annota-
 vit Senex : *Anima cujusdam Nostri circa mediam
 noctem, Varsavia mortui, secundâ circiter horâ
 post*

post excessum de corpore, oranti & vigilianti apparuit Glacij, mæsto vultu, indicans necessitatem suffragiorum. Tempus præterea mortis ejus agnovi ex R. P. Provincialis Polonia literis ad me datis, qui interfuit morienti. Nihil dubito P. Sarbievium ea auxilia retulisse, quæ retulit *Emilia Muta, Monialis Turris speculorum*, quæ Anno 1630. apparens gratias agi jussit pro Sacrificio Missæ statim post egressum animæ de corpore, à P. *Nicolao* oblato, & pro actibus internis ardentissimè pro moriente DEO oblatis.

Anno 1637. fœmineis ululatibus, & gemitibus totum Collegium *Olomucense* nocte implevit *Sancti-Monialis* quædam *Romana*: audivêre eam Italicè cum P. *Nicolao* loquentem, & gementem multi Patrum, qui in vicinia P. *Nicolai* habitabant; nihil fuit in Collegio illâ apparitione notius, & celebratius. Interrogatus *Pater* à familiari suo *Patre Godefrido Schuberto*, ingenuè fassus est omnia: *Monialem Romanam* fuisse, quam ob quosdam in via spiritali defectus & peccata sæpiùs corripuerat; ob illas Virginem ad Purgatorij cruciatus dejectam, & apparentem ad mediam spithamam ardentibus prunis coopertam stetisse. Hanc postea *Pater* sacrificijs adjuvit, & pœnis exemit, quæ grata redijt ad liberatorem, & singulari affectu gratias dixit.

Calissij dum *Rectoris* munus obiret, quoties ce-
le-

lebraturus è sacrario prodibat *Pater*, gemitus ex sepulchro Nostri cujusdam audiebat; lecto iterum iterumq; pro anima ejus Sacrificio Missæ, & commendatâ publicè Socijs defuncti animâ, gemitus conquievit. Qui alijs pia precum auxilia adferebat *P. Nicolaus*, eadem sibi, ut piè credi potest, in præmium charitatis ab Angelis impendi vidit: Anno 1636. *Olomucium* ex *Polonia* contendens, ubi *Collegium Olomucense* attigit, vestem viatoriam exuens animadvertit sibi deesse, quam semper collo proficiscens gestabat, Reliquiarum sacrarum thecam, quam scilicet in transitu *Collegij Oppaviensis* reliquerat; statim jacturâ tam nobilium cimeliorum, dente scilicet *S. Ignatij* & *S. Benedicti*, aliisque commotus, genua humi pònit, & sublatis in cælum oculis, pièque manibus ad orandum compositis, ingenti fiduciâ DEO supplicat, ut, quod amiserat, reciperet! cùm ecce invisibili manu ad oratorium cubiculi sacer ille Reliquiarum thesaurus deponitur; quo viso incredibili gaudio delibutus *P. Nicolaus*, DEO publicè gratijs actis, sacram illam thecam plurimis osculis salutat. Nullus fuit Nostrorum tum præsentium, qui auxilium Angelicum non agnosceret, qui innatâ sibi celeritate tam brevi tempore grandia octo milliaria metiri & remetiri potuerint, & quod petebatur referre.

Aliud idque ob perpetuitatem pretiosius be-

neficiū, ab Angelis ac præcipuè *Custode Angelo* accipere se non diffitebatur, ut narraveram Lib. 1. cap. 20. P. *Nicolaum* scriptis suis charissimis, tum alijs rebus omnibus pretio aliquo dignis, à prædonibus in sylva spoliatum, & in obedientiæ præmii multas à DEO prærogativas accepisse, maximè in scribendis, quæ vocabat, Opusculis; præcipuum inter ea meritò censerì potest illud, quòd in librorum scriptione, cū suas Doctrinas *Sanctorum Patrum* autoritate & sententijs adductis confirmare cuperet, statim ubi primū aperuisset librum, sententiam reperiret maximè Doctrinæ suæ congruentem, quòd etiam ante me factum vidi; dicebātque, si qui etiam adessent: *en Bibliothecarius meus! quā bene callet singula, & quā versatus est in SS. Patribus*; huic Angelico auxilio adscribendum videtur, quòd factò semel scribendi initio celeritate mirabili, sinè ullo adminiculo librorum, opuscula sua absolveret, ut factum vidimus in *Arce Carlsteina*, ubi intra octo dies librum justæ magnitudinis *de recollectione quotidiana*, confecit, & intra triduum *Brune* laudatissimum illud & sat longum opusculum *de Fratribus Coadjutoribus Soc. JESU*; addidit se *Angelum suum Custodem pro Bibliothecario & Amanuensi* habere, quo sensu hoc accipiendum esset, non explicuit.

Ad Sanctorum Angelorum custodiam spectare etiam videtur, quòd in multis periculis servatus sit,

fit, quæ aliàs humanæ prudentiæ imputare non possumus: verba Patris ipsius ex arcano libello referam: *quinto vel sexto ætatis anno dua currûs rota equo tridente utramque tibiam ejus supergressa, non modò non fregerunt illas, sed nè levissimo quidem dolore tenuibus tibialibus testas affecerunt.* Cùm iter faceret *Cracoviâ Leopolim*, pervenerat ad fluvium *Vislek* situm inter *Tarnoviam* & *Denuicam*, latè satis ac profundè fluentem, qui nonnisi magno navigio superatur; tenebræ post Solis occasum ingruentes, imò ipsa nox vicina properare iter suadebat, at navigium deerat. Fiduciâ in DEUM excitatâ juvenem aurigam jubet, flumen ingredi: nullum periculum se objecit, currus, vix rotis aquâ tinctis siccus omnino exivit, cùm tamen in reditu paulò post solito remigio omnino utendum fuerit, nisi perire vellet. Cùm eques ipse in causa Collegij in *Ulsie* reverteretur, trabem ante se sitam non advertens, magno impetu in eam fronte incurrat; conterritis & periculi magnitudine conclamantibus omnibus, P. *Nicolaus* dolorem nullum persensit, & cùm frontem *Patres nostri* inspicerent, nec rubor ullus, multò minùs livor, aut aliquod vestigium tam gravis percussionis apparuit.

Minimum est, quod sequitur, sed magnum Divini favoris argumentum: Medicorum svasu fonticulus in carne aperiendus erat sectione Chirurgi; is sive inscitia, sive alia de causa locum ido-

neum invenire non poterat, jamque in plures annos res protracta erat, dum foveolæ locus quæretur; pertæsus tam longæ expectationis Pater, ad DEUM recurrit, & post fusas preces sponte fonticulus aptissimo in loco aperuit sese, & sinè ulla Medicorum ope fluere cœpit, *Patre Nicolao* beneficium agnoscente, & DEUM laudante.

CAPUT X.

Varios morbos curat, cæcis aut cæcutientibus lumen restituit.

TOt *Venerabilis Pater Nicolaus* ægrotis, & periculosè laborantibus opem attulit, ut ipsâ frequentiâ curationum in ægrotis spem excitaret, ex qua deinde spe plurimi curarentur, ut, quò accederet *Pater*, eò certa salus & vita accedere crederetur. Referam in Exemplum paucula, sed testimonijs, & instrumentis, ut vocant, ritè firmata: multis annis pedum dolore laborat *Stanislaus Kucborsky Castellanus Siprcensis*, Vir opibus & *Senatoria dignitate* (sic Proceres appellant in Regno *Poloniæ* illustris, gravi negotiorum publicorum detrimento, cùm domo ad consilia, & Senatorias Functiones efferri opus haberet, & tot fortunæ, & Reipublicæ munijs obundis par non esset, singulari suorum mœrore, qui

ab

ab homine prudentiâ conspicuo, magna meritò expectare potuissent, grallis indecorè nitebatur, quoties gradus faciendus esset. *Castellani* hujus ædes, cum *P. Nicolaus* Anno 1633. famliariter subiisset, inter amica colloquia, repentè grallam quâ nitebatur, *Stanislao* ex manu surripit, affirmans non decere tantam Viri dignitatem his fulcris ligneis inniti; exclamat *Stanislaus* ad periculum, se cadere, & pedibus consistere non posse, sed inter ipsum periculum ruinæ, animadvertit se pedes sanos & obsequentes habere, ac firmiter consistere, & progredi posse. Vixit diu curatis pedibus, & descriptâ rei totius, ut gesta erat, historiâ, miraculum evulgavit, multis de ea re literis totâ Poloniâ sparsis; insuper, ut erat Vir liberalis & magni animi, *Collegio Polonia Plocensi* supra decem millia ultimâ voluntate donavit. Qui miraculum hoc descripsit *P. Casimirus*, fatetur quidem aliquod indicium claudicantis in posterum prætulisse *Stanislaum*, sed tamen cum decoro & integrâ pedum sanitate; quod ipse *P. Nicolaus* in curatione innuerit, cum diceret: *Stanislai non plenè convalescisti, quia non plenè credidisti.* Cœlestem & medicam opem in se expertus idem *Stanislaus*, filiæ quoque suæ *Mariana*, quæ postea *Pomerania Castellano* in manum venit, videndi facultate per annos plurimos destitutæ, per *P. Nicolaum* visum restitui optavit; at quia audierat *P. Nicolaum* ægrè

induci posse ad aliquam ejusmodi curationem, si res miraculo acciperetur, accedit dissimulanter, & narrat, filiam suam domi langvere, & oculis excruciaci; proinde rogare se *Patrem*, ægram inviseret, & oculos ægrotantis inspiceret, si quid fortè remedij & consilij haberet; interim in animum induxerat bonus Parens, illo *P. Nicolai* attactu, aut etiam solo aspectu malum pelli posse. Multis precibus fatigatus *P. Nicolaus* ad ægrotam venit, aquâ lustrali toto gynæceo præsentem domum conspergit, tum Virginem Illustrissimam afflictam blandè solatus, videndi & tangendi palpebras veniam sibi fieri reverenter à Virgine postulat; vix attigerat, & Crucis signum lenissimè oculis impresserat, momento restitutus est visus, *Marianâ* præ gaudio lachrymante, totòque domesticorum, & domesticarum choro lætis vocibus sanitatem gratulante, & *P. Nicolao* gratias agente; quæ fama deinde totam *Poloniam* admiratione miraculi complevit.

Sequens exemplum, quod in *P. Casmiro Kajalovvitz* patratum esse nihil dubito, ipsius verbis recitabo: *Fuit quidam Sacerdos Præfectura P. Nicolai in tertia Probatione subiectus, corporisque ac animi agitudine pariter afflictus, quod à conclusa Theologia prima, oculorum dolore & fluxu per tres ferè menses graviter invalescente, non leviter metueret, nè ad officia Societatis secutum ineptus redderetur.*

retur. Rogavit igitur à P. Nicolao, pro ea, quâ utebatur apud eum benevolentia, ut quandoquidem alijs copiosa à Divina Benignitate in eorum necessitatibus impetraret auxilia, sibi quoque in presenti non deesset casu. Risu tamen & verbis ad increpandum compositis expeditus, nihil præter spem semel susceptam retulit; malo ità aucto, aut continuato, ut nè quadrantis spatio sinè gravi defatigatione librum versare liceret, & quoties ad mensam religiosam prælegendum esset, oculorum altero per vices clauso, utendum esset, pluribus diebus spe dilatâ, & quasi oblivioni traditâ. Circa crepusculum (quod etiam integerrimis oculis grave sit necesse) Pater Nicolaus Sacerdotem illum adit, mandatum ab Adm. R. P. Vincentio Caraffa missum, quo in virtute obedientie præcipiebatur, ut quacunque singularia DEI dona circa se experiretur, in Urbē descripta mitteret, exponit: eumque pro describendo libello justâ magnitudinis designat. Tacente Sacerdote negasset oculorum defectus obsequium, nisi mens non vana subiisset, eâ ratione expetitâ prius opem offerri. Invocatâ igitur per ejusdem merita Divinâ Clementiâ, characterem Patris ager arripit, eoque oculos defluentes simul & semel instantaneo succursu, doloribus & fluxu abstergit. Recurrerunt quidem aliquoties punctura fugati doloris, sed adeò leves ac nullæ, ut vix sentirentur; qdèò fugaces, ut quoties character ille Medicus applicaretur, prorsus diffugerent,

rent, donec re P. Nicolao ex vero relatâ, postulatum ab eodem, ut postero tempore imperaret fieri secundum fidem hanc. Factum est, ac fit, aliquot supra decennium annis nullis signis vitiosis redeuntibus, ut benedicatur semper benedictus à seculo in servis suis Dominus. Hæc P. Casimirus. Quam curationem ad ipsum pertinere stylus, & affectûs, quo narravit, teneritudo conjecturam prudentibus præbet, & satis evidenter ex illo probatur, quòd agroto oculis, DEI dona, in se collata, P. Nicolaus describenda commiserit; P. Casimirus verò libri sui principio, Præfatione ad Lectorem, alibique sæpiùs fateatur, se DEI dona, & gratias scripto esse complexum, jussu Adm. R. P. nostri Vincentij, ipsomet P. Lancicio dictante.

Ad oculorum quoque curationes pertinet, quod nunc adfero: ibat Nefvisio ad Residentiam, Probroyscensem visitandam, tum Provincialis P. Nicolaus, cùm in via (Stuckum locus dicitur) vir oculis prorsus vitiatis, magno clamore dolorem, qui in oculis acerrimus est, contestans currit. Pater Provincialis in occursum sciscitatur, quid sibi in conditis istis clamoribus velit, quid doleat, quid ejulet? respondet miser: oculorum se dolore tanto, tamque continuo cruciari, ut explicari non possit, jam etiam omnes Medicorum artes superare malum, & pecuniâ frustrâ expensâ Medicos à se abijisse; subridens P. Nicolaus: Non est, inquit,

quit, *quod ultrà crucieris ! sol nimius te perstringit !*
hinc ille dolor ; en tibi meum strophium , quo oculos
contra lucem obtegās , satis scio malum omne subla-
tum iri. Nec plura Pater : currum conscendit
 (nam antè ad cæcum descenderat) paruit cæcus,
 & oculis obligatis ire perrexit ; dùmque solem ma-
 ximè vitat , lucem & solem diu antè non visum
 innoxie , & inposterum semper hilariter salutavit ,
 ac ex itinere revertentem Patrem , in publica via
 suum illuminatorem esse , & qui sibi oculos red-
 diderit , publico præconio appellavit cum gratijs ;
 at Pater in solem prudenter vitatum speciem hanc
 miraculi tetulit , joco sinè dubio , cùm appareret
 unâ solis absentiâ , aciem oculorum , & vigorem
 momento restitui non potuisse , neque tam acer-
 bos dolores auferri.

CAPUT XI.

Iterum de eodem morborum argu-
mento. Hernia & procidentia viscerum
Patris Nicolai oratione brevissimâ con-
stringitur.

Felicem & medicam manam DEUM servo
 suo P. Nicolao dedisse pluribus exemplis do-
 cuimus, reliqua cùm in fine motus sit velo-
 cior,

cior, brevissimè perstringemus: Laborabat febre *Marescalli Litvanie filius Casimirus Tyskievvicz*, hunc ægrotantem cùm invississet *P. Nicolaus*, impa-
cto levi colapho momento persanavit, febre
nunquam reversâ. Hujus curationis testem omni
exceptione majorem habemus *Illustrissimum Do-*
minum Georgium Tyskievvicz Vilnensem Episcopum.
Geminum est, quod jam adducam: *Illustrissimi*
Domini Casimiri Sapieha, magni Ducatus *Lithva-*
nie Procancellarij Nobilissima Conjux atrocissimis
capitis doloribus excruciabatur adeò, ut nullam
neque diurnæ, neque nocturnæ quietis partem
capere posset. Hanc *P. Nicolaus* adiens, quasi per
jocum lenissimâ manu percussit, continuo dolores
omnes abscessere; notavit *P. Casimirus Kojalo-*
vvicz multos varijs doloribus pressos simili ratio-
ne & attactu esse curatos.

Roma alia suppeditat exempla: exierant cum
P. Nicolao Tusculum animi causâ aliquot è Socijs;
in itinere sociorum unus aliquis, *Paulus Soriolanus*
nomine, tantis repentè torminibus & tormentis
viscerum exagitari cæpit, ut iter continuare nullo
modo posset; negabat se per omnem vitam majores
persensisse dolores. *P. Nicolaum* ex proximo
advocat, & precum auxilium exposcit; is protinus
ad orationem conversus, per *Divi Ignatij* me-
rita supplicat DEO, nè relaxationem animi, quam
ex obedientia quæсивissent, tam intempestivo
tem-

tempore abrumpi sinat; ubi ab oratione surrexit *P. Nicolaus*, surrexit etiam *Soriolanus*, & nullo doloris vestigio relicto lætus iter suum prosequitur, totumque hoc *P. Nicolai* precibus dedit. Geminum prorsus est, quod cum *Nicolao Cosmanno* contigisse authores habeo.

Illustrius est, quod sequitur: multorum mensium spatio gravissimè cum febris conflictabatur *Stanislaus Porembsky* noster, cui Romani Medici nequicquam remedium adferre tentaverant, imò prædixerant accessuram ad febrim phthisim, quæ Juvenem conficeret, nisi cælum, *Romanum* scilicet cum Patrio Polonico commutaret. Hâc denunciatione magis quàm morbo dejectus *Stanislaus*, ad *P. Nicolaum* tum Romæ præsentem, auxilij petendi causâ accurrit, invocaret pro se *Beatum Stanislaum Kostkam*, excitatâ interim spe, si id à Beato Pater *Nicolaus* peteret, certissimò quod petebatur obtenturum. Contempsit, aut potius neglexit postulata *P. Nicolaus*; sed mox cùm Sacerdotalium precum pensum absolveret, interiore imperio adactus, nihil antè de ea re cogitans, percelli se sensit, & magno impetu hæc verba, quodammodo in os inferi, & effundi: *In virtute DEI per merita Stanislai impero tibi febris, ut omnino discedas, & non redeas ab hac vice ad Stanislaum.* Proripuit se deinde ad ægrotum, & spem certam sanitatis habere iussit, febre inposterum
ema-

emanente. Expertus hunc tam facilem curationis modum Stanislaus, capitis dolore, & ventriculi vagis cruciatibus vexatus à Philosophia scribenda removebatur à Medicis, qui ad extremum ipsam lectionem scriptorum vetuerunt, ad *P. Nicolaum* iterum recurrit, iterumque curatus est.

Neque modò *P. Nicolaus* ægròtos præsens curabat, sed etiam per internuncios morbis imperabat: ità factum cum *Gorvazevius* febre molestissimâ & magnum dolorem deferente jactaretur; misit enim pro se *Melchiorem Zbieravsky* cum mandatis, feбри ediceret, ut protinus ab infirmo discederet; simul dixit mandatum, febris discessit. Idem probatum est in filio *Domini Zapolsky Dapiferi Siradiensis* jam moriente, & à suis deplorato, cui missa *B. Virginis* precatoria à *P. Nicolao* corona reddidit sanitatem. Quin ipse adeò aspectus *P. Nicolai* cuidam *Ioanni Kaliczky* An. 1620. ut refert *P. Kojalovvicz*, in periculo succurrit: hærebat in gutture toto die ossiculum transversum, & Juvenem penè enecabat; adductus ad præsentiam *Patris*, qui tum temporis exhortationem habebat ad Socios; videt alio atque alio vultu & vario inter dicendum apparere, eoque aspectu attonitus periculum & dolorem amisit.

Memoratu & illud dignissimum est, quod *Pra-gæ in Professorum Domo* in amicissimo & familiarissimo meæ ætatis Juvene *Societatis nostræ Religio-*

gioſo, patratum eſſe, fide Sacerdotali interpoſitâ teſtari poſſum. Anno 1641. hernia inobſervata primùm, tandem unius & mediſ intervallo anni, ac fortè ampliùs, ità excreverat, ut aliquando grefſum commodè figere, & progredi non ſineret; accedebant acuti dolores, & punções viſcerum extra naturalem locum pendentium, præcipuè in mutatione temporum moleſtæ; jam diſſimulari malum non poterat; juvenis cui in *P. Lancicio* erant omnia, ad eum *ex Collegio Antiquæ Urbis Pragenſis*, ſeſe confert; erat feſtus dies, & *Pater*, ut ſolebat, & Lib. I. narratum eſt, muſicæ piè intentus, totus divinis affectibus diſſuebat, non procul à Muſicis ambulando: explicat dolorem Magiſter, conſiliùmque & auxilium à *Patre* poſcit; ille ubi rem totam percepit: *quid*, inquit, *clam me rem tantam eſſe voluiſti? cur non priùs tuam hanc neceſſitatem aperuiſti?* mox elatis in Cœlum oculis, nescio quæ ſacra verba pronunciat, quæ notare *Juvenis* dolore prohibente non poterat, ſimul juvenis manu inviſibili læſam corporis partem ſentit apprehendi, & magno conatu conſtringi, ac niſi res in publico acta fuiſſet, dolor exclamare coëgiſſet; ſed ab eo tempore non ultra progreſſa eſt hernia, neque tamen ſublata, ſed nè impedire ambulationem poſſet, elata & tam fortiter adſtrieta, ut per quadraginta & ampliùs annos nullo ligamine opus eſſet, & ſe ad curſum, & ad
omnes

omnes necessarios labores idoneum &abilem;
non secus quàm si herniâ careret, experiretur,
omni in posterum dolore, & molestia, quæ ex mu-
tatione temporum oritur, vacuus & absolutus.

CAPUT XII.

*Paupertati & inopiæ Collegij sui
auro mirabiliter invento succurrit. Aëris
& maris tempestates grano S. Joannæ componit.*

*Patrem quendam morientem attactu cre-
pidæ restituit sanitati.*

Liberalem animum, & maternum in suos a-
morem, dum Rectoris partes ageret, jam
Lib. 1. cap. 14. prædicaveram satis, quem
DEUS miraculo vini non deficientis, & inexhau-
sti, sibi placere ostendit; aliud simile eoque ma-
jus, quod in grandi pecuniæ summa (nam pecu-
nia virtute omnia humana, quæ dari possunt, con-
tinet) contigit, adducam: Rectoris nomine Colle-
gium Califfiense regebat, quod ita obæratum, & ab
omnibus, quæ vita humana reposcit, præsidij nu-
dum invenit, ut nulla ratio humana appareret pau-
pertinum illud Collegium sustentandi; ergo, ut
solebat P. Nicolaus, ad DEI opem conversus, ne-
cessitates Collegij fidenter in oratione aperit, ni-
hil dubitans, paternum DEI cor ad preces filiorum
möl-

molliendum, & aperiendam manum ad benedictionem. Finita oratione, quam antea cistam vacuum tristic reliquerat, aperit, & aliquot centenis florenorum onustam reperit, cum constaret nullum mortalium tam subito pecuniam inferre potuisse. Quod cum Socijs latus retulisset Pater, adiecit: sibi experientia cognitum, DEUM in extremis necessitatibus succurrere, quando non solis humanis industrijs, sed vivâ & indubitata fide creditur Evangelio, & Regulæ in illo dicenti: *Quærite primum Regnum DEI, &c. Regulæ* verò nostræ: *Quò quis se liberaliorem erga DEUM* (addebat, & servos suos domesticos) *exhibet, DEUM pariter erga se, & suum officium modo admirabili liberalem experietur.* Majus & clarius Divinæ liberalitatis documentum accepit, cum *Provincialis Litvania* munus deponeret:angebatur maximopere *P. Nicolaus*, quòd in aptanda in Societatis commodos usus, varia *Collegia* septem Polonicorum florenorum millia expendisset, idque æs alienum successoris persolvendum, & molestam curam relinqueret; idem quod nuper & *P. Nicolaus* orando, & DEUS dando facere dignatus est: dum *Archivi* literas excutit, quinque millia florenorum apparent, néve existimaretur antiquum aliquod depositum, & non recens donum esse, erat moneta prorsus aurea, & tam floridi & fulvi metalli, quasi jam primum ex monetaria officina prodijisset, & ab ea

caleret. Duo reliqua florenorum millia sub idem tempus, *Vir pius*, & *P. Nicolao* peramicus, licet nihil de necessitate Patris audierat, donavit; ita simul timore omni absolutus est *Pater*, satisque pa-tuit DEI providentiam, *quæ attingit à fine ad finem fortiter, & disponit omnia suaviter*, huic liberalitati Ducem & Authorem fuisse, nam septem mil-libus quæ debebat *Pater*, nec quidquam defuit, nec superfuit, & novitas auri, & subita inventio, & simultaneum inventionis & donationis tem-pus, quid cogitandum esset, ostendit.

Idem qui ad orationem *P. Nicolai* munificum se ostendit DEUS, etiam pericula ad ejus preces avertit. An. 1637. grandis & metuenda tempe-stas ante Olomucium stetit, fulminibus crebris & tonitribus passim per aërem decurrentibus, cum ingenti Civitatis & terræ concussione, & homi-num pavore; ad *P. Lancicium* quid ageret visuri, accurrere quidam Sociorum, intérque eos *P. Go-defridus Schubertus* (qui hæc memoriæ postero-rum consignata reliquit) tum *Pater* intrepidè *Cruce Caravacensi* arreptâ signum Crucis ex fene-stra in aëre format, & sacra quædam verba, quæ *P. Schubertus* non bene percepit, pronunciat; illi-co tempestas conquievit, & nigræ illæ nubes quasi laceratæ cœlo serenitatem restituerunt.

Eandem serenitatem & malaciam mari reddi-dit *P. Nicolaus*, cùm enim domum ex Italia per mare

māre Venetum navigaret, agitari fluctibus, & huc atque illuc projici cœpit, quā vehebatur, navis, magno Religiosorum Virorum, atque etiam nati-
tarum timore; tum P. *Nicolaus* in corona illorum *S. Joannæ* granum (quod semper è collo cum alijs Sanctorum reliquijs suspendebat in via) exi-
mit, eoque aliud granum attingens in fluctus pro-
jicit; vix immersum erat, detumuere fluctus, & optata quies mari reddita est. Hoc agebat P. *Nicolaus*, primum fuisse miraculum, quod suo *Joannæ* grano, & *S. Joannæ* invocatione patratum esset. Secuta sunt alia innumera, ita ut ab hisce granis admotis, in diversis Provincijs infinita propè mira-
cula, vel potius gratiæ, processerint, quæ *Annales Collegiorum* impleverunt. Opportunè ad granum *Sanctæ Joannæ* dicendum est, quā ratione illud do-
natum acceperit, quia speciem aliquam miraculi continet. An. 1630. cum Romæ esset (hujus narra-
tionis ipsum P. *Nicolaum* habemus Authorem) & Monasterium RR. PP. *Franciscanorum* adiret, ad portam constitit; residebat in eo Monasterio totius Ordinis *Minister Generalis* (si non fallit me-
moriam) à *Prato* nomine, qui nihil de adventu Pa-
tris suspicans, interno & repentino movetur, & monetur instinctu, ut unum aliquod granum ex Originalibus *S. Joannæ* secum deferat, & ei quem primum in porta Monasterij invenerit, donet; dū descendit, reſerata portâ, in *Ven. P. Nicolaum* in-

cidit, quo viso nullâ prece aut salutatione à *P. Nicolao* præmissâ, *Adm. R. P. Generalis*: *hic habet*, ait, *Reverentia vestra, quod petiturus venerat*, ac simul ei candidè monitum cœleste aperit, ac nè dubius Pater hæreret, legitimo & publico desuper instrumento postea confecto *Notarij Apostolici Sacrorum Rituum sigillo* (quod se vidisse & exemplar illius penes se esse *P. Schubertus* affirmat) communivit; hæc prima fuit grani illius sancti in has Provincias illati origo.

Exemplum de moriente Sacerdote nostro, & à *P. Nicolao* tum *Provinciali Poloniae* mirabiliter curato, diu dubitaveram, an apponere oporteret, quòd & nomen Patris non haberem, nec annum dicere possem, quo contigerit; sed cùm hæc longè extra *Poloniam* scribantur, & initio Libri hujus juxta decretum *Sanctissimi Domini Nostri Urbani VIII.* Protestationem præmiserim, hæc à me ad præstruendam viam ad Canonismum *P. Nicolai* non scribi, cùmque præterea magnum Authorem, quo niti possim, habeam, percensebo: *Cracoviam* venerat *Provincialis*, Collegium illud visitaturus, post aliquantulum temporis jam compositis viatorijs oneribus & negotijs, more suo *Valerudinarium* nostrum ingreditur, videt *Professorem Matheos* jacere à Medicis depositum, & oleo sacro ad luctam ultimam inunctum, instinctu Divino urgente, quo plerumque in hujusmodi minis
actio,

actionibus agebatur, crepidâ à pede suo detractâ agrotum tangit, & jubet protinùs, ac sinè mora surgere; surrexit æger illico, & sanitatem recepit nullo morbi vestigio relicto. Hæc P. *Casimirus Sarbievius Wladislai Regis Polonia Ecclesiastes* An: 1633. Provinciam nostram transiens pluribus Patribus nostris præsentibus publicè comemoravit.

Hic ego miris à P. *Nicolao* patratis finem necessariò impono, nam alia plurima adferri possent, sed ferè ejusmodi sunt, quæ famam tantum habent Authorem; si cui hæc non sufficiant, Librum primum consulat, in quo multa admiranda reperiet, quæ ego hinc repetere, & Cramben recoquere supervacaneum, & inutile esse putavi.

CAPUT XIII.

Magnorum Virorum prudentiâ, doctrinâ, rebus gestis, & authoritate illustriam, de sanctimonia vite P. Nicolai, tum etiam de opusculis, ejusq; spiritu judicia.

Libro primo hujus libri sparsim multa attuli de æstimatione Regum, Procerum, Ecclesiæ Præfulum, & omni nobilitatis, doctrinæ, virtutis merito Illustrium Virorum, qui P. *Nicolaum* noverant judicia, & quo in loco gratiæ, honoris & æstimationis apud eos vixerit, certis &

non dubijs documentis probavi ; hîc alia quædam non minùs certa adferam , unde res tota cognosci possit. Inprimis hoc mihi dari postulo : scripta illius & opuscula , ut ille appellare voluit, ab omnibus irrefragabilia habita fuisse , etiam ab ijs qui varijs de causis, quas nuper attuli, minùs favebant, sed neque oppugnari posse , eò quòd autoritate Sanctorum Patrum & Theologorum, quos semper citat, nitantur ; vitam etiam optimi Patris nunquam oppugnatam esse aut legi , aut memini ; sed qui Viro Sancto adversabantur, Sanctum Virum esse agnoscebant, aliqua tamen reprehendebant in dictis & factis, quæ eo tempore dici, aut fieri non oportuisse sentiebant , cum interea Vir optimus Divini spiritûs impetum ad hæc dicenda aut facienda incirantis cohibere non posset, & sæpe cum hæc aut illa dixisset, ut egomet animadverti, se dixisse ignoraret, meque sæpius interrogaret, an revera dixisset ; quæ prædictionem aliquam continebant, mirabatur se dixisse , quæ tamen omnia, evenisse scimus. Sed hæc omnia antè explicui, cum de causis adversitatum differerem ; ad propositum & testimonia maximorum Virorum accedamus.

Primum nominabo *Celsissimum Principem Ferdinandum à Fürstenberg Episcopum Monasteriensem*, Principem omni literarum genere excultissimum, qui mihi hujus libri scribendi Author fuit, & per

R. P.

R. P. Joannem Kloppenberg Soc. JESU semel iterumque significavit : habere se in animo , & antiqua *P Nicolai* opuscula duobus voluminibus comprehensa , & nova quæ excusa non erant , & apud diversos invenirentur , suis sumptibus imprimendi , additâ principio Tomorum , ut fieri solet , *R. P. Lancicij* vitâ , quam à me conscribi optaverat , cum inter paucos unus superessem , qui Patrem novissimè familiariter , ejusque consuetudine aliquot annos usus fuisssem ; sumptus omnes suppeditaturum se , & alia quæ requirerentur , ut nihil dubitarem de successu negotij. Hunc ergo potentissimum Principem , in Partibus habebam , quem mihi proh dolor ! mors inopinata sustulit ; atq; ego ipse subinde Apoplexiâ prostratus , manuum usu ad scribendum destitutus , ut initio Libri præfatus sum , hæc omnia quæ his tribus libris adduxi , Amanuensi meo dictare sum coactus. Jam ad antiquiora de *P. Lancicio* testimonia ,

Robertus Bellarminus Sac. Rom. Eccl. Cardinalis non semel dixit , dum *Collegium Romanum* regeret : *P. Lancicium* præ omnibus socijs charum sibi , & æstimatissimum fuisse ; idemque tribus ante mortem suam mensibus , An. 1621. cum facile ducentis & amplius milliaribus Româ distaret , manu propriâ literas dedit , ut sibi felicem mortem impetraret à DEO , & Purgatorium breve. Hoc *Chirographum* Cardinalis An. 1642. in *Provincia Boëmiae* vidimus & legimus.

Y 4

San-

Sancta Maria Magdalena de Pazzis, cum nunquam *P. Nicolaum* usurpâset oculis, utpote *Florentia* procul à *Roma* in *Cenobio* sui Ordinis degens, in quodam tamen raptu *P. Nicolaum* vidisse se *Patri Confessario* suo narravit, & totam vultûs & corporis constitutionem descripsit, ut *Confessarij* literæ *Romani* missæ testantur. Eadem *Sancta Virgo* quoties *Romam* ab illa aliquis proficiscebatur, *P. Nicolaum* amantissimè salutabat, munuscula spiritualia à se concinnata per *Nepotes* suos mittebat, cum eo raptus suos & cælestia lumina communicabat, & ejus sensum de ijs exposcebat. Nominatim *P. Nicolaus* nobis ostendit examen conscientia in quodam raptu A. 1592. 5. Aprilis factum, quod ego ipse legi, & adhuc aliquorum versatur in manibus.

Adm. R. P. Claudius Aquaviva, tum successor ipsius *Mutius Vitellescus*, tum tertius *Adm. R. P. Camffa*, quanti sanctimoniam *P. Nicolai* facerent, multis & indubijs documentis demonstrârunt: primus quidem perpetuo in Patrem affectu, & ejus visionum approbatione, atque etiam honoratissimis munijs delatis, cum quinto Sacerdotij anno, eundem *Collegij Romani* totius Societatis maximi, Præfectum spiritûs constituit &c. Alter ab illo bis eum *Provincialem Lithvania, & Polonia*, & antè etiam multorum *Collegiorum Rectorem* nominavit, & accusationes obtreçantium non recepit, imò

imò neque audire sustinuit. Postremus sub obedientiæ imperio, gratias, quas ei divinitus concessas esse sciebat, ab eodem annotari & sibi transmitti voluit, ut nemo dubitaret in magno pretio & æstimatione apud eos *P. Nicolaum* fuisse.

Idem ostendunt familiaritates & amicitia Maximatorum in Societate, atque etiam extra eam Virorum, nobilitate, doctrinâ, dignitatibus Ecclesiasticis, & Prælaturis, & sanctimoniâ vitæ Illustrum, quorum L. 1. fecimus mentionem.

R. P. Gualterus Mundbrod, qui uno excepto Generalatûs Officio maxima in Societate munia gessit, jam *Germaniæ Assistsens*, lecto illius de indicij profectûs opusculo, hæc ad eum scripsit: *Ad initium annuorum exercitiorum, quæ berî finivi, accepi à P. Bollando Antuerpiâ Reverentia vestra libellum de indicij & gradibus profectûs. Totum illis diebus secessûs perlustravi, cum magno meo gustu, & ut spero, fructu. Proinde non potui omittere, quin primas has post exercitia scriberem Reverentia vestra duplici ex causa: prima est, ut agerem gratias pro illo libello digno, qui ab omnibus suum profectum quarentibus legatur & practicetur. Altera, ut borter Reverentiam vestram ad alia opuscula plura perficienda, aut si perfecta sunt, pro censura offerenda. Cupio enim valde, ut omnia fiant publici boni, ad quod omnem meam offero opellam. Roma 3. Octobris Anno 1641.*

De P. Nicolai operibus sunt etiam illa, quæ ex literis R. P. Theodori Rosmer, Neoburgico Duci & Confessionibus An. 1641. 5. Junij ex Domo Probationis Mechlinensi datis describo: Legi opusculum P. Nicolai Lancicij, nihil vidi utilius solidiusque in re spirituali, pro ijs omnibus, qui vitam vivere cupiunt homine Societatis dignam. Vellem alicui meum esse animum, vel mihi vires mentis & corporis! efficerem, ut opusculum illud de indicijs profectus esset linguarum omnium, atque omnium manibus tereretur. Nec illa mea solum est opinio, sed quod pluris debet facere Reverentia vestra, qui in similibus rebus incanuit, vitamque trivit in rerum spiritualium tractatione; & volvendis Asceticis Authoribus, R. P. Fridericus de Tassis librum illum tanti facit, ut ex manu non deponat, putetque omnibus necessarium. Notandum P. Nicolaum edidisse id temporis unum tantum opusculum de Indicij profectus in virtute; quid si plura illius opuscula legissent, quæ postea duobus voluminibus, agente præcipuè R. P. Joanne Bollandò, magno illo, & nunquam satis laudato, ob vitas Sanctorum eruditissimis notis illustratas, Viro Antverpiæ prodièrunt.

R. P. verò Fridericus de Tassis Flandrobelgij Provincialis, cujus meminit R. P. Rosmer, hæc habet in literis ad P. Joannem Baptistam de Holland Pragam missis: Reverentia vestra multum mihi gratificabitur, si hoc charitatis obsequium in totius Provin-

vin.

vincia nostra commune bonum, prestare possit, quàm primùm, & quàm plurima ex Man: Srip: Rev. Pat. Nicolai Lancicij ad me mittere; de sumptibus, si ab alijs describenda sint, providebo: Fateor enim me luce illâ plurimùm posse juvari ad Majorem DEI Gloriam, & Proximi profectum spiritualem. Certè si illos libellos haberem, meâ manu omnes quàm primùm describerem. Lyrae 1. Augusti An. 1641.

R. P. Bernardinus Rosignolius, quantus Vir, & quanti nominis apud nos? si quem Instituti nostri callentem, & in rebus pro Gloria DEI aggrediendis imperterritum & fortem videret, solitus erat dicere: est alter P. Lancicius.

Primarius hujus Provinciae & à virtute singulari celebris Pater, publicè ad Nostros An. 1642. dixit: Si P. Lancicius nihil ageret ad DEI Gloriam & animarum salutem, quamvis agat plurima, satis Provinciae profuturum, si tantùm de Collegio in Collegium veheretur, & res Societatis, primùmque S. Patris spiritum, quem ipse Roma hausserat, Nostris inspiraret.

Quanti P. Nicolaum faceret Joannes Bollandus Societatis JESU Historiographus Sanctorum, Vir infinitæ lectionis, & incomparabilis doctrinæ, non tam verbis quàm rebus ipsis demonstravit; malo R. P. Danielis Papebrochij, qui Bollandi successit, ejusque vitam conscripsit (Tomo primo Martij) verbis quàm meis uti; hæc enim Capite 5. de Pa-
tre

tre Nicolao habet: Ex Provincia Litvania ad Bollandi charitatem recurrit sanctæ venerandæq; memoria R. P. Lancicius, & postquam tractatulos varios ipsi baud frustra commendasset ad prælum promovendos, tandem ingenuè fassus est, metuere se, nè si in Provincia post mortem suam relinquerentur, plurima commentationes suæ, inter variorum manus distractæ perirent: Romæque impetravit facultatem, baredem universorum instituendi Bollandum, dum ea adhuc in sua viventis potestate forent. Itaque cunctas lucubrationes suâ hætenus manu exaratas, Antuerpiam misit tali conditione, ut pro suo arbitratu judicioque imprimeret, supprimeret, expungeret, emendaret Bollandus, quæcunque libuisset. Tantam Sanctissimi Viri erga se fiduciam Bollandi operosa humanitas frustrari spe suâ quamvis magnâ & arduâ, baud quaquam passa est, sed edita, ineditaque hætenus, nullâ prorsus re mutatâ duobus simul Tomis curavit imprimi ab operum suorum Typographo, qui nunc in omnium versantur manibus, & nibilo minori piorum hominum fructu leguntur. Ex his R. P. Papebrochij verbis multa discimus; primùm: quanta P. Lancicij & ejus operum æstimatio sit, fueritque apud sapientissimos illos Patres, qui eum Sanctissimum & sanctæ memoria appellant; deinde affirmat R. P. Daniel in omnium versari manibus libros P. Nicolai, cum illud, Bollandum Virum eruditissimum tam perfectos ejus libros existimasse, ut

ut nihil in ijs, quod reprehenderet, aut emendaret, repererit.

R. P. *Philippus Alegambe* in Catalogo Scriptorum Societatis, Virum sapientiâ & virtute clarum P. *Nicolaum* vocavit adhuc viventem; at P. *Nathanaël Sorvellus*, qui post P. *Philippum* Bibliothecam Scriptorum Societatis JESU recognovit, & ferè altero tanto auxit, hæc ad P. *Nicolai* nomen adjecit: *Vir fuit sapientiâ & virtute clarissimus, apud Principes Viros summæ Autoritatis, atque ad duas Congregationes Generales Soc. I. septimam & octavam à duabus Provinciis Polonia & Litvania Legatus. Quin & à DEO singularibus affectum fuisse donis & gratijs, in curationibus morborum, prædictionibus eventuum, visionibus rerum cælestium, notitia secretorum cordis, affirmant complures, qui illi convixerunt. In exulceratis tibijs scatentium vermium carnificinam, altissimo silentio constanter dissimulavit. Tandem singulari vultus & animi quiete coram Ven. Eucharistia rogatu illius allata, ex ærumnosa hac vita, ad beatam (ut fas est credere) migravit. Caunæ 16. Martij (ego ex literis R. P. Floriani Malevsky Superioris Caunensis diem 30. Martij posui) Anno 1652.*

Aliorum quoque ex Ordinibus Religiosis magnorum Virorum testimonia adduci possent, & adducta quædam antè sunt prioribus duobus libris. RR. PP. *Cappucini* multum P. *Nicolaum* æstima-

bant.

bant. *Ven. P. Josephus à Jesu Maria* magnæ apud suos authoritatis, nec minoris gratiæ apud *Urbanum VIII.* cùm *P. Nicolaus Iglavia* degeret Anno 1639. ex *Monasterio* suo 4. milliaribus distito eum frequenter invisebat jam propè octogenarius, & horas integras in colloquijs divinis consumebat; cùmque à Patre reverteretur, & domum rediret, Nostris solebat dicere: *Fui apud Sanctum Patrem vestrum, redeo cælestibus doctrinis instructus ad meos*; appellabat *P. Nicolaum* Parentem suum; quòd ab eo *Romæ ad Sacram Religionem Cappucinatorum* directus sit. Huic quidquid haberet boni in acceptis referebat, idque se & *Romæ* & alibi publicè professum esse; jam 20. annis ejus aspectu caruisse, semper ab omnibus *Romæ* habitum esse *singularem spiritus Magistrum Patrem Nicolaum*. Seniores ex hoc Sacro Ordine Patres *P. Nicolaum* frequenter adijisse vidimus: *P. Valerianus Magni*, quid de Societate scripserit & senserit, orbi notum est; is tamen spiritum ejus magni faciebat, & apud *Moravia Procures*, tanquam verum & solidum, ut loquebatur, deprædicabat, & cùm nostra & nos malignè carperet, *Lancicium* excipiebat. Vidi ego (quod ex memorijs *P. Godefridi Schuberti* exscribo) cùm *Patrem Valerianum Olomucij* extensis quantum poterat ulnis amplecteretur suavissimè, rogans ut Societatem nostram amaret, neque dictis aut calamo proscinderet, ut faciebat: esse enim Societatem

tem JESU, & amabilis JESU &c. quod tanto cum pietatis sensu protulit Pater, ut adstantibus prope- modum lachrymas excuteret. Retulit hunc ample- xum P. Nicolai, atque etiam P. Petri Wadingi in quodam suo libro P. Valerianus, sed aliorum, quippe affectu sinistro occupatus, retulit quasi re- am esse se Societas agnosceret, & deprecaretur.

Sed longè teneriores, & solidiores affectus er- ga RR. PP. Carmelitanos Excalceatos prætulit Pa- ter Nicolaus, nec suum erga eos amorem & æsti- mationem dissimulavit: audiivi à Sene sæpins post Societatem charissimum sibi esse Ordinem Excal- ceatorum Carmelitarum; tum in laudes eorum ef- fusus, commendabat coram me, in Ordinis sui in- stituto rigidam, & inviolatam observantiam, tum alia quædam illustria virtutum documenta. Et re- spondebant affectu boni illi Patres, & quoties ob- viabant Nostis, aut Domum Professorum Pmgen- sem accedebant, sollicitè interrogabant, ut sanctus Senex valeret? quid scriberet? quid monitorum & documentorum de novo haberet? vidimus non- semel Magistrum Novitiorum suos Tyrones ad Colloquium spirituale adducentem ad Professorum Domum Pmgensem, qui jussu Magistri humi sede- bant ad pedes P. Nicolai, & spirituales doctrinas instillatas ab eo humiliter, & gratanter referebant. Ipse verò Adm. R. P. Prior, cum suos, ut amat in Religionibus fieri, exhortaturus erat, P. Nicolaum ad-

adibat, & argumentum dictionis, & puncta præcipua sibi tradi non erubescbat. Habebat enim *Pater* centuriam unam notatorum, in quam selectissima quæque conjecerat, quæ illorum Instituto accommodatissima videbantur, ut *P. Prior* auditibus nostris diceret: se ejusmodi res à *P. Lancicio* discere, quas de Ordine suo nunquam didicisset. Cætera argumenta magnæ æstimationis & amoris in Patrem hîc omitto.

CAPUT XIV.

Effigies & Lineamenta exteriora

Ven. P. Nicolai Lancicij.

HActenus animum *P. Nicolai*, ejusque à virtutibus & gratijs cœlestibus venustatem, quantum humanis oculis inspicere licuit, descripsimus, superest, quod multos desiderare scio, ut ejus corporis effigiem apponamus; consulenda igitur mihi erit senilis memoria, & ejus vetustæ imagines, quas ab annis 44. (tantum enim effluxit temporis, ex quo *Venerabilem Senem* ultimùm vidi) frequens ejus aspectus mihi impresserat, quamvis annis & morbis oblitteratæ, in medium proferendæ.

Fuit *P. Nicolaus* staturâ corporis supra mediocrem, non tamen inter maximos computandus; magni-

magnitudini corporis, capitis magnitudo, & humerorū decens amplitudo respondebat; nihil aut exile nimis, aut justam proportionem excedens vidisses; senio (non enim in virili ætate, sed penè in ultima, 60. & ampliùs natum annos describo) nonnihil humeris incurvatis procedebat. Vultus semper exporrectus & lætus, admixtâ gravitate, quadam, quæ cum multa cogitare secum ostenderet. Oculi hilares quidem, sed modesti, & à frequentibus lachrymis corrupti, & nonnihil madentes, nunquam totos vidisses sed semiapertos; nasus modicè longior, sed cum decore; os non rigidè clausum; quasi ad loquendum sese comparantis; frons lata, & genæ succi plenæ, neque ullâ macie confectæ; capillos & barbam, quæ ætate in totum canescebant, nunquam aluit, neque permisit excrecere; præcipuè barbam, quam ipse suis manibus forficulâ usque ad pellem detondebat, novaculâ non utebatur, consuetudine Romanâ & Clericorum Veteris Ecclesiæ id se facere dicens; manus, & manuum digiti pro magnitudine corporis grandes; habui post mortem *P. Nicolai* pollicem ad me allatum (qui nescio quomodo alteri cessit) longo post Patris mortem tempore vividum, & carneum totum, sinè ulla graveolentia, adipem, aut quidquid illud fuit, humorem stillantem, grandem, & qualem magnitudine nisi robusti Viri pollicem non inveneris. Manu sinistrâ, dum prodiret,

coronam quam vocabat parvam, continenter versabat, repetente Patre usitatas sibi, de quibus antè dixi, aspirationes. Utraque manus supra cingulum suspensa, nunquam demissiùs ferebantur. Cingulum rude, & semper ex panno, quod semel tantùm pectori adstringebat, nec nisi simplici nòdo, & unicâ ansâ claudebatur; vestitus simplex, quem semper ex panno vili habebat, utque semper mundus esset, diligenter curabat. Caput domi plerumque mitrellâ, & super eam quadrato, quem vocamus, pileo contegebat; si incedendum esset in præsentia Virorum honoratorum, quadratum in manu tenebat, pileolo seu mitrellâ in capite retentâ; nunquam eum concitato cursu ambulantes vidi, semper ea in re, sicut in alijs omnibus sibi similis fuit: cùm procedendum esset in publicum, pileo operto capite, & pallio cætero corpore contexto procedebat, quod pallium ejusque dextram partem sub manûs sinistræ cubito ita involvebat, ut nihil de manibus, aut digitis appareret, totusque pallio tectus, & clausus incederet: nunquam innixus humero parieti aut sellæ sedebat; denique ita omnia composita vidisses, ut nihil affectatum, nihil quod sanctitatem dedeceret in vestitu, capitis & oculorum motu odiosum deprehenderes, summam potiùs venerationem omnium præferret. Hæc ego observata à me in *P. Laticij* moribus, & exteriori cultu recordor, quæ hîc descripsi.

PROTESTATIO AUTHORIS.

Cum Sanctissimus Dominus Noster
URBANUS VIII. die 13. Mar-
tij An. 1625. in Sacra Congregatione S.
Romanae & universalis Inquisitionis De-
cretum ediderit; idemque confirmaverit
die 5. Julij An. 1634. quo vetuit im-
primi Libros Hominum, qui Sanctitatis
famâ Celebres è vita migraverunt, Ge-
sta, Miracula, vel Revelationes, seu
quacunque Beneficia, tanquam eorum in-
tercessionibus à DEO accepta, continen-
tes, sinè recognitione atque approbatione
Ordinarij, & quæ hætenus sinè ... im-
pressa sunt, nullo modo vult censi ap-
probata. Idem autem Sanctissimus die 5.
Iunij 1631. ità explicaverit, ut nimirum
non admittantur elogia Sancti vel Beati

coronam quam vocabat parvam, continenter verfabat, reperente Patre usitatas sibi, de quibus antè dixi, aspirationes. Utraque manus supra cingulum suspensa, nunquam demissiùs ferebantur. Cingulum rude, & semper ex panno, quod semel tantùm pectori adstringebat, nec nisi simplici nòdo, & unicâ ansâ claudebatur; vestitus simplex, quem semper ex panno vili habebat, utque semper mundus esset, diligenter curabat. Caput domi plerumque mitrellâ, & super eam quadrato, quem vocamus, pileo contegebat; si incedendum esset in præsentia Virorum honoratorum, quadratum in manu tenebat, pileolo seu mitrellâ in capite retentâ; nunquam eum concitato cursu ambulantem vidi, semper ea in re, sicut in alijs omnibus sibi similis fuit: cùm procedendum esset in publicum, pileo operto capite, & pallio cætero corpore contexto procedebat, quod pallium ejusque dextram partem sub manûs sinistræ cubito ita involvebat, ut nihil de manibus, aut digitis appareret, totusque pallio tectus, & clausus incederet: nunquam innixus humero parieti aut sellæ sedebat; denique ita omnia composita vidisses, ut nihil affectatum, nihil quod sanctitatem dedeceret in vestitu, capitis & oculorum motu odiosum deprehenderes, summam potiùs venerationem omnium præferret. Hæc ego observata à me in *P. Laticij* moribus, & exteriori cultu recordor, quæ hîc descripsi.

PROTESTATIO AUTHORIS.


Cum Sanctissimus Dominus Noster
URBANUS VIII. die 13. Mar-
tij An. 1625. in Sacra Congregatione S.
Romanae & universalis Inquisitionis De-
cretum ediderit; idemque confirmaverit
die 5. Julij An. 1634. quo vetuit im-
primi Libros Hominum, qui Sanctitatis
famâ Celebres è vita migraverunt, Ge-
sta, Miracula, vel Revelationes, seu
quacunque Beneficia, tanquam eorum in-
tercessionibus à DEO accepta, continen-
tes, sinè recognitione atque approbatione
Ordinarij, & quæ hætenus sinè ... im-
pressa sunt, nullo modo vult censeri ap-
probata. Idem autem Sanctissimus die 5.
Iunij 1631. ità explicaverit, ut nimirum
non admittantur elogia Sancti vel Beati

absolutè & quæ cadunt super personam: benè tamen ea quæ cadunt supra mores, & opinionem, cum protestatione in principio, quod ijs nulla adsit authoritas ab Ecclesia Romana: sed fides tantùm sit penes Authorem: Huic Decreto ejusque confirmationi & declarationi observantiâ & reverentiâ qua par est insistendo: profiteor: me haud alio sensu quidquid in hoc Libro de Vita P. Lancicij refero, accipere, aut accipi ab ullo velle, quàm quo ea solent, quæ humana duntaxat auctoritate, non autem di-vina, Catholicæ Romanæ Ecclesiæ, aut Sanctæ Sedis Apostolicæ, nituntur.

Bohuslaus Balbinus.

INDEX

INDEX CAPITUM.



INDEX CAPITUM.

LIBER PRIMUS.

CAPUT I. *Genus, ortus & prima educatio.* pag. 1.

CAPUT II. *Educatio Nicolai apud Hæreticos, & hæreseos tuenda studium.* 5.

CAPUT III. *Conversio Nicolai ad Fidem Catholicam, ad quam etiam Patrem adducit; ad Societatem JESU vocatur à DEO.* 8.

CAPUT IV. *Tirocinium Societatis, & Cracoviense, & Romanum sanctè transactum.* 14.

CAPUT V. *Studia Romana Philosophiæ, & Theologiæ; Scrupulorum, ut vocant, cruciatus divinitus depulsi.* 18.

CAPUT VI. *Virtutes quædam Nicolai, dum Studijs daret operam, quibus se potissimum ad Sacerdotium ritè suscipiendum comparavit.* 24.

CAPUT VII. *Nicolaus suscepto Sacerdotio vehementius ad Sanctitatem inflammatur; Romanorum de ejus Sanctitate opinio; visio quædam cælestis de ejus virtutibus, & quàm pretiosa anima illius fuerit in conspectu DEI.* 33.

INDEX CAPITUM.

CAPUT VIII. *Imponitur Patri Nicolao officium Archiva Romana S. I. excutiendi, & materiam pro Historia nostri Ordinis preparandi. Floret amicitiiis Sanctorum Virorum.* 36.

CAPUT IX. *Urbis Romae grandis de P. Nicolao aestimatio, & amor. Novo invento Beatorum & celebrium virtute hominum honores iterato promovet. Praefectus Spiritus Primarius Collegij Romani ab Adm. R. P. Claudio constituitur.* 43.

CAPUT X. *Qua via potissimum ad perfectionem Religiosam contenderit P. Nicolaus, & quod fundamentum spiritualis & sanctae vitae jecerit. Visio ejus mirabilis & optatissima de aeterna & felici praedestinatione.* 48.

CAPUT XI. *Venerabilis P. Nicolaus Romam in Provinciam remittitur. Diversa SS. Martyrum corpora Romam abiens impetrat, eaque per templa Collegiorum in variis Provinciis, ad cultum, & venerationem distribuit. Plurimas persecutiones mirabiliter oblatas fortissime tolerant; adducuntur quaedam earum causae.* 58.

CAPUT XII. *Praefectus rerum spiritualium constituitur; mira gratia in dirigendis ad vitam sanctam animabus, & suavitas conversationis.* 69.

CAPUT XIII. *Quam mirabiliter & amanter Sanctissima Christi Mater & Virgo P. Nicolaum de*

INDEX CAPITUM.

de SS. reliquiis sollicitum & marentem consolata sit, & omni timore absolverit. Accusatur de spiritu peregrino. 75.

CAPUT XIV. *Ven. P. Nicolaus gubernationi externorum & Nostrorum admovetur, & felicissimè Rectoris & Provincialis munus explet. Duo memorabilia exempla, quibus charitatem P. Nicolai in suos, & observantiam Religiosæ disciplinæ approbavit DELLIS.* 80.

CAPUT XV. *Gratia & Authoritas R. P. Lancicij, tum Provincialis apud Reges, & Proceres Regni Poloniae. Recitantur literæ P. Nicolai ad Regem Wladislaum. P. Nicolai Religiosa fortitudo recusantis legationem ab Instituto nostro alienam.* 87.

CAPUT XVI. *Gravis procella in Ven. P. Nicolaum Provincialem Præpositum à malevolis excitatur. Romam ad electionem Præpositi Generalis itineratò proficiscitur. Nova ejus commemoratio Romana. Ordinationes Præpositorum Generalium colligit. Cænobij Romani Turris speculorum dicti, curam itineratò suscipit magno Virginum sacrarum profectu.* 95.

CAPUT XVII. *Ven. P. Nicolaus pro Provincia Bohemiae petitur, & post annos quatuor multiplicatis precibus demum impetratur. Miraculum clepsydre in aëre pendentis. Infert Provincia Bohemiae SS. Martyrum corpora.* 102.

INDEX CAPITUM.

CAPUT XVIII. *Ven. P. Nicolaus utilissima omni
hominum generi opuscula conscribit, & quam
rationem in ijs scribendis tenuerit.* 108.

CAPUT XIX. *Ven. Patris Lancicij vivendi mo-
dus exterior.* 118.

CAPUT XX *Quanam Collegia in Provincia Bo-
hemie, & quam utiliter inhabitavit. Pericu-
lum vitæ à latronibus incurrit, amittit omnia
sua scripta charissima, quam jacturam patien-
tissime, & heroico prorsus animo perfert.* 124.

CAPUT XXI. *Ven. P. Nicolaus Praga in Professu
Domo aliquot annis commoratur. Rationem
Conscientia juxta morem Societatis Provincia-
li reddit; cujus exemplar repertum describi-
tur, & hic recitatur. Bellicis tumultibus in-
crescentibus in Poloniam redit.* 133.

CAPUT XXII. *Morbus supremus Ven. P. Nicolai
& felicissima mors, prout ipsemet vivens dis-
posuerat. ex P. Casimiro Kozalovvicz.* 144.

CAPUT XXIII. *De nonnullis, quæ post mortem
evenerunt, ejusdem Rev. Pat. Casimiri nar-
ratio.* 149.

LIBER SECUNDUS.

CAPUT I. *Studium humilitatis, & abje-
ctio sui.* 159.

CAPUT II. *Continua DEI memoria, & singulare
donum Orationis.* 173.

CA.

INDEX CAPITUM.

CAPUT III. *Ven. P. Nicolai in SS. Eucharistiam quotidiana pietas, & tenerrima in Mysteriis Fidei devotio; tum aliquid de affectu in Virginem Matrem, & Sanctos quos sibi colendos & imitandos proposuerat.* 182.

CAPUT IV. *Mortificatio sensuum, & in passiones animi perfectum dominium.* 189.

CAPUT V. *Amor Crucis, & in adversis mira patientia.* 202.

CAPUT VI. *Virtutes Theologicæ, ac Fides in DEUM Ven. P. Lancicij; mira ejus pietas in SS. Eucharistiam, ac Sanctos.* 216.

CAPUT VII. *Spes & fiducia in DEUM.* 224.

CAPUT VIII. *Amor erga DEUM.* 232.

CAPUT IX. *Amor proximi, & zelus animarum.* 246.

CAPUT X. *Quàm integrè & sanctè vota Religiosa, quibus sese Religiosi omnes DEO devovent, Ven. Pater observarit; additur aliquid de amore & veneratione Instituti Societatis JESU.* 257.

LIBER TERTIUS.

CAPUT I. *Ven. P. Nicolaus Lancicius nomen suum in Libro Vitæ legit inscriptum. Aliæ nonnullæ Divinarum Personarum apparitiones.* 275.

CAPUT II. *Crucifixi signum Patri Nicolao ma-*
Zs
num

INDEX CAPITUM.

- num exporrigit. DEI Mater apparens felicem sententiam Sancta Rota de Sancti Patris Nostri Canonizatione prima P. Nicolao nunciat. Idem premiatur ab Adm. Reverendo Patre Mutio pro laboribus in ea Canonizatione susceptis.* 279.
- CAPUT III.** *Venabilis P. Nicolaus eodem tempore duobus in locis apparet. Corporis ejus mira levitas & elevatio in Oratione. Lux oranti circumfusa.* 282.
- CAPUT IV.** *Arcana cordium divinitus intuetur, & cognoscit.* 287.
- CAPUT V.** *Plura in eandem rem exempla, ex quibus patebit arcana cordium Patri Nicolao DEO revelante cognita fuisse.* 293.
- CAPUT VI.** *Prædictiones.* 297.
- CAPUT VII.** *P. Nicolaus Sigismundo III. Polonie Regi primus Victoriæ de Roxolanis obtentam, item mortem cujuspiam à Nostis absentis nunciat. Simulatam cujusdam mulieris vitæ sanctitatem detegit.* 305.
- CAPUT VIII.** *Demoni devotam mulierem ad frugem reducit; duos demones ex obsessi corpore pellit; demonis in P. Nicolaum odium.* 309.
- CAPUT IX.** *Apparitiones quadam vitæ defunctorum. Angelorum ministerio, præcipuè Sancti Angeli Custodis, non semel usum P. Nicolaum exempla probârunt.* 315.
- CA.

INDEX CAPITUM.

- CAPUT X.** *Varios morbos curat, cecis aut cæcra-
tientibus lumen restituit.* 320.
- CAPUT XI.** *Iterum de eodem morborum argu-
mento. Hernia & procidentia viscerum Pa-
tris Nicolai oratione brevissimâ constringi-
tur.* 325.
- CAPUT XII.** *Paupertati & inopia Collegij sui au-
ro mirabiliter invento succurrit. Aëris & ma-
ris tempestates grano Sancta Joanna compo-
nit. Patrem quendam morientem attacta cre-
pida restituit sanitati.* 330.
- CAPUT XIII.** *Magnorum Virorum prudentiâ, do-
ctrinâ, rebus gestis, & auctoritate illustrium,
de sanâtimonia vitæ P. Nicolai, tum etiam de
opusculis, ejusque spiritu judicia.* 335.
- CAPUT XIV.** *Effigies & Lineamenta exteriora
Ven. P. Nicolai Lancicij.* 346.

F I N I S.



BIBLIOTECA NAZIONALE
ROMA
VINCENZO EMANUELE

FACULTAS

*Rev. Patris Provincialis Boëmiæ
Societatis JESU.*

Cùm Librum, cui Titulus est VITA VENERABILIS PATRIS NICOLAI LANCICII è SOCIETATE JESU, à P. Bohuslao Balbino Societatis Jesu conscriptum, tres ejusdem Societatis Sacerdotes recognoverint, ac in lucem edi posse judicaverint, potestate acceptâ à R. P. Nostro THYRSO GONZALEZ Societatis Jesu Præposito Generali, facultatem concedo, ut Typis mandetur. In quorum fidem hasce literas manu meâ subscriptas, & Sigillo Officij munitas dedi Olomucij 20. Julij Anno 1689.

Mathias Tanner.

FACULTAS

*Rev. Patris Provincialis Boëmiæ
Societatis JESU.*

Cum Librum, cui Titulus est VITA VENERABILIS PATRIS NICOLAI LANCICII è SOCIETATE JESU, à P. Bohuslao Balbino Societatis Jesu conscriptum, tres ejusdem Societatis Sacerdotes recognoverint, ac in lucem edi posse judicaverint, potestate acceptâ à R. P. Nostro THYRSO GONZALEZ Societatis Jesu Præposito Generali, facultatem concedo, ut Typis mandetur. In quorum fidem hæcce literas manu meâ subscriptas, & Sigillo Officij munitas dedi Olomucij 20. Julij Anno 1689.

Mathias Tanner.

